









JOANNIS CHRYSOSTOMI  
A SANCTO PAULO

Clericorum Regularium Pauperum Matris DEI  
Scholarum Piarum.

HEXAEMERON

*Metris expressum,*

ILLUSTRISS. AC REVERENDISS. DOMINO

ANNIBALI

ALBANO

CLEMENTIS XII.

PONT. MAX.

Ex Fratre Nepoti,

*Sancti Petri de Urbe Canonico,*

AUTHOR HUMILLIME' D.D.D.

*Collegium*




*Superiorum*

ROMÆ, apud Franciscum Gonzagam. 1705

*Superiorum permissu.*





# APPROBATIO.

**E**X commissione Reverendissimi Patris Paulini Bernardinii Sacri Palatii Apostolici Magistri legi quàm potui diligenter Librum Reverendi Patris Joannis Chrysofomi à Sancto Paulo Clericorum Regularium Pauperum Matris DEI Scholarum Piarum ; cui titulus *HEXAEMERON metris expressum*. Visum est mihi opus singulari diligentia laboratum, ornatumque multiplici eruditione, atque doctrina, proindè imprimi posse censeo.

*Carolus de Aquino.*

## APPROBATIO.

**E**X commissione Reverendissimi Patris Fr. Paulini Bernardinii Sacri Palatii Apostolici Magistri vidi Librum, cui titulus *HEXAEMERON metris expressum &c.* nihilque in eo reperi, quod aut Fidei puritati, aut morum honestati adversetur; immò mirari non desii facilitatem, qua Author carmine complectitur penitissima & Naturæ, & Divinitatis arcana, quæ sapientes vel soluta oratione difficulter obumbrari posse, fatentur. Quare Opus hoc dignum censeo, ut publica luce fruatur. Ex nostro Collegio S. Thomæ Aquinatis apud SS. Vincentium, & Anastasium de Urbe hac die 24. Martii 1705.

*Cajetanus Corazza Cler. Reg. Min.  
Sacrae Theologiae Lector.*

# PETRUS FRANCISCUS

A CONCEPTIONE

*Clericorum Regularium Pauperum*

*Matris Dei Scholarum Piarum*

*Præpositus Generalis.*

**C**UM librum, qui inscribitur HEXAEMERON,  
à Patre nostro Assistente Joanne Chryso-  
stomo à Sancto Paulo compositum duo Theo-  
logi ex nostris, quibus commisimus, recogno-  
verint, & in lucem edi posse approbaverint;  
Nos, si iis, ad quos spectat, ita videbitur, ut  
typis mandetur, facultatem in Domino conce-  
dimus. Romæ in Ædibus nostris Scholarum  
Piarum S. Pantaleonis die 24. Aprilis 1705.

*Petrus Franciscus à Conceptione Præpositus  
Generalis.*

Bernardus à Sancto Philippo Assistens,  
& Secretarius.

*Reg. fol. 141. à tergo.*

**IMPRIMATUR,**

**Si videbitur Reverendissimo Patri Sacri Palatii  
Apostolici Magistro.**

*Dominicus de Zaulis Episcopus Verulanus  
Vicesgerens.*

**IMPRIMATUR,**

**Fr. Paulinus Bernardinius Ordinis Prædicat.  
Sacri Apostolici Palatii Magister.**

AU-



# AUTHORIS INTENTIO

## AD LECTOREM.



ANTE quam in Ecclesia Catholica Sancti Thomæ Aquinatis motrix intelligentia sapientiæ suæ Solem ostenderet, ferè omnium Sanctorum Patrum consensus, non modò ab Aristotelis, & Platonis doctrina erat alienus; sed etiam Ethnicorum omnium philosophantium placita devitabat. Hi enim divinis inhærentes Scripturis, quicquid ab illis absonum suspicarentur, nullius autoritate Philosophi vel dignabantur assumere, vel leviter interpretari. Quandoquidem singulæ Philosophorum Gentilium sectæ intolerabilia contra Fidem Orthodoxam principia supponunt, ut docet *S. Ambrosius in Hexaemeron cap. 1. & 6. Chrysost. in Homil. super Genes. cap. 1. Hieron. in Eccles. cap. 10.*, & passim *Augustinus in Platonicos, in Epicuræos, & alios*, quorum doctrinas in 2. *de Civ. Dei cap. 7.* sine autoritate Divina prolatas inutilia esse inventa pronunciat. Aristotelis verò philosophiam *ibidem lib. 8. cap. 12.* Hæresim dicit, & cùm Platonicos affirmet minimùm à Christianis distare, *lib. de vera Relig.*

ij      A U T H O R I S   I N T E N T I O .

*cap. 4.* Nihilominus Platonem ipsum plurimis taxat : quorum locorum sententias , ut etiam cæterorum Sanctorum Patrum authoritates , longum esset afferre .

Verum quoniam ipsis ferè Sancti Thomæ temporibus Arabes in Hispania doctrinis Aristotelicis in Fidem Catholicam maximè invehantur , ut impiis illorum conatibus Sanctus Doctor occurreret ; non modò Commentatoris Averrois plurimas opiniones , & Textûs corruptelas confutavit ; sed etiam novis editis commentariis Philosophum subtilissimè interpretatus , propemodum sensu Christianum effecit . Et adversariorum armis , & spoliis instructus , contra Gentes stylum acuens , de tota infidelitate gloriosissimè triumphavit . Primus omnium verè Angelicus Doctor , non extimuit prophani Philosophi libros interpretari , attactuque incoinquinato enormes ejusdem versutias , & errores excurrere , ut aurum de stercore colligens , & finum sapientiæ luce collustrans , id præstaret emolumenti , quo methodicè sacra doctrina traderetur , & Peripatetica philosophia non nobis noceret . Quandoquidem ut ab eo commentis donatam , non amplius Peripateticam , sed Angelicam dixerim ; quia nihil amplius sapit , quod Aristoteles intendebat ,  
fed

sed quod Aquinatis ratio concludit.

Hoc sapientiæ genus idem Sanctus Doctor ex fine sibi præfixo ad obruendas Gentium, & Hæreticorum machinas, consuluit, dicens: Quod metaphysica disputat contra negantem sua principia, si adversarius aliquid concedit; si autem nihil concedit, non potest cum eo disputare; potest tamen solvere rationes ipsius. Unde sacra Scriptura, cum non habeat superiorem, disputat cum negante sua principia, argumentando quidem, si adversarius aliquid concedat eorum, quæ per divinam revelationem habentur; sicut per authoritates sacre doctrinæ disputamus contra Hæreticos, & per unum articulum contra negantes alium. Si verò adversarius nihil concedat eorum, quæ divinitus revelantur, non remanet amplius via ad probandum articulos Fidei per rationes; sed ad solvendum rationes, si quas inducit contra Fidem, *p. p. quæst. 1. artic. 8. in corp.* Ut igitur contra Hæreticos, tanquam summus Theologus procedit inferendo, ex revelatis principiis concessis, revelata ab illis non concessa: ita ut summus metaphysicus contra gentes processit, assumendo Aristotelicum textum, quem maximoperè commendabant, ut ex illius authoritate ad Fidei principia concludenda deveniret.

iv      A U T H O R I S   I N T E N T I O .

Hoc etiam fine Platonem potius sequitur Sanctus Augustinus, quam Aristotelem, quia suis temporibus Platonici frequentius Fidei dogmatibus insultabant; quamobrem inquit *lib. 3. contra Academicos*. Apud Platonicos me interim, quod sacris literis non repugnet, reperturum esse confido. Et mirum videtur quibusdam nescientibus hujusmodi finem, quamobrem S. Thomas, qui D. Augustinum in Theologicis ferè ad unguem sequitur, non potius cum ipso, Platoni adhæserit, quam Aristoteli. Sed finis intentus ab Angelico, ut gentes Peripareticas evincat, admirationem omnem de medio tollit. Nam tali fultus adminiculo facilius adversariorum munitiones contra scientiam Dei elatas destruxit; ut notat *Palavicinus in Historia Concilii Tridentini*, & alii.

Gassendus verò, & alii hujusce tempestatis Athomici, illæsa quidem Fide conantur principiis Democriti, & Epicuri physicas disciplinas redintegrare, quas ex vetustissimis monumentis, ubi diù fuerant sepultæ, effodere satagunt. Sed quia illorum finis non eò collimat, quò studium Sanctorum dirigitur, ut Fidei veritatem illustrent, immò ipsorum licentia plurimum periculi faceffit in rebus Theologicis; id-

idcirco ego, ferè in adolescentium gratiam  
 molitus sum hoc Opus metricum SEX DIERUM,  
 quo intendi, per Fidei principia revelata,  
 tanquam inter Fideles inconcussa, & concessa,  
 naturalium rerum creationem, conservatio-  
 nem, vicissitudines, & proprietates explanare.  
 Quia verò his recentioribus philosophis neque  
 Plato, neque Aristoteles placet, sed potius De-  
 mocritus; & nullus alius authorum ex antiquis  
 reperitur, qui hujusmodi philosophiam tractet,  
 nisi Lucretius; ut ipsis arrideam, Lucretium ver-  
 siculis imitor, & nihil cum Aristotele, nihil  
 cum Platone consentiens, aut cum alio quo-  
 cumque Gentilium philosophorum, ipsum præ-  
 terea Democritum excludo, & dumtaxat cum  
 sacris literis eos convenio, ulterius sensu, &  
 ratione differens, ut ipsa ratio, aut opinio per  
 se suffragentur veritati. Id verò consilii fuit,  
 ut juvem eos, qui carmine delectantur,  
 in quorum gratiam aliquid opinativè cudere  
 studeo, ut dum ipsis minùs sapit Peripateticus  
 stylus, saltem non displiceant Fidei principia.  
 Quinimò, dum Lucretii metris incauta juven-  
 tus enixè studet, & plus justo delectatur, quæ-  
 rens doctrinæ novitatem, virus inibi offusum  
 potat, & perniciosius maximis animum imbu-  
 it; operæ pretium est, viam aperire simili metho-  
 do,

vj      A U T H O R I S   I N T E N T I O .

do, ut possint opinari satis in admirabilibus Dei operibus, salva penitus Fide, non inveniētes opus, quod Deus est operatus, neque id negantes, aut in dubium revocantes, quod est revelatum.

Hoc ipsum fuit antiquis Sanctis Patribus usitatum, ut cognosci faciliè poterit, si legantur Chrysostomus, Basiliius, Ambrosius, Augustinus, & reliqui, ut notat *Molina par. 1. de opere Sex Dierum disput. 5. Cabeus in metheor. Aristotelis lib. 1. text. 72. quæst. 5.* Ponentes sacram Scripturam, & Fidei dogmata pro norma, & regula veritatis. Quamobrem in iis, quæ ad veritatem spectant, non mihi videor multum abesse ab illibata D. Thomæ doctrina, & intentione, quam satis novi periculosum esse deferere. Quicquid enim ad opiniones attinet, ipse sanctus Doctor mihi satis indulgeat pro hac parte, quam scopo prætendo attingere, ut Democriticis aliquid concedens, aliquid cum ipsis opinatus, cætera compellam benè sentire de Fide, & potioribus philosophiæ maximis adhærere. Minimè enim refert hoc, vel illud opinari, quod opinabile circumfertur, conscientiam tutam. Sed maximè interest à veritate Fidei deflectere, atque talia disputatione concludere, quæ aut nihil ad veritatem con-

con-

conducunt, aut aliquid à veritate ipsa deducunt. Ipse enim Angelicus plurima problematicè defendit, quæ scientiam non lædunt, plurima etiam ex Aristotelis sententia discerpit, ut cum Aristotelicis rem agens, facilius in suam sententiam trahat; cujus ingenii finem satis abundè quilibet animadvertet, si legat ejus summam adversùs Gentes.

Hinc igitur, quia cum Christifidelibus rerum naturalium negotium aggredior, non ex visibilibus ad invisibilia Dei rimanda procedo, ut moris est antiquis philosophis; teste Gentium Apostolo, qui commutaverunt veritatem Dei in mendacium. *Rom. 1. 25.* Sed ab invisibili Deo, rerum omnium Creatore, qui omnia quæcumque voluit, liberè, & in sapientia fecit; exordior: Deo enim præeunte nullus officit obex: quem cum fide teneamus, antè omnia sæcula, & mundi constitutionem per se Ens, quod est, simplicissimam, immutabilem, æternam, & perfectissimam Unitatem; Mentem, quæ omnia intelligit: Voluntatem, quæ omnia potest; ipsumque verè Deum vivum super omnia, Unum, Verum, Bonum, sibi sufficientissimum, nullius rei à se distinctæ indigentem, eundem Personis Trinum antè res omnes, & rerum sæcula in se subsistentem confitea-

viii]      **AUTHORIS INTENTIO.**

finiteamur : Hoc ipsum universalissimum Principium , & Causam liberam omnium à se creabilium procul omni dubio affirmamus . Quæ omnia cum à pueris ex fidei dogmatibus didicerimus , pro physica institutione non est opus inter nos prolixè disserere ; sed ultrò concessa pro veritatis indagine , tanquam principia inconcussa in Prolepfi statuimus , & supponenda præmittimus .

Ex his verò fatis manifestè apparet , materiam, mundum , aut motum non fuisse ab æterno , ut ponebant antiqui Philosophi , de qua positione fusè *Pererius lib. rerum natur. 15.* Nàm Deus ipse dixit, & facta sunt, ipse mandavit, & creata sunt, *Pf. 148.* Et indè ait Christus ad Patrem , *Jo. 17. 5.* Clarifica me tu Pater apud te ipsum claritate, quam habui , priusquam mundus esset, apud te . Neque aliqua necessitate inchoatum à Deo esse mundum , aut motum, aut tempus, aut aliam quamlibet creaturam ; cùm omnia liberè agat ad extrà; neque quicquam ab eo diversum à se dimanet , aut necessariò , aut sua spontè , sed absolutissimâ voluntatis suæ libertate, ac providentiâ ; ideòque neque casu aliquo quicquam contingit ; quia sapientia Patris æterni , quæ Verbum Divinum est , de quo dicit *S. Jo. 1.* Omnia per ipsum



# AUTHORIS INTENTIO. ix

ipsum facta sunt , & sine ipso factum est nihil . Ità in *Ecclesiastico cap. 24. 5.* inquit : Ego ex ore Altissimi prodivi primogenita antè omnem creaturam ; & omnia præcedens cum sit una , omnia potest ; & in se permanens , omnia innovat . Attingit ergo à fine , usque ad finem fortiter , & disponit omnia suaviter , *Sap. 7. 24. & 8. 1.* Quamobrem illud Ethnicorum axioma : *De nihilo nihil fit* , in Deo nullum habere locum docemur : Cum ipse de nihilo faciat omnia ; & omnia in nihilum redigere possit ; sicut etiam , si velit , potest totum in totum commutare , quod est conversio ; seu substantiam in aliam substantiam invertere , quod est transubstantiatio ; aut etiam immutare accidentia rerum ; aut aliud simile , quod excedit naturæ vires . Quæ omnia consequenter in Primæ Diei opere attingimus , reprobantes Philosophorum erronea principia , & Catholicum dogma confirmantes .

Indè verò , quia quod de nihilo factum est , aliquid existit ; cum causam universalissimam efficientem Deum posuerimus , & finem universorum , quæ sunt , ultimum , & perfectissimum : nàm universa propter semetipsum operatus est Dominus , *Prov. 16. 4.* Inquirimus de ipsis principiis , & elementis intrinsecis , quæ mun-

X      A U T H O R I S   I N T E N T I O .

mundum constituent . Quamvis autem universaliter loquendo omnia mundi hujus corpora intelligantur constare materiâ primâ , & formâ tanquam partibus essentialibus ; nihilominus pro præsentî naturæ statu à Deo sic voluntariè constitutæ , una materia informis , aut formata unico formæ substantialis actu , non sufficit , ut totus hic mundus constitueretur ; itaut si Deus creasset unam materiam primam , & simul cum ipsa non concreasset diversas formas , nunquam hujusmodi materia informis fuisset appetitiva diversarum formarum , & nunquam ex illa sola potuisset naturaliter emanare alia , & alia forma : & etiam si materia una fuisset unicâ formâ formata , nunquam exinde potuisset à natura fieri aliud . Propterea statim in principio temporis tria pronunciantur creata , coelum , terra , & aqua , & subsequenter per dies lucem , firmamentum , cum aquarum divisione , Solem , Lunam , stellas , & planetas intelligimus eâdem creatione producta : eadem est enim Dei actio , quæ de nihilo facit , & facta conservat , mutat , distinguit , & perficit , & jugi gubernatione operatur . Et cum creatio tendat ad totum ens , non ad ea quæ sunt entis , propriè non dicitur materia prima , aut forma creata , sed creata ipsa composita . Quare , cum

Deus

Deus diversa corpora in mundi creatione creaverit ; illa omnia creata mundum totum constituunt : inter quæ cum aliqua sint mixta, quæ diversis constant elementis, ut sunt plantæ, atque animalia ; & quædam alia sint simplicia, quæ habent similes partes integrantes totum, ut sunt aer, ignis, & aqua, & dicuntur elementa : hic quæritur, utrum in toto mundo sint illa tantum quatuor vulgata, terra, aqua, aer, & ignis ; ex quibus omnia mundi composita consistant : & multi sanctorum Patrum dicunt cœlum esse naturæ igneæ, alii ex aqua factum, quos recenset *Martinengus in glossa magna tomo 1.* longum texens illorum cathalogum. Et consequenter omnia mundana ex elementis constare quatuor, exceptis tamen spiritibus, & humanis animabus, quod sine materia de se sunt creata speciali creationis intentu. Alii autem Cœlum cum *Aristotele 3. de Cælo cap. 1. & 1. meteor. cap. 3.* & alibi, quintum faciunt elementum.

Cum verò *S. Augustinus lib. 2. ad Cælest. cap. 23.* inter quæstiones difficiles, quæ salva Fide, ventilari possint, enumeret ; utrum elementa hujus mundi conspicabilis quatuor, an plura sint. Ego nihil de possibili loquens, quia poterat Deus, quod unum, vel tria fecerat

xij    **AUTHORIS INTENTIO.**

à principio , per dies reddere in plura elementa, & alia mista, & ità distinguerè, & perficere, ut narratur ; solùm dico indefinitè, quod unum non suffecisset, nec solùm quatuor esse, si ponamus elementa formata , inter se distincta hujus mundi esse aliqua magna corpora simplicia , quæ, cum similes habeant partes, non dividuntur in alias species . Nec mirum videatur si ità elementi nomine vocem, quæ cœlum, & sydera componunt , cum hoc etiam modo *S. Jo. Chrysostomus in 1. cap. Genes. homil. 3.* dicat : Moyse docuit nos de cœlo, & terra, quæ plura in se continent elementa. Et *homil. 4. de firmamenti formatione , aquarumque divisione* dicit : Solùm jubet , & accedit aliud elementorum , & aliud decedit . Et *homilia 6. de Sole differens* , ait : Vides sapientiam Opificis ? Dixit solùm , & productum est hoc admirabile elementum , Solem dico . Et sæpiùs id repetens concludit , quod scriptura docet nos post tertium diem hoc elementum esse conditum . Et postquam de Stellis locutus est , infert . Itaque elementa quæque in suos terminos manent , & nunquam suam mensuram transgrediuntur ; sed dispositionem , & ordinem Domini custodiunt , suum opus facientes . Mundi igitur elementa, ex his principiis plura esse, quam quatuor deduco ,  
quia

quia certè à Deo distincta sunt , non modò hæc inferiora , terra , aqua , aer, & ignis ; sed etiam astra singula inter se , & stellarum æther fluidus , qui cœlum planetarium replet .

Interim autem cum diversi diversa dicant de materia prima ; quidam volunt unam in omnibus esse ; alii duas ; alteram quidem cœlestem , quæ formas habeat inamissibiles ; alteram sublunarem , quæ transmutationi subjecta est ; & alii multiplicant in cœlis materiam ; quod cœli diversimodè formam inamissibilem habeant ; quidam etiam à cœlis omnem tollunt materiam : mox alii materiam ipsam existentiam donant ; alii privant . Quidam in ipsa formam corporeitatis agnoscunt ; quidam verò quantitatis dimensiones interminabiles ; & quidam nihil ex his . Quid plura ? Ut quis impiè dixit eam Deum esse ; & alius locum ; si quoque alii dicant nihil omninò esse ? Certè *Cabeus in meteor. Aristot. lib. 1. text. 4. quæst. 2.* dicit à Deo tres esse materias creatas , cœlum , aquam , & terram ; & quod terra elementaris vera , & physica est materia prima sublunarium , non illa ratio metaphysica , quam sibi fingunt Peripatetici quamplures , *ibid. text. 46. quæst. 5.* Ego sacris inhærens Literis , sicut supra , non agnosco in mundo sola quatuor elementa , sed

xiv      A U T H O R I S   I N T E N T I O .

illis paria, & similia, multoque majora, coelum, firmamentum, aquam coelestem, sydera, solem, lunam, & alios planetas, & si quid hujusmodi à Deo fuit creatum, distinctum, & formis homogeneis ornatum; quia revera hæc distinctè creata sunt in mundo, & ipsum componunt: ità nunc definitio, quod ex sacris Literis benè arguitur materia prima omninò informis in rebus mundi corporeis, propter mutabilitatem earum, quam Deus nobis ostendit. Cùm enim Deus omnia simul creaverit initio suæ creationis, ut dicitur *Eccl.* 18. indè autem per sex dies voluerit continuare suam creationem ex materia invisa, ut dicitur *Sap.* 11. 18. satis apertè demonstrat, in rebus corporeis esse mutabilitatem, tùm accidentalem, tùm substantialem; nam cùm compendio quodam dicatur: In principio creavit Deus coelum, & terram; & quod terra erat inanis, & vacua, & quod tenebræ erant super faciem abyssi; ex his benè intelligimus mutationem accidentalem, cùm dixit: *Fiat lux*; si lucem intelligamus qualitatem inditam igni, vel ætheri fluido prius creato sine luce; ità cùm à principio inchoari tempus, & fieri motus perhibetur, ut decurrerent dies, ac noctes: accidentalis est rerum immutatio per tempus, & motum; & cùm divisionibus dari locum

# AUTHORIS INTENTIO. XV

locum aquis , detegi terram , & siccam fieri ,  
 poni sydera in firmamento cœli , & hujusmodi  
 affirmetur ; per locum hæc perfici , & mutari  
 accidentaliter intelliguntur ; & sic de similibus.  
 Indè autem cùm dicatur : Fiat firmamentum ;  
 fiant luminaria , & facta sunt hujusmodi ex illa  
 materia, quæ prius dicta fuit uno vocabulo cœ-  
 lum ; sicuti etiam cùm dicatur : Germinet terra  
 herbam virentem ; producant aquæ reptile ani-  
 mæ viventis, & volatile super terram ; producat  
 terra animam viventem in genere suo ; for-  
 mavit igitur Dominus Deus hominem de limo  
 terræ , & similia ; substantialis rerum immuta-  
 tio deprehenditur . Sed mutatio substantialis  
 in generationibus sublunarium infert mate-  
 riam primam per naturale rationis lumen ;  
 ergo , cùm Deus ex beneplacito , in rebus om-  
 nibus nobis ostendat mutabilitatem substantia-  
 lem perfectivam rerum , tùm cœlestium , tùm  
 sublunarium ; multò certius in ipsis materiam  
 primam concreatam demonstrat ; & simul ,  
 quid natura possit exigere , & exhibere in re-  
 rum vicissitudine . Propterea non abs re fuit  
 dictum à Moyse, *Genes.* 2. 4. Istæ sunt genera-  
 tiones cœli , & terræ , quando creata sunt , in  
 die , quo fecit Dominus Deus cœlum , & ter-  
 ram . Et vide accuratum dicendi modum ;

xvj) A U T H O R I S I N T E N T I O .

quia quando ex nihilo Deus operatur , dicitur creare ; quando autem sequitur creationem suam ex rebus priùs creatis perficiendo , dicitur facere ; & res ipsæ fieri dicuntur ; quod est modus quidam magis similis generationibus naturalibus , in quibus ex aliquo fit aliquid . Utque doceret creationis exemplo , naturam , quæ per dispositiones prævias ad generationes procedit ; præmittit mutationes accidentales mutationibus substantialibus ; non quia Deus hoc habeat necesse ; sed quia ità fieri voluit , & ut naturæ exigentiam ostenderet , & ut intrinsicam corporum mutabilitatem , & deficientiam monstraret ; & ità Gentilium errores confunderet , qui pro diis ista tenebant .

Porro , quia in rerum substantiali mutabilitate deprehenditur materia prima : hæc metaphysicè debet concipi , sicut genus commune , inter corpora convenientia in ipso ; & forma , sicut species contrahens ipsum genus , ut unum corpus sit ab alio diversum , & differens . ¶ Physicè autem considerandum est , quod dicit *Augustinus lib. 12. Confess. cap. 6. & 7.* & deinceps alibi . Quia , qui cogitant aliquid , aliqua specie , quamvis horribili , & turpi formatum , ut propterea vocent informe , non cogitant materiam primam , sed aliquid aliud ; & ità ,  
qui



## AUTHORIS INTENTIO. xvij

qui cogitant illam cum existentia, vel cum quantitate, vel cum forma generica corporeitatis, vel cum aliquo esse, & essentia certa, materiam primam non cogitant; undè inquit: Mutabilitas enim rerum mutabilium capax ipsa est formarum omnium, in quas mutantur res mutabiles. Et hæc quid est? Si dici potest; nihil aliquid est, & non est; hoc eam dicerem. Et ad Deum loquens, inquit: Tu eras, & aliud nihil, undè fecisti cælum, & terram: duo quædam, unum propè te, alterum propè nihil; unum, quo superiùs tu esses; alterum, quo inferiùs nihil esset. Et *cap. 19.* ait: Verùm est informitatem, quæ propè nihil est, vices temporum habere non posse. Verum est, omne, quod ex informi formatur, priùs esse informe, deindè formatum. Et hinc deducit à Deo creatum mundum ex informi materia, quæ priùs naturâ, & origine intelligitur esse, quam forma, sicut in voce priùs intelligitur sonus, quam vox. Quare *lib. 1. de generat. ad literam cap. 15.* ait: Non quia informis materia formati rebus tempore prior est, cum sit utrumque simul concreatum, & undè factum est, & quod factum est. Sed quia illud, undè fit aliquid, & si non tempore, tamen quadam origine priùs est; quia etiam, cum dicimus

xviii AUTHORIS INTENTIO.

materiam , & formam , utrumque simul esse intelligimus , nec utrumque simul possumus enunciare . Sed cum *ibid. lib. 5. cap. 5.* dicat : Non itaque temporali , sed causali ordine prius facta est informis , formabilisque materies & spiritualis , & corporalis , de qua fieret , quod faciendum esset. Considerandum est, quid pro spirituali materia intelligat : nam tutius teneamus spiritus carere materiâ , quamvis in se , & de se non habeant omnimodam immutabilitatem . Et ille hoc ipsum confirmat *lib. 12. Confessionum* , pro spirituali creatura , & invisibili ponens spiritualement materiam. Et *cap. 17. & 19.* ait de illa : Verum est nulla tempora perpeti , quod ita cohæret formæ incommutabili , ut quamvis sit mutabile non mutetur . Et dicendum videtur, quod æquivocè creatura spiritualis dicatur habere materiam primam ; quia scilicet non est purus actus , sed comparata ad Deum , est quid materiale , idest compositum ex potentia , & actu , ex esse , & essentia , ex natura , & supposito , & hujusmodi, quod est in genere metaphysico esse compositum ex materia , & forma , non tamen in genere physico . Sed ubi vera est materia prima , hoc habet , ut omninò à Deo possit mutari de una specie in aliam , & sic de materia cœlesti fieri stellas , de  
aqua

aqua fieri pisces , & aves , de terra bestias , & hominem ; & ità si faceret sua potentia Deus de terra aquam : unus verò Angelus non potest mutari in alium Angelum , quia ejus essentia indivisibiliter contrahitur ab ipsa existentia , & constituitur tota species in uno individuo , ut docet *S. Thomas 1. quæst. 50. art. 4.* sed corpora sunt divisibilia , & forma divisibiliter contrahit speciem , ità ut una pars corporis habeat materiam signatam diversam ab alia parte ejusdem . Et propterea mutabilitas corporum non est tota potentia passiva in uno individuo , ità ut in ipso sit tota materia prima , & non in aliis . At sicut natura non potest immutare totam speciem cujusvis corporis in aliam speciem , putà totum elementum in aliud ; aut totam humanitatem in aliud ; ità observans legem à Deo traditam sibi mutat aliqua individua , per substantialem generationem , adveniente nova forma substantiali , quæ actuatur totum , quod dispositivè priùs concurrit ad semen alendum , ità ut sine ulla implicantia , talis actus substantialis , ubi est vera , & perfecta generatio , immediatè dimanet à materia , formaliter in se transferens , quæ reperit in materia signata , si materia signata habeat formas subordinatas novæ formæ ; ut ad formam hominis sunt esse corporeum , vi-

b 4

vens ,

## XX A U T H O R I S I N T E N T I O .

vens, & sensitivum ; sicut gradus inferior continet in se formaliter gradus superiores, & illos non destruit , sed maximè perficit . Et ex his patet materiæ primæ positio .

Ex quibus primò inferitur , omnia mundi corpora esse de se substantialiter mutabilia , si detur agens ità potens , ut illa possit immutare . Tùm quia in creatione sic mutata dicuntur , ut de cœlo primitùs creato fieret firmamentum , sol , luna , & stellæ : & de terra , & aqua initio creata , fierent plantæ , pisces , aves , & bestię campi , & homo vir , atque mulier . Tùm quia in fine mundi mutanda perhibentur , dicente Apostolo *ad Hebr.* 1. 11. *ex Psal.* 101. 27. Ipsi ( cœli ) peribunt , tu autem permanes , & omnes sicut vestimentum veterascent ; & sicut opertorium mutabis eos , & mutabuntur . Et *Petro* 2. *cap.* 3. quod cœli ardentes solventur , & elementa ignis ardore tabescent . Novos verò cœlos , & novam terram secundum promissâ ipsius expectamus . De hac renovatione loquens Isaias Propheta *cap.* 10. inquit : Et erit lux lunæ , sicut lux solis , & lux solis erit septemplex sicut lux septem dierum . Quæ renovatio , & perfectio non modò accidentalis videtur , sed etiam substantialis , sine substantiæ prioris corruptione ; quia tendit ad perfectum , valdè

valdè differens à naturali statu, sicut etiam corpora hominum glorificata; ut de mortalibus fiant immortalia, non corrumpuntur, sed maximè perficiuntur in suo naturali esse.

Secundò infertur, quod ista mutabilitas nihil destruit ex iis corporibus simplicibus, quæ fecit à principio Deus, sed solùm in fine mundi mista dissolventur, & per generalem resurrectionem soli homines restaurabuntur. Quod maximè congruit Scripturis, nam dicitur *Eccles. 3. 14.* Didici, quod omnia opera, quæ fecit Deus, perseverent in perpetuum: non possumus eis quicquam addere, nec auferre, quæ fecit Deus, ut timeatur: quod factum est, ipsum permanet, quæ futura sunt, jam fuerunt; & Deus instaurat, quod abijt. Ex quibus intelligo, quod in ipso mundi fine Dei virtute reintegrandi sunt cœli, & elementa multò melius, quàm fuerint à principio; & homo ipse ad innocentiam magis gloriosam, quàm fuerit in primo statu naturæ incorruptæ, quia nimirum hæc omnia, per hominum peccata in deterius mutata, per Dei virtutem, in melius commutabuntur; undè *August. in lib. de Eccles. dogmatibus cap. 70.* inquit: Elementa, idest cœlum, & terram, non credamus abolenda per ignem, sed in melius commutanda: figuram quoque mundi,



xxij    A U T H O R I S   I N T E N T I O .

mundi, idest imaginem, non substantiam transfuturam. Et *Luc. 21. 18.* dicitur: Capillus de capite vestro non peribit; quia nimirum Deus instaurat, quod abijt.

Tertiò sequitur, quod neque per creationem, neque per naturales generationes propriè loquendo corrumpitur, quod transmutatur, sive accidentaliter, sive substantialiter in melius; ut dicit etiam *Nicolaus de Lyra in cap. 1. Genes. Ex Aristot. 1. de generat.* sicut non dicuntur elementa propriè corrumpi, quod ex eis fit corpus mixtum; quod corruptio proprio modo dicta est via ad defectum. Creatio verò, & generatio naturæ, secundum perfectam ejus rationem, est via ad perfectum: & hoc maximè notandum est, ut benè discernatur, quid propriè generetur, & quid propriè corrumpatur: nam generatio de se non dicit corruptionem, & ità universaliter non est verum, quod generatio unius sit corruptio alterius; quia generatio est origo geniti à generante, in similitudinem naturæ, ex vi talis processions; & sic patet, quod summa divini Verbi generatio, quæ primam, & summam habet rationem veræ generationis, non includit conceptum corruptionis; sed tantum productionem à Patre, ex principio assimilandi, quia per intellectum procedit.

cedit . Sicut ergo lucis productio, & illuminatio non corrumpit aerem; neque destruit sensum species sensibilis, sed perficit; ita quando Deus de materia coelesti fecit firmamentum, quod vocavit coelum; fecit luminaria, solem, lunam, stellas, ex illa item materia, quam à principio creaverat nomine coeli; non corrumpit illam, sed substantialiter perficit; & sic quando jussit ex aqua produci pisces, & aves; ex terra oriri cætera bruta, & ex luto efformavit hominem, & inspiravit in illud plasma luteum spiraculum vitæ; non corrumpit, sed perficit . Et ita natura, quando ex seminibus generat plantas, aut animalia, concurrens elementorum mixtione ad alendum semen, non corrumpit aut semen, aut elementa, sed perficit; sicut esse vegetum accedens in elementis alteratis, non corrumpit esse corporeum, aut substantiale, sed perficit . Et esse sensitivum non corrumpit esse vegetum, sed perficit: & esse rationale non corrumpit esse sensitivum, aut vegetum, sed perficit: & ita est processus in generatione hominis, ut prius semen prolificum fiat vegetum, inde sensitivum, & ultimò animæ creatione perficiatur ad esse rationale; & animæ rationalis informatio perficit totum, & formaliter continet sensitivum, & vegetum, quod

#### xxiv A U T H O R I S I N T E N T I O .

quod invenit , non destruendo , sed substantia-  
liter perficiendo .

Et hic est ordo naturæ à Deo intentus , ut  
corpora simplicia miscibilia , cujusmodi sunt  
aqua , aer , ignis , & corporum solidorum hali-  
tus , ut terræ exhalationes , & syderum , plane-  
tarumque radii spiritosi , misceantur , per mo-  
tus à cœlis productos , non ad fluidorum cor-  
ruptionem , sed ad perfectionem eorundem ,  
undè primò fiant mixta imperfecta , indè appe-  
tant fieri , & perfici in mixta perfecta , & mox  
ex vegetabilibus tendant ad perfectionem sen-  
sibilem , & indè rationalis creaturæ . Hæc enim  
est finis totius universi ; nam propter hominem  
Deus hæc ordinavit ; quamobrem , cùm in fine  
mundi cessaverit propagatio humana , cessabunt  
& motus cœlorum , & elementorum alteratio-  
nes , & plantarum , brutorumque omnium ge-  
nerationes , propter quam erant ejusmodi con-  
stituta ; & tunc mundus sive accidentaliter , sive  
substantialiter à Deo renovabitur , & perficie-  
tur , non ut inserviat utilitati , sicut modò , sed  
ut convenit statui glorificationis .

Illa verò propriè corrumpuntur , quæ cùm  
sint mixta perfecta tendunt ad imperfectum ,  
& resolvuntur in sua principia ; ut cùm moritur  
homo , solvitur à corpore anima , & redit ad  
Deum ,



Deum , qui creavit illam in ejus conceptione ;  
 hoc patiens in poenam peccati ; ( si enim pec-  
 catum non fuisset , perfectiùs natura processif-  
 set in suis operibus ) & cum moriuntur animalia  
 corrumpuntur verè transeuntes ad deteriorem  
 statum , & resolvuntur in sua principia ; & ità  
 cùm arbores eradicantur , & siccatae secantur  
 in arida ligna , corrumpuntur ; & lignum verè  
 corrumpitur , quando comburitur , & resolvitur  
 in sua principia , ex quibus erat compactum .  
 Corruptio enim est quædam deformatio , &  
 tendentia ad non esse ; vel potius est terminus  
 ipse , in quem desinit alteratio destructiva mix-  
 torum , ut redeant in sua principia . Neque nova  
 forma introducitur in corrupto , sicut fit in ge-  
 neratione ; sed expellitur forma perficiens , &  
 remanet ejus carentia in ipsis formis elemen-  
 taribus , quæ in mixtis perseverant : hinc cada-  
 ver aliud non est , quàm corpus exanime ; &  
 positiva forma mortui corporis est actus sub-  
 stantialis , qui resultat ex contextura partium  
 elementarium , componentium tale corpus ;  
 non autem est hoc ipsum , quod sit corpus mor-  
 tuum , & cadaver ; quia hoc dicit corruptio-  
 nem , & defectum , seu deformationem animæ ;  
 quod non dat esse , sed tollit ; & ità est in acci-  
 dentium destructionibus ; si enim scientia in  
mente

## xxvj AUTHORIS INTENTIO.

mente destruitur , non generatur nova forma , sed restat carentia scientiæ, quæ est ignorantia; & ita si minuat. Hinc qui occidunt non dicuntur generantes , quia non introducunt in occisis novam formam , sed priorem deformant . Et propter hæc

Dico , quod elementa remanent in mixto , non quod in mixto denegem novam formam ; sed quia nova forma mixti perfecti perficit elementa , elevando illa de statu inferiori , ad statum superiorem ; puta , de esse simplici ad esse perfecte mixtum ; & de esse inanimato ad esse animatum ; ut verum sit inde dicere : Hæc elementa sic contexta , & inter se mixta , & unita sunt animata ; quia totum sunt suæ partes simul sumptæ . Et viceversa fit corruptio per transitum deformativum , nulla nova forma genita ; nisi carentia formæ per intellectum apprehendatur nova forma, quod patet etiam exemplis ; nam quaternarius numerus , subtracta unitate , fit quaternarius ; & species quaternarii licet differat à specie quaternarii, subtractio tamen non producit speciem quaternarii, sed relinquit, ut formaliter continebatur prius in quinario . Nam formaliter in quinario sunt quinque numeri , qui respectu speciei quaternarii sunt materia elevata , & specificata ipso numero quinario ,  
Unde

# AUTHORIS INTENTIO. xxvij

Undè 4. *Esdrae cap. 8. 8.* habetur. Et quomodo nunc in matrice plasmatum est corpus, & præstas membra; conservatur in igne, & aquâ tua creatio.

Quæ ut melius intelligantur, considerandum est, quod aliter physicè species rerum provenit à suis principiis, aliter metaphysicè determinatur. Physicè enim, sicut res est una per omnia ea, quibus componitur, ità variata compositione, variatur in melius; aut in pejus totum compositum, manente eodem supposito, quandiù actus substantialis est capax regere omnia, quæ sequuntur ad ipsum; v. gr. homo physicè immutatur usque ad gloriosam immortalitatem, quandiù anima ipsius, quæ est actus substantialis corporis, fit capax, Dei virtute, regere omnia, quæ sequuntur ad ipsam; sicuti in serie naturæ quandiù est capax evadere in virum undequaque perfectum; quare *S. Augustinus lib. 12. de Civit. Dei cap. 14.* loquens de puero, qui resuscitare debet in virum perfectum, post sæculi consummationem, inquit: *Ipsa jam membra omnia sunt latenter in semine. Sed habent in ratione, non in mole.* Hæc autem physica progressio fit, cùm aliqua mutatione substantiæ physicæ: ità pariter, si mutetur in deterius, usque ad interitum; & supernaturaliter

## xxviij    A U T H O R I S    I N T E N T I O .

liter in mortuorum resurrectione , cùm homo reprobis æternâ morte mulctabitur , patet , quod physicè valdè mutabitur à præfenti vitæ ftatu, & conditione. Metaphysicè autem quandiu effentiale prædicatum rationalis animæ non tollitur , patet , quod nulla eft immutatio , quamvis de mortali , & corruptibili fiat immortale , & incorruptibile , quia falvatur in tota hac latitudine ratio hominis . Propterea in quolibet ente duo funt præcipua . Endelechia , quæ eft actus fubftantialis phyficus , à quo , tanquàm à fundamento , & radice procedunt cætera omnia , quæ poffunt ab ipfo procedere , five per naturæ leges , five per potentiam obedientialem , uni Deo fubditam : & Energia , quæ funt omnes actus accidentales quantitatis , & qualitatum , quæ fecundariò procedunt ab actu fubftantiali compofiti ; qui dùm phyficè mutantur , neceffe eft radicaliter etiam immutari fubftantiam , quamvis metaphysicè non mutetur .

Indè autem in univerfo magis refplendet caufarum ordo , fubordinatio , & connexus : nam Deus univerfaliffima caufa efficiens , & prima , neque agit ex præjacente materia , neque per motum , neque per tempus ; & omnia operatur , & creat ex nihilo ; quod non potuit  
ab



### XXX A U T H O R I S I N T E N T I O .

ejus , & passim alibi similia . Et istæ aquæ cum motu firmamenti, in quo sunt sydera fixa , sunt simul cum firmamento causæ universales , ut occultissimas virtutes per lucem ab astris transmissam in hæc inferiora communicent. Coelum verò planetarium æthere plenum , & luce , per septem solidos planetas in hæc item inferiora movet subordinatè transmittendo lucem simul cum illo igne fluido, qui per æthereas regiones unde quaque disseminatus est, ut purissimum elementum fluidum , qui recipit varias qualitates à singulis stellis , & planetis ; nam stella differt à stella in claritate , 1. *Cor.* 15. 39.

Et quod coelum planetarium non sit solidum , magis concordat cum Sanctis Patribus . *Ambros. hexaem. lib. 5. cap. 6. Chrysost. in Genes. cap. 1. homil. 4.* Qui unicum solidum tenens coelum , quod est firmamentum ; sic inquit : Quis igitur post tantam doctrinam ferret eos , qui ex suo capite loqui, & contra divinam Scripturam, multos coelos dicere audent ? Et *Bas. homil. 1. in hexaem.* ait : De substantia coeli satis faciunt illa nobis , quæ ab Isaia sunt dicta , qui vulgaribus verbis idoneum de natura coeli nobis sensum aperuit, dùm dicit : Qui firmavit coelum quasi fumum ; idest , qui tenuem naturam , non solidam , neque crassam ad constitu-

tuen-

# AUTHORIS INTENTIO. xxxj

tuendam cœli naturam fecit. Et alii passim.

Hæc autem omnia moveri ab Intelligentiis à Deo creatis, & ordinatis, ut assistant, omnium consensus est. Idcirco de Angelis primâ die creatis cecini. Ità ergò superiora disposita sunt à Deo, ut inferioribus cohæreant, per aerem, & aquam, elementa fluida, quæ de superioribus lucem, & ignem, & motum recipiunt; & mota sursum à terra immobili, per exhalationes terreas commiscentur, ut fiant mediæ mixtiones, cujusmodi sunt meteora, quæ aliquando reperta inveniuntur in cœlo planetario supra lunam; sed ibi certè non potest dari perfectâ generatio, quia ibi semina ad generationem non sunt creata; quæ nisi Deus creasset in terris, & virtutem dedisset, ut formam mixti producerent, nunquàm natura perfectam generationem, ex elementorum solo concursu fecisset. Quod S. Chrysostomus considerans, contrà eos, qui ex præjacente materia contendebant fieri omnia, nihil aliud plus requirentes; ait: Primus nè homo ex terra formatus est, an aliundè? Omnino dicent, ac fatebuntur, quod ex terra. Dicant igitur nobis: Quomodo ex terra facta sit natura carnis? Ex terra enim lutum, & lateres, & figulinum vas, & testa fieri solet. Quomodo ergò natura carnis facta est? Quo-

xxxij **AUTHORIS INTENTIO.**

modò ossa, nervi, & arteriæ, & adeps, & cutis, & ungues, & capilli, & ex una præjacente materia diversarum substantiarum qualitates? Sed ad hæc nè mutire quidem poterunt. *In Genes. cap. 1. homil. 2.*

Ultimò tandem sunt agentia univoca ad veras rerum generationes, quibus concessum est semen in suas species, ut eo procedant, adjuncta concursu causarum universalium, assimilando quæ sunt dissimilia, & secernendo quæ sunt discrepantia propriis quorumcunque principiis; & ità uniuscujusque generantis natura assumit ex elementis in alimentum seminis, quod magis est sibi proportionatum; & rejicit ut excrementitium, quod ad sua jura non facit; & indè videmus, quod plantarum alimentum magis est proficuum, quod non est purum elementum, sed ex his magis commixtum; & quod animalium nutritio non fit per terram, & aquam, sed per fruges, herbas, & fructus; immò per carnes etiam animalium post diluvium; quia hæc magis accedunt, virtute vegetabili, ac sensibili ad constituendam, augendam, & conservandam propriam naturam; quia omnia, quæ de semine nata sunt, etiam in singulis suis partibus servant virtutem vegetam, ut faciliùs eleventur à forma mixti, & transferantur



# AUTHORIS INTENTIO. xxxiiij

rantur in virtutem sensitivam, animalem, atque vitalem. Et idcirco portiones vegetabilium sæpè suppleant ipsum semen sui principii, ut ex ipsis fiant generationes, sicut ex traduce arboris fit arbor, & ex putri carne, aut carie ligni fit vermis. Deus ergò ex nihilo facit omnia sine motu, & passione; sed sua voluntate; quia omnia quæcumque voluit fecit in coelo, & in terra, & in omnibus abyssis. Coeli, & elementa universaliter omnia faciunt ex fluidis, partim sine motu, ut empyreum, & terra, & partim cum motu, sicut stellæ, & planetæ, moventes ignem, aerem, & aquam, & tendunt ad medias mixtiones fluidorum, pro mixtis perfectis juvandis. Causæ verò univocæ cum propriis feminibus ex mediis mixtionibus generant mixta perfecta, & per substantialem generationem effectus individuos constituunt. Ars verò applicando activa passivis, aut quæ natura potest facere, expectat; aut ex rebus à natura desumptis accidentaliter sua opera fabrefacta connectit. Corruptuntur verò, quæ sic ad perfectum deducta mox in sua principia resolvuntur, & destruuntur.

Deindè cum Deus lucem creaverit, quæ propriè est qualitas simplex annexa igni, viam aperit ad accidentium separabilium cognitionem;

## xxxiv A U T H O R I S I N T E N T I O .

nem ; nàm ità poterit dari ignis sine luce, sicut fuit antequàm crearetur lux ad ipsius perfectionem in illorum sententia, qui dicunt in principio esse omnia simul creata, & per sex dies perfecta, distincta, & in species infimas etiam mixtorum constituta. Ignis ergò sine luce potest esse, sicut esse credimus in inferno ; ità non mirum erit si ponamus, illum plùs minùs ubique latentem, & non lucentem, nisi ordinatim moveatur per medium à suis propriis motoribus, ut sunt sol, & luna, & sydera omnia, & penès nos faces, & lucernæ. Immò etiam potest ab illo removeri qualitas urendi, ut dicit ex Platone *Augustinus de Civit. Dei lib. 13. cap. 18.* relicta qualitate lucendi, sicut evenit in fornace Babylonica tribus Pueris, qui ambulabant in medio flammæ laudantes Deum *Dan. 4. 24.* Et naturaliter etiam ignis valdè rarus, & levis non comburit, sicut in temperatè calidis admixtus, & minori portione attemperatus in tepidis. Exindè autem fit ustio, cùm intensius, & vehementius ignis movetur, quod si non moveatur, neque lucet, neque comburit, neque calefacit ; ut dicimus evenire in mixtis, in quibus ignis constipatus est, & quodam formæ glutine conspissatus, atque concretus, ut in oleo, cera, sulphure, ligno, & simi-

similibus combustibilibus, in quibus plùs minùs est ipse ignis diuturno solis, & cœlorum motu conjectus. Quamobrem dico ex Deo sic accepisse, ut possit penetrare, & in suis partibus penetrari mutuò; sed ista penetratio non refunditur in dimensionem quantitativam; sed in qualitates rerum; sicut enim quando percutitur pila, impulsus penetrat totam pilam, & per motum in aera fursum paulatim defluit, & quod collectum fuerat, passim explicatur; ità evenit in denso, cùm fit rarum; & ità ad certum signum pono corporum quandam penetrationem, quæ refunditur in actus accidentales compositi; sed ità divinitùs potest augeri, ut corpus omni loco absolvatur, sicut fit in Christi Corpore, quod Sanctiss. Sacramenti speciebus absconditur.

Cæteroquin nullo modo potest admitti, quod penetratio propriè dicta, consistens in hoc, quod unum corpus non expellat aliud ab eodem loco, possit fieri sine miraculo; effectus enim secundarii cujuscumque rei non possunt impediri per virtutem naturalem. Quemadmodum quia effectus secundarius quantitatis est occupare locum, ideò naturaliter est impossibile, quod detur corpus quantum, & per virtutem naturalem impediatur ab hoc, quod est

xxxvj A U T H O R I S I N T E N T I O .

est occupare locum , sed idem corpus magis , aut minus extendi ad locum , est effectus majoris , aut minoris energiae .

Ex his principiis infero quantitatem accidentalem , cum omnibus qualitatibus posse à subiecto separari , sicut de facto separantur in Eucharistiæ Sacramento . Mox verò , quia in concreto accidentia prædicantur de suo subiecto , & ita corpus est quantum , quale , & relatum , & in Sacramento concretivè dicitur de ipso quantum , & quale ; nam verè Sacramentum illud est quantum , & coloratum ; distinguo , quod subiectum accidentium , semper à mente nostra excogitatur , sive sit illud tantum logicè , sive physicè , aut alio modo ; sed ita concretivè accidentia , non possunt intelligi separata à subiecto ; & cum ipsa substantia panis , & vini quanta , & qualis transierit in substantiam Corporis Christi ; dicendum est , quod illa verè sint accidentia corporis separabilia , quæ promanant ab actu corporis separabili , & non quod intelligitur idem cum corpore ; cum verò actus separabilis corporis sit ipsa Energia corporis , qua corpus redditur sensibile ; ut quantitate extensa redditur locabile , & à circumstantibus corporibus tangibile , atque circumscriptum ; pondere actuali redditur grave ,  
& sic

& sic mensurabile ; qualitibus coloris , saporis , & hujusmodi expansis redditur visibile , sapidum , & ità de cæteris . Istæ corporis energix , quas dicunt Peripatetici actus accidentales substantiæ , & dici possent etiam momenta ejusdem substantiæ , sunt accidentia separabilia , quæ de facto separantur in Eucharistiæ Sacramento , cùm Dei virtute remaneat quantum sensibile , extensum , locatum , & quale visibile , sine subiecto . Nàm energia est quædam quasi actio , & operatio interior , quæ est veluti via , ac dux , ad exteriorem corporis actum , ut definit Passeratius . Undè sicut corpora gloriosa , pro ipsorum dote habent , ut reddantur visibilia , & non visibilia ; gravia , & non gravia ; penetrabilia , & non penetrabilia , & hujusmodi ; sic etiam Corpus Christi in Sacramento remanet quantum , & quale , sine locabili extensione , aut sensibili qualitate ; atque interim substantiâ panis amotâ , remanent accidentia locabilia , & sensibilia , ex quibus resultant species ad sensum nostrum ; manifestè patet , quod hujusmodi momenta , & energix corporis sunt separabiles ab ipso corpore in se quanto , & quali . Et hæc præcipuè intendo metris exprimere , ac declarare , cùm dico , non dari accidentia concreta , quin simul non sint cum ipsa

## xxxviiij    A U T H O R I S    I N T E N T I O .

ipſa re , cujus ſunt accidentia ; & ſic non dari colorem ſine re colorata , neque quantitatem ſine re quanta ; in abſtracto autem ſeparari à mente , cui proprium eſt ità intelligere ; ſed quædam accidentia ſunt de facto ſeparabilia etiam à natura , ut ſunt motus , locus , & ſpecies ſenſibiles ; quod exemplis probo : Nàm poteſt videri ignis , ubi non eſt ; & videri aſtrum , ubi non eſt , per refractionem , & degradationem ; & quia Deus eſt infinitè potentior , quam ſit natura ; ideò ſi natura hoc exhibere poteſt , ut ſeparet ſpecies ſenſibiles , & motus , & figuras ab objecto ; multò magis Deus ſeparare poteſt ab objecto ſpecies omnes ſenſibiles , cum ipſo motu , & loco , & conſervare ipſas ità ſeparatas , & noſtris ſenſibus ſic exhibere ſenſibiles , & locabiles ; ſed quia ſpecies ſenſibiles proveniunt ab objecto , non qualitercumque accepto ( non enim à Corpore Chriſti quanto , ſed inextenſo , ut eſt in Sacramento , promanant huiusmodi ſpecies ) . Ideò pono , quod ab objecto naturaliter promanant energiz , per quas corpora fiunt extenſa , locata , & ſenſibilia ; & quod ipſi etiam ſenſus , per ſimiles energias actu ſentiunt , quibus impeditis , non ſentirent actu . Et quod licet à natura ſimiles energiz non poſſint diù ſeparatæ conſervari ; Deus ta-  
men

men sua omnipotentia potest separare , & diù separatas conservare , concurrens ad illarum conservationem in genere causæ efficientis, ut tanquàm actus naturales substantiæ exercent ea munia , quæ prius exercebant , cùm erant suo principio conjunctæ . Ità de facto separat energiam omnem panis, & vini in Sanctissimo Sacramento , & diù servat separatam ; & hæc esse illius admirabilis Sacramenti accidentia .

Hæc præcipua sunt , quæ intenduntur in hoc opere, ad diluendas Athomistarum subcrefcentium opiniones , satis in Fide periculosas , cum quibus rem agens , ex ipsis Fidei fundamentis, in quibus dicunt se convenire, quædam ipsorum affata desumo , bonâ etiam Peripateticorum veniâ , non quasi ab ipsis defecerim ; sed quia durum est , quando aliquis est in via , cum adversario , nihil ipsius ultrò concedere , ut deducatur ad ea , quæ non concedit ; nam scriptum est : Esto consentiens adversario tuo citò , dùm es in via cum ipso . *Matth. 5. 25.* Propterea licet ipsis negem athomos Democriticas , etiamsi supponant à Deo creatas in tempore ; quia Deus eas non intendit creare , sed creavit corpora plena , ut sunt aqua , terra , aer , ignis , firmamentum , stellæ , planetæ , quæ  
totum

# xl      A U T H O R I S   I N T E N T I O .

totum mundum replent, & non relinquunt spatiola vacua. Tamen non nego illis minutias, particulas, & moleculas, quibus natura concurrat ad alenda semina, & contexenda in corpus mistum; & quod contexturâ partium minutarum resultet forma substantialis in mixto, quia re vera hæc alteratio præcedens requiritur, ut perveniatur ad genituræ perfectionem.

Illis etiam ultrò concedo, quod per naturæ creatæ vires elementa non transferantur ad invicem, neque corrumpantur in mixto; sed sua formalitate remaneant; quæ quidem cum illis intendo probare: sed simul unâ contra illos deducere, quod forma elementaris formaliter elevatur ad formam mixti, ut exindè resultante una mixti forma fiat perfecta, & substantialis generatio; quia nimirum Deus ita fecit simplicia elementa miscibilia, ut pro præsentī statu, atque exigentia naturæ forent perfectibilia substantialiter, & transirent de esse inanimato ad esse animatum, & perfectum: hinc enim Deus jussit, quod terra germinaret, & aquæ producerent natabilia, & volatilia; & animalia crescerent, & multiplicarentur. Quod nisi jussisset, nunquàm alteratione elementorum processisset perfecta gene-



neratio . Sed interim ostendens, qualiter Deus supra naturam agens transmutaverit ipsa elementa in aliud , putà , cœli materiam in firmamentum, stellas, & planetas ; & aquas , ac terram in animalia , ex quibus hæc produxit primò : & possit etiam elementum unum in aliud transferre , & facere quodlibet, ex quolibet, ut de aqua vinum ; de igne aquam crassam ; hinc infero contrà ipsos , materiam primam , ut ab Augustino , & Angelico solet explicari, sine ullo prorsus actu . Eodemque modo, cùm illis probans in corruptionibus fieri solutiones partium ad sua principia , & non generationes , ut cùm de re combustibili fit ignis , & vapor , & cinis , & fuligo , quæ potius elici , quàm generari debeant dici ; quia corruptio tendit ad imperfectum , & ad deficientiam , & solutionem compositi in sua componentia . Interim dico , quod destruitur forma substantialis compositi , quæ resultabat ex ipsa contextura , & harmonia partium ad totum , tanquàm ex ultima dispositione ad generationem , quod non admittunt .

Ità pariter cùm ipsis consentio , quod virtus seminalis conservetur non modò in femine , sed seminium ipsum per partes propagetur , ità ut si ex arbore procedit fructus ,  
&

xlij      A U T H O R I S   I N T E N T I O .

& semen; feminium ipsum non modò in femine, sed etiam in ramis arboris, & in fructu, & succo, & foliis propagetur; undè virtus ejusmodi feminalis possit procreare aliquid simile; sed non ità perfectum sicut ex proprio femine: ità fit ut vinum ipsum ab uvis expressum, habeat virtutem vitis, ut possit in se convertere per mixtionem perfectam ad totam formam vini aliquid aquæ; & sic de similibus exemplis.

Sed interim dico, quod forma substantialis mixti, virtute sibi traditâ, dùm assimilat, & elevat ad se passum, illud substantialiter informat, & non tantùm contexturâ necit; & sic latenter illis formas substantiales corporum insinuo, atque suadeo, nè ipsorum totum compositum sit tantùm per accidens, & juxtâ partium positionem, & situm, nulla communi cohærentia substantiali compositum. Et dùm illis nego particularum indivisibilibum figuras, appetentias, & hujusmodi, quæ introducunt ad salvandam corporum soliditatem, fluiditatem, humiditatem, siccitatem, & hujusmodi; illis suadeo partium penetrabilitatem, pro raro, & densò explicando, & expansionem, quæ valdè congruunt assertis Fidei; nam si Deus mi-  
ra-

# AUTHORIS INTENTIO. xliij

raculo facit, ut unum corpus sit sine loco, sine pondere, sine mensura, & hujusmodi, quare non potuit facere, ut ignis penetraret, & penetraretur in suis partibus collectis, usque ad gradum aliquem, quem suffert natura, cum videamus condensari magis, & minus? Hoc autem non refundimus in naturam corporum, sed in ipsorum actus accidentales, quos energiam vocamus.

Cum illis item consentio, nihil esse calidum, aut tepidum sine mixtione ignis, & ita sine igne terram, aquam, & aerem esse frigida; ut docent etiam Platonici, & Stoici; sed contra illos etiam affirmo calorem, & lucem ab igne posse amoveri, ut de facto ab igne infernali amovetur lux, & non calor, & dæmones igni cruciati, cum in energumenos invadunt, non possunt facere, ut illorum ignis comburat vel minimam partem corporis obsessi, in quam etiam per legiones collecti conspirent. Et sic de similibus. Quæ omnia, cum nihil contra Fidem moliantur; sed potius pro roboranda Fide plurimum faciant, & pro illorum principiis demolientis militent, non est, ut amplius immorer ad meam intentionem in OPERE SEX DIERUM manifestandam. Omnia tamen de-

xliv. **AUTHORIS INTENTIO.**  
demissè subjiciens Sanctæ Catholicæ Ecclesiæ  
censuris, & correctionibus, ità velim dicta  
sint, ac si minimum pugnent, abolita, nulla,  
& cassa censeantur.



JOANNIS CHRYSOSTOMI

A S A N C T O P A U L O

Clericorum Regularium Pauperum Matris DEI  
Scholarum Piarum .

H E X A E M E R O N

*Metris expressum,*

ILLUSTRISS. AC REVERENDISS. DOMINO

A N N I B A L I

A L B A N O

CLEMENTIS XI.

P O N T. M A X.

Ex Fratre Nepoti,

*Sancti Petri de Urbe Canonico,*

A U T H O R H U M I L L I M E'

D. D. D.

A



# IN HEXAEMERON<sup>3</sup> PROLEPSIS,

*Quæ ante Opus Sex Dierum intelligi debet.*

## T H E M A.

*Premisso Exordio, ac Operis Dicatione, postmodum Deus ante omnia semper fuisse describitur, simplicissima Unitas, & immutabilis: Mens omnia sciens; Voluntas omnia Potens; Ens undequaque perfectissimum, & universalissimum; Principium, & Causa libera Rerum creabilium; qui cum sit ante Dies omnes, & res, in se Unum, Verum, Bonum; & TRINITAS esse affirmatur PATER, FILIUS, & SPIRITUS SANCTUS; Tum Personarum in Una Divinitate Notiones, Processiones, & Proprietates breviter explicantur.*

## *Operis Intentio.*



Rtificem Mundi, Res, & Primordia Rerum,  
Quid certâ ratione capi, quid Lege teneri  
Naturæ, Fideique simul, sensûsque periclis,  
Et quid opinari liceat, Mens dicere vovit.

Difficiles dictu Causas quis proferat apto

A 2

Car-

---

<sup>3</sup> Cunctæ res difficiles non potest eas homo explicare sermone. Eccl. 1. 8.

4 JO. CHRYSOSTOMI A S. PAULO

Carmine? Dicenti sunt plurima Verba; minorem  
Mente ferunt sensum, Dialecton olentia vanum. <sup>a</sup>

Qui nosti quicquid faceres, Tu summe canenti  
Pande, PATER, veri simulacra latentis, & ortus.  
Te sequar; este procul, Veneres, procul este Camœnæ :  
„ Ornari res ipsa negat, contenta doceri.

Ardua suscepî, modulis efferre Latinis  
Numinis arcani vires, occulta creatæ  
Robora Naturæ, nostræque vagantia mentis  
Spectra, quibus parcam superat sententia linguam.  
Sed quia quamplures delectat iniqua sepulti  
Democriti tabes, carieque Lucretius altâ  
Dignus; Opus leuius, quo se sapientius ornent,  
Molior indemni Fidei splendore, quod illos  
Materiâ præstante recens sermone laceffat.  
At neque par fuerit sophiam parere lituris  
Grammatices, ubi conceptus præcesserit Arti,  
Quin obducta novis possit prodire cucullis,  
Et menti sociare Fidem, mentemque loquelæ.

Difficilis labor; at facilem Divina labori  
Gratia præstet opem: Studio Censura remittat.

*Operis Dicitio.*

**A**NNIBAL ALBANO prognatû sanguine Germen,  
Cui summus Pater, & Patruus, Fidique Magister  
**CLEMENS UNDECIMUS** primas ex ordine defert,  
Et merito; tribuitque minus pro jure propinquæ  
Sortis, ut auspiciis Animum majoribus ornet;  
Hoc opus excipias, quamvis exile; tuarum  
Robore virtutum pronum grandescere; Ne Te

Dede-

---

<sup>a</sup> Verba sunt plurima, multamque in disputando habentia  
vanitatem. Eccl. 6. 11.



Dedeceant Muſæ, facilem quem Pallas honorat.  
 Hic tenui commixta leges modulamine cantûs,  
 Dum fuccifivis genium laxaveris horis,  
 Admiranda tibi gravium ſpectacula rerum,  
 Divinum Decus, & ſenis diſtincta diebus  
 Plasmata, quâ fuſum Cœlos extenderit Arte,  
 Quâ Terram in vacuas firmis appenderit auras  
 Aggeribus, liquidoque ſinu vallarit Abyſſos,  
 Omnipotens: Ubi lux tenebras ex Orbe fugarit,  
 Et molem exanimem tepido confoverit Æſtu:  
 Quid Firmamenti ſtabili diſcrimine lymphas  
 Abſciderit, Terramque Freto detexerit imo,  
 Ne Domus hoſpitibus deſit, victusque futuris.  
 Quomodo Sol, Luna, & Stellæ, noctemque, diemque  
 Curſibus alternis variant, lumenque miniſtrent;  
 Ut latices unâ tulerint genus omne Natantum,  
 Et Volucrum; ceſſumque ſolo Genus omne Ferarum,  
 Atque Hominum. Nihil attactum dimiſimus horum,  
 Quæ Deus, & Natura facit: Cur omnia non ſint  
 Ingenio ſat digna tuo? quem ſumma per omnes  
 Delectat contemplantem ſapientia cauſas.  
 Præterea tua me pietas huc impulit, ut res  
 Principiis Fidei ratio demonſtret, & Ordo;  
 Ne quis decipiat per inania Verba Sophorum  
 Socordes Animas: Et quæ Stoæ tradidit, & quæ  
 Vel Peripatus habet, vel fert Abdera cachinnis,  
 Diſcipuli jurent in Dogmata prava Magiſtri.  
 Nam Divina Fides, multo præclariùs omnes  
 Diſſipat errorum tenebras, quam ſenſus, & anceps  
 Judiciſ tenor. Ipſe docet nos Chriſtus, & ipſe  
 Qui gerit in Terris Chriſti monumenta: quid ergo

A 3

Non

2 Colof. 2. 8 Videte ne quis vos decipiat per Philoſo-  
 phiam, & inanem fallaciam, ſecundùm traditionem hominum,  
 ſecundùm Elementa Mundi, & non ſecundùm Chriſtum.

6 JO. CHRYSOSTOMI A S. PAULO  
Non tibi devoveam cæptum, qui proximus illi es?  
Materiâ superatur opus; si vilius hoc est,  
Excipe quod gravius noris; permitte juventæ  
Castalidum phaleras: Juvat oblectare vacantem,  
Et simul utiliter studiis offerre litatis  
Argumenta, quibus brevitas majora legenti  
Suggerat. ALBANO patiens hæc nomine scribi,  
Spem dabis augeri tecum, magnamque Curulem  
Pontificis, Montesque sacros, & Sydus avitum  
Tergemino mentis nisu devota vereri.

Sic igitur quandoque tuas exolvere laudes  
Fas erit, ut Titulos Minio signare licebit,  
Et calamis haurire Ostrum, cedroque Papyros  
Imbuere. Usque adeo tacuisse modestia jussit.  
At veniet decreta Dies, cum plurimus Heros  
Efferet illustres ALBANÆ Gentis Honores,  
ANNIBALEMQUE canet, mores, insignia, curas,  
Gesta, Ministerii Jubar immortale supremi.

Interea quicquid legis hîc, ænigmate dictum  
Crede tibi, rerumque notis meditare cæsum;  
Nam Deus, atque Trias, Cœli, Terræque Creator  
Sorte tuâ contentus agit, ne quidlibet infra  
Fortunæ regimen teneat Pater Urbis, & Orbis,  
Quin Tua se Probitas operâ studioque secundet.

Verum Ego quid pluris fiam, si vertice triplex  
Mons humilem attollat Musam, faustoque sub Astro  
Zona stylum comat? satis hinc, ut detegar omni  
Parte Domus tantæ demissus in omnia servus.

### *De Deo Uno, ejusque Attributis.*

ENS erat; est ipsum, quod nunc, & defore nunquam  
Est opus, invariabiliter, quod permanet in se.  
Quod quid erat, totum esse suū est, Totum esse remotū  
A toto;

A toto ; satis inde, quod EST immobile, primum  
 Principium sine Principio, sine Nomine Nomen  
 Quem dixere Deum ; præter quem nulla perennat  
 Æternum Virtus, supra quem nulla Potestas  
 Eminet ; Excelfo nihil est sublimius illo ;  
 Et per se stanti nihil est excelsius Actu,  
 Cui nequit ulla suos passiva Potentia nevos  
 Pingere . Formoso nihil est formosius illo .

Hoc autem, super omne quod est, sic esse necesse est,  
 Et per se notum sensus excedere nostros .  
 Si quid enim mens nostra suis intelligit umbris,  
 Instat adhuc reperire Diem, Lucemque Diei,  
 Quæ licet in Solis faciem cæcutiat audax  
 Ex imâ tamen, & mediâ caligine metam  
 Assequitur, novitque Uni quamplurima cogi .

Felicem satis Hanc propriis, Hanc esse Beatam  
 Mentem omni plenam Veri Bonitate Fideles  
 Novimus, & quadam rationis imagine sanctum  
 Attigimus limen ; Nec enim sibi mobile quicquam  
 Sufficit : Et rerum Facies, & Motus, & Ordo  
 Authorem Primum monstrant ; Nam quicquid Eidem  
 Rebere Par, desitque alii, quod ceditur UNI ;  
 Cui primas dederis ? vel quod venerabere summum ?  
 Aut dispar : tamen hoc careat, qui Maximus omni  
 Præminet excessu rerum . Sed quorsus euntem  
 Distrahit obtutus ? longè sopita jacebant  
 Omnia sub NIHILI tenebris, spectandaque nunquam,  
 Ni Deus immotâ torpentia trudat Abyllo .

Nam patet omne Deo demissius esse sub omni  
 Conditione Boni, neque dimanare coævum  
 Par, impar, vel sponte suâ, vel fortè coactè,  
 Quod se prætereat, quod jura suprema refellat ;  
 Propterea immensum distant à Numine quævis,  
 Et nihilum fortita suum Deus omnia novit  
 Ante Dies omnes ; & tunc nihil extitit usquam .

Tum fatis, & nulli invidet; MENS unica Verum  
Contemplabatur, nihil à se passa videri  
Diversum: se se fruitur Divina Voluntas;  
Se capit immensum sapientia Vivida, Vivens  
Intellectivo, quo percipit omnia, corde,  
Et comprehensivo se concipit omnia visu.

Omnia non factu Deus est, hinc omnia factu  
Prævidet, & parili distinguit singula nutu,  
Quæ fieri possunt. Ecquæ non prodere possit  
Omnipotens? Movet arbitrio quæcumque benigno,  
Et vocat ut fuerint, quæ non sunt; Ipsa volenti  
Visio Ductilium tantummodo Regula rerum  
Exitit, & certâ decrevit origine pridem  
Cuncta futura, suis causisque regenda, modisque.

Sic libitum est; sic Fata vices constantia pandunt.  
Hæc igitur rerum sunt Fata latentia, primæ  
Lecta Voluntatis decreta volentis id, illud  
His, illis constare modis. Quæ Casus adurget?  
Quos Fortuna premit? premit ignorantia Mentes  
Humanas. Menti primæ Vis nulla resistat.  
Quæ videt, atque probat, serie qua prospicit esse,  
Sic aderunt, neque defectus obvertere possunt  
Efficiens Numen, cui quæque futura jubentur.

Cætera Dius Amor fatis immota relinquit  
Jugiter esse nihil, quæ cum non esse repugnent;  
Nota Deo sunt; sed sunt quoque nota sub ipsis  
Rerum limitibus non Entia quæque. Videntem  
Nil latet; aut aliquid contradictoria sacris  
Legibus indignum faciant, aut libera primæ

Jura

---

2 Fati nomine intellige Divinam Providentiam omnia  
prædeterminantem, ac præordinantem, ut docet Divus Thomas  
parte prima quæst. 116. artic. 3. & quodlib. 12. quæst. 3.  
artic. 4.

Jura voluntatis renuunt, Idea scientis <sup>a</sup>  
 Ipsa, per hoc ipsum, quod se cognoscit, & omnes  
 Res, etiam mala cognoscit semota per ipsum,  
 Est eadem : Quia cum Totum se continus altâ  
 Mente notet, nihil est alienum quodlibet extra  
 Noticiam ; Virtute satis speculatur in ipsa,  
 Omnia posse ; Quod est trans hæc, nihil esse probatur.

Sic igitur proprio bonitas ditissima tractu  
 Res numero statuit certas, jussitque Parentis  
 Impositas servare sui sua fœdera metas .  
 Hæc ita comprehendit ; non est secus ulla Peritis  
 Disciplina Viris, quam talia vera sequantur,  
 Qualia concepit primævo lumine Numen .  
 UNUM est ; Hoc UNUM dūtaxat & esse necesse est. <sup>b</sup>  
 Quæ placito concessa suo splendescere, nullam  
 Vim, nisi dicentis contra patiuntur ; & esse  
 Contingunt . Cur hoc rogetis, cur illud, & illa  
 Sorte laboratum ? Voluit sic esse Magister  
 Fortiter attingens Operum quascumque suorum  
 Particulas, Nexus, Causas, Effecta, Sequelas .

### *De Sanctissima Trinitate.*

**N**unc agedum dicam, quanto decoratus honore  
 Purus in Æternum non otia duxerit Actus,  
 Cunctorum locuples, qui nullius indiget, Uno  
 Se satis, omne quod est, Eadem Natura Relatis

Per-

<sup>a</sup> Sic intellige, quod per hoc ipsum, quod Deus cognoscit bona, cognoscit etiam mala, ut ait S Thom. par. 1. q. 14. art. 10. non verò quod detur idea malorum, quia malum non habet in Deo ideam, neque secundum quod idea est exemplar, neque secundum quod est ratio. Ibid. q. 15. art. 3. ad 1.

<sup>b</sup> Luc. 10. 42. Perro unum est necessarium .

Personis ornata Tribus : Pater, Inclita Proles,  
Et Flamen : Triplici Deus Unus in Ordine fulget. <sup>a</sup>

Hæc doceat divina Fides, securior omni  
Doctrinâ, quo me verax Deus edocet alium  
Dogma Prophetarum consensu, recta Fidelem  
Consolidat Ratio naturæ lumine major.  
Hæc Methodus sapientis erit. PATER intellectu  
Fœcundus, Deitatis opes, dum concipit intra,  
Terminat æqualem substantia viva Figuram,  
Lux lucem accendit, prolataque Diçtio toto  
Plena Deo Dicentis habens consortia, VERBUM  
Exprimit, & stabili Viventis origine nascens,  
Vi procedendi similis, Genitoris Imago  
Filius est, par ipse Patri, de Patre perennis  
Gloria procedens, & splendor in omnia compar.

Quippe sibi similem Mentis purissimus Actus  
Concipit, inque Deo nihil accidit esse; quid ergo  
Limitet immensam Genitoris Notio mentem,  
Quin sua non æquè communicet omnia Proli?  
Numquid erit sterilis sibimet, qui cætera pleno  
Fœcundat gremio? non extera cuncta cœquant  
Virtutem immensam Patris, quâ possit haberi  
Mundus ab æterno pariter purissimus Actu,  
Parque Pari; ac simili similis. Secus unde vocetur  
Omnipotens? Actus purissimus? Aggeris experts,  
Si Deus est Animus Mundo, vel Filius ipsi  
Mundus inæquali procedere forte repertus?  
Quippe velit plures Mundos, pluresque sub ipsum  
Numinis imperium fiant, jussique perire,  
Protinus intereant: Idem Deus, Actus & idem  
Permanet, & deses non est, neque Mole creatâ

Gran-

---

<sup>a</sup> Nomine Ordinis intellige Relationem, qua ordinatè  
Pater est prima Persona, Filius secunda, & Spiritus Sanctus  
tertia.

Grandescit, neque destructâ decrescit, ut extra  
Se sit, quicquid habet finitæ limina sphaeræ .  
Intra se totum Deus est, intelligit, & vult :  
Et Verbo Virtutis agens sua munia, portat  
Omnia ; deque Deo Deus est, de lumine lumen .

At Patri, Natoque parem purissima sortem  
Usa cum tribuat, compar ex corde voluntas <sup>a</sup>  
Palpitat : in speciem Prolis redamantis amatam  
Flagrat Amor . Sanctè castum propendit in Ignem  
Mutua Flamma Patris, Natique ; & SPIRITUS halat  
Pondus Amoris idem, qui terminus esse duorum  
Obtinet . O Bonitas, & inenarrabile Donum,  
Procedens ab utroque Deus ! Deus Unus in ipsis  
Personis, non ipse duplex, triplexque suapte  
Naturâ est ; neque per partes Processio Mentis,  
Atque Voluntatis, Deitatem terminat intra  
Se ; quia nil extra sese communicat Unum,  
Quod sit Naturâ Deitas . Pater Ordine Primus  
Omnia cum dederit Genito, Fons ipse vocatur  
Spirandi ; neque propterea caret Almus amandi  
Munere Filius ; exit enim processus Amoris  
Mutuus à Binis ; Mentis Processus ab Uno

Sic nobis fari liceat . Tria Numen in Unum  
Non confusa simul subsistunt : Verus eundem  
Geryones præfert triplici sub Hypostase vultum . <sup>b</sup>  
Hic nihil est factum ( fieri dicuntur ab Arte  
Materiam quærente novis fabrilis formis )  
Hic nihil infectum, nihil à majore creatum  
Majestate : nihil casu succedit ; idipsum  
Est Triadi Monas, & Monadi Trias : æqua Potestas <sup>c</sup>  
In Tribus : Omnipotens, Sapiens, Bona ; Prima Secundæ,  
Atque

<sup>a</sup> *Usa . Essentia .* S. August. de Civit. Dei lib. 12.

<sup>b</sup> *Hypostasis . idem ac Persona , & subsistentia .*

<sup>c</sup> *Monas , idest , Unitas .*

Atque Secunda refert se Primæ, Tertia Utrique,  
 Utraque Tertiæ: Idem sub originis ordine Pondus;  
 Tres Unū: PATER, & VERBUM cū Flamme Sancto,  
 Tergemino Regnum folio. Sol Luce Calorem  
 Perpetuò profert. Non hic est ille, nec alter;  
 Non aliud, sed idem; sed non est Filius idem  
 Ac Pater, aut contra; nec spiritus almus uterque.

Est Pater in Genito: Proles in Patre; quiescit  
 Spiritus in Patre, & Genito; Sanctoque vicissim  
 Spiritui Pater, & Proles, æqualiter infunt. <sup>a</sup>

Interea Tribus ejusdem communia cultūs  
 Attribuas, eademque Tribus synthemata, cum sit <sup>b</sup>  
 Unica simplicitas, duplex processio, Triplex  
 Suppositum, quadruplex Divina Relatio Trini.

Principium Pater est Geniti, non Causa: referri  
 Gaudet; at influxu non efficit: Ordo priorem  
 Indicat, & Natura parem cum Germine monstrat;  
 Dum parit Innatus Prolem sine Matre potentem  
 Omnipotens, soli Generatio competit illi,  
 Cui Patrium Nomen, Nemo communicat alter.

At Genito nasci proprium est virtute Parentis,  
 Et gigni, & dici Verbum, speciemque notari,  
 In se cuncta Patris, speculi quasi more ferentem.

Cum Patre Principium spirandi Filius Unum est,  
 Et referens in Amore vices Activa duorum  
 Spiratum sanctè spiratio Pneuma coronat. <sup>c</sup>  
 Spirari, Spirare, Pari, Nascique, relatum  
 Gignere Conceptum, non auget, Hypostases ul lo  
 Naturæ titulo; solum distinguit easdem.  
 Quandoquidem æquales, similesque Essentia signat;  
 Notio

<sup>a</sup> Per Circuminseffionem una Persona est in alia; ut  
 habetur Jo. 14. quod Græce dicitur Perichoresis.

<sup>b</sup> Synthemata. Sententiæ.

<sup>c</sup> Pneuma. Spiritus.



Notio Personas cernit ; non cogitur esse  
Proprietas, sed spontè suâ dimanat, & almo  
Nectaris Oceano summam concordia Mentem  
Sospitat una Trium. Quicquam non accidit illic  
Vel Quantum, vel Quale dari, vel in extera ferri.  
Proh Deus ! Hæc omnem sunt transcendentia captum  
Quis tua te præter solum Myſteria norit ?  
Quis satis enarret ? Quæ mox eduxeris, & quæ  
De nihilo, valido possis educere jussu,  
Cuncta perexiguæ dicant encomia summæ.  
Sic erat ante Dies, & sæcula prima, priusquam  
Conderet Omnipotens Mentem, & Tempus, & Orbes.

*Argumenta Septem Dierum .*

**P**Rima Dies Mundi Cælum, Terramque creari  
Protinus obtinuit, lucemque niteſcere Mundo .  
Altera firmato Cœlo diviſit aquarum  
Congeriem ; Congeſſit aquas Mare Tertia ; ſiccā  
Detexit ; viridi contexit germine glebas .  
Quarta dedit Solem, Lunam, Stellasque vagari  
Motibus in menſes, annos, & tempora circum .  
Reptile Quinta tulit, cunctumque Volatile lymphis,  
Unde Fretum Piſces, Volucres unde æra motant .  
Sexta Feras ab Humo, pecudes, Hominemque recudit.  
Septima complevit requie, quod durat in ævum .  
Si quis ad Octavam pervenerit, eſto Beatus .

# O P U S P R I M Æ D I E I.

## Textus.

- 1 *In principio creavit Deus Cælum, & Terram. 2 Terra autem erat inanis, & vacua, & tenebræ erant super faciem Abyssi; & Spiritus Dei ferebatur super aquas. 3 Dixitque Deus: fiat lux. & facta est lux. 4 Et vidit Deus lucem quod esset bona, & divisit lucem à tenebris. 5 Appellavitque lucem Diem, & tenebras Noctem. Factumque est vespere, & mane Dies unus.*  
Genes. cap. 1.

## Informis Mundi Creatio.



**A**n-te Mare, & Terras, & quod tegit omnia  
Cælum  
Nullus erat toto Naturæ Vultus in-  
Orbe,  
Nullus in Orbe Orbis, nullum quoque  
Tempus, & Ævum,  
Quod Deus æternum supponeret, unde crearet  
Omnia; cumque sui Naturæ Viribus ortûs

De

De Nihilo nihil esse queant, nisi cuncta Potentis  
Numine ( nam res à nihilo sine fine recedunt )  
Immensum sine Re spatium prævisa manebat  
Intervalla ; locus Moles ; & Abyssus Abyssum .

Tum Pater . En nobis prodest æterna voluptas ;  
Quam nisi conflatis consortem Mentibus extra  
Nos faciat mea Vis, Fili, rerumque Potestas,  
Quà sapiens Verbum ? Quà Spiritus alme, ferantur  
Immensæ Bonitatis Opes ? aliisque videndum  
Lumen ? Amor nostri, prolata sorte fruatur ?  
Prospicimus plures proprio succumbere casu,  
Et Charitos Donis, & Libertatis abuti ;  
Sed sua si reprobos mortis delicta fatigant  
Justa luant pœnæ . Meritis quos gratia culpat,  
Et Peccatores reperit Censorius Index,  
Justitiâ plectit, reliquos prædestinat . Et quos  
Attraxi miserans, nobiscum stare velimus .

His igitur Mundum fieri, protendere latè,  
„ Terrasque tractusque Maris, Cælumque profundum  
Fas erit ; & similes nobis sine Corpore Mentis  
Condere . Quas misero trudet sub Tartara lapsu  
Judicii tumor, instaurent humana Virorum  
Germina . Te primum fragili decernimus ortu  
Carnis, Imago mei, Proles dilecta, superbis  
Motibus opponi ; Repares Deitatis honores,  
Aligerum stygios raptus, hominumque ruinas .

Est satius Mala permitti, quam nulla remotis  
Esse Malis Bona ; servandos amplissima legit  
Hos Pietas, distrieta illos Vindicta reliquit .

Nec mora Principiis . Ævum Natura diremit,  
Et Tempus . Nunc est rebus vitale creandis  
Arbitrium : Fiant, inquit ; Verboque refusum  
Pignus Amoris ait, Fiant ; Et protinus ipso  
Vox Domini tonat imperio, per inania fertur  
Regna Tenebrarum . Nihilum molimine tanto

Fundi-

Funditus excussum trepidat, vultuque fatiscit,  
 Arcano, postquam portendit Brachia longo  
 Margine per gyrum: Cœlum, Terramque creari  
 Sentit, & Artificem veneratur ubique propinquum.

*Deum esse Ubique :*

**E**St Deus immotus Motor, rerum intimus Hospes  
 Qui creat, & servat; servasse, creasse, creandum,  
 Servandum: Variis est hic successibus idem.  
 Qui latet ut pateat, qui continet omnia primò  
 Impermixtus Agens, sine quo ruit omne, quod extat.  
 Qui simul est, unâque Potens, Præsensque tuetur  
 Omnia, concursu qui præviis omnia lustrat,  
 Et penetrat; se namque suo non deprimit actu,  
 Cum rerum sit Causa Prior, neque præterit ipsum  
 Aut modus, aut rerum numerus, naturaque fortem.  
 Quandoquidem latè Causas dominatur in omnes  
 Numen inaccessum, minimis insistere compos,  
 Non secus ac magnis: aliquam nec Agentibus infert  
 Vim, nisi vult; aut hoc etiam non esse necesse,  
 Absque Deo non est, aut esse necesse sequatur  
 Hoc, uti vult: æque Mundi Promotor, & Author.  
 Hoc Chaos antiquum, nondum digesta Diebus  
 Hebdomadæ senis simplex natura creati  
 Corporis exhibuit; nondum lux, mistaque nondum  
 Congeriem distincta ornant; nec motio pugnam  
 Principiis indixit; adhuc Elementa quiescunt,  
 Quæ Tria principio distincta videntur in ipso  
 Nominibus Cœli, Terræ latitantis, Aquarum.

*Ethnicorum Errores circa Mundi  
Principia. \**

**F**alsa ferunt Veteres, etiam virtute supernâ  
„ De nihilo nihil, in nihilum nil posse reverti :  
Unde coæternam summo Plato dixit Agenti  
Materiam, rerum simul exemplaria ponens  
Incorrupta, quibus Deus intendisse feratur  
Ut Faber, arte movens cusi spectacula Mundi.

Cum verò Mundumque Deo, Motumque coævum  
Dicat Aristoteles, tribuatque subinde moventi  
Materiam, speciemque, novos ut proferat Ortus  
In sublunari rerum vice, turpius errat,  
Emanare putans Mundum à Deitate necessum ;  
Non ex arbitrii primâ Bonitate creatum  
De nihilo : Plena non libertate Creantis  
Omnia constitui. Quid mox Deus ipse vocetur  
Omnipotens, ubi mundanam molem esse necesse est ?  
Quid melius, si plura dabunt simul ? optima rerum  
Quæ fuerit, Deus, an Mundus ? Deus, inquit ; at unum  
Non erit hoc summum, qui non Deus est sine Mundo.  
Quod si compositum faciant, formamve perennem  
Naturæ, immensum cohibent, vel dicere tentant  
Innumeros Mundos, & materialia nullis  
Finibus attingi. Quid mox mirabere, si qui  
Particulas Mundi, tamquam Deitatis adorent ?  
His ita principiis Democritus acrius obstans,  
Ne quid oporteret Divûm confundere mentes  
Visibili specie, casum detruxit Abyſſo  
Conflantem innumeros Athomis volitantibus Orbes.  
Quid casu ratio ? quid iniquius asserat amens

B

Inge-

---

\* S. Ambros. lib. I. Exaem. cap. I. & alii.

Ingenium, sine mente regi, sine mente moveri?  
Et cæcam fortem æternis contendere Fatis?

Non opus est casu, non est opus esse necesse,  
Quod valet arbitrio summæ consistere mentis,  
Omne quod hoc fieri potuit; seu Mundus ab ævo,  
Seu sit materies, vim non habet omnipotentem,  
Quin penitus non possit ab Omnipotente creari.

Ergo quid opperior? vult hoc Deus esse; fit ipsum  
Protinus ex nihilo, sed non nihil esse jubetur  
Hoc aliquid: non vult ipsum? redit ilicet ipsum  
In nihilum. Superat res omnes prima Voluntas,  
Quæ creat in primis partes, Elementaque Mundi.

*Quæ creavit in Principio Deus, sunt  
omnium Rerum Principia,  
& Elementa.*

NE tamen incassum credas narrata Fideli  
Dogmate; Principium rerum scrutare per omnes  
Causarum species; nam qui simul omnia fecit  
Principium Deus efficiens, Finisque supremus  
Omnia se propter, simul ac operatus, & in se  
Principio comprehendit Opus sine motibus extra  
Sese distinctum, quod se sine, non valet esse.  
Sed quoque Causarum series, metasque creavit  
Ipsis cum rebus, Motus, Loca, Tempora, quicquid  
Congrueret rebus; senisque diebus in ipsas  
Res successivum statuit decurrere motum,  
Donec perficeret species, in sæcula nunquam  
His defecturus quæ condidit, usque beato  
Fine fruatur Homo, propter quem Mundus hic extat.  
Pro-

---

\* Eccl.18. Qui vivit in æternum creavit, omnia simul.

Propterea dum Mentis opus meditamur adortum,  
 Indefinitis procedere principiis non  
 Possumus; at quadam fieri Natura negabit,  
 Quæ jam de nihilo fecit Deus, Æthera, Cælum,  
 Sydera, Lucis opes, Sudum levis aëris, undam,  
 Terrarum tractus, firma intervalla locorum,  
 Quæ nisi Principio condat Deus, irrita tentet  
 Ex aliis primò Mundus procedere Causis.

Ex his mutari quædam Natura laborat,  
 Seminibus primo cessis, ut gramina, stirpes  
 Ligna, & ab his fruges, fructus, nova semina, succos,  
 Dura metalla, petras, glebas, & cætera Terræ,  
 Brutorum species, hominumque, sed unica semper  
 Ex nihilo in membris Anima immortalis habetur.  
 Quædam imperfectè sine semine mistio mutat,  
 Et corruptelâ quadam resoluta fatiscunt.

Propterea nisi cum causis Natura secundis  
 Virtutem à Primo desumat Agente movendi;  
 Ac variis instructa modis, rebusque potentèr  
 Materia, & Forma signatis, quando moveret  
 Efficiens? quâ Materiâ, quâ prodere Formâ  
 Diversum posset Causæ valor ille creatæ?

### *De Materia informi, & Forma Substantiali.*

NAM quædam mutabilitas intrinseca moli, <sup>a</sup>  
 Quam Deus indixit Mundo, quam prorsus, & omni  
 Concipias Formâ rerum restare carentem,  
 Materies informis id est; non spiritus illa est,  
 Non corpus, non omne quod est speciale notatu,  
 Non tamen omnino nihil est; si dicere possim,

B 2

Est

<sup>a</sup> S. Aug. lib. 12. Conf. cap. 3. & 6. & alibi.

Est aliquid nihil, & non est; hoc & propè nil est,  
 Quo nihil inferius, tamen est informe creatum,  
 Formarique capax, subiens in origine primum  
 Corpora; nam mutabilium substantia rerum,  
 Quæ quicquid fuerat, mox definit esse vicissim,  
 Et simul hoc ipsum, quod non erat, incipit esse,  
 Suspensione premit mentes, ne transitus iste  
 Per nihil omnino fiat; sed nosse fatigas  
 Cum mutabilitas, atque intellectio semper  
 Juncta suis Formis naturæ jura reposcat.

Nimirum Tenebræ faciem scrutantur Abyssi,  
 Dum vacuum mens nostra movet Telluris inanis.  
 Dum tria facta legit, distinctaque nomine certo  
 Formarum, veluti Cæli, Telluris, Aquarum.

Sed cum Materiam Divina Creatio Primam,  
 Perfectum intendens, nunquam collimet oriri,  
 Nec sine Formarum nexu succedere Corpus,  
 Nec sine Materiâ Formas existere primâ  
 Corporeas; pleno signatum terminat ortu,  
 Quod mutabilitèr voluit Deus ipse dierum  
 Decursu fieri, quamvis potuisset ad instans  
 Omnia perficere. Hinc Cæli perfectio lucem,  
 Spirituum mentes, Firmamentumque moratur,  
 Divisas, & Aquas ab Aquis Cælestibus imas,  
 Et Solem, & Lunam, & Stellæ, & Tempora motu,  
 Quò paritèr mutatur humus, fit & arida lætis  
 Æquoribus; Pisces & Aves promuntur ab Undis,  
 A Terrâ Vegetabilium variabile germen,  
 Et Genera, & Species, alio pollentia sensu,  
 Donec ad humanæ sobolis primordia ducat.

Quæ dedit ut certo mutari tempore Numen,  
 Quam fieri subito malit, docuisse videtur,  
 Quas Natura vices possit præstare; quid insit  
 Corporibus; quamvis etenim præcedere Formas  
 Tempore non possit, quæ de se portio non est,

Et



Et radix informis id est; tamen ordine formis  
 Est prior, ut vocis sonus est simul & sonus, & vox;  
 Et tamen ipsâ voce sonus prior esse probatur.

Hæc ratio supra Physicum dictamen habetur,  
 Ut neque materies sine formâ possit haberi,  
 Nec sine Materiâ Formæ manatio; si sit  
 Corporis, ac ideo simul utraque semper habetur.  
 Hinc informis hyle formis cælata sub ipsis  
 Non intelligitur, non est, non extitit unquam  
 Informis, quia Forma suum jus est, suus actus,  
 Quo si privetur, totum deperditur, alter  
 Nî sibi succedat, totum mutabitur ipsâ  
 Mutatâ, quoties alius successerit actus.

*Non sufficere pro rebus omnibus Materiam  
 unam, unitate specificâ; sed requiri  
 plura Elementa, seu Principia  
 materialia formata.*

HÆc autem virtute Dei præmissa videmus,  
 Ut de materie signata cuncta reformet,  
 Perficiatque volens genituræ more, creata.  
 Propterea Mundi Partes, Elementaque promit,  
 Cælum, Tellurem, Latices; exinde quid Ignem  
 Luce nitere jubet; cælestia firmat aquarum  
 Diffidio? cogit Latices, Terramque virenti  
 Germine detectam comit, Brutisque ref reit?  
 Scilicet ut doceat, quamquam divinitus illud  
 Mutari possit; per se mutabile Corpus  
 Una Materie fieri non posse; sed ultra  
 Principiis aliis opus est succurrere Mundo.  
 Propterea quisnam variis accomodet unum  
 Principium rebus? ponas Elementa vicissim

Cum fluidis Undis Ignem, cumque Aëre Terram,  
 Unde capis subigi longè distantibus unam  
 Materiam? primamque voces, ex quâ omnia fiant,  
 Cum jam simplicia, & diversa fecerit Author.  
 Omnipotens? quidnam reperis commune sub ipsis  
 Simplicibus, nisi conceptum, quo dicimus esse  
 Corpora? nempe quia ex non tali tale sequatur?  
 Hoc aliquid Divina facit transire Potestas,  
 Quæ de simplicitèr non tali tale creavit,  
 Et de non tali totum convertere possit.

Sed Natura suos semper determinat ortus,  
 Ex aliquo tali, simili, quod proxima Formâ  
 Contineat monumenta rei; sic semine Plantæ  
 Planta venit, Bruti certo quoque semine Brutum;  
 Quæque velis fieri, non quælibet apta putabis,  
 Sed propiora leges: Cibus ipse nec utilis omnis  
 Omnibus est idem. Repetas ab origine Mundum.

Ignis, Aqua, & Tellus, Aër, & mobilis Æther  
 Hæc sunt quæ primo fuerint cum condita jussu,  
 Vel fuerint mox omninò conversa Jubentis  
 Consilio, varios eadem mutantur in ortus,  
 Mixturæ nexu; resolutaque rursus id ipsum  
 In Genus, ostentant primas exordia formas.  
 Materies invisâ quidem: sed quanta silentem  
 Obducit tenui totum caligine Mundum?  
 Corpus ea est simplex, longum, latum, atque profundū  
 Et similem referens amplâ compagine vultum.  
 Illa sed informis, medium nihil inter & extra,  
 Æternam quod hylen dicunt, & in omnibus unam  
 Quî fit, ut existat? spuria Plato mente salutat.<sup>b</sup>  
 Nec quid, nec quantum, nec quale, nec inde relatum,  
 Ut commune Genus, quis vix intelligat esse?

Quippe

a Creavit Orbem Terrarum ex Materia invisâ. Sap. 11. 18.

b Beffarion. in Calum. Plat. lib. 1.

Quippe Creatoris nutu formata, diremptis  
 Corpora prima notes formis Cælum, Mare, Terram :  
 Quid speciem primò variet, si possit ab unâ  
 Materie, Natura suos progignere fœtus?  
 Ridiculum reputes, uno si plurima possint  
 Corpora Principio gigni, quamplura creari:  
 Nam Deus, & Natura nihil perinutile formant;  
 Nec defunt operi intento, nec inania cadunt.

Non idem ubique unū; sed plura Elementa Creantis  
 Arbitrio, sic jussa globo contermina cogi,  
 Sic fieri; secus hæc misceri quomodo possint,  
 Vel si mista forent, possint Elementa vocari?

Grammatici Latio referunt Elementa legendi  
 Viginti tria; nominibus sunt plura repertis  
 Quæ sunt in Mundo; quid ab uno sint Elemento?  
 Num quia conceptum mentis communicat unum  
 Littera multiplicem discriminat una loquelam?

*Quatuor vulgata Elementa non sunt to-  
 tius Mundi Elementa, & Corpora in  
 Terris reperta, ut Metalla, & Lapi-  
 des, sunt horum additamenta, ut vocat  
 Cabeus lib. I. Meteor. text. 4. quæst. 3.*

PLura inquam; quoniam Mundus non est Elementum,  
 Nec solis constans Elementis; namque creavit  
 Hunc Deus in varias formas; ita Sydera, Terram  
 Atque Planetas; an glebæ sunt saxa? bitumen  
 Est Sal? & varijs eadem sunt nitra metallis?  
 Nam sicut Mundus diversis rebus in unum  
 Mistus opus variat partes formaliter omnes,  
 Simplice nec Forma constat; sic omnia Formis

Mista minutatim compactis edita credas;  
 Sed tamen attendas uni communia Formæ.  
 Quod si tam variis Formis hæc condita noris,  
 Materiam primam informem quid quæris in ipsis?  
 Cogitet Ingenium, sensus ne quærat Abyssum  
 Deficientis hyles, qua sit mutabile corpus.

Ne quæras autem quot sint Elementa priusquam,  
 Quid sint decernas: simplex est Corpus & illud  
 Ex Elemento alio non fit? Non ergo duobus  
 Materies communis inest; nam quicquid in uno est,  
 Non est in reliquis; nec quatuor illa creato  
 Sufficiunt Mundo; nec non si quatuor imo  
 Facta loco reperis, Ignem, Aëra, Flumina, Terram,  
 Et dubitas an Gemma nitens, an forte Metallum  
 Sal, similesque suum per Corpus habentia partes  
 Sint de simplicium numero (si condita primùm  
 Credideris potius, quam semine nata creato) <sup>a</sup>  
 Quid referas, vastum, si cessis Æthera pennis  
 Singula Cælorum visurus Climata pergas?

Pura neque ex aliis fiunt, quia facta fuerunt  
 Ex nihilo diversa, Deo mandante, velut sunt  
 Primitus; & faciem mutant, si mistio partes  
 Ingerat, aut si feminibus sint pabula certis.

Sint Elementa suis conformia partibus, æquas  
 Et similes, & homæomeras servantia lances, <sup>b</sup>  
 Quomodò sic Tellus Elementum dicitur unum,  
 Quæ tam diversis compacta est partibus in se?  
 Stellarum quoque compages non esse videtur  
 A simili formâ: Lunam speculari nitentem.  
 Lucis inæquali vultu; si quodlibet Astrum,

Corpus

<sup>a</sup> Nam Chymici Salem, & Sulphur, & Mercurium pro Elementis habent.

<sup>b</sup> Homæomera, quæ constant partibus similiaribus, ut Aqua, Aer, Ignis.

Corpus habet dispar, Elementa quot esse probantur?

Si Corpus simplex Elementum dicere mavis,  
Non Elementa putes firmissima corpora quædam;  
Ut Firmamentum sunt, Sydera, Terra, Planetæ.  
Aut sunt plura simul cum non sint Corpus in unum  
Consimiles partes, ut habent Aqua, & Ignis, & Aër.

### *Prædictorum Conclusio.*

His igitur dictis pateant exordia rerum,  
Quæ sunt in mundo: Series est Mundus earum,  
Nexa Creatoris Verbo, distincta volentis  
Arbitrii ratione; suas imitantia leges  
Cuncta Deus primum quæ condidit ipsa sub omni  
Multiplici formata gradu sunt, ordine certo  
Principia. Ex ipsis fuerint extrinseca quædam  
Finis & efficiens: fuerint intrinseca quædam  
Ut cuiusque rei proprium Natura per omnes  
Effectus demonstrat Opus: discriminat actus  
Esse potens, & Forma quid est determinat ipsam  
Materiem: sed enim cum sint hæc summa scientis  
Ingenii Decreta, vides à Numine formas  
Distinctas cuicumque rei: Passiva Potestas,  
Quæ nihil est actu, quo plus exceperit actum,  
Ut magis Activum fiat, minus illa tenebit  
Materiæ; nihil omnino, si mentibus insit:  
Nam Corpus præ mente, per hoc differre necesse est  
Quod divisibili partes in Corpore quantæ  
Materiam dirimant. Totum hoc totaliter est Mens,  
Parte carens omni, substantia vivida Verbo;  
Nec totum esse tenet si sit finita, quod est hoc  
Ex alio pendens, quod limitat esse creatum.  
Hinc etiam plus de formæ ratione, minusque  
Materiæ sortitur Agens excelsius inter

Cor.

Corpora; Cælorum Sphæras intellige, Stellæ  
 Indefectibiles, agiles, motuque perennes,  
 Materiâ tenui, formâ potiore coactas.  
 Hinc Æther, aut Ignis habet magis Aëre vires  
 Activas, & Aquâ magis Aër, imaque Tellus  
 Præ reliquis passiva magis, plus ponderis effert,  
 Materiæque gravis, de se minus apta moveri.  
 Post hæc & mistis est omnibus indita primum  
 Perfectis, Imperfectis Distinctio, passim  
 In species mansura suas, numerisque vicissim  
 Successura suis, donec prævisus in Ævum  
 Finis ab immoto Mundi Motore feratur.  
 Quæ nisi distinctè faciat Deus omnia primum,  
 Incassum totidem quæras exordia rerum.

*Non dari Athomos Democriticas.*

**A**T neque (quod minimas parvis Elementa figuris  
 Cædua Particulas tenuent) per inane volantes  
 Inducas Athomos. Tellus, Aqua, limpidus Aër,  
 Hisque pares moles sunt Corpora confita nullis  
 Rupta foraminibus, jugi conflata tenore;  
 Non vacuo sparsim sunt interpuncta minuto.  
 Namque reale aliquod spatium non posse repleri,  
 Jussa Creatoris renuens, interque capedo  
 Effet in Orbe magis, quam res extare, necesse.

Præterea si pondus habent, faciemque perennem,  
 Et motu conjuncta novas Corpuscula formas  
 Induerint; totidem nexus, totidemque gradatim  
 Accubitus, quæ sorte petunt, quæ lite recusant,  
 Unde situ variant, sit ut ille tenacior illo  
 Surculus; ille color, sapor ille, valentior illo,  
 Plus, minus? aut ergo specie differre suapte  
 Dixeris, & similes Athomos concrefcere in unum,  
 Quod

Quod retuli Naturæ Elementum, partibus ipsis  
 Continuum, minimè cæsum; quia scilicet unum  
 Per se subsistens. Aut non differre: quid ergo  
 Sunt Aër, Aqua, Terra simul? Quid talia primis  
 Principiis? Athomos Terræ cur densus opacat  
 Nexus, aquæ ligulas, in mollia Vimina stringit,  
 Aëra millenis linquit flavescere rimis?  
 Hæc Athomos Terræ sit, & Aëris altera; distent  
 Naturâ? Quantâ distent in mole? Figurâ?  
 Pondere? Sed quantum? ne tanta remotio partes  
 Aëris, & Terræ possit mutare vicissim.  
 Diversum perhibes? Esto. Da prismata, Terræ  
 Moleculis, rotulas da partibus Aëris: Ergo  
 Terra nihil spatii de se discriminat, Aër  
 Inde minus triplo; per quod si pyramis Igne  
 Prænitido transit, non est cur possit haberi  
 Aër à Terrâ longè diversus, & alter.

Quod si simplicium pendas quamplurima rerum  
 Corpora, dissidium majus novitate figuræ  
 Comperies. Age quid factum? Quid Mente creatum  
 Divina, facies veluti quodcumque gregatim  
 Si sit arenarum cumulus? Quæ scissio summum  
 Quominus Artificem sequitur, minus esse putetur  
 Credibilis; quod & has Athomos intenderit Author.

Accipe, sis, Athomum conceptu mentis aquosam,  
 Quam dicas impartibilem, si nullus Agentis  
 Aëtus habet vires mutandi protinus illam;  
 Immutabilitas summis æterna cœquat  
 Spiritibus, consiste parum, quia solus in Aëtus  
 Est Deus Æternos, est immutabilis aëtus;  
 Spiritus est aëtus mutabilis, unde creatus.  
 Si minor est Athomos, quam mens ab agente creata,  
 Corpus erit propriæ nexu mutabile Formæ.

Quin potius Corpus simplex, si feceris unum  
 Continuum, minimè cæsum, stant singula primas

Inte-

Integra naëta vices Elementa replentia Mundum.  
 Cur opus alveolis? Tellus è pumice constet,  
 Suber Aquas simulet, sit in Aëre spongia quædam?  
 Et quaquaversum porulis, rimisque fatiscant  
 Vermiculata simul tessellis corpora? jussit  
 Conditor hîc Undas, Cælum, Terramque creari,  
 Hæc ubi sunt, & ubique suis in partibus esse  
 Talia facta reor; quicquam nec abesse fatebor.

### *De Continuo.*

**C**ontinuum per se tale est; nec inane minutum  
 Admittit, cæsofve suis in partibus artus,  
 Vel solâ statione sitos; sed viribus extra  
 Dividuum, certisque manet, resolvable punctis,  
 Pulveris in morem. Non infinita potestas  
 Molis inest apici, minui qui semper & ultra  
 Possit, habet minimum quod sic, natura, minorem  
 Deridens actu partem; nam limite virtus  
 Finit; agens partes minuit, ramenta que juxta  
 Vim terit; & refici truncum genitura laborat.

Quod licet innumeris Minimum proscindere quantû  
 Particulis inhies cerebro: mutare Creator  
 Naturam quanti valeat: sed quantula pars est  
 Secta suo toto, Metron sortitur ab actu:  
 Tanta manet, refici patiens, non inde secari,  
 Quanta figuratè facta est virtute secantis:  
 Quantaque dissecto passa est à corpore tolli.

Principiis innixa suis demonstrat apertè  
 Docta Mathematicæ quantum constare jugatum  
 Partibus innumeris, quarum sit copula punctum.  
 Scilicet abstractam mentem cum purget ab omni  
 Materiâ, Phisicè punctum, vel linea non est,  
 Sive superficies, aliquo sine corpore; sed sunt

Ter-



Terminus excludens partes, neque Conditor ullum  
Quid simile effectum sine re determinet Orbi.

Esto igitur planum perfectus Circulus aptum  
Tangere dumtaxat puncto sine parte notetur  
Ut docet Euclides. Ubi planum Circulus iste  
Tale gravat? tenuet sine fine minutia partes,  
Atque Theoriâ numeros auferre minores  
Cogitet à numeris; Partes à partibus usque  
Judicet. At filo subsistens linea tantos  
Proferet extremis apices, quos tangere certo  
Vis finita queat modulo; nec cæsis scindit  
Res, tactusvè probat speculante Mathefeos actu.

*De Raro, & Denso.*

Id quoque mirandum divina licentia quantis  
Molibus inferuit; Densum, Rarumque sub æquas  
Constituit partes fieri penetrabile; turgent  
Halitibus variis infra sua sæpe receptis  
Membra; sed exclusis iterum densata residunt.  
At quandoque suâ Rarum, dum servat eandem  
Mensuram statione (velut præclara nitentem  
Excipiunt Crystalla focum) fit densius. Aurâ  
Vas plenum pervadit adhuc explebile Ventus:  
Saxa Oleum pervadit adhuc durissima lapsu;  
Et muros Aër penetrat: Ferroque rebullit  
Ignis, ut aggestu nimium replicabile denso  
Explicit Æolii Sulphur portenta vaporis.  
Netur item tenui Flammæ pinguissima flocco  
Cera; brevi latuit gremio globus Ætheris ingens.  
Ut nisi quod fuerat densum, rarefcere dicas,  
Quod fuerat Rarum, Denso penetrabile reddi,

Non

Non Labyrintæo referas vestigia flexu.

Aëris hoc potius novit natura parergon,  
 Quo vacuum ratio studuit suadere minutum:  
 Nam dicunt, minus in Raro, quam existere Denso  
 Materiam; nec utrique pares concedere partes  
 Fas erit, ut Vacuo plenum respondeat omni;  
 Sic igitur si Rara replent, si Densa superplent  
 Vasis idem labrum; luteræque flumine plenum  
 Reddit in Aërios flammæ vis vidida succos,  
 Dilatat millena levem per jugera lympham;  
 Quis Vacuum vicibus millenis amplius esse  
 Aëre crediderit, quam moles ipsa, quod Undam  
 Excipiat totidem vicibus compressius ætæ?  
 Quis putet hos reditûs Elementorumque rapinas  
 Cum Deus, & Densum, & Rarum, & Penetrabile certis  
 Jusserit Officiis fieri? sparsumque negarit,  
 In rebus Vacuum, complens Loca cuncta? quis aptè  
 Consilium Domini capiat? qui tradidit Orbem,  
 In grave dissidium, ne cognoscatur apertum  
 Tantæ mentis Opus? non implicat illud, & istud;  
 At libito conforme satum scruteris oportet.

Quo plus de Forma Corpus manifestat in ætæ,  
 Plus habet, ut possit Formam stipare, sinuque  
 Materiæ, spatioque suo cælare retusam;  
 Nam cum pugnat agens, Sphæram virtutis agendo  
 Dilatat; patiens vires constringit ab ætæ,  
 Contractasque fovet: quare si colligit ætæ,  
 Contrahitur, spissumque venit; Rarumque vicissim,  
 Si quoque Materiæ collectos explicat ætæ.  
 Hinc penetrabilitas non est referenda valori  
 Subjècti, seu materiæ patientis, at ipsis

Actibus

---

3 *Mundum (Deus) tradidit disputationi eorum, ut non inveniat homo Opus, quod operatus est Deus, ab initio, usque ad finem. Ecclesi. 3. 11.*

Actibus ejusdem, quibus & magis, & minus opplet.  
 Namque actus cessare queunt, cœpisse remissè,  
 Augeri, minuique Dei virtute valentes,  
 Atque replere locum, multoque tumescere motu.

Quod magis arridet Topicis defendere nervis,  
 Instamus factis, quæ permansura putamus,  
 Quæ primâ producta manu sunt talia, frustra  
 Quærimus illorum causas, vel rebus in ipsis,  
 Vel procul; Artificis mentem perquirere præstat.  
 Nam Raris, Densis, Penetrabilibusque replevit  
 Spiritus Omnipotens Orbem, voluitque vicissim  
 Plus minus in rugas quædam contracta minorem  
 Fastidire locum, majorem fallere quædam.

### *Primæva Mundi facies.*

Propterea primâ revocans ab origine Mundum;  
 O qualem videam! tenebris vallatur opacis;  
 Torpet iners Astris Cælum, motuque diurno;  
 Terra sepulta Mari nullo se germine comit,  
 Et circumfufum Terræ mare, Spiritus Undis.  
 Hæc ita, summe Parens rudis, indigestaque moles  
 Quorsum te sapiat? quid non simul exeris omnes  
 Ornatus rerum, lucem, munimen Aquarum,  
 Terrai, mariumque sinus, herbasque virentes,  
 Pomiferasque trabes? quid non simul astra, nitentem  
 Et Solem, & Lunam, quæ sint in signa dierum?  
 Quid motos animare greges, volucresque canoras,  
 Brutorumque pecus, silvis, campisque pererrans;  
 Et Genus humanum Divis æquare moraris?  
 Tu nihil expectas: Mundi mora passa supremum  
 Te manet arbitrium; poteras hunc ocyùs icù  
 Perfecisse: Dies placet expectare ter ambos,  
 Ut doceas, certo Natura quid ordine poscat

Inci-

Incipere utcumque, ut cæptis meliora sequantur.

Non transit Verbum Domini, sed permanet usque  
 Dum steterit libito res conformata superno;  
 Inde semel loquitur Deus immutabilis, Orbem  
 Cum creat, & fervat, cum perficit, atque gubernat.  
 Hinc semel hoc inquit; fiat lux, semper idipsum  
 Dicit, ut è Tenebris lucem splendescere mandat,  
 Et naturales Divina locutio Causas  
 Adjuvat, ut nobis mundum scrutantibus, & res,  
 Profuerit novisse, Deus quid dixerit Author.  
 Quid dicto tulerit, num viderit, anne vocarit,  
 Numquid divisum, numquid mandarit adactum,  
 Quæ per se fieri, vel quæ perfectæ jubentur  
 Mutari; Deus est idem, sunt cætera nutu  
 Cuncta relata suo, non transgressura loquentem.

### *De Mundi Loco.*

Interea quia quanta locum, spatiumque requirunt,  
 Et mundus vastâ consistens mole locatur  
 Hic, ubi sunt omnes partes, non inde recedens;  
 In nihilo exterius nitentem pondere Sphæram  
 Concipiam Terræ Centro constante, remotis  
 Librari spatiis. Utrum convexa rotundum  
 Perfectè referant, & Terra sit imus amussin  
 Punctus, in ancipitem pendet sententia litem:  
 Nam quavis formâ Corpus prægrande rotatu,  
 Partim promineat, partim depressius erret,  
 Centrali motûs vertigine Sphæra videtur.

Non Opifex nostris metitur in Orbe Cylindris  
 Singula. Confodit vastam fundamine vallem,  
 Quæ foret immotum spatium, Vacuumque repleri

Mole

Mole capax patiens, quo Corpora cuncta locavit.  
 Appendit Terram in nihilum; Terræque fluentes  
 Strinxit aquas, & aquis extendit Nubila sursum,  
 Atque Planetarum sedes provexit in altum,  
 Ne super instructo quidquam transcendat Olympo.  
 „ Nec verò tibi natura admiranda videri „  
 „ Pendentis Terræ debet, cum pendeat ipse  
 „ Mundus, & in nullo ponat vestigia fundo.  
 „ Quod patet ex ipso motu, cursuque volantis,  
 „ Cum suspensus est Phœbus, cursumque reflectat  
 „ Huc illuc, agiles & fervet in Æthere metas:  
 „ Cum Luna, & Stellæ volitent per inania Mundi,  
 „ Terra quoque Aërias leges imitata pependit.  
 Hic locus est Mundi, & Rerum, quas totus adæquat,  
 Extima complexus, latè simul intima nectens;  
 Quem fore concipies vacuum, si corpore truso  
 Non aliud succedat eò; velut Amphora vino  
 Plena, meri locus est; quod cum potaveris, intrò  
 Non intrasse putes aliud. Quia Corporis impos  
 Una superficies, quantis annexa, moveri  
 Prompta, minor toto, spatii Cyclas, ora locati,  
 Non poterat locus esse; triplex mensura locandum  
 Corpus adæquat idem: spatium sic esse creatum  
 Judico longum, altum, latum, patiensque manenter  
 Expleri densis; minus explent rara, quod omni  
 Parte gerant tenuem flatum: tamen undique plenum  
 Materiâ exili, aut solidâ; penetrarier aptum  
 Grande Forum Mundi vario Curfore; sed ipsum  
 Impenetrabiliter sua tendet inania, quanto  
 Suppositum Physico: reliquum quem mota relinquat  
 Unda locum, refluens aliis successibus Undæ?  
 Quomodo constantes radios huc dejicit Æther,

C

Quos

a M. Manil. Astron. lib. 1. c. 2. contra Lactan. de Falsâ  
 Relig. lib. 3. cap. 24.

Quos neque dimoueat Boreas, neque Circius audax?  
 Ni locus est spatium, quantis immobile primò  
 Mobilibus, quare dimense Geometra cellas  
 Frugibus opplendas, solidum contendis haberi,  
 Multiplicemque cubum? fueritque medullitus aër  
 In loco, ubi alterius non excipit oscula molis?

Nimirum distincta suis à rebus, & omni  
 Corpore stat Cavitas, ubi res firmantur, & unde  
 Transmigrant; ut eò promptè succedere Molem  
 Si Deus impediat, locus ipsa vocetur inanis.  
 Hinc aliquâ Vacuum pandi vi protinus, atque  
 Corpus inextensas partes cælare Tonantis  
 Arte, quid hoc dubites? profert Exempla facultas.  
 Experimenta docent Vacuum violenter haberi;  
 Sed spatium non demonstrant fore prorsus inane.  
 Si nihil omninò fuerit, vel luce carebit.

### *De Angelis.*

ET primo maiora Die Deus extulit; almas  
 Spirituum Mentis; divini semina Verbi;  
 Robora Principiis immaterialia celsæ  
 Condita virtutis; patuli vigilantia Mundi  
 Præsidia: indigetis concessum viuere gratis;  
 Inque ministerium Triadis præcellere gratis;  
 Militiæ Cælestis opes, validasque Cohortes,  
 Immortale Genus. Novies cælestia comunt  
 Empyrem, distincta Choris examina Ternis,  
 Protinus, ut Domini jussu Via libera factis  
 Panditur hospitibus, rectum, pravumne legendi,  
 Congrua Naturæ concessa est Gratia, qua se

Vel

---

<sup>a</sup> Vide S. Dionysium de Cælest. Hierarch. & S. Thom.  
 part. I. q. 106. vsq. ad q. 114.

Vel meritis cumulent, vel in avia crimina flectant.

Intellectus inest illis, & plena Voluntas,  
His alis volitant; se per sua propria norunt, <sup>a</sup>  
In specie sibi concretâ res; Inde Beatis <sup>b</sup>  
Notitia in Verbo fuerit. Non mole gravantur, <sup>c</sup>  
Non sensu pollent, nulli sunt pervia visu,  
Mente locum capiunt, & agunt, & mente moventur,  
Et si forte velint, mediis extrema relictis,  
Excurrunt; sed enim possunt statione soluti  
Ferre moras; placida sese quoque mente salutant,  
Conceptusque ferunt, aut si quos prodere nolint,  
Imo corde premunt. Superûm lectissima sumit  
Triplicitas ex fonte jubar, mediisque reflectit  
Agminibus: mediæ refractum lumen in imos  
Myriades Cœtus fundunt. Sine tempore vivunt,  
Et proprium ducunt sapidis conceptibus Ævum.

Est illis etiam circa se vivida virtus,  
Effigiem simulare novam, variumque coacto  
Aëre maturè nobis ostendere Corpus;  
Quamvis sint Actus alacres, non ulla ferentes  
Fœdera mensuræ; sed sola Potentia major  
Esse dedit, posuitque supervenientia menti  
Disita; Distinctumque gerunt à Viribus Actum.  
Nam sua simplicitas, non infinita, potentes  
Viribus exemit Proceres à Corporis omni  
Conditione: tamen cum sint, & non priùs essent,  
Contrahit esse suum, quod id est; & limitat actus  
Posse suum: genus, & species, naturaque vineta

C 2

Suppo-

a Idest per sua naturalia. S.Thom.1. q.56. 1.

b Intellige de cognitione Vespertina Angeli extra Verbum, & in statu viæ, vel per rationes rerum in Verbo, vel per species rerum innatas. S.Thom. par.1. q.58. art.7.

c Cognitio per Essentiam Verbi, quæ dicitur matutina, convenit Angelis beatis. S.Thom. vt sup. & q.12. art.4.

36 JO. CHRYSOSTOMI A S. PAULO  
Supposito, menti servat spectacula rerum.

Quod si Materiâ expertes non funera plangunt;  
In nihilum redeant, subtracto Numinis haustu.

Quot numero? quali pulcras discrimine Formas  
Contemplor? mens ipsa suis nitet inclyta pompis,  
Et modus, & numerus dotes, & munus honorem  
Distribuit. Seraphin ardent, sapiuntque Cherubin  
Præ reliquis; Divina Throni Subsellia sternunt;  
Imperium Dominator habet; divinaque Princeps  
Regna; plagis Mundi moderatur celsa Potestas;  
Virtutes occulta regunt Exordia: magnis  
Legatur causis Archangelus; Angelus autem  
Singula mandatis curat, fovet, atque, gubernat.

His Animis adeo præclarâ sorte refertis  
Gratia, quam latè comi Deus ore profudit,  
Blanditur, ne jure datis commissa morentur  
Jussa ministeriis, & sanctum Numen adorent.

Dum facili Motrix contemplativa volatu  
Tempus agit primum, tenebras lux aurea mundo  
Expiat: Excelso plaudunt hinc inde frequentes,  
In sua se refovent alii natalia, vires  
Extenuant misso naturæ vertice; plures  
Alma Charis firmat synceri pignus amoris:  
Hos extra sese rapuit Clementia summi  
Numinis; optarunt illos præconia laudum.

Quis verò totidem motus, quot mentibus insunt,  
Explicit? utque suo se quilibet ordine confert;  
Ecce quatit præceps Ingentia Castra tumultus;  
Lucifer ore tumens, Comites in vota rebelles

Exci-

---

<sup>a</sup> Ex S. Angust. lib. 11. de Civit. Dei. cap. 19. *Non mihi videtur ab operibus Dei absurda sententia, si cum Lux illa prima facta est, Angeli creati intelligantur, & inter sanctos Angelos, & immundos fuisse discretum, ubi dictum est; Et divisit Deus inter Lucem, & Tenebras. Genes. 1. 4.*



Excitat, Æterni execrans Myſteria Verbi;  
 Aërium Decus, & ſummas affectat Olympi  
 Veſtigare vias. Cælum conſcendere nobis  
 Fas, ait, eſt: ſuper aſtra Dei caput effero: ſedem  
 Nubibus obvoluens, humeris Aquilonis in auras  
 Imponam Solium. Quis me ſublimior? Ecquis  
 Ut Deus? è contra clamat vox altera: magno  
 Fit ſtrepitu concurſus; agit ſua quemque cupido.  
 Scinditur hinc Vulgus, ſcleri Fallentis adhærens,  
 Hinc alii trepidant: Alii perplexa Phalangi  
 Corda gerunt: Illinc Juvenum pars emicat ardens  
 In Satanan, ſociosque, Ducem Michaela ſecuti.  
 Conſeritur fera pugna; Duces adverſa tuentur.  
 Quale fit excidium! replent torpentia paſſim  
 Aërios tenebris ingentibus agmina campos.  
 Leviatan Behemothæ fovet, cui fuſile membris  
 Æs latet, & robur lumbis, & ferrea nervis  
 Lamina; protenſam, quaſi cedrum, ſtringere caudam;  
 Os aperire furens; dentes formidine ſultos  
 Oſtentare; faces tædis fumantibus atras  
 Fundere ſcintillas Oculis, & Naribus æſtus;  
 Halitibus prunas: peſtem ſpirare favillis;  
 Undique compactum ſquamis ſplendescere monſtrum;  
 Oceanum ſorbere; ſibi ſublimia plaudi;  
 Et formidatum, non formidare ſuperbit.

At quid agat, cujus faciem præcedit egeſtas?  
 Terga fugæ vertit. Cœli pars tertia motu  
 Concutitur, confuſa ruit; fulgentibus armis

C 3 :

Signi-

<sup>a</sup> Iſai. 14. 13.

<sup>b</sup> 2. Apoc. 12. 7. & ſeq. Et factum eſt Prælium magnum  
 in Cælo: Michael, & Angeli ejus præliabantur cum Dracone,  
 & Draco pugnabat, & Angeli ejus, & non valuerunt, neque  
 locus inventus eſt eorum ampliùs in Cælo &c.

<sup>c</sup> Job. cap. 40. & 41.

38 JO. CHRYSOSTOMI A S. PAULO  
Signifer insequitur, fraudes eludit, & astus;  
Heroas movet Aligeros; mora nulla catervam  
Mortiferam patitur, Cœlis eliminat Hostes.  
Sistit Amor Justos; Odium detrudit Iniquos.

Continuo Barathrum mediâ Tellure dehiscit;  
Et circumfuso turgent cava Tartara centro,  
Concipiuntque ignem nigra fuligine cautes;  
Dumque bituminibus Spelæum immane rebullit,  
Et nubes vomit, Æthnæi crepuere camini,  
Phlægræique lares (nullo me Fabula cultu  
Detinet: utendum est signis imitantibus atrox  
Luciferi exitium, & mortis damnabile Regnum.)  
Et flammis Phlegethon, & pinguibus æstuat Orcus  
Fluctibus, & Stygium confundit sulphure cœnum;  
Penæusque, omnesque imo de gurgite fontes  
Fumî haustant; stagnant Acheron, Cocytus, Avernus;  
Nec Phlegyas relevant Lethes obliviam potu,  
Nec suspiratis fatiatur Tantalus escis;  
Anne Medusæos Angues, Ixionis Orbes,  
Eumenidum furias, curas Plutonis inanes,  
Belidas, Harpyias, Deoida, Syfiphon, Ocnum;  
Tænariasque fores simul? Difformia verè  
Monstra colunt Erebum; nidos ibi struthio, Corvus  
Milvus & Ibis habent. Urget Paliurus acutis  
Sentibus infames Hydras; dirique Dracones  
Occurrunt Onocentauris, Onagrisque Chimææ;  
Quà decus evasit superum! corrodit Alastor  
Viscera. Perpetuis oblectat Ericius antris  
Ostia; spes abiit; cruciant mala singula fontes,  
Et Ditem, & Manes stipant, Lemuresque protervos.  
Igne moras cæco stimulantur inire cœvas  
Dæmones; Infelix uno Discordia casu  
Præcipites dedit, & plures exsolvere pœnas,

Quam

Quam dici possint, cumulus genus omne dolorum,  
Quæ miris, & inauditis cruciatibus angat  
Pœna levis Mentis, & jugiter Igne crematur,  
Accipe; pro culpis, ut mox averſa Voluntas  
A ſummâ Bonitate ruit, diviſa ſupremo  
Lumine, concepit tenebras, labemque perennem,  
Qua tanquam Tityi ſimulato Vulture, Veri  
Conſcia mordetur; memori ſplendoris omiſſi  
Viſcera crebeſcunt. Quid tum? quos libera fovit,  
Invitâ Statione locus, per longa coercent  
Sæcula, prædurus carcer, nexûſque tenaces:  
Et locus eſt illis Ignis, cui ſubjicit arcûs  
Ambitioſa necis nodus ſpiramina Vitæ;  
Ingeniis apprehenſa lues, apprehenſus & ignis  
In rabiem tabeſcit atrox; hinc horrida cædes,  
Fletus, agon, ſtridor, vermis, pavor, & dolor, & mors,  
Et mala cuncta: quibus noſtri Phantaſmata ſenſus,  
Ne taceant, notas audent componere pœnas.

At contra reduces bello, ſectata fideles  
Proſperitas, ardens evexit ad Æthera virtus,  
Sedibus excepit ſuperis, arcana recluſit  
Ora Dei, Pietas; caſtum Charis aſſat amorem,  
Aligeriûmque ſinum formidine vindicat omni.  
Non ibi nox atrâ viſum caligine ſpargit,  
Non Lachæſis morbis, aut morte minatur, abundat  
Permanſura Boni reſſuo torrente voluptas.

Hæc ita Religio certis intenta Figuris  
Tradidit, ut ratio Domine ſamulata ſequatur:  
Nam Deus eſt mens, & Mentis niſi condidit ipſis  
Corporibus multo plures, magis excellentes,  
Extra ſe nihil aſſimilet; neque nota fuiſſet  
Illius Bonitas, illius ſumma Potestas.  
Et poterat, faciat qui Corpora ſola, videri  
Corporeus, verè nullus quem terminus arcât.  
Quis verò norit, quis tanta mente fruatur

Si nihil est extra te Mentis? Et inquem finem  
 Corpora condiderit? Maiora minoribus Ordo  
 Prætulit? Summiq; Boni quis culmina poscat,  
 Si nihil arbitrii est? porro Justissimus ille  
 Præmia decernat Justis, Pœnasque Profanis,  
 Ne pro libertate datâ Fortuna triumphet,  
 Aut impunè furens grassetur iniqua propago.

Spiritibus verò, condendi nobile mundi  
 Prima revelat opus mens, & simul omnia pandit  
 In fines distincta suos ornata, priusquam  
 Hoc fierent: quoniam prius ordine præstitit esse  
 Per se subsistens, & Corpore Spiritus expers,  
 Inde ministeriis mentes assistere quasdam <sup>a</sup>  
 Jussit, ut in fines, vel contingentia certos  
 Dirigerent; sine mente nihil conducit in unum,  
 Singula mente vigent; & mentibus omnia subsunt <sup>b</sup>  
 Corpora; pervigili quorum consortia curâ  
 Connexus, species, numerus, motusque fovetur;  
 Nam minor univocis virtus est indita causis,  
 Quam totum possint plenis attingere fibris  
 Effectum; juvat Æquivocis influxibus Æther,  
 Et juvat ex alto magis inclyta Causa minorem.  
 Verum quem finem norint sine mente sequendum  
 Corpora? Quæ possint individua sequela  
 Suppositum? partes connectere partibus omnes?  
 Et speciem servare suam, ne casibus error  
 Transiliat metas, ne sint sine Numine casus?  
 Quæ licet ipse Deus per se propiore gubernet  
 Auspicio, de se possit præstare, quod omnes  
 Exhibeant mentes, tamen has assistere cessit,  
 Obsequiisque pares mandavit adesse ministros. <sup>c</sup>

E con-

<sup>a</sup> S.Thom. contra Gent. lib.3. cap.78.

<sup>b</sup> In Intellectibus manuum tuarum deduxit eos. Psal.77.72.

<sup>c</sup> Omnes sunt administratorii Spiritus. Heb.1. 14.

E contra quoniam stygiis perversa Voluntas  
 Manibus incessit, turbare per omnia tentant  
 Rectores tenebrarum harum, subvertere finem,  
 Nequitiaeque duces pugnas renovare priores  
 Non cessant, ideoque probis est mentibus illos  
 Et cohibere Malos, & debellare Superbos  
 Et scopon intentum Domini curare subiri.

Quid Casû effingas? Mens undique provida lustrat  
 Omne genus rerum: Stygiâque Tyrannide pressos,  
 Quæ nunquam didicere loqui; Pythone moveri,  
 Semotas monstrare vices, occulta tueri,  
 Dira pati, nulla ferri compage teneri,  
 Exerere ingentes vires, portenta Magorum  
 Cernere, Cymmerios Genios manifestat, & umbras.  
 Quæ nisi crediderint, experti talia nunquam  
 Terrigenis referent. Cautela pericula vitat.

### *De Motu, & Tempore.*

JAM Pater Omnipotens primum commoverat Orbem  
 Alitis officio, duplici quem Cardine fixum,  
 Axe Poli tolerant, & Primum mobile dicunt:  
 Cum Motus rerum, & Tempus splendescere cœpit,  
 Quo designari servata latentia possent,  
 Distingui, distincta novis coalescere Formis.

Arcticus hinc partes effert; Antarcticus illinc  
 Supprimat; hisque Polis convolvitur orbita primi  
 Mobilis; immotis immotus habetur eisdem  
 Mundus, quamvis in Mundo quasi cuncta moventur.  
 Æquatam medii cæli duo segmina Sphæram  
 Distinguunt; utroque Polo quæ linea distat

Nona-

---

2 *Adversus Mundi rectores Tenebrarum harum, contra-  
 Spiritualia nequitiae. Ephes. 6. 12.*

Nonaginta gradus, Æquator dicitur: Isthæc  
 Terdenos duodena gradus, per signa diremptos  
 Exhibet. Hinc ratio Tempus desumit, & illo  
 Mobilium motum, & requiem metitur, & angit  
 Inferiora prior motus; liquidumque profundis  
 Vorticibus dextrâ rapit Æthera parte; fit Ortus,  
 Inde; fit Occasus Cæli sub parte sinistrâ,  
 Dum facies Austrum septem conversa trioni  
 Despiciat; & reliquos metitur latius motus  
 Prima per hoc instans, quod jugiter acta futuris  
 Nescit, ut arcta simul nihil esse potentia curet.

At dicēs contra. Superest duratio rerum,  
 Et si desideat primi constantia motûs.  
 Esto. Sed advertam Mentis numerante reflexu  
 Plusve, minusve diu spatium durare morandi;  
 Res ita durantes Naturæ sorte potiri.  
 Æternum dici quicquid simul est sua, nullo  
 Principio, neque successu, mora nescia metæ.  
 Quicquid de Nihilo fieri cœpisse fatemur,  
 Esse simul totum, semperque manere futurum,  
 Jure voluntatis patulum successibus; Ævum est.  
 Tempus habet jugem mutandi sæcula fluxum  
 Cui subiecta refer, vicibus quæcumque subesse  
 Noveris; & normam fumes à Principe Motu.  
 Ac velut Ampullæ refluxo qui pulvere novit  
 Cunctantes inter sese distinguere noctes;  
 Et vigiles horas mensore, vel indice signat:  
 Sic primi motûs metitur linea Mentis  
 Nutibus. In motu partes adverte futuras,  
 Præteritasque; simul nihil est: præsentia nescit  
 Ipsum NUNC, Instans, partes à parte fugatas.  
 Non regredi passum, fugit irremeabile Tempus,  
 Assiduo motore citum. Natura quietis  
 Et motûs primæva Parens sua Corpora servat  
 Mota quiescendo, simul inde quieta movendo

Per leges Authore datas. Locus indicat à quo  
Discedant; ad quem perducatur latio finem.

Namque receptivo per inania concava signat  
Mens attenta loco partes immobilitatis,  
Fortiter extensas, per quas obstacula certè  
Nulla reluctantur, cum mobile Corpus oberrat.  
Corpus ita impulsus, partes cum servet easdem  
Integritate sui solidas, aptasque moveri,  
Fertur Agentis Agens, motu pertransit, & actu.  
Nec valet instanti motus clarescere, binis  
Limitibus Quantum poscens transire locatum;  
Omnia maturat naturæ scedere Tempus.  
Terminus est Instans motu quocumque repertus;  
Est igitur Natura, Dei lex indita rebus.  
Est igitur Motus successio molis, & actus  
A spatio in spatium, Physico de Corpore manans  
Passio Naturæ; nisi vis extrinseca pellat;  
Tunc etenim violenter agi contingit in Artem,  
Aut nexu solvi, quoties Natura resistat.  
Est igitur Tempus numerus mentaliter omnes  
Enumerans Motus, à primo Regula motu  
Sumpta, vices rerum referens, extrinsecus Index.

### De Luce, & Igne.

Interea patulas Lux circumfusa per auras  
Irradiat tremulos nullo Ductore colores;  
Et transparentes, & opacos lumine monstrat  
Naturæ vultus. Defæcatissimus Ignis. \*

Lux

---

a Empedoc. Lucem, effluxionem Ignis esse docuit. Plato Flammulam effluentem: non secus Leucippus, Democ. Epicur. declarant, ut ex Proclo in Com. Timæi. Anaximander Solem Ferrū candens putavit. Possidonius purissimum Ignem, apud Laert. lib. 7.

Lux fuerit, vel in Igne nitor, color infusus Igni,  
 Ut propriè dicam, nam Lux ut quale quid, est in  
 Mole sibi propriâ, sicut calor, & color, & non  
 Certâ sede carens, quovis erratica saltat.  
 Lux Ignis. Rutilat, flagrat, flammescit, hebescit,  
 Flebitur, arefacit, refovet, liquat: Ergo quid Ignem  
 Dissimulet? quò me Calais subvehet in Æthram,  
 Ut quas non video, Lunæ sub vortice flammæ  
 Eripiam? Pallas dilatat furta Promethei.  
 Lux Ignis. Per se vel prima creatio stantem  
 Innuit; ex aliâ non apparere creatum  
 Historiâ; & posthac in Sole reposcere centrum.

Id quoque quod mirum speculantibus esse videtur,  
 Lux citò pervadat spatium; mediumque terebret,  
 Et collecta vitris, penetret se partibus, Ignem  
 Suscitet occultum, variisque coloribus Irin  
 Pingat, & oppositis præclara simillima fundis  
 Tincta repræsentet; Ventis immota resistat;  
 Perspicuis, liquidisque morâ procul absit, & adsit,  
 Ingentique rotâ scintillet in aëra, quando  
 Libera combusto fursum se carcere jactet.

Nec dixisse juvat, quod non contraria noscat  
 Simplicitate suâ, sic instantanea vastis  
 Hæreat in rebus; quid enim sic accidit illis  
 Mobilibus, Lucem spatio vix posse moveri,  
 Ni moveatur Agens lucis delator? an hæret  
 Absque suo nexu? proprio sine corpore? nulli  
 Contigit hoc formæ. Spatium tranabile, plenum  
 Corpore, obex refilit, molemque retardat euntem.

Corporeâ Lux ergo locum non mole per instans  
 Occupat; extremis medium per vasta cohæret  
 Jugera, ne possit Lucis fons eminens æquè  
 Fundere se, quali sese diffeminat æstu  
 Cominus; in Sphæram præceps dispergitur amplam

Sole



Sole fluens, redituque petit primordia læto. \*

Sed latebras referem tantis ambagibus omnes,  
Si facilem placeat dictis intendere mentem.

Fusus ubique latet magis, & minus Ignis, & ipsis  
„ Abstrusa in venis silicis sunt semina flammæ:  
Quod caret Igne, nihil prorsus tepet; at quod amicâ  
Luce caret, servare potest occultius ignem.

Non sic visibilis, non sic incendia leni  
Peniculo sparsus moveat, torpentia lento  
Vivificat ductu; tepidè spissatur alendo  
Corpora mista diu; contexuræque tenaci  
Compede stipatus, veluti si densa sepultum  
Detineat cinis, arcanâ virtute laborat.

Confestim aërias si jam revocetur in oras  
Exteriore manu; subito structura teratur  
Impete motoris, calet, effervesceat, adurit,  
Profilit, erumpit, residui caligine bullit,  
Effluviumque jacet, constans & flamma refulget.

Sol igitur Lucis fornax, & cætera circum  
Sydera lumen agunt æquè super aëre tensum,  
Vorticibusque movent ignem, tactuque profundo  
Visibilem reddunt, hilarem tangentia reddunt;  
Et si quam sparsim lateant lustrantia Vestam,

Per-

---

2 Cartesius par. 3. Princip. Phys. Galilaus in Nuncio Syde-  
ro; Gassendus. Phys. lib. 4. sec. I. cap. 11., & sec. 2. lib. 4. cap. I.  
& seq. de Luce Syderum: Lucret. lib. 5. & alib. passim. Milliet.  
tom. 4. Astr. lib. 2. de Sole, & ex autoritate plusquam triginta  
Sanctorum Patrum, ut ibi refert ex Patre Scheinero in Rosa Vr-  
sina apud Kirkerium, & Ricciolum. Eccles. cap. 43. num. 3., &  
4. Sol in aspectu annuncians in exitu, Vas admirabile Opus Ex-  
celsum in meridiano exurit terram, & in conspectu ardoris ejus  
quis poterit subsistere? Fornacem custodiens in operibus ardoris,  
tripliciter Sol exurens montes, radios igneos exustans, & resul-  
gens radiis suis obsecrat Oculos.

Perficuam radii tactu repetentia reddunt.

Lux autem motore sui privata sub umbris  
Languet, ut à densis resilit confusus opacis  
Splendor; in oppositos ubi non ingressa recessus,  
Inducit tenebras, dubioque crepuscula nifu  
Parturit, & noctem discessu plena ministrat.  
Nam cum sint tenebræ viduata carentia Lucis,  
Corporis Umbra, minor quam deferat ambitus, est Lux,  
Ambiguæ Lucis sunt ipsa crepuscula motûs.  
Nox interposita cum Sol Tellure suberrat.

Si verò nitidas hilari pede libera moles  
Lux eat, ora gerens tactis conformia rebus,  
Inficitur, motoque colores lumine monstrat;  
Lumen enim magna vertigine circinat auras,  
Cum sit perspicuæ Lucis commotio præceps;  
Turbinibusque ferit longè, latèque videntem;  
Sicut aquis lapis injectus stagnantibus undas  
Conglobat: ostentant pellucida quæque nitorem  
Vel minimo tædæ motu lustrata manentem.  
Et velut æratæ per longa crepundia chordæ  
Subsultant, numeroque tremunt, vel ab ungue citatæ  
Protinus, & digito compressæ cæpta retundunt  
Sibila: non aliter subito Lux lumina monstrat  
Consensu, motumque jubar Fax mota perurget.

Hinc procul irradiant ignes, & panditur ignis  
Abditus in rebus, repetens primæva nitoris  
Semina; nam simili coalescit imagine formæ  
Sphæra colorati; quare si flamma virefcit  
Ex viridi vitro, circum quoque visa virefcunt.  
Aut etiam varium si nutrimenta colorem  
Inducant facibus, variè tectoria pingunt.

Hinc plures itidem tædæ sua lumina circum  
Vibrantes in idem corpus diversa locorum  
Denormant Umbris; quia Circulus à variato  
Centrorum motu, varios emittit in orbes

Splen-

Splendorem ; legesque suas ars Optica cudit.  
 Hinc etiam stabilis lucis tinctura videtur  
 Immoto fulgore facis ; nec turbat obortas  
 Luce jubas Aquilo , similem si deferat Æthram.  
 Namque colorato medium impediēte , remissè  
 Vibrat opes radius ; partes umbella minutas  
 Lufitat , & varios tingunt umbracula fucos .

Hinc pariter densâ splendorem lævia plaudunt ;  
 Scabra superficie laniant , cæsumque remittunt :  
 Raraque transpirant , & flexis , sive refractis  
 Plana nitent radiis , convexa , & concava nictant .

Propterea Lux est color , & nitor ignis , ab ipso  
 Semper dimanans actus , minimèque revulsi ;  
 Visibilis motu potioris lampadis ; ipsum  
 Motum lucis habe nitido pro lumine ; splendor  
 Est actus de luce fluens , de Luce resultans .  
 Lux est principium visûs , mediumque colorum .  
 Nam color in rebus nunquam videatur apertus ,  
 Ni super ornetur pandæ velamine Lucis ,  
 Quæ per se primò in fucos versatilis omnes  
 Extremis Albo , & Nigro pigmenta recludit  
 Omnia : Purpureum tradent Conchylia , Coccus ,  
 Quod Rosa cû Violis simulët , Crocus atq; Amethystus .  
 Rubrum , Puniceum , Rutilum , Giluumque colorem ,  
 Vina , rubor , spadix , ignes , & flamma notabunt .  
 Quid Flavò , Fulvo , Rufo , Pulloque favebit  
 Luteus , lêtericus ? Citrum , Mel , Galbana , Buxum ,  
 Cera Leo referunt , Mustella , Æs , Pallor , & Aurum .  
 At Viridis , Præsinus , varias imitabitur herbas ;  
 Cæruleus à Pelago , Cyanus , Glaucusque Lapillis ,  
 Cæsius à Cælo : atque omnes plerumque colores  
 Nominibus rerum , quibus insunt , esse probantur ,  
 Et specie differre suâ ; nam candor Oloris  
 Et Nivis , & Byssi , non esse putabitur idem .

Ignea Lux oculos , tactum calor igneus angit ,

Quæ

Quæque tepent flammis, illisque carentia frigent;  
 Si quis enim in rebus calor est, simul ignis in ipsis  
 Abditur immixtus; quare nisi fecerit ignem  
 Omnipotens calidum; frigerent omnia; sicut  
 In tenebris essent, nisi lucem fecerit ipsam.

Neu credas calidis latices obfistere prunis,  
 Aut levitare focus incendia; nullibi simplex  
 Est levitas: Numero, Mensura, Pondere constant.  
 Res quantæ: Leve respectu gravioris habetur.  
 At sursum tendit quadam vi densior ignis,  
 Cum dilatatur vomitu eructante favillas;  
 Ut properat tensis explosa sagitta balistis,  
 Inque rotas Pyrio de pulvere fulgetra laxas  
 Grandescunt; tereti fax ipsa in acumine surgit,  
 Qua datur igniferas torris spirare medullas.

Est Ignis tenuis substantia, lucida, fervens,  
 Est Elementorum princeps, fluidumque potenter  
 Activum; quamvis glebas arescere cogat,  
 Afflatu sugens succos, & in aëra tollens;  
 Lene quid est, & molle carens humore madenti,  
 Non expers alio, quo pascitur Ignis, & Unctum  
 Lambit, & est quid pingue, fugax, penetrabile, promptum  
 Densari, tricisque capi, celer extricari:  
 Lento vivificat plausu torpentia; morfu  
 Interimit graviore furens, dum corpora tantis  
 Impetibus nequeunt æquas opponere Vires.

Quæ prodest, & obest usu pejore, seorsum  
 Flamma rapit Lymphas, & in aëra trudit apricum,  
 Et jugi Cæli motu commissa volutat  
 Adventu, redituque Notos;adolescere Nubes  
 Imperat, exanimes agitat ceu vita vapores.  
 Nam velut est Aër tenuissima portio Mundi,

Fri-

2 Sed omnia in mensura, & numero, & pondere disposui-  
 si, Sap. II. 21.

Frigidus igne procul, sine luce nigerrimus, udis  
Particulis expers, non humidus, Ignis & Undæ  
Fomitibus patiens respergi; sic Aqua flammis  
Mista viget, calefit, bullit, non stricta gelatur,  
Limpidior nutat; Flammarum extinctio partes  
Dissipat, ut resluo cum corpore misceat ipsas.

Hoc est visibilis Lucis mirabile monstrum,  
ANNIBAL, à Tenebris distinctio prima Diei  
Appellata Dies, Tenebræ Nox atra vocatæ.  
Si tamen invento prior est lux nomine vera,  
Lux erat illa Dei Sapientia vera Parentis,  
Quam supereffudit res omnes, Notio Primæ  
Cognitionis amans fieri Lux nostra; quid inquit,  
Lux Ego sum Mundi, Mundo prior à Patre natus,  
Mundo posterior de Virgine natus Jesus?  
Scilicet ut Mundi Moles jam facta per ipsum,  
Obruta Culparum Tenebris, luce scat ab ipso,  
Qui Lux in tenebris lucet, caligine nullâ  
Comprehendi patiens: Oculos, ut Visio Lucem  
Induit, & fucos omnes; ita Visio mentem  
Clarior irradiat, Divinâ Luce renidens.

At ubi me Musæ cogant? in Luce minatur  
Prima Dies radiis oculos occludere tantis,  
Ignibus incendi: Phaetontis Fabula de me  
Seu necis Icariae nunquam narrabitur ausus.  
Te Deus accivi Cœli, Terræque Parentem,  
Qui detexisti mundi primordia Lucis  
Lumine; ne lateat quemquam tua summa potestas.  
Da reditu Noctis requiemque, Diemque secundam.

# OPUS SECUNDÆ DIEI.

## Textus.

6 *Dixit quoque Deus: Fiat Firmamentum in medio Aquarum, & dividat Aquas ab Aquis.*  
 7 *Et fecit Deus Firmamentum, divisitque Aquas, quæ erant sub Firmamento, ab his quæ erant super Firmamentum. Et factum est ita.* 8 *Vocavitque Deus Firmamentum Cælum: & factum est Vespere, & Mane, Dies secundus. Genes. à num. 6. usque ad num. 8.*

## Firmamenti efformatio.



Ntuitu patrata probans, patranda notabat  
 Rector adhuc operum modulis intentus agendis.  
 Cælicolæ miro circumstant ordine; mentem

Attonito fervore tenent; inopinaque dudum  
 Portentis præcepta novis, spectacula rebus  
 Expectant; contra longè formidat Avernus:  
 Alteriusque horis instare Dynasta Diei.

Cum

Cum Deus, ecce Deus, superos ut separet imis,  
 Et discescat aquas ab aquis, & Tartara Cælo,  
 Fiat, ait, Firmamentum, quod dividat. Alto  
 Constitit Unda super Cælo firmante, coruscas  
 Crystallos imitata super Tellure natabat.

*Terram esse Mundi Centrum  
 immobile.*

Quid factum quæris? Fixo fundamine Tellus  
 Deridet motus omnes immotaque Mundi  
 Machina mobilibus Sphæris circumspicit imum.  
 Nam si turbinibus moveatur Terra diurnis,  
 Annua vel celebret majore volumina gyro,  
 Figmenti novitate vetus doctrina Sophorum  
 Carpitur, ac uno mendacia plurima mendo  
 Sensus, & Os Hominum dixisse verebitur usque.

*Absurda, quæ sequerentur, si Terra  
 moveretur.*

Non ita sunt Cælum sursum, neque Terra deorsum  
 Non ita Sol oritur, non occidit: Astra morantur  
 Et cursûs oblita sui didicere soporem

D 2

Non

a Psal.92. Firmavit orbem Terræ, qui non commovebitur.

b Contra est nam Prou. 25. 3. Cælum sursum, & Terra deorsum, & alibi.

c Eccl.1. Oritur Sol, & occidit, & ad locum suum revertitur, ibique renascens gyrat per meridiem, & stetit ad aquilonem &c. & alibi passim Judic.5. 20. Stellæ manentes in ordine, & cursu suo. Vide Job cap 38. Quis enarrabit Cælorum rationem, & concentum Cæli quis dormire facies?

Non ita directâ motus libella per auras  
 Scrutatur; levium, & gravium distorta pererrat  
 Semita, vel recidant puncto, quo jacta fuerunt.  
 Et perpendiculum fallunt loca certa; sed æquâ  
 Lance vagos circos æer, & Terra fatigans,  
 Stare situ nescit. Rapimur, motuque volamus  
 Plus, minus; inconstans plano jactura lapilli  
 Mensuram quaquam versus fastidit eandem.  
 Et si quis Terræ postremos occupet axes,  
 Non caput obtundet tantæ vertigine molis.

Indignor veterem linguam; quid Josua Solem  
 Stare jubes? aliter fari discamus. Ab Ortu  
 Currat in Occasum Tellus, Noctemque, Diemque  
 Sospitibus reddat tectis, & nescia Centri  
 Saxa solum repetant obliquo tramite, sursum  
 Tortilis ignis eat: Sol in sublimia nullum  
 Noscat iter, Mundi centro demissus in imo  
 Tempora non curet. Tellus operosior illo  
 Mota Dies, Menses, Annos, & signa ministrat. *a*  
 At ne sola graves casus formidet eundo,  
 Cum solido Lunam circumferat ære, firmis  
 Syderibus: quidni cœlestia Sydera vestrum  
 Penditis influxum sine motibus? indiget illo  
 Terra? gradus properet, vestrumque Tribunal adoret.

O quales mutata Phases natura reposcat!  
 Si licet errori plures aptare cachinnos,  
 Ut cerebro natam defendat opinio Sphynge,  
 Quemque Planetarum possim compellere fixum.  
 Nos itaque instinctu Fidei firmissima Terræ  
 Libramenta rati, solidum, Stellisque locandis

Per-

---

*a* *Luminaria, & sint in signa, & Tempora, & Dies, & Annos. Gen. 5. Quæ omnia dici verè non possunt, si Terra moveretur, & non Sphæra Cælorum.*



Perfpicuum Cælum, motuque volubile cufum  
Credimus, & liquidas fuper hoc infiftere lymphas. <sup>a</sup>

*Neque Mundum, neque Cælum effe  
Animatum formaliter.*

*Contra Platonem, & Aristotelem, qui lib. 2. de Cælo, cum  
Averrois paraphrafi dicit, quod oportet nos intelligere ea effe  
viva Corpora, & habere actionem Animalem.*

**H**IS Ego non meritò patiar præmittere Mundum  
Vivere, non Animam Cæli formaliter ipfum  
Effe Deum: quoniam quod factum fertur, in ipfo <sup>b</sup>  
Vita erat ante Dies, Vitâ præftantior omni,  
Quam fi materiæ limes determinet actu;  
Nam facit effe quod eft vivo Divina Voluntas  
Imperio; cuius proprium fit, ubique locorum  
Effe, nec emanat, naturæ fote locatæ  
Forma, fed arbitrij virtus immenfa propinquat  
Cominùs intuitu, dum res creat, atque gubernat.  
Sed neque Cæleſtes formarum more per orbes  
Mens agitat molem. Qui fecit in Intellectu <sup>c</sup>  
Cælorum Sphæras, illis aſſiſtere juſſit,  
Sic inclinatis gyros complere perennes.  
Quandoquidem, ſi forma foret Mens indita Sphæris,  
Non intelligeret, niſi dependenter ab Orbe,

D 3

Cujus

<sup>a</sup> S. Auguſt. lib. 2. de Genef. ad literam cap. 5. Quoquo-  
modo autem, & qualeslibet Aquæ ibi ſint, effe eas ibi minime  
dubitamus. Major eſt quippe Scripturæ hujus Authoritas,  
quam omnis humani ingenii capacitas. Vide S. Thom. 1. par.  
quæſt. 68. art. 2.

<sup>b</sup> Quod factum eſt, in ipſo Vita erat. Joan. 1. 4.

<sup>c</sup> Qui fecit Cælos in intellectu. Pſal. 135. 5.

Cujus forma foret, nec Spiritus esset, at unum  
 Compositum per se primum, quod mole rotundâ,  
 Menteque constaret; cui mox adnectere sensus,  
 Esset opus; quo fine ferat sententia motum?  
 Ut sibi provideant, an nobis? si sibi; nunquam  
 Ergo sibi sapiunt, qui nunquam mente quiescunt;  
 Si nobis; satis est igitur, subsistere per se,  
 Mobilibusque Astris Mentis instare creatas,  
 Ut peragant motus, quos exigit ordo movendi.  
 Perfectum summi finem scruteris Agentis,  
 Et cape qua possit rerum natura potiri  
 Sorte, Creatoris nutus indepta; per omnes  
 Effectus Bonitas excellentissima prodit,  
 Ut referant aliquid similis, per plura Volentis  
 Artificis, quam non possent imitata per Unum:  
 Hinc distincta notes, & ab omnibus omnia sumas  
 Hoc aliquid veri; si deficit infima rerum,  
 Non tamen hoc aliquid Veri sortita fefellit,  
 Ne Bona sit; magis accedunt meliora supremo,  
 Quo meliora dabis, similem magis Icona profers  
 Artifici. Mentis igitur Mens Prima creavit  
 Molibus expertes; quo plures, quo potiores,  
 Hoc magis exprimitur summæ Bonitatis Imago,  
 Sic imitabilitas, activa potentia Causæ  
 Spirituum fudit species, quot velle libebat:  
 Exaturans etiam formis quampluribus actu,  
 Materiam serie distinxit, & ordine mundum,  
 Ut data principiis certis Natura, per omnes  
 Effectus Mundi primum manifestet Agentem.  
 Sic imitabilitas passiva potentia rerum  
 Multiplici profusa gradu, quem posse libebat  
 Participem fieri, sumpsit contingere quædam  
 Pro numero, sumpsit quædam sic esse necesse,  
 Pro specie positâ, pro conditione sequelæ,  
 Qua non sunt aliud, qua sunt imitata Volentem

Æter-

Æternum, qua sunt etiam subiecta quibusdam  
Naturæ propriæ vinclis, & legibus in se,  
Ne possint ultra cessos excedere fines.

Si quid ab his transit, sensum latet; abdita pandit  
Sermo Revelantis; cuius Perfectio summa  
Est individui ratio cujuslibet, ut sint  
Hoc, illud, variisque modis simile factu.  
Cum verò finem totius in ordine rerum  
Particulare Bonum collimet, in omnia noris  
Assimilatorum seriem, potiora præesse  
Debilibus, majora minoribus, & magis imis  
Nobilia, quoad perfeceris omnibus unum  
Simpliciter: Mentis igitur, quæ mole solutæ  
Sunt, quædam Menti primæ sublimiùs adsunt,  
Assistunt quædam Cœlis, rebusque gerendis:  
Unius est Hominis mentem, corpusque jugari,  
Cætera sunt usu, vel quâ mortale sonabit,  
Vel quâ suppeditant jubar immortale vigendi.

### *De Cœlo Empyreo.*

EMpyreum primò referunt immobile Cœli  
Nomine productum, sensûs quod præterit ictum;  
Sed Cœlum Cœli Domino sacra pagina monstrat,  
Ne statione suâ Regnum sublime Beatos  
Destituat, finique suo ne desit Asylum.  
Quippe quietis opus cum motus, & ordo requirant;  
Omnibus in gradibus rerum res optima ponit  
Mensuram reliquis, infra sua jura locatis;  
Ergo mobilibus Mundi si partibus ordo  
Perfectum motum statuit per mobile primum,  
Perfectam quoque constituat sublime quietem.

D 4

Quo

Quo magis immoti Motoris Imago per ingens  
 Corpus, & eximiis fulget virtutibus, ipsum  
 Hoc magis Artificem manifestat in arte Potentem.  
 Ergo visibiles inter si corpora moles  
 Continet Empyreum, reliquis excelsius, æquum est  
 Simplicius referat perfectâ mole Tonantem.  
 Insupèr & Centro Tellus immobilis imo  
 Exigit immotum, quo sistitur ambitus, Orbem;  
 Sitque superficies Convexa, locusque locorum.  
 Ergo si Mundi non sit pars extima constans,  
 Et perfecta gradu super omnia Corpora, Mundus  
 Parte caret firmâ, Centrumque obliquat Agentis.  
 Propterea si parte mouens quâ sistitur, urget  
 Corpora mota, Deo placeat super omne creatum  
 Corpus ab Empyreo stabili virtute manentem.  
 Mittere causandi fluxum, faustamque locandi  
 Mensuram. Vos ò Superi, quos Gloria tantæ  
 Molis habet, nostros meliore juvate Penates  
 Influxu, ne nos tanto fulgore potitos  
 Non locet Empyreum; sed corpus adorea comat.

### *De Aquis Cælestibus.*

Hinc post Empyreï Cælestia Regna Beatis,  
 Regna parata Choris, immunem motibus aulam;  
 Et sine Syderibus, primum post mobile, dicunt,  
 Concrevit stabili CrySTALLINUS humor Olympo,  
 Quem longo perspecta parum trepidatio lapsu  
 Temporis obtinuit nosci; sed firmitus illum  
 Biblia sacra docent; quoniam quis viderit unquam  
 Num Firmamenti polus inclinatus ab Axe  
 Mundi circuitu parvo, lentoque vacillet?

Si

Si super astringerem Cælum meditemur Aquarum  
 Naturam, non esse parum discriminis inter  
 Nostrates remur; quoniam Divina creatis  
 Efficit in rebus quamdam Distinctio Formam.  
 Hinc igitur sectas ab Aquis Cælestibus imas  
 Conditio, status, & motus differre probabunt;  
 Non tamen, ut generi sit convenientia nulli  
 Proxima, cum sit Aquæ ratio communis utrique.  
 Qua propter fluidas, udas, gelidasque locari  
 Crede probabilius firmo super Orbe subinde  
 Syderibus compto; quarum si copia textit  
 Convexum Sphæræ, major subvecta videtur  
 E medio sursum, gremio quam didita Terræ:  
 Nam medium duplicata globum proportio defert  
 Bis quater augeri, pleni ratione quadrati,  
 Cumque sit ad Terram spatii firmantis Abyssus  
 Maxima, si tantum Cælo sit tegmen aquarum,  
 Quantum Terra fovet, fuerit vix area vasti  
 Fornicis uda super; spatio vel fluxit ab omni  
 Prima freti facies, & Abyssus opaca tenebris.

Quomodocumque putes; superos attemperet ignes  
 Frigore, Stellarum radios vel nube reflectat  
 Cælica Lympha levi, motoque volumine sacrum  
 Protegat Empyreum; Mundi non præterit usum;  
 Si satis hinc etiam ejusdem rationis habentur  
 Partes, & totum; spirant inferna supernis;  
 Infernisque superna parant spiramina sortem.  
 Et solidatus Aquis vertex, firmataque fixis  
 Orbita Syderibus Mundum demonstrat eodem  
 Materiæ tractu fufum, quo Corpora formis  
 Sunt fabrefacta novis, nullo cædencia nisu,  
 Sed tamen arbitrio Domini subiecta ruinis.

*Hypo-*

*Hypotheses Astronomicæ.*

**Q**Uin Firmamentum motu splendescere primo  
 Contemplabantur veteres, quia mente sequuti  
 Astrorum aspectus, nunquam vidisse minutum  
 Discrimen poterant; quò progrediuntur ab Ortu  
 Sydera fixa, velut norant errantia; quippe  
 Mille Cyclis ducunt, Mæandris millibus orbes  
 Astronomi, ut motus certâ ratione diurnos  
 Percipiant, mediasque vices, perigæaque puncta,  
 Centra, Polos, Axes, Auges, variosque regressus;  
 Et modò veloces, modò tardos, atque morantes  
 Apparere vident; & in omnia monstra volutant  
 Ingenium, longæ ne non respondeat arti  
 Phænomenon; confert Hipparchi tempora visis  
 Syderibus Ptolemæus: opus determinat ingens,  
 Quod stupet Uranie, quod Posteritas imitetur;  
 Et motu recto per signa sequentia ducit  
 Aplanen: Aliis alii deducere Causis  
 Nituntur Cælorum Adytus; sed duplici Tycho  
 Stellarum Centro, molem metitur in omnes  
 Amfractus, nimiumque Phases Copernicus augēt  
 Mobilitate Soli: tamen hic exactiùs omnes  
 Astrorum motus ficto Syntagmate profert.  
 Difficile est primis varios obtutibus orbes  
 Rimari, facile est inventis addere: nunquid  
 Inde suo ferri motu mediteris in ortum  
 Sydera, dum primi rapiuntur ab apside Cæli  
 Occasum versus? solidisque canalibus ire  
 Per loca tot parvis Epicyclis rupta Planetas?  
 Sunt hæc ingeniis hominum (mirabile dictu!)  
 In fines inventa suos; nam calculus artem  
 Diluit inconstans, vario distractus arithmo.

Qua-

Quapropter petit in paucas concludere leges  
Schemata Cœlorum. Simplex natura vagari  
Gestit in Amfractus nobis ignota gerentes  
Principia; & quorum nondum sint æqua repertis  
Themata. sudandum est alio Syſthemate Mundi,  
Quod magis, atque magis naturæ consonet astris.

Quis mundi sapiens? vastas quis mensus abyſſos? <sup>a</sup>

Quis digito tetigit? duratæque membra probavit,  
Anne incorruptis effentia quinta lacertis  
Integra pelle fibras omnes custodiat? utrum  
Sit locus arboribus? regio sit inhospita brutis?  
Et virtute calor, non actu ferveat? Ignem  
Motibus in Sphæram, sub Lunæ fornice, nullis  
Visibus inspectum, succenderit Arbiter? utrum  
Motus in Ellypsin, centro ne feratur ab uno?  
Observare licet nostro distantia visu,  
Et conjecturis inferre probabile dictu;  
Sed media ingenti fallunt discrimine mentem;  
Irrequieta omnes ratio se vertit in ausus,  
Garrula solertes confundit opinio sensus, <sup>b</sup>

Ambitus à Centro spatium sejungitur ingens;  
Tellurem Mundi centrum deprædico, Punctum  
Respectu Sphæræ totius; & ambitus astris  
Terminat intuitum, per inania cætera fallit.  
Propterea an Sphæræ sese tangentia gestent  
Corpora, nescitur; vel an impetus altior orbes  
Subjectos rapiat, contra nitantur & ipsi.

Hinc, atque hinc solidâ consistere fronte videntur

Cor-

<sup>a</sup> Job 38. 33. Nunquid nesci ordinem Cœli; & pones rationem ejus in Terra? Eccl. 1. 2. Altitudinem Cœli, & latitudinem Terræ, & profundum Abyſſi, quis dimensus est?

<sup>b</sup> Sap. 9. 16. Difficile æstimamus, quæ in Terra sunt, & quæ in prospectu sunt, inveniunt cum labore; quæ autem in Cælis sunt quis investigavit?

Corpora cæruleum depicta voragine vultum  
 Continuis liquidos attactibus edere fluctus,  
 Et celebrare vago connubia mutua motu,  
 Æthere, luce, situ, proprioque effundere mixtim  
 In medium afflatus tenues; sed nulla calorem  
 Emitteret motu glacies, & quidlibet expers  
 Igne; ubi flamma latet, valet inde calefcere motu,  
 Quem facit allidi duri constantia, tanquam  
 In pelago scopulus liquidæ vertiginis æstum.

O mihi si liceat superos ascendere Cœlos,  
 Visere Virtutes, assistentesque Polorum  
 Cardinibus Mentēs! vos alloquor inclyta Mundi  
 Culmina, dividuis regnum cælastis aquarum  
 Limitibus; tranquillū apex, tranquilla quietis  
 Sessio, fluctifonis Terræ supereminet Undis;  
 Nec vetitum mortale Genus, divisa tueri  
 Mentis, & undosæ Carnis penetralia nifu,  
 Firmatisque Polis infernæ Partis, & altæ,  
 Pro centro cohibere rotas, ut in ordine motus  
 Eliciant. O vos veniam mihi cedite, Mentēs;  
 Mens agitat molem: Menti succurrite nostræ.  
 Degenti Terris fas est quoque degere Cœlis.

### *De Duro, Molli, & Fluido.*

QUæ verò sit causa patens, cur lenia quædam  
 Perfacili fluxu resfluant, & dura protervis  
 Vincula ligaminibus sistant; ab origine fortem  
 Nacta suam, commune gerant hæc, illa soluto  
 Glutine nil habeant toti commune ligatum,  
 Crediderim. Quia fluxus Aquæ diversus ab Ignis  
 Fluctibus, & pariter diversus ab æris æstu,  
 Diversum demonstrat opus; si Sphærica partes  
 Contextura movet, quare non semper eodem

Fertur



Fertur idem motu? Tenuis lux in loca præceps  
Advolat, & flammæ vis tardior imparis ignes  
Agglomerat. Studeat miscere quadrata rotundis  
Democritus; quoniam diversis rebus eundem  
Attribuat cursu fluxum, quò singula torno  
Sphæra ruat? non est eadem. Non ergo figuris  
Constat eisdē. Eadē? haud igitur diversa; quod obstat  
Supposito. Refluunt sic nata, carentia nexu,  
Artubus hæc teneris propter tenuissima fusæ  
Materiæ momenta, magis sunt cædua duris.  
Dura penetratas millenis orbibus in se  
Materiæ partes cogunt, cædique resistunt;  
Difficiles neri, longâ tamen arte teruntur,  
Tritaque jam refluunt, statui revocata priori  
Consistunt. Igitur ducunt ab origine sortem  
Mollia, dura suam, varioque fluentia ductu.

Forte putent aliqui, primo quod fecerit ortu  
Cuncta Deus puro stringentia vimine partes;  
Sed quædam fragili conflata vigore, citatis  
In partes resoluta suas impulsibus, atque  
Mixturis fuerint; flammis velut Æra liquantur,  
Quæ si clausa statim vasis agitentur ahenis,  
In teretes abeunt cineres contusa minutim.  
Sic Aqua, sic Aër, sic tenuia quæque manebant  
Ante, sed impulsu Motoris, & igne creato  
Saucia cæperunt solvi, contritaque cunctis  
Partibus amissum perdant magis usque ligamen.  
Sicut Aquis lapides rodit labentibus Amnis,  
Lævat, in exiguas fragmenta remittit Arenas.  
Parcius ista canam; quia quomodo fluxus aquarum  
Stringitur in glaciem, postquam defluxit in undam?  
Cur motu redeunt, si conterit omnia motus?  
Et quædam contusa solent lapidescere, quædam  
Pulverulenta rigent, quædam corrosa liquantur;  
Hæc acri solvuntur aquâ; mox arte resurgunt;

Illa

Illa fluunt semper, nunquam nexum illa remittunt;  
Ex quibus inferimus proclivia quæque suapte  
Naturâ mutare modos, aut integra sistunt.

*De Æthere, & Aëre.*

SUB Firmamenti titulo latissima Mundi  
Machina sæpè venit, spatium cum firmiter omnes  
Detineat Partes; Cæli sub nomine crebrò  
Fertur idem spatium; Cæli qui nomine gaudet  
Judicis appellat sensum subtiliter Aër. <sup>a</sup>

Erigitur rutilans spatiis sublimibus Æther;  
Et simili Cæli sua nomine jura reposcens,  
Ima petit; querulis Aër assibilat Euris,  
Et procul assurgens, sua regna per Æthera pandit.  
Audit Aristoteles, Cælos definit, & astra  
Æthere signari; spatiis inclusus iniquis  
Jupiter aëriâ sub dio Nube reclamat.

Siccine cum superis Tellus appareat idem  
Fætus, ut infernis cælestia Manibus, Æther  
Omnia dicentur; Leni pede purior Aër  
Supremas violare plagas formidet ab ipso  
Limine Lunari, nisi devolet eminùs Exul?  
Exsthaticum gradiaris iter; tibi nonne videtur <sup>b</sup>  
Terra nitens Astrum? Quare non creditur Æther?  
Nonne planetarum spiris via libera lucem  
Torquet in ima? quid est, animam si spiret in altum  
Ath-

---

<sup>a</sup> Hinc Genes. 1. 26. Volatilibus Cæli. Ibid. 14. Fiant  
Luminaria in Firmamento Cæli. Lucr. lib. 1. In hoc Cælo qui  
dicitur Aer, & Jupiter Aer intelligitur. Hor. lib. 1. Sub Jove  
frigido. Quæ sequuntur poeticè tractantur.

<sup>b</sup> Vide Kirkerium in itinere exsthatico

Athmosphæra levem, circa se densior halet?  
 An bene conveniat duris, & mollibus unum  
 Nomen? habet veri certos Armilla Trigonos,  
 Queis aditum referet liquidis, & talia fatum  
 Audit Anaxagoras. Ignem facit Æthera: litem  
 Mitigat. O Æther quantum sic Aëre differs!  
 Tu per te rutilas; vegetas & inertia motu;  
 Tu per te calidus, tua semina condis ubique;  
 Tu refoves. Aër sine te, nihil obtinet horum;  
 Hic minus activâ refluos indagine succos  
 Ebibit, & lucem facili splendore maritat;  
 Et quasi pilentum summis, imisque paratum  
 Spiritibus, leviora vehens, graviora relinquens,  
 Conciliat; sensim tactu palpatur amico;  
 Ignis & ardorem medium tranabile mulcet;  
 Hic Terræ, Cœlique sinus comes Ætheris opplet,  
 Magnaque perraro loca dividit intervallo.  
 Cumque sit impulsu sese feriente moveri  
 Segnior, allisu frendet, fremit, ejulat, aures  
 Tinnulus applodit, veluti si scissa papyrus  
 Strideat, & cuneis quassatus percrepet asser.  
 Hic etiam quadam pice resinatus, & uncto  
 Conjicitur similis, densis cum talia flammis  
 Procreet admixtus, maneatque tenaciter ignes,  
 Adjutus lymphis, & crassâ uligine Terræ.  
 Est illi pariter virtus elastica, sugens  
 Attractu Nebulas, tumido quas tergoze terris  
 Elevat: Hinc nimio conclusus robore folles  
 Bacchari Thyasis gestit, truditque per auras  
 Euripis fontes, vacuique pericula monstrat.  
 Vim divisi vram rerum quoque continet Aër

Unde

---

2 Atmosphæra est balituum Sphæra, qua vapores pervenire possunt ab unaquaque Sphæra, ut à Terra, à Luna, à Sole.

Unde suo lietu rorantia carbasa tergit,  
 Siccat humum, spumisque focos afflantibus urget,  
 Ne venas non massa suas dispertiat igni.  
 Frigidus est Aër, Aqua frigida, frigida Tellus;  
 Sed tamen Igne calent. Magis hoc: est arida Tellus,  
 Aridus est Aër, est aridus Ignis, & undis  
 Humida sunt: Aqua certiùs humida: frigidus Aër.  
 Namque quid est frigus, nisi defecisse calorem?  
 Sicca quid ariditas, nisi cum deest humor aquarum?  
 Quicquid enim calor est ignis, quidve humor aquarum  
 Novimus: Ergo quibus calor, humor desit, habetur  
 Frigus & Ariditas; tamen his potiora requiras  
 Qualia: quippe madore carentia pingua, non sunt  
 Arida; sic oleum, sic ignis, pingue quid ardent;  
 Et macer est Aër, non aridus: Arida Tellus  
 Non macra. Derides? Ubi simplex Corpus obaudit  
 Sensibus? Aëriæ moles impressa receptant  
 Omnia, quæ facili renuunt fugientia nutu.  
 Inde calent, frigent, caligant lumine, splendent;  
 Arent, humescunt, pinguescunt, atque macescunt.  
 Quasque Athomos dicas, Terræ ramenta volutant.  
 Propterea gracilis reliquis præstantior Aër,  
 Si quem deitituant extranea quæque, rigorem  
 Exercet summum, gelidas congelinat undas,  
 Findit humum macie, constringit mista resolvi,  
 Dum vorat ingluvie quadam, velut Helluo quicquid  
 Se sapit, & Protei species se vertit in omnes.  
 Sed quibus explanem verbis ita corpore simplex  
 Abstrusumque meis Elementum sensibus? ipsos  
 Æolus, ut referem, suspendit in Aëre Ventos.

De

<sup>a</sup> Frigidum Aerem docuerunt & Stoici, quorum potissima erat Ratio; quia cum sit Ignis lucidus simul, & calidus, consequens videri, ut illi objecta natura tum frigida sit, tum obscura &c. Cæl. Rodig. lib. 25. cap. 16., & Seneca lib. 2. quæst. nat. cap. 10. ait, Natura enim aeris gelida est.

*De Ventis.*

FRIGIDUS hinc Aquilo tepidum decertat in Austrum,  
 Inque Notum Boreas, Vulturum Circius urget;  
 Fundit Hyperboreos æstivus Ethesia flatus.  
 In Subsolanum Zephyrus conspirat Eoûm:  
 Libs in Cæciaden, & Japis Corus in Eurum.  
 Nimirum Ventis nomen fecere locorum  
 Respectus, pluresque notant in Pyxide Nautæ;  
 Quam quod bisseñâ distinxit voce vetustas.  
 Nam Boreas, Aquilo, Corus spatiantur ab Arcto;  
 Et gelidâ niveos respirant fauce furores,  
 Sole procul. Contra Notus, Auster, & Affricus afflant;  
 Et calidâ tepidos respirant fauce liquores:  
 At Subsolanus, Vulturum, & Eurum ab Ortu  
 Regna movet Nabatæa, ferens quæ verrit ab Indis.  
 Spargit ab Occasu jucunda Favonius ora,  
 Cui Zephyrus Ver lenè fovet, gravè Circius halat.  
 Sed quaquâ versum spirant, ubi Causa fluentem  
 Aëra conturbet. Porro quæ Causa sit afflans,  
 Aëriumque movens Regnum, quatiensque procellis  
 Nosse laboramus. Magni quid Terreæ siccum  
 Ariditas exhalet, ut inde quati queat amplis  
 Turbinibus Mundus? dicam nova scire volenti.

Pondera perfectam statuunt æquata quietem;  
 Ponderibus pressus momenta minoribus addit  
 Motus & excessum libræ gravioris adæquat.  
 Si verò librata suis à lancibus æquam  
 Pondera destituant trutinæ vim; fluctuat anceps  
 Et levius sursum fertur, graviusque deorsum.  
 Inde fit in liquidis omnis commotio; namque  
 Libramenta petunt partes hinc inde gravantes,  
 Motaque pars parti minimo quocumque flabello

E

Stare

Stare loco nescit; concurritur, æmula mixtis  
 Irritamentis partes hæc pugna laceffit,  
 Imparium vires donec confuderit omnes,  
 Et nexu pariles suffecerit. Unica Venti  
 Ne sit origo tibi; quia quicquid in Orbe movetur  
 Plus, minus instabiles momentis ventilat auras.

Sic igitur Cœli Motor constanter in Orbem  
 Inferiora ciens, facilem quatit aëre Ventum,  
 Quem Mare Pacificum novit; quem ducta Cometis  
 Semita significat gyro. Namque ille globorum  
 Impetus Occasum versus dilator ab Ortu,  
 Mobile quem primum latè profundit in Astris,  
 Dum rapit immanes adeo constantia Sphæras  
 Corpora; non fieri possit, quin non quoque motu  
 Sollicitet simili fluidum simul, Aëra, Pontum.  
 Inde Planetarum solidæ variantia frontes  
 Ora situ referunt, Synodo, Sextante Cyclorum  
 Penthametro, Quadrante, Trigono, vel Diagono  
 Siquibus allidat liquidum, vertigine ferri  
 Diversâ sit opus, variosque exurgere Ventos.  
 Hinc Orientales Saturni aspectibus afflant,  
 Procreat occiduos Mars, Sol, & Luna susurros.  
 At Venus Australes, Boreales Jupiter effert,  
 Mercurio parent alii, quem lucida transtri,  
 Regulus, Alcides, Cervix, & Cauda Leonis,  
 Pleiades, Arcturus, Delphin, Lyra, Syrius, Hydra  
 Instigant furere, & Solem nimbofus Orion.  
 Sicut enim Hydromylâ motus contortus Aquarum  
 Tympana si mutant pinnas, modiosve; retorquet  
 Flamen, & undosos fluxus; ita mobile primum,  
 Dum variat moles, influxus mutat, & auras.  
 Sed minus Ingenii mihi sit, præfagia norint  
 Astrologi, non invideam. Mox ipse recessus  
 Lucis, & accessus varias per tempora pugnas  
 Ventorum generat, pluvias, & frigus, & ætium,

Omnia

Omnia Flaminibus Causas, viresque ministrant,  
 Dum Motûs Natura sui conturbat iniquo,  
 Et Gravia, & Levia occurſu, pacemque reſcit.  
 Nam roratus aquâ ſublimè vaporibus atris  
 Suffitus plusquam Sudum, præponderat Aër,  
 Aggeſtæque Jovem Nubes gravitate fatigant;  
 Dumque fatigatum frontem ſudare coercent,  
 Prævia portendunt celerem ſuſpiria fletum.

Igniculis etiam (velut obſervare caminos  
 Poſſumus undanti flammæ turbine flantes)  
 Aura tumet, reſluit, crepitat, caligat, anhelat.  
 Non ſecus occluſis foribus, ſeu folle retrudit  
 Rimula ſpirituum globulos; ita denſus in antro  
 Rarus in aprico glomeratur ad oſtia Ventus,  
 Propter inæquales oneris diſpendia lances.

Vulcanum quoque languentem ſub ferrea maſſæ  
 Tormina ſolicitat ruſtatus anhelitus undis,  
 Quæ derivatæ camuris concluſa columnis,  
 In cava præcipitant, exploduntque Aëra caſu.

Præpetibus rapiunt Venti ſecum omnia pennis,  
 Et tales aſſant, ut climata qualia verrunt,  
 Sic oleant; Nivibus gelidos Cynofura; tepentes  
 Sole, Marique Notus, ſuaves Aurora, ſalubres  
 Heſperus exhalat; ſapiunt limoſa Mephitim,  
 Quæ reſpirato gentem languore parentat.  
 Et Vos ò Dryades, ramis crepitantibus Euros  
 Plaudite flaturos, Aegles viridantis odorem.  
 Et Vos ò Lymphis aſpergite, Najades, auras,  
 Ne teneras lambant labiis arentibus alnos.  
 Quid dixiſſe velim? quamquam reſpiret eodem  
 Cardine Cœlorum Ventus; nihilominus illis,  
 Hiſve plagis prodeſt, quia prata virentia, campos  
 Frugiferos tranſit, flatus decerpit amænos,  
 Quos humus infelix alibi, vel ſtagna negarunt.

*De Aquis :*

AT non dissimili spatiosa per Æquora causâ,  
 Oceanus divexat Aquas, undisque flagellat;  
 Et Scopulos, Syrtesque petens, & littora passim  
 Allifus redit in Pelagus, redituque remugit.  
 Quandoquidem incumbens Terræ conamine toto,  
 Quam præstat levitate, subest levioribus Auris:  
 Quæ lucis, motûsque ratis affectibus illum  
 Excruciant; Agitatus agit quoque funditus, Ignis  
 Aëris, atque Soli Segmeta minora volutans.

Sicut enim radio clausas penetrante fenestras,  
 Cernimus obscuras Athomis volitantibus Ædes  
 Afflari, puro quas crederet aëre plenas,  
 Haurit & has Sordes Cæli spectator aperti:  
 Sic Aqua misceri simili farragine, quamvis  
 Perspicua apparet; variisque rigata, colores  
 Induit: albescit gypsi diluta lapillis;  
 Sulphure flavescit misto, minioque rubescit;  
 Atra fit, argillas nigra fuligine tinctas  
 Irrepens; & cui rerum traducta cubili  
 Nupserit, hoc faciem fuco respersa nitebit.

Hinc etiam vario Terræ cratere sapes  
 Ebibit: Invenies dulces, falsas, & amaras  
 Diversis manare Soli de fontibus undas,  
 Et passim species alias inferre palato.  
 Quin ego flagrantem vidi, si lumine flammam  
 Conciperent moto, calidasque ingressus abivi  
 Sanior. Admiranda genus prolusit Aquarum.  
 „ Fons Antenoreæ Vitam qui porrigit Urbi  
 „ Colle sedens Aponus calidis elabatur Undis.  
 Æthiopes redolente Lacu vaccinia, manant  
 Unguento, bacchantur Aquæ rubigine poti.



Nil natat in Syden, nil non natat Alcis ad oras.  
 Clitorium Vini tædet : Venerisque Salemnum ;  
 Me quoque Celonii , tetrum spirantis odorem.  
 Quod nisi miscibili referas, imponet amanter  
 Pharmacopola tibi puteum pro fonte propinans ,

Hæc ita miscendis liquidis propensio Causas  
 Promat in alterutrum. Fluit, & refluit Mare certi  
 Temporis in numerum, tanquam si Cordis ad imum  
 Sanguis eat, redeatque potens ex Corde per artus,  
 Cum quæcumque suas venas arteria pascat.

Non tamen est Animus Terræ, quæ talia motu  
 Præstat ; habet gravitas libræ momenta trementis,  
 Quâ versus cava parte vocant Spelæa labantes ;  
 Et refluxo compellit Aquas in vortice ferri :

(Præter eas ipsas, quæ motant Aëra Causas)  
 Ac veluti commota semel cunabula longo  
 Nutant anfractu, veluti quoque pendulus alto  
 Funiculo Globulus vibrat per libera sese  
 Arcubus alternis, vel iniquis tempora mensus  
 Æqua : vacillantes Lymphas, sic undulat Æquor.

Ergo Aqua sorte suâ sit pura, saporis, odoris,  
 Atque coloris inops, uncto procul, anxia Terram  
 Diluere, & subiectare, & constringere cæno,  
 Sed bibitu facilis, miscetur in arida promptè.  
 Frigida, quæ calefit, si tingitur igne nitenti,  
 Quo sine prorsus hiat, gelidoque rigescit amictu.

Exilio lucis porrò, nimis ære frigus  
 Concipiente, latex venas transfixus acutas  
 Indurat : glacies, nix, grando, pruina gelantur  
 Ros, imber, nubes, aqua ; constipata rigore  
 Frigoris, & Terræ salibus densata nitrosis,  
 Aut aliquo simili, quod stricta coagula fingat.  
 Quippe Gelu terrenum aliquid sibi jungit, & Aër  
 Ipso frigidior costas injectus acerbat,  
 Igne procul ; concedit Aquis innare ; calefcens

Liquitur. In liquidis igitur non tangitur undis  
 Maxima frigiditas, cum Nix magis algeat illis,  
 Atque magis glacies, magis his quoque frigeat ær  
 Causa Gelu efficiens: Verum ipsa remotio lucis  
 A Terris, ab Aquis, & ab Aëre detrahit ignem,  
 Et motum exanimans simulat torpore veterum  
 In Terris, in Aquis, & in Aëre; sed magis Aër  
 Æthera semotum sentit, quia proximus illi,  
 Si caret exili nimium quæ corpore fuxit,  
 Debilis eiectat, Vires emarcidus omnes.  
 Propterea enervis motu sua depulit undis  
 Et Terris fermenta, quibus calor exulat ultra  
 A Terris, ab Aquis, quæ frigore trajectæ stant.

Id calor à motu lucis; diversus eisdem  
 Ac calor, effectus prodit rigor: excoquit, urit,  
 Siccatur, & humores liquidos explodit, & ignem.  
 Sed calor humores liquido fervore resolvit,  
 Et rapit ignifero secum succosa volatu  
 Glandia; ni rapiat, veluti liquat Æra, rebullit.

Ex his rimari liceat, quod frigus in actu  
 Aërio sine luce globo debetur, Aquarum  
 Divisor, quia deliquium est immane caloris,  
 Et magis hoc patitur, fervare tenaciter impos  
 Igniculos. Frigent passivè cætera juxta  
 Principium proprium; quia motus frigora motis  
 Imprimit in rebus frigentibus, & magis aptum  
 Impelli, magis est aptum perfundere frigus,  
 Cum magis inducat minimas subtiliter auras  
 In sibi subjectum Corpus, pellatque calorem.  
 Nonne vides Glaciem respersam molibus Auræ,  
 Distendi majore loco, quam corpus Aquosum?  
 Quapropter stipata cados disrumpit, ut algent  
 Vina, Meroque latex distinguitur.

Haud secus ipse calor primò quidem in igne moratur,  
 Et motu furit; at reliquis in rebus adhæret

Mixtu-

Mixturâ ; motuque nitens revocatur in Æthram.

Humiditas autem Lymphis ita propria detur,  
Ut quæcumque madent, & lento phlegmate pallent,  
Undarum spumis humescant ; & nisi Vestam  
Induerint, frigent latices, & frigora motu  
Parturiunt, & aculeolis cogentia stringunt.

### *De Mifione Elementorum.*

Protinus ut Cœli motus, ut luminis Æstus  
Et laticis distincta Thetis, firmataque passo  
Aëre cœperunt Altæ munimina Sphæræ  
Conspirare operi, liquidis Elementa lacertis  
Misceri cœpere simul : rapit Æthera totum  
Mobile firmatum ; spargit concursus Aquarum  
Aëra, perplexo fursum levat igne vapores :  
Unda lutat Terram ; tenues uligine fumos  
Terra movet ; motu spirant hæc omnia finem  
Numinis intentum ; quo fine creaverit Orbem  
Omnipotens nosti ? propter Natura superni  
Munia fit meriti ; perfectum Gratia Lumen  
Exigit acquiri, Bonitate quiescere summâ  
Gloria contendit Mentis, Animosque Beatos,  
Ut quodam veluti diducta forinsecus intrò  
Circuitu redeant, & sit Deus ultima Rerum  
Meta, quibus primus dotes concessit, & actus.  
Ergo nihil frustra fieri, nihil esse minusquam  
Conditio finis patitur, primique Voluntas

E 4

Arti-

---

<sup>a</sup> S. August. de Genes. ad litteram lib. 3. cap. 3. *De Conversione Elementorum non parva Quæstio est : Alii enim dicunt omnia in omnia posse mutari, atque converti : Alii verò esse aliquid omnino proprium singulis perhibent Elementis, quod in alterius Elementi qualitatem nullo modo vertatur.*

Artificis, reputa. Sine mentibus omne creatum  
 Si foret, aut nullæ fiant sinè corpore mentes,  
 Cur sibi sufficiens prodit se Conditor extra?  
 Quæ finem ignorant, cur corpora bruta creavit?  
 Sunt igitur certo quædam res sine creatæ  
 Miscibiles, ideo fluidæ, cædique potentes,  
 Quas Elementa vocant, miscerier apta vicissim,  
 Quas Alimenta voces, & idonea pascere fætus,  
 Et generabilium protendere semina rerum.  
 Cædua sunt etiam, facili refluencia fluxu,  
 Infra se pariter cunctas miscentia partes,  
 Inter se pariter partes agitata volutant.  
 Non tamen alternant Elementa suas rationes,  
 Cum divisibiles inter se Mistio partes  
 Conturbat, quia iussa locis expansio firmis  
 Dividere, in majus vim non habet Argumentum.  
 Nam si dividitur Moles Telluris, & Undæ,  
 Misturæque lutum coalescit, ut aspicias, unum  
 Imperfecta facit Generatio; perdita non est  
 Ariditas Terræ, sed Aquæ contusa madore:  
 Propterea citò fit reditus, quia perdita non est  
 Humiditas Undæ, sed humi spissata rigore  
 Protinus afflatu Flammæ dispersa per auras  
 Arentem laterem primâ cum fronte relinquit.  
 Nonne vides prunas minui de Vase fragrantés,  
 Et tenuem spirare focum calefacta, remitti  
 Continuò, dum quæque suos fugientia motus  
 Exercent Elementa? vides madefacta per ignem  
 Lina vaporatum siccari; forsitan audes  
 Dicere perfectè genitum de viscere lini  
 Humorem? Humorem perfectè dicere lino  
 Corruptum? Non est hic Aër alter, & alter  
 Humidus, & siccus; mista fuit humidus undâ,  
 Et siccus redit abstersâ, spirantibus Euris.

*Elementa non mutuò generantur , neque  
 corrumpuntur à Natura . Favet  
 Cabeus lib. I. Meteor. Text. 7.  
 quæst. I. & alii.*

**N**ON ex alterutris fiunt: Quis viderit unquam  
 Vel Totum in Totum verti? vel pura duorum  
 Membra suis patrem contactibus edere partum?  
 Quæ vis possit Aquam, (nisi sit Divina,) vicissim  
 In Terram mutare novam, vel in Aëra passim?  
 Si latices fiunt Aër, quid ab Aëre sudat?  
 Arida si latices, & in ignem transeat Aër  
 Cur datur, ex habitu privatio, & inde regressus?  
 Observant Elementa fidem, sunt omnia Mundus  
 Ipsa, vel ex ipsis gignuntur Mixta subactis,  
 Interituque vices referunt resoluta priores.

At si formari dicas mutabile corpus  
 Ex corruptibili formâ. Dum Terra fit Unda,  
 Unda fit Aër, atque Aër mox transit in ignem,  
 Cur Elementa simul non flagrent omnia? vel si  
 Mutuus est reditus, pariles si pugna Triumphos  
 Mutua concelebrat, veniam date partibus ipsis,  
 Quas Elementa negant, & mox Elementa regnunt.

Ridiculum fateor, lapidem si cogito factum  
 Ex Flammâ: prius hæc Aër fit, & inde liquefcit  
 In latices, latices tandem lapidescere dicam.  
 O Dignus Colophone Tripus! si Terra fit Ignis,  
 Cur redit in Terram? si flamma potentior actu  
 In se vertit Aquam, quid colligit Æthra vapores?  
 An fit gleba lapis? fiunt an nitra metallum?  
 „ In noua fert Animus mutatas dicere formas  
 Corpora, durefcant in saxa, metallaque glebæ;

Anne

Anne regressus erit? lapis iste triabilis esto,  
 Limus erit, limus durefcac, & ecce lapis fit.  
 Transitus iste patet; redeunt Elementa, quid ergo?  
 Si Totum quod erat nunc est quâ forma rediuit?  
 Hoccine disposita Totum de parte resultat?  
 At quo disponi possint motore favillæ,  
 Ut fiant aliud? si dissipat unda, calefcit;  
 Aëre si fumant, referuntur in Æthera sursum;  
 Ad sua Centra redit quicquid devolvitur extra.  
 Denique quicquid agit, finem non præterit Alti,  
 Præcepto Domini positum, quo fine Creantis  
 Appeterent Elementa vices, ut in altera mutent  
 Naturam? Certo consummat ab ordine finis  
 Perfectum. Deus ipsa satis si fecit alendis  
 Pro mistis, quid se mutant, corruptaque gignunt?  
 Quid se multiplicant, minuunt? concursus eorum  
 Perfectis datur in Mistis, iterumque solutis  
 Est reditus? non ergo perit formale minutum,  
 Quod fuerant, inter sese cum singula partes  
 Commiscent: aliâ pollent vitute creatæ  
 Sementis, nova Mistorum cum forma resultat  
 Ex minimis variè textis. Intellige veram  
 Naturæ seriem, medio tendentis in Unum.

*Aristotelis ratio, cur Elementa generentur,  
 & corrumpantur mutuò. lib. 3. de  
 Cœlo summa. 6. non probat.*

Dicat Aristoteles minimum corrumpier, ex quo  
 Dissolvi semper partes patiatur in omnes,  
 Nam si cessarit, steteritque solutio, sicut

Empe-

---

a Psal. 14. 8. 6. Præceptum posuit, & non præteribit.

Empedocles voluit, non est insectile Corpus;  
Sed minus hoc ipso dissolvitur ocyus, ergo  
Corrumpi fateare minus, seu majus ab Actu.  
At si dissolvi, corrumpi dicis eodem  
Stare modò propriè, quæcumque solutio rerum  
In similes partes Corruptio vera probatur,  
Ergo solubilibus non detur partibus unquam  
Empedoclea stasis, sed motus, & actio, quæ sit  
Mutua certatim, donec conspiret alendis  
Seminibus; mediat partes Elementa minutas;  
Non facit esse aliud; quoniam virtus Elementi  
Non valet attactu minimas conamine partes  
Transmutare pari, cum non plus frigeat Undæ  
Quam caleat Flammæ minimum quod sic in utrisque.  
Tum quia Naturæ sunt Qualia prima valoris  
Æqualis; Quanti fuit humidus humor aquarum,  
Tantidem Tellus est arida: Flamma calefcit  
Quantum frigescunt Elementa carentia flammis.  
Hinc igitur minimum quod sic in quolibet actus  
Exercet pariles, ne possit utrinque vicissim  
Mutari ratio: minimum quapropter oberrat  
Vi propriæ formæ, repetens certamina passim  
Huc illuc auctum simili, mox attenuatum  
Dissimili minimo; nunquam manet; undique pugnat,  
Undique pugnatur pariter, nec deficit unquam;  
Cum tenuetur apex, tanta virtute secantis,  
Quanta potest tenuare pari de Corpore Corpus.

Sed neque majores minimum corrumpere partes  
Oppositum poterunt, quia si dispergitur undis  
Igniculus, vel stilla focus ingentibus ardet,  
Dividitur penitus; si sic corrumpitur, esto  
Mors Elementorum divisio plena sub omni  
Parte, sed integritas non est substantia rerum:  
Si Pars ergo suam formam non mutat, vt Ignis  
Fiat Aqua, aut contra; nihil actum crede; sed Ignis

Non

Non fit Aqua, aut contra, cum motus utrimque resistat  
 Oppositus: Volat hic fursum, cadit illa deorsum;  
 Ergo non mutat formam Divisio quævis,  
 Ut propriè possit semper Corruptio dici:  
 Quod si Dividuo sequitur; monstretur Agentis  
 Principium, genitura patens, & finis eorum.  
 Denique sic dicas; comburitur unda, nec ignem  
 Extinguit; nec non ignis madet, atque liquefcit,  
 Fit tepidus, friget, gravitat, non dissipat undam;  
 Quæ si de specie totâ dicuntur iniquè,  
 Cur de Particulis Elementi dicta probentur?  
 Totius ratio, Partis Naturâ putatur.

*Corrumpi est propriè Mistorum, non  
 Elementorum, quæ transmutantur  
 in melius.* Nicol. de Lyra Sup.  
 Genes. cap. 1.

**N**Ec tibi congeries rerum, quâ Mundus ab ipso  
 Principio stetit ex nihilo, videatur inanis  
 Formarum nexu; vel spiritualia penſes  
 Condita distinctè, vel materialia passim,  
 Quæque suum genus, & speciem sortita videbis.  
 Sed simul ut superis concessum est mentibus inter  
 Inconfusibilis Naturæ limina prorum  
 Pondus amicitæ, qua mutuus ordo fovetur;  
 Sic & visibili Mundo concordia quædam  
 Rebus inest solidis, Cælo, Terrâque cohærens  
 Per fluidas res, & liquidas: immobilis infra  
 Se locus excepit moles. Stant ordine certo  
 Res solidæ, Tellus, Firmamentum, Astra, Planetæ;  
 Hæc infra refluunt Aqua, & Aër, Æther, & Lux.  
 Halitibusque suis exercent omnia motum.

*Quæ-*



Quædam ergo potius dicantur agentia; quædam  
 Dicantur motu patientia. Cuncta feruntur  
 Perfectum in finem, medii ratione parandum.  
 Perfecit Cælos Dominus, quos Mente movendos  
 Constituit, Terram specie perfecit in omni:  
 Sed tamen instat adhuc operans, finique beato  
 Perfectum regimen per sæcula dirigit ultrò.  
 Nec quod fecit Opus, subito destruxit, ut esset  
 Hoc aliquod, quia perfecit, fierique gradatim  
 Hoc melius voluit, quod non erat ante creatum.  
 Quicquid perficitur minimè corrumpitur, ergo  
 Imperfecta quidem dum perficiuntur ab actu  
 Non corrumpuntur supra veniente repertis.  
 Quippe nihil pereat de corpore simplice, quando  
 Transeat in Mistum, quia Misti forma subintrans  
 Perficit hoc simplex. Elementa moventur, ut ipsis  
 Motibus acquirant melius. Dum mista feruntur  
 Affociant partes vegetas, ut subdita formis  
 Exhibeant: vegetum properat sentire: Supremum  
 Attingat metæ, si perfectissima Forma  
 Corporis humani subigat mutabile Totum.

Non ideò Corpus periit, si vivere detur;  
 Non ideo Vivens periit, si sentiat indè;  
 Non sensitivum periit, si spiritus insit.  
 Nec corruptibiles Homines, in sæcula quando  
 Immortale decus, cælestia Dona Tonantis  
 Induerint tantà mutati forte, peribunt,  
 Nec nova post Ævum cum fecerit omnia Numen

Cum

*a* Genes. 2. Igitur perfecti sunt Cæli, & Terra.

*b* 1. Cor. 13. 13. Oportet Corruptibile hoc induere incorruptionem.

*c* S. August. lib. de Eccl. Dog. cap. 70. Elementa, idest Cælum & Terram non credamus abolenda per Ignem, sed in melius commutanda.

Cum septemplex lumen crebrescet in astris  
 Cum non Tempus erit, cum non Generatio rerum  
 Corruptendarum repetet momenta, peribunt.  
 Concipis improprie corruptum, dum generatum  
 Concipis in melius; passi nam Forma recedens  
 Deterior Geniti Formâ durescit ab Actu,  
 Quo nihil amissum reputes, ut mutat in Aurum  
 Collybus Argenti nummos, vel in Æra lupinos.

Sicut enim lucis radiis, ac ignibus Aër  
 Ut nitet, & calefit, corrumpi nescit, & illis  
 Subtractis iterum nescit deperdere formam  
 Naturæ propriæ; si contingentia sunt hæc,  
 Ostendunt methodum, qua se natura reformet.  
 Et Deus ipse, quid est, quod cum simul omnia condât,  
 De tenebris faciat posthac splendescere lucem?  
 Tum Firmamentum faciat, tum cætera formis  
 Oppositis? nunquid subito destruxit, ut illud  
 Hoc aliud faceret? nullum perfectio Corpus  
 Destruit, at Formâ statuit meliore, quod hoc sit:  
 Continet ac melius, quæ sunt concorditer infra.

### *Meteora.*

IGNE vaporatus sursum volat, affluit humor  
 Attenuatus Aquæ: nebulas vicinior effert;  
 Et magis elatus nubes vapor Aëre constat;  
 Frigore collectus pluvias, & largior imbres  
 Effundit, nimbos casu vehemente rigantes.  
 Ipse vapor tenuis recidens sub nocte serenâ  
 Guttatim in stillas Ros est: concretus in herbas  
 Frigidior novae netur candore pruina:

Nix

---

a Isa. 30. 26. Et erit Lux Luna sicut Lux Solis, & Lux  
 Solis erit septemplex, sicut Lux septem dierum.

Nix sublime riget nubes, albescit ab ipsa  
 Luce, velut glacies cultro concisa minutim;  
 Sin aqua nube cadit, concreta cadentibus undis  
 Grando fit; & ventis turbo certantibus urget  
 Regna procellarum, tempestatesque sonoras.

Ignem per undosas nubes errante corruscant.  
 Fulgor ab accensâ pinguedine, sulphure, nitro,  
 Cum propagatur tonitru per rupta remugit  
 Nubila; lymphatur spatiis combustio pressis,  
 Hinc furit extinctis flammis, hinc fulgura torquet  
 Dira cremabilibus congestim afflata favillis.  
 Non aliter (si magna finas componere parvis)  
 Cum faber arduos calybes incude reformat,  
 Candet opus, lacubus mersos aspergit arenis;  
 Stricturas jaculatur eò, quo malleus icit,  
 Et fragor in numerum succendit fulgetra; cudent  
 Æthnæum ferri centeno pondere fulmen  
 „Brontesque Steropesque, & nudus membra Pyracmon:

Accensas sublimè faces, & motus, & icon  
 Nominat, ut Uirgas, Capras, Stellasque ruentes,  
 Lampadas, atque Trabes; eadem sed causa revelat,  
 Et fatuos ignes, Lædæaque lumina Ponti.

Sin autem videat per concaua roscidus humor  
 Post pluvias Solem, variè depictus in arcum  
 Irida formabit, nam lux fulgore colores  
 Pingit in objectis diversa parte relatis  
 Diversos: umbræ nigræ, Lux alba videtur,  
 Horum mixturâ medii nascuntur & omnes  
 Cælis comparent ex umbrâ & luce colores.  
 Quin etiam visu grandescunt, aut minuuntur  
 Per medium perspecta aliud: Lux namque reportat  
 Directo, aut flexo aut fracto splendore figuras.

*Optica .*

**N**Am Lucis radii recto fulgore vibrati  
 A centro ducis ad Sphæram conforme Diaphnum  
 Si modo percurrant spatium, producet eisdem  
 Ad visum effectus immotus luminis actor.  
 Si verò contra planum objiciatur opacum,  
 In sua consurgent radii cunabula sursum,  
 Directumque jubar geminabit luce calorem.  
 Sed quia projectus lucis, quacumque feratur  
 A duce sphærali patulum defertur in orbem,  
 Plana superficies, præter centralis acumen  
 Cuspидis in rectum, reliqua inclinata remittit  
 Spicula, quæ Sphære modulos imitata parentis  
 Rectorum jubarum fiunt simulacra reflexu.  
 Tum quoque servatu dignum, quod parvula quævis  
 Scintilla, aut radius totius lucis Imago est:  
 Hinc speculum effingit Solem, rerumque figuras,  
 Et fractum totidem pingit, multoque minores  
 Prototypo, quot sunt ejus fragmenta soluti.  
 Sed minor intuitu confundit portio partes  
 Objectas, tantumque nitent ciliaria fibris  
 Lumina, stellantesque vides à luce nitores.

Quid memorem nisi sit planum, quod tela receptat  
 Luminis, Hospitium? velut inclinata per omnes  
 Pluraque plana sitûs oculo diversa videmus  
 Objectare faces; ita puncto quolibet orbis  
 Convexus radios rectâ centraliter omnes  
 In gyrum resilire jubet; sed quo magis est à  
 Culmine semotus, languet magis ipse reflexus,  
 Angulus ipse magis contusâ luce resultat.  
 Ut verò plani facies quadrante reportat  
 Se totam, & quicquid lucis conceperat in se;

Sic

Sic quoque dimidium Sphæræ lustrabile tædâ  
Cernimus, æquali quod decidit angulus ictu :  
Quò circa focus hic flexu præstantior omni,  
Præter directum ; quia tota potentia lucis  
Panditur in planum, tetragonia, mutua rectis.

Quod si transparens infra se colligit Orbis  
Lumina ; refringet radios ad concava ; fractos  
Diriget ad centrum ; decussatoque reponet  
Ordine conversim species objecta figuras,  
Quas iterum plano faciet consurgere rectas,  
Si nova lens vitreâ circi cavitare refringat.

Hac methodo natura oculum construxit, & ipsi  
Pupillæ tunicas, humores, Sphærica lentis  
In morem convexa, rei retinacula visæ  
Disposuit, Totumque refert lens æmula visûs.

Hoc studio, clausis obscura cubicula portis  
Instrue ; splendorem permitte foramine tendi  
Rerum externarum, radiisque nitentia spectra :  
Cryptica mox videas versis Albaria pingi  
Vultibus umbrarum, quod si quoque lente foramen  
Prænitidâ claudas ; ò quas effingere formas  
Possit Apellæis operosa coloribus Iris ?

Tu tamen harmonicè distantia puncta notabis,  
Quæ legis intuitu, vel quæ confusa minores,  
Majoresve tuis reddunt obtutibus Umbras,  
Dum lenti lentem nitidas componis ad auras,  
Ut benè conclavi radiantia lumina noscas.  
Hinc etenim noris certis variabile normis  
Judicium Visûs, radius si transeat idem  
Per varium medium : sic remus fractus in undis,  
Sic lapis injectus fundo sublimè videtur.  
Sic oculi structura situ si differat, arcum  
Tegminis aut fundo propiùs senioribus Annis,  
Contractumque gerens ; aut laxa remotiùs ; illos  
Eminùs, hos acie distincta cominùs auget.

Quin etiam objectum geminat, si visio conos  
Multiplicet; fundique fibras contingat acumen  
Decussus alias, neque concidat una Potestas.

Experiare vitris: Phyalam terebrata papyrus  
Contegat antèrius; quàm si lustraverit Ignis,  
Opposità mittent ex parte foramina lucem  
Occursu, totidemque faces fax una colorat.

Non aliter polyedra basi conspecta sub una  
Congeminant rerum formas, ænigmata visus.  
Linea recta movet visum; radiusque videndi  
Fertur ab objecto; quare si plura refulgent,  
Pluribus & radiis opus est lustrata remitti.  
Apparet majus, quod sub majore videtur  
Angulo; & extenuat major distantia rerum  
Effigies, acie nimium cernentis acutâ.

Quod si debilior radius non pulset ocellum,  
Intuitus confusus erit; deperditur Icon.  
Ex his principiis minor est obliqua tuenti  
Visus, & incertò lymbos dijudicat hircus.  
Directum duplex Oculus videt axe sub uno  
Certius, & virtus conjuncta potentiùs exit,  
CrySTALLUS majore globi conflata catillo  
Reddit in oppositâ majores lance figuras,  
Quàm convexa nitet; quàm concava parte, minores.  
Et minus, & majus radiis comprehensa duobus  
Apparere queunt æquæ simulamina molis;  
Fallimur aspectu, magis hoc cum distat ab illo;  
Sed juvat ex aliis specimen concludere signis;  
Si Perspectivæ delectant pegmata sensum.  
Accessu tentabis idem, simul atque recessu:  
Motus enim cathetos variat, statioque videntem,  
Visaque; suffusus Nebulis nutantibus Aër  
Astra situ luxat, roseis redimita capillis  
Augetaque demonstrat; scenæ spectacula dicam.  
Sed quò me tulerint illos Elementa canentem

Affe-

Affectus, quos Orbe recens Natura creato  
Ignorabat adhuc? offert occasio frontem.

*De Diaphano, & Opaco.*

**N**unc age, sis: Quædam sunt transparentia: quædam  
Lucis opaca: solum sic est, & quicquid apicum  
A se lumen agit, post se describitur Umbrâ.  
Transparent Cœli, cum libera lumina Stellæ  
Nobis transmittant; Aër, Aqua limpida, Vitrum  
CrySTALLUS, Glacies, & quicquid ab Igne nitorem  
Concipit, excipiens infra sua viscera lucem,  
Ultra se radiis gaudet jeeisse refractis.  
Cur ita sint quæris? Densum si credis opacum,  
Rarum perspicuum, quid obumbrant Nubila Solem,  
Pendula Nix Clivos; CrySTALLUS dura renidet,  
Flamma licet niteat, post se subiecta videri  
Denegat? hoc fuerit proprium sic esse quibusdam  
Rebus, ut ipse color; nam qua ratione colores  
Innatos Elementa gerunt, & prima creatæ  
Germina Naturæ? Quanam Faber optimus arte  
Tot lapides pingit, totidemque Metalla colorat?  
Vel quibus inficiat fucis Cælum, Æthera, Stellæ  
Aëra, Aquam, Terram, diverso ut reddat amictu  
Primò visibiles? hac scilicet indole fecit  
Per se transparens, & opacum: respice sursum  
Cælorum spatium: quid erit si fiat opacum?  
Cum Deus intendat nexum, finemque suorum  
Quicquid habent, operum; lucem transmittere Terris  
Cuncta per astra volens, spatium tranabile, rarum,  
Perspicuumque dedit, quale est purissimus Æther,  
Et quale est Aër, essent ut pervia nobis  
Condita; Visibilem per se quoque condidit Ignem,  
Non transparentem, si densior ardet, ut esset

In se visibilis motu; secus ille fugaci  
 Se pede subriperet, nec posset rite videri  
 Lux sine mole sui, quâ cætera tincta videntur.

Lux igitur quâ visibilis nobis foret in se,  
 Non est transparens, neque opaca, sed omnia lustrans  
 Monstrat opaca simul, cum transparentia Mundi,  
 Tanquam principium visûs, indexque colorum.  
 Sed spatium Ætherium, per quod lux aurea transit,  
 Si solidum facias, mirum est, radiantibus astris  
 Esse Viam rectam, non interrupta planetis  
 Lumina, cum minimâ Crystallus lente refringat.  
 Nam densum, durumque licet transpareat, illò  
 Dirigit ignitam lucem, quo concipit ex se  
 Compages, neque sunt similes errantibus orbes,  
 Aut numero, aut formâ. Vitas incommoda motûs  
 Si liquidum facias, velut est purissimus Aër.

Hic igitur fluidas, similes per singula partes,  
 Dividuas, tenues, læves, lævorem nitentes,  
 Luce penetratas, numero turbine motas,  
 Undique perspicuas oculis cernentibus offert.  
 Et quamvis ramenta Soli, teretesque minuti  
 Pulveris afflatus circa nos ora volutent;  
 Non tamen impediunt visum; quia læve nitorem  
 Titillat; magna neque luce minutia contrâ  
 Fert umbram, radiis penitus circumdata multis.  
 Da minimum Terræ, contra quod maxima lucis  
 Sphæra fluat; radiis cognosces undique septum,  
 Pro facie lucere suâ. Sic humor aquarum  
 Clarior est visu, spumosa aspergine fontis.

Sic Aqua transparet; quia partes undique læves,  
 Persimiles, claras, facillique solubile motu  
 Corpus habet; quocum lumen si misceat Ignis,  
 Visibilem fundum reddat; Pars concita partem  
 Luce quatit, motuque rotat lustrante lacunas,  
 Flucticolæ vt videant imo sub gurgite Pisces.

Per-



Perspicuum tamen est Pelagus minus aëre, cum sit  
 Densius; & radios alio movet ordine totos,  
 Cum minus indigeat visu Gens humida Ponti.  
 Ergo magis densum, minus hoc transparet & umbris  
 Ludit; at in raris quorum sunt ordine partes  
 Confuso, magis obscurant obstacula lucem.  
 Et quoniam Tellus rerum densissima totum  
 Corpus habet solidum, duris compagibus impar,  
 Et scabrum, lucem sistit, sursumque reflectit:  
 Et sic esse putes lucentia Sydera Cœlis,  
 Et quicquid visus est terminus, atque figura.  
 Nec mihi subiicias glaciem, specularia, duris  
 Juncta vitris: similes quâ sunt tenuis ordine partes,  
 Aspersæque poris, per quos lux transeat, & non  
 Sint nimium crassæ; transparent; bractea quævis  
 Attenuata nitet; phylæ, chartacea quævis  
 Et magis uncta nitent, & linea carbasa ceris  
 Illita vela nitent. Quid mox? hoc accidit illis,  
 Ut contexturâ lucem transmittere possint,  
 Quam bene clementum similis rationis opacat.

### *Harmonia Mundi.*

Est Aqua vis, à qua Vitam Generatio sumat,  
 Æqua Soli facies, quam si super Æthera norim  
 Stare, super Cœlos omnes innare diremptam  
 Terrigenis; fluidam Cœli miscerier usu;  
 Hæret Aquis Mens, & Sacro de Flumine Flamen  
 Concipit. O Cœli vectes, adamantina firmis  
 Ostia clausa seris, quamam vos arte recludat  
 Janitor? Æternum docuit sapientia Fatum,  
 Uno tergemini sponsari nomine Numen,

In Fluvio. Tres sunt Testes, Aqua, Sanguis, & Aura. \*

Prima diem Mundi compleverat æra secundam :  
 Terra sepulta Mari nullum Viventibus usum  
 Largiri poterat ; sed in Aëre Sphæra propinquo  
 Pendula constiterat, nullis subjecta ruinis.  
 Lux tenebris divisa, suo Ductore carebat,  
 Quæ tamen à Cœli motu parebat Agenti.  
 Quis non miretur, tantum, quod partibus à se  
 Distractis gravitat, pondus, non pondus habere ?  
 Nec gravitare super ventos, terramque, fretumque,  
 Ingentem molem, fundamentisque carentem  
 Rerum congeriem ? Cœlorum culmina nullis  
 Nisa basum fulcris, nutu firmata supremo  
 Perpetuas peragrarè vias, partesque per omnes  
 Consentire situ ? Centri cava Tartara fornix  
 Munit ; Atrox vastas cautes circumligat andron,  
 Nec silicem pumex, nec mollis gleba metallum  
 Fastidit : tenerum duro concordia certo  
 Fœdere conciliat : Ponti millena super se  
 Pondera gestat humus : ridet Thetis aëra malis  
 Lævibus instantem ; thalamum Junonius Heros  
 Non gravat accubitu ; nec Sphæram Sphæra fatigat.  
 Quæque suo contenta loco. Quis dixerit istinc  
 In propriis centris Elementa gravescere ? fœces  
 Subsidunt liquidis, motuque premuntur adaëto  
 Subdita ; sed partes toti, totumque cohæret  
 Partibus, & tanquam, si Ponte regantur, & Arcu,  
 Vix sentire licet nobis sub fornice stratis  
 Stare super, vel Aquæ pendentia jugera, fultæ  
 Continuo laterum nisu, stipantia centrum.  
 Non secus effosso circumstat pendulus antro  
 Rupis apex, humeros cui si submoverit Athlas,

Cum

---

\* Jo. Epil. i. cap. 5. 8. Tres sunt qui Testimonium dant in Terra ; Spiritus, & Aqua, & Sanguis, & hi tres, unum sunt.

Cum nihil infudet, montem sufferre videtur.  
„ His quidam dictis, atque hæc exempla sequuti  
Vivere dixerunt Mundum; vegetare per artus  
Harmonicis Elementa suos à motibus, æstu  
Vexari; quando colliditur, edere voces;  
Et sensu pollere suo, parere Tonantis  
Nutibus. O Regem cui vivunt omnia, quis Te  
Non colat? Est aliud vis Omnipotentis in omnes  
Mundi Particulas, cui non Natura resistat;  
Est aliud Vitæ dotari munere; Mundum  
Crescere quis dicat; nutriri, semine cogi,  
Prole sibi simili fæcundum? sensibus uti,  
Mente gubernari propriâ? distingue suorum  
Organa membrorum, sensus, objecta; repertum  
Nil probat? insano commentum linque Maneti.

Verum ego divisum nati quid demoror Orbis  
Imperium? Deus hoc ipsum non approbat, omen  
Diffidii; quando reprobas divisio Mentis  
Cælestes & Aquas ab Aquis dispescuit imis.

ANNIBAL, Imperii ne te Divisio turbet;  
Est Animæ firmata quies, ubi dividit inter  
Instabiles Mundi fluctus constantia mentem.  
A sensu mentem, qui dividit, imperat; infra  
Te cohibe viles curas, undantia sæcli  
Flumina; Mentis opes supra te collige firmo  
Robore; non aliter parvus componitur Orbis.  
Non aliter ratio vitæ spiramen adornat,  
Quam si compositi Mundi Typon arte sequaris.

# O P U S T E R T I Æ D I E I.

## Textus.

9 *Dixit verò Deus : Congregentur Aquæ , quæ sub Cælo sunt , in locum unum : & appareat arida . Et factum est ita .* 10 *Et vocavit Deus aridam , Terram , congregationesque aquarum appellavit Maria . Et vidit Deus , quod esset bonum .* 11 *Et ait , germinet Terra herbam virentem , & facientem Semen , & Lignum Pomiferum , faciens Fructum juxta genus suum , cujus Semen in semetipso sit super Terram . Et factum est ita .* 12 *Et protulit Terra herbam virentem , & facientem Semen juxta genus suum , lignumque faciens fructum , & habens unumquodque sementem secundum speciem suam . Et vidit Deus , quod esset bonum .* 13 *Et factum est Vespere , & Mane Dies Tertius .*  
Genes. cap. 1.

### *Aquarum Congregatio , & Terræ detectio :*



Tertia jamque Dies Terræ festina videndæ Lumina pandebat ; tenuique silentia labro Vesperis in lucem indixit , verboque Tonantis  
Spirituum intentas acies astare jubebat .

Tum

Tum Pater imperio nutus, & nutibus ipsum  
 Promit Opus: Montes effert, & vallat Abyssos,  
 Et Terræ submittit Aquam. Labuntur in unum  
 Vasta locum Maria; & siccum caput extulit undis  
 Terra suum; variis apparuit Arida clivis,  
 Montibus, & scopulis, & syrtibus eruta major,  
 Quà via rupta fretis, extrusa est altior Ora;  
 Littora dat propior, tractusque remotior arvom  
 Fertilius; mediâ montes tellure jugantur:  
 Celsa sub injectas assurgunt culmina valles:  
 Infames humeros, & terga horrentia saxi  
 Suffultæ rupes, Æthram cervice laceffunt.

### *Fluminum, & Fontium Origo.*

Sic igitur declive solum labentia fossis  
 Visceribus tanquam venis exuxit Aquarum  
 Flumina, perque Jecur veluti transmissa sub aures  
 Cordis, secretis derivat hiatibus haustum  
 In Fluvios, Fontes, in stagna, lacusque cruorem.

Nam licet Oceanus Terrâ demissior altâ  
 Littora percutiat, latebras tamen impetit omnes,  
 Motibus undarum saliens, superosque quibusdam  
 Trudit epistomiis Fontes, & Flumina sursum,  
 Quæ redeunt iterum longos digressa meatus,  
 Unde trahunt ortum, & rursus tumultata resurgunt.

Illa quidem pluviis hyemalibus aucta tumescunt;  
 Æstivis tenuata focus demissiùs errant.  
 Et nivium fletus, & per juga longa vaporum  
 Ploratus quandoque fluunt imitata perenne

Fon-

---

<sup>a</sup> Eccles. cap. 1. num. 7. *Omnia Flumina intrant in Mare  
 & Mare non redundat: ad locum unde exeunt Flumina rever-  
 tuntur, ut iterum fluant.*

Fontis iter. Per tesqua cadunt, per saxa, per agros:  
 Et lapides tornant, & arenas marmore tundunt,  
 Et calcant Alveo limum; lectosque liquores,  
 In fluvios, fontes, in stagna, lacusque coactos,  
 Qualibus admiscunt, per quæ transire putantur.

Ne mihi succense duplici si Flumina causâ  
 Derivare velim, pluviis, vel ab Æquore: Terræ  
 Viscera pensemus magnis instructa cavernis,  
 Quas pluvix repleant, aliquo spiramine fontis  
 Fufuras paulisper Aquam. Descensus Aquarum  
 Non minor ascensu fertur, si iuge tuborum  
 Corpus horizontem pleno modulamine adæquet.  
 Si verò momenta Maris gravitate premantur,  
 Et motu; angustis specubus subrepere plusquam  
 Sit Mare, sublimi ductu conabitur humor.  
 Quod si continuos montis prægrandia Nilos  
 Antra negent; libella pares offerre lacunas  
 Concedat, quare subter labentia Terræ  
 Stagna vaporatas antri testudine nubes  
 Halitus in fontem nequeat stillare supremum?

Manat humus Pelago Sphæram connexa sub unam,  
 Et puteis suffossa natat. Pone ergo profundum  
 Verticis à Pelagi plano distare per ulnas  
 Millenas, paulòque magis præ Mole; quid est hoc  
 Totius Sphærx, respectu gurgitis ampli?  
 Ne motare queat mistas Aquilonibus undas,  
 Igniculis, salibusque aptas ascendere sursum;  
 Antrorumque cavas Cautes aspergere succis,  
 Unde scatent fontes? ad se fomenta trahendi  
 Fornicis ipse Silex, humus ipsa reservat in antris,  
 Sicut Aquâ mediâ suffundit opercula pelvis.  
 At non miremur summis in Montibus undas  
 Oceano plorare Soli penetrante latebras;  
 Cum super & Montes, & in Aëra deferat ipsas  
 Nubibus afflatas: corylo tentetur origo

Fon-

Fontis: ubi est, inquam; viden' hic plus esse vaporum?  
 Hic erit. En igitur laticem si spirat apertum  
 Sicca superficies Terræ sublimè, quid ipsum  
 Humida, vel supra Montes non viscera tollant?  
 Vel filo tenui, quod funditùs Ora lagenæ  
 Transeat ad calcem, tumor exhauritur aquarum.  
 Elevat arte lacùs, & parvo pondere fluxùs  
 Librat in ascensum pronos Siphunculus amnes.

Sed magis obstupeas, quosdam per tempora fontes  
 Interrupta suis rivis erumpere, tanquam  
 Aut Maris observent æstùs, aut Syderis ortum.  
 Vestigare licet: si subterranea fluctus  
 Stagna per alternos undarum lance recurrant;  
 Seu pluviis collecta minùs, plus inde fluentis  
 Oscillent, seu saxa cavis abstrusa sub Antris  
 Impediant: quanquam veluti de Nubibus imbres  
 Non semper refluunt; ita nobis inferus Orbis  
 Non semper nubes, pluvias non semper adornat.

*De Maris Salsedine, & Æstu.*

Motibus unda viget, stagnat sine motibus unda,  
 Et lento mucore gravem fovet intùs odorem:  
 Quem prohibet Salfugo Maris. Capit omnia gurges,  
 Et Sale commiscet, quem Terræ immanibus antris  
 Comperit, atque fluens refluit, refluensque secundat  
 Ventorum impulsus, Cælorumque abdita jura.

A tremitu motus Aër commixtus in undis  
 Nonne superficie tenus ebullire viderur,  
 Et spumas jactare Sali resurgentis in oras?  
 Tu verò distingue vices: quia pluribus Æquor  
 Æstuat; à Cælis; à Ventis; à Fluviis, à  
 Momento motùs; à mistis, à resolutis:  
 Et simul his attende situm, scopulos, salebras, &  
 Litto.

Littora cum sinibus, fundoque, voraginibusque  
Nam longè variant liquidorum hæc omnia motum.

A Cœlis Freta cuncta pati vim, legis adinstar  
Quâ Sphæræ peragunt cursum, nisi cætera circum  
Præpediant objecta, necesse est; alget aquarum  
Motus in axe, pigri propter duo plaustra Bootæ:  
In medio propter celebrata volumina fervet.  
Quandoquidem motus tantus velut impete secum,  
Influxuque rapit, refovet subiecta, nec undas  
Præterit: augmentum Pelagi, Lunæque labores,  
Astrorumque situ, si prælagire procellas  
Noveris, id quamvis vulgo videatur apertum  
Conceptu, tamen infudet penetrare Prometheus.

Nam crebrò sine lege movent Maria omnia circum  
Æolidæ; suprema imis confusa volutant,  
Fluctibus agglomerant spumas, spumisque Procellas  
Obvolvunt; redit à Scopulis elisio frendens;  
„Additur unda undæ, atq; undâ fugat unda volantem,  
Lapsaque consurgens Erebo, Cœloque minatur:  
Nec finit ad Numeros servari Nerea motum.

Tum quia sal fluviiis quingenta per ostia potus  
Turbinat occursum lymphas, imisque sub antris  
Torquet, ut internos totidem deglutiat amnes  
Faucibus, & Terræ scatebris despumet adaectos.

Hoc igitur ductu fertur decursus Aquarum  
Ut Trochus. Exhibeat speciem tibi concha supernè  
Rivis exundans, infernè faucia rivis.  
Humor ad ingressum lunatis plena Choreis  
Vasis labra rotat, patuloque vocatus ab imo  
Volvitur egressum coni vertigine quærens.

Hoc etiam spectasse juvat, quod pendula certis  
Pondera temporibus radios librare notamus.  
Maxima fert arcu minimo vibratio motum  
Æquâ lance parem: legem hanc natura potenti  
Momento custodit Aquis; quæ gurgite vasto

Motæ



Motæ aliis caufis, nutant, & funditûs alveo  
 Ad ripas molem oscillant; alternaque totum  
 Libramenta Salum refluis conatibus urgent.  
 Haud fecus hac illac Pueros cunabula motant,  
 Vel duplici fuffulta arcu, fufpenfave tortis  
 Funibus undanti quatiunt fudum aëra nixu.

Denique mixturæ Pelago vexante folutæ  
 Motûs exercent alios. Aqua pura priores  
 Nafta vices falium ruptis excepta cavernis  
 Traxit amaritiem: reliquis ita rebus abundans  
 Hoc olet, hoc genitis, corruptisque obruta nutat.

### *De Arte Nautica.*

QUI verò fine lintre nouum Mare primus obibo!  
 Et nondum tutas Elice discriminat oras;  
 Et nondum declinat acus magnetica rupes,  
 Et nondum rapidis inflari carbafa ventis  
 Obftupuit Doris, nondum videre volantes  
 Nare domos undis, fylvis fua ligna Napææ!  
 Nempe dies venient, cum dedignatus iniquas  
 Omnipotens Hominum curas genus omne ferarum,  
 Et cicurum medio ponto fervare docebit.

Tu verò dilectè Deo, præ millibus unum  
 Seminis humani columen, poft Sæcula Mundi  
 Quatuor aëta quater, celfi portenta Tonantis  
 Viſa fequute Noe, qualem compegeris Arcam?  
 Ex te pofteritas frænandis fluctibus audax,  
 Navium in altivolans genus exemplaria ſumet:  
 Et proræ, & puppi firmâ cavitare carinam  
 Subjiciet, ſternetque foros; addetque ſuburram;

Et

---

<sup>a</sup> Vide Genefim cap.6., & Polyd. Virg. de Rerum Invent. lib.3. cap.15.

Et pice stipatas pinos sentina piabit,  
 Si quid ab Æquoreo furtim stillaverit æstu.  
 Mox usi ratibus Myfi, Cymbisque priores  
 Phœnices breviora legent vada; curret Aphraëtis  
 Ocyor alma Rodos; nec non & nacta Celoces  
 Nobilius tentabit iter: limbisque Cyrenen  
 Illustrem, Cypron cercuris, atque phaselis,  
 Pamphyliam Colchi superabit Jasonis Argo.  
 Dædalus antennis malo, vela Icarus addat.  
 Et scalmo Copæ remos, & ferrea rostris  
 Culmina Pisæi; clavo regat Æquora Tiphys.  
 Anchora Tyrrenos juvet, & laxare rudentes,  
 Transtraque tergemino si remige firmet Amocles,  
 Instituat classem Minos, accendat in undis  
 Naumachiæ pugnas, Martemque celeusmate vexet.

Cur autem facili per aquas devecta camelo  
 Navigia, & merces remis, velisque trahantur,  
 Et parvo temone vias mutantur in omnes,  
 Accipe; Pondus Aquæ partes inclinat in illas,  
 Quas sibi declives reperit, vacuasque locari,  
 Et præceps defertur eò, quo cædua passim  
 Diffluit unda ruens, impulsæque pellit, & urget,  
 Et gravitate suâ, motuque facillima lævi  
 Sublevat, & quicquid per se labat, adiuvat iri  
 Deductum brevior manu, lentisque lacertis.

In primis facilis per lævia sarcina fertur  
 Et teretes fortita pedes dilabitur ultrò,  
 Quo protendit Apex. Hypomoclion inde jugatum  
 Vecte potestatem distantem viribus auget.  
 His ita principiis naues Mare lævigat unctum,  
 Planitie, rotulisque agiles subvectat aquosis;  
 Et latera obliquè clavo distorta flagellat,  
 Qua sinus est, gravius; qua parte retusus hebescit  
 Angulus è puppi liquidas projectat habenas;  
 Inde gubernaculo variatur in Æquora cursus.

Præterea mali, & remi pro veste fatigant,  
 Et velis, palmisque auras, undasque legentes  
 Libratum comitantur onus, quod tertia ligni  
 Pars gerat emergens mediâ cauitate repostum.

Nunc eat instructa Naui Palinurus in altum,  
 Signa Procellarum vigili speculetur oculo;  
 Ne subitum irrumpat sterili de Nube periculum,  
 Aut furor instantem nimbis confundat agonem.  
 Neve percusso Typho spiramine Nautas  
 Torqueat, aut præster incendia fluctibus afflet.  
 Hoc opus, hic labor est. Artem experientia fallit;  
 Nec mora; ferte manus numero, date vela secundis  
 Halitibus; non Æthra rubet, non nubilat Aër,  
 Non spumat Mare, non fumo, non murmure vertex,  
 Non hyemem pallore jubar portendit acerbam,  
 Submotique Solo, Bolidem dimittite fundo,  
 „ Subdola cum ridet placidi pellacia Ponti,  
 Exploraturi quantus sit gurgis aquarum.

Da Grave descendens in Aquis, scrutabere quanti  
 Ponderis in specie fuerit, vel id accidit esse;  
 Nam ferri, & plumbi lamella supernatat undis,  
 Terreus & pulvis, per se graviora Fluentis;  
 Sed leviora natant positæ ratione figuræ.  
 At lignum per se levius, graviusque metallum  
 Ducis aquâ, sub qua demergitur hoc, natat illud,  
 Et nihil omnino in specie est, (exceperis ignem  
 Cujus onus superat ferventior actio rarum)  
 Quod grauitate sua, subjectas non premat Undas;  
 Distractum à proprio centro, totoque remotum  
 Sphæræ complexu, trutinæ quâ perdit amussim.  
 Hinc aliquid submersa natant, & pondere certo  
 Ligna gravata magis merguntur. Mergitur Aër  
 Ipse, vel attractus piscosæ Plebis hiatu,

Vel

a Vide Dechalet de Navig. lib. 1. prop. 16.

Vel despumatus motu, vel mistus in ipsa  
 Mole natabilium. Qua de re sola videtur  
 Aëris integritas ratio perfecta natandi,  
 Cum Pisces vesica regat, cum spiritus ipsos  
 Urinatores; & quæ magis aëre pollent,  
 Mistæ minùs demersa natant; quid cogit olivum  
 Nare super latices? si qui latet Ignis in ipso,  
 Plus valeat, quare, lignum supereminet illi!  
 Sed Terræ proprium mergi, secumque gravatum  
 Suffocare genus, lusu nisi præpete Nantes  
 Detineat numerosa moræ concordia: Navim  
 Assimulant membris, erecto pectore proram;  
 Rostrum fronte; ulnis remos, & cruribus; æquum  
 Motibus obliquis pondus perpenſitat artem.

*Terram creatam esse Heterogeneam?*

AT variis primo Tellus distincta fodinis  
 Dicatur fovisse sinu, quæ vivere nusquam  
 Vidimus, aut aliis mistis concreſcere; glebas,  
 Saxa, Metalla, Sales, & quicquid fossile certis  
 Principiis Natura nequit miscere, neque illis  
 Solvere; sis oculo Lynceus, dum plura per artem  
 Colligimus. Quoniam si corpore simplice purum  
 Undique Terra lutum primis concepit ab annis,  
 Quomodo non possent similes producere formas  
 Æquali Causæ fluxu? qua nempe resulent  
 Tot lapides cretâ? quare non igne Metallum  
 In sua fornaces domitum primordia solvant?  
 Et quod ubique satum est Elemento simplice, quidni  
 Protulit haud similes vultus? hic pallet arenis,  
 Hic Sabulo Tellus: figulis argilla Cimoli,  
 Cynnabari Libyæ pictoribus editur, & fert  
 Armenia, & Samos, & Lemnos diversa colorum.

An

An lapis, an glebæ species fit Sulphur, Alumen,  
Et Nitrum, quisnam cernat? Judæa bitumen  
Crediderit commune Solum? difformia Terræ  
Membra probant variis congestum partibus Orbem.

Attamen & studio quædam meliore coquantur,  
Sicut enim Natura sagax indurat ab undis  
Cryſtallum, multisque vitrum solertia fucis  
Tingit, an hoc aliis rebus contingere possit  
Advertas. Orichalca nitent ex ære, lutoque;  
Ex Ferro, lacubusque Calybs crudeſcit, & Igni  
Plura patent: certè reperis, ubi nascitur Aurum;  
Parvulus est Pulvis, quem terra dat, unde fit Aurum.  
Sic habet Argentum Venarum certa suarum  
Principia, & locus est auro, quod Sydera conflant;  
Tollitur è Terra Ferrum; lapis igne solutus  
Vertitur in Cuprum; virtus occulta propinquas  
Nos cælat causas, avidosque Smaragdus adurget,  
Ut purum rigido confletur ab Igne metallum.  
Nec tamen affirmes vegetum; ceu planta. Quid ergo  
Seminium fermenta negent? ut Bdelion Indum  
Ligna gemunt; Electra Silex ex Æquore jactat,  
Constringitque gelu; gummi lacrymabile, stacte,  
Cinnama, Thus, propriæ stirpis sudore rigescunt:  
Non ita Telluri placeat sudare metalli  
Congerie? sed pauca modos non prodere plures  
Simplicia insistam. Nimum ne crede Chymistis.  
Nam Stannū, Æs, Ferrū, Argentū conflavit, & Aurū  
Conditor, Argillas, Lapides, magnasque Salinas;  
Sicut in Hungariâ videas; quibus Unda liquatis  
Salsa fit, atque Salem ficcata calore reponit.  
Horum Mixturis medios affurgere partus,  
Ut Plumbum, Minium, Calybes, Orichalca putarem.  
Nec frustra terebrat Massas Magneticus Hermes;

G

Nec

\* Gen. cap. 2. 11. & 4., Eſd. 8. 2., Job. 28., Eccl. 32. 8.

Nec Sale communi collectus spiritus aurum  
 Frustra dissolvit; stygii que acredine succi  
 Liquitur Argentum: solidum despumat Obryzum  
 Scoria lecta focis; & cum videantur ab uno  
 Principio manare, cavis crebescere venis  
 Cuncta Metalla, suâ multum rubigine distant.  
 Nonne Aqua guttatim congestat pulvere Tophos?

Credibile est etiam Terris, & Gurgite primum  
 Aspectus alios, quam nunc, patuisse; videmus  
 Quippe senescentem Mundum minus esse decorum,  
 Montes exesos pluviis, nudata Parentis  
 Ossa; Metallorum cuneos fossore carentes,  
 Calvitie Clivos, deformes Vomere Valles,  
 Contractas rugis facies, & flumine Campos  
 Deletos; ubi Pontus erat, ibi findit Aratrum;  
 Nare Lacu Pisces, ubi Bos ad Pascua lufit.  
 Quid non mutarit Noemi Cataclysmus! ut ipsis  
 Verticibus steriles imponat glareâ plantas,  
 Et summis tumulos inscribant Ostrea saxis.

Id contemplati quidam dixere futurum  
 Interitum Mundi, cum complanaverit omnes  
 Unda Soli partes, cunctis dominata ruinis,  
 Æquoreas effundet aquas, primasque reposcet  
 Circuitus Formas: verum spem differet ultra  
 Sæcula iudicium Iustis? tu signa propinqui  
 Iudicis expaveas: Bella undique Bella, tumultus;  
 Cælorum portenta, Sali discrimina, Terræ  
 Conflictus, Clades; quidnam expectare necesse est?  
 Quod nisi nimirum fuerit discessio primum, <sup>a</sup>  
 Atque revelatus scelerum Coryphæus, & omnis  
 Perditionis Apex; lateant oracula mentem.

Tum

---

<sup>a</sup> Thessal. cap. 2. 3. Quoniam nisi venerit discessio primum, & revelatus fuerit homo Peccati, filius perditionis &c.

Tū Cœlum, Terramq; novā fore, scilicet in qua <sup>a</sup>  
 Nulla lues aderit, quam post incendia Mundi  
 Credimus, & qualem, ut primo diluxit amictu.  
 Dicit enim Psaltes, non inclinabitur ullo  
 Tempore: cur igitur possim tenuisse sepultam <sup>b</sup>  
 Fluctibus, ex quo jam dudum Deus extulit undis?  
 Imbre superficies, non fundamenta labascunt.  
 Vel quid agant propius, cum Terræmotus ab imo  
 Repserit, inque lacus magnas absorbeat Urbes;  
 Non tamen omne Soli culmen deglutiet unquam

*De Terræmotu.*

**A**Sfiduè rapiunt Undæ graviora deorsum  
 In Mare; suffodiunt cuneos, fundamina rodunt,  
 Et mollita ruunt, & post se grandia vertunt  
 Saxa, tremit Tellus cum rudera mota reposcunt  
 Sub terris centrum. quid enim? si libera ripis  
 Flumina corrosis præstant hunc desuper actum;  
 Clausa sub arcanis multo vehementiùs antris  
 Paulatim exesas turbabunt impete cautes.

Sub terris etiam latitant incendia, Sulphur  
 Pasta, Nitrumque furens; ita stagna calentia monstrant,  
 Et quandoque vomens Ignem scissura trementis  
 Ruris, olens graviter; succensa bitumina lassant  
 Compagem, quia vel serpunt secreta cavatis  
 In finibus, Flammæque rotâ sua limina pullant:  
 Vel quia consumptæ cæcâ fuligine rupes  
 Non valeant superimpositas substollere moles,  
 Disjiciunt basibus nitentia Pegmata fractis,

G 2

„ Sub

<sup>a</sup> 2. Petri cap. 3.

<sup>b</sup> Psal. 103. 5.

„ Sub pedibus mugit Tellus, tremefacta dehiscit;  
 „ Concussæque cadunt Urbes, dubiæque minantur.  
 Nam Terræ motus sunt subterranea quædam  
 Tempestas, Uteri materni Tormina multis  
 Excita Causarum stimulis. Aquilone retortus  
 Venter humi tumuit Salibus, Pice, Sulphure, Nitro;  
 Hæc agitant Ignes atri, mixtique vapores  
 Ignibus occurrant; aër elasticus urget  
 Tempestatis Opus; subter tonat inde, coruscat,  
 Fulgurat; arcano motu suprema filescunt,  
 Attractuque latent fontes, pavet ignis, & aër.  
 Fit sonitus fluxu; clausi sub ventre dolores  
 Debiliore via faciles erumpere, portas  
 Arripiunt, quatiant Ædes, & culmina circum,  
 Et longo titubant tractu, velut ebria motu  
 Quæ loca vicino rupti terrore Baratri  
 Subsultum sensere gravem. Mox panica vires  
 Fontibus, & flammis auget vesania, nunquam  
 Cessatura quoad, sive interrupta meatus  
 Pervadat minimos, ceû si Paralytica spiret  
 Membra lithargyrion. Simili formidine pulsi  
 Terrigenæ fugiant, & adhuc Tellure quietâ,  
 Non se stare putent; quia spiritus ille lacertis  
 Infitus, egeritur paulo cunctantiùs alta  
 Mente coarctatus, quod non secus accidit undas  
 Æquoris expertis, postquam tenuere Penates.  
 Sed neque stat subito Tellus commota, requirens  
 Paulatim gravitate situm, centrumque; per horas,  
 Perque dies plures tractim concussa residit.

Vidimus ah nuper sublimes vidimus arces  
 Romulidum motas, magno pallore Quirites  
 Extimuisse moræ, cum longè Nursia sensit  
 Funditus everti. Nisi mox CLEMENTIA SUMMI  
 PATRIS Opem ferret precibus, non ultima pœnæ  
 Vindicis UNDECIMO' perimat censura vocatos.

Vidi-



Vidimus & Tiberis rivis undantibus Urbem  
Bis tumuisse : dolent à fletibus arua Coloni,  
Tecta dolent Cives à motibus . Ira Superbos  
Non finit esse reos : humili peccata tributo  
Corporis , & mentis properant deflere ; precantur  
Suppliciter veniam ; veniam placatus amanter  
Annuit Omnipotens ; voluitque Timendus haberi .

*De Terræ , Marisque Ma-  
gnitudine .*

HÆc ita sint . Oculis jam tum lustrare peregrè  
Cosmographon Tabulas , celebres & nomine saltem  
Terrarum , Mariumque plagas distinguere cures ;  
Sed prius hæc unâ , quantæ sit molis , & inter  
Sese discernas . Delectat opinio mentem .

Inspice respectu Cœli mirabile punctum ,  
Tercentis sexagintâ quod partibus ambit  
Circulus ; inque gradu decies sex millia passuum  
Enumeres . Globus hic terras constringit , & undas .  
Sed veluti facile tenus amplius est Mare terrâ ,  
Si dubitas terram liquidorum mole minorem ,  
Cum sit contento majus , quod continet . Ist hæc  
Regula fallit . Habes majores mole canalis ,  
Qui tenet , humores ; & aquis terrestre redundat  
Undique Vas ; igitur siccis supereminet undas  
Terra labris , & mole potest minor esse liquatâ .

Præterea cum subter aquas latitabat opacas  
Terra , tenebatur . Divisio facta minores  
Reddidit in Terrâ ; præruptis auxit abyssis  
Diluvies ; natura igitur plus cessit Aquarum ,  
Quam Terræ , quia vita triplex minus hæc ad opus , quâ

Illis indiget: unde Parens Deus addidit Orbi "  
Formosas avium species, & aquatile germen.

Quanta fit Unda Maris summis intellige clivis,  
Quos Deus evexit scabræ sub imagine sphæræ:  
Quod si planitiem gyri redigatur in unam,  
Elatæ repleant partes immane profundum;  
Ascendent undæ, quantum depresso jugorum  
Culmina descendunt, ablatâ Sphæra minorem  
Asperitate globum demonstratura patefcet.

Pone specus Terræ, venas metire, cavernas,  
Euripos, quibus unda latet: congefferis arctum  
In nucleum siccam, tanquam fit marmor, aquarum  
Culmen erit majus: Diametrica linea Sphæræ,  
Circuitûs minor est, quam tertia pars: Aqua Terram  
Ergo premens medio, majori mole superbit.

Diffiteor litem hanc quisquam componere possit;  
Cum duo sint elementa globo commixta sub uno.  
Quod sapias, quantis Europa, Asia, Africa regnis  
Dividitur! contra quamvis America reperto  
Dimicet Orbe, manens longè tribus æmula Terris.  
Nostra superficies solas industria lustrat;  
Et ratione putet rerum penetrare medullas,  
Cum quæ prospicimus certò vix novimus extrà?  
„ O curas Hominum, ò quantum est in rebus inane!  
Quod Deus Arcanum docuit, securiùs inquam.

### *Cosmographia.*

EST in utroque Polo nobis incognita Tellus,  
Cognita Naucleis summas tentantibus Oras,

Quam

---

<sup>a</sup> Genes. 1. 20. Producant *Aqua* reptile *Anima* viventis,  
& volatile super Terram. 2. Pet. 3. 5. Terra de *Aqua*, & per  
*Aquam* consistens Dei Verbo. Hymn. ad Vesp. fer. v. *Magna*  
*Deus* Potentia, qui fertili natos *Aqua*, partim relinquit Gur-  
giti, partim levas in *Aera*.

Quam tamen exortem penitus non hospite dicam;  
Et si frigenti Zonæ non longa celebret  
Triste Parallelis Astrorum motibus Omen,  
Exequias frugum: verum lux alma nitentes  
Plusquam sex menses gelidis communicat arvis:  
Nam Solem mediâ plusquam Tellure videmus  
Lustrantem Lymbis umbram protendere cono,  
Quo tegit Eclipsi Lunam: sic æqua diei  
Nox medium discum postremo vertice profert,  
Et circumducens Menses sine nocte per Arcton  
Protrahit; oppositum Menses sine luce relinquit.

Arcticus Europæ fines determinat undis.  
Hinc etiam Neptunus agit glaciale per Æquor  
Grandiuco carpenta sinu; Rhiphæa salutat  
Culmina; Corelios visit; sinuosaque flectens  
Brachia Norvegos, Danos, Suecosque, Gotosque  
Circuit, & duplici Fillandica littora ponto  
Munit; Aquis iterum cursum deflectit ab Albis;  
Omega dum Moskos latices, & Volga ministrat,  
Livoniæ fines Novogardia spectat euntem,  
Et magis interior Lituania: Prussia portu  
Advocat, & postquam Samogypcia legerit Arva,  
Vistula Sarmatico Patrem cratere propinat.  
Redditus Oceano Germanas alluit Oras,  
Quas Albis, quas Rhenus alit, quas Saxo, Boemus,  
Austriacus, Moravus, Lotharingius, Helueta replent.  
Inde procul Grolland argent, Islandica Thule,  
Orcades, Albion, Scotis illustris, & Anglis,  
Hyberne, & sparsim laribus patet insula multis.  
Præterit & Belgas, & Gallica regna Brittannis  
Obvia, Lugdunense solum, quod Sequana radit;  
Quos rigat & Ligeri Celtas Aquitania, transit.  
Et Pyrenæis egressa Garumna latebris  
Cernit in Hispanum Neptunia cisia littus

104 JO. CHRYSOSTOMI A S. PAULO  
 Tendere; Cantabricis excepto finibus octo <sup>a</sup>  
 Tarracona Plagas illustri nomine monstrat.  
 Nec mora; festinum formosis Duria ripis  
 Visitat, auratam tribuit Tagus ipse saburram;  
 Et Lusitanos dum respicit Ana Penates,  
 Gadibus Herculeis invitat Bætica nantem.  
 Ille quidem longo ponens ex ordine primam  
 In Fortunatis metam, mediterrea cursum  
 Per Freta direxit. Balearidas urget Iberis  
 Fluctibus. O iterum Rhodani quam Gallia Lymphis  
 Narbonensis Humum fœcundat, amabile regnum  
 Auspicor: Allobrogum summis ex Alpibus Alpes  
 Cerne per Italiam totam juga laxa trahentes,  
 Attollit scapulas Pater Apenninus ad auras.  
 Cerne Padi Fontem, Phaetontis & imbre rigantem  
 Insuadium Campos: Ligurum mihi Cyrenus, & Ilva  
 In Mare Tyrrenum dant Ostia: forte retardet  
 Arnus in Hetruscis, cum non vacet usque feracem  
 Visere Sardiniam? Latio neque Tiberis amœno,  
 Me neque Partenopes teneat Lucania Pæsto.  
 Sic ait, & magno Tellus percussa tridenti  
 Diffiluit: Patet inde Pharos speculata Pelorum,  
 Et Siculos Æthnæ Cyclopas, & alta Carybdis  
 Guttura: post Calabros ubi figit Apulia calcem,  
 Jonio superum Pelago vocat Adria Ditem.  
 Samnites, Marfos, Picanos, Semnones, Umbros  
 Istria, Dalmaticis Epirus, & Illiris agris  
 Hospita respiciunt contra. Corcyra subinde  
 In Peloponesum deducit; & lithmus Achivis  
 Cycladas ostendit Mirtois fluctibus udas:  
 Et Rodon, & Cypron Libycis obitare procellis  
 Carpathii Sporadas: Samon, & Chion Icarus inter  
 Mer-

---

<sup>a</sup> Octo plagas, idest Murcia, Valentia, Arragonia, Catha-  
 lannia, Castilia; Navarra, Gallaecia, & Asturia.

Mergitur; Assurgunt Mytilene, Lemnos, & Andros.  
 O quot in Ægæo passim ferit Insula Montes!  
 Pieridumque Chorum Macedum statione canentem  
 Nutrit Olympiaco Pharsalica nectare Tellus;  
 Neptunum occurrens subiit Thetis Hellepontum,  
 Threiciâque leves lusura Propontide versus  
 Heptaphonon resonare docet per Bosphoron Echo;  
 Euxinumque ingressa fretum Tritona sub Istrum  
 Expedit: ille celer Dacos locat amne Tibisco,  
 Moldavos Transylvanos, durosque Valachos,  
 Et prope Bulgariam stat Rascia, Servia Moesis;  
 Danubiique caput penetrare intentus, utramque  
 Pannoniam lustrat, Dravoque Savoque fluentem;  
 Norica, Vindelicis, Rhætisque adjuncta pererrans  
 Arva, Tubâ reditum septena per Ora triumphat.  
 Taurica Cymmeriâ Peninsula fauce recessum  
 Indicat, & tandem fessis Mæotida præstat.  
 In Tanaim stimulantur Equi, sub Tartara merfi  
 Europæ fines longis amfractibus explent.

Nunc oculis Asiæ majores perlege Partes.  
 Maxima Tartariæ ditio, quam Russia lævo  
 Inchoat aspectu, Chirkassis, & Petigorskis,  
 Hyrcanoque Mari Chrimæa tuetur; Imavum  
 Caucasum usque procul Tangut spatiat & Indos.  
 Et Scythico subiecta gelu Borealia calcat  
 Æquora; Mongolo jungens Oriente Cathajon.  
 China Scythas longè montanis mœnibus arcet,  
 Et Sumatrâ Javisque tenus protensa Malachi  
 Crure Philippinas, & Borneon, atque Moluchas,  
 E regione novi Mundi, centenaque circum  
 Regna Mari commendat: habet Camboja Sianum;  
 Gaucinchina Mecon; duplex habet India Gangem,  
 Quæ Tauri sublata Jugo, quos Mengala curvat,  
 Quos Cambaja finus, & Perfida cernit, & Ormush,  
 Quâ mare se terris Arabum, Susisque benignum

Infi-

Insinuans Babilona ferit, sitiensque vagari  
 Protinus Euphratem, & Tigrim compotat; Hydasper  
 Præcipiti torrente luit; quo Media Parthis,  
 Assyriisque comes sub Caspia litora degit.  
 Quò Mesopotamiæ, Syriæque Armēnia fœdus  
 Cappadoci, Cilicique subit: Nabatæa, valete  
 Culmina, Phœnicum studiis polluta, valete.  
 Pamphylia, Lycia, Phrygia, modo Turcica, quondā  
 Bithynos, Galatasque fovens Natolia præses.  
 Extremos Asiae fines decernit eunti.

Africa septa Mari circum conjungitur Isthmo,  
 Cui penes Ægyptum blanditur Erythra rubenti  
 Gutturē. Maurus Athlas Libycis dominatur arenis,  
 Et Pænis Numidæ propiora Mapalia ponunt.  
 Syrtibus oppositam spectat Tripolina Meliten  
 Barbaries: Barcham dicit Cyrenia Siccam  
 Marmarica: Ægyptus Nilum Memphitica fugit,  
 Et Meroen amplexa locat regione propinquos  
 Thebaidi Æthiopes: Lunæ de montibus ortus  
 Nilus Abyssinos, quos Æquatore calentes  
 Invenit, Ambanis latè refrigerat undis.  
 Hinc etiam Nigrum ruptis prodire cavernis,  
 Et Garamantas aquis refici labentibus ajunt,  
 Donec in Hesperidas sua Gorgades ostia pandat.  
 Quis verò referat quales decurrat Eremos  
 Nubia, Sarra, Guber, Biaphar, Medra, Zapher, Amazen.  
 Summa legunt Nautæ: superat Gualata Marocchum,  
 Mox Melli, Guinæa, Benin, Damuth, Manicongon  
 Zanziber adducunt in Spem, dum carbasa terris  
 Obvertant superis: Caphalæ Madagascar adhæret,  
 Et Mozambico. Portus exquirere plures  
 Displiceat, sicui non barbara lexis obedit.

Orbe novo novitas antiqua vocabula cudit,  
 Pleraque compertis occasio Nomina terris  
 Indidit; Antipodas nobis, & lancibus æquis

Distantes, rectam Sphæram si norit Orizon,  
 Ampla sub Occasum complectitur Amphitrite;  
 Quæ sub utrumque Polum furas angustior insert  
 Ventre tumens medio, duplicem discriminat Istmo  
 Tellurem; Boreæ concedit Mexicon, Austro  
 Brasilem; jacet has inter, quæ prima reperta est  
 Proxima Jamaicæ, atque Cubæ Quisqueia crebris  
 Cineta sali domibus: fursum nova Gallia fufis  
 Suscipit Estotilanth finibus: Chilaga Tagillum  
 Ludit aquis: nova florentes Hispania Portus  
 Fert humeris: Mare Purpureum Caliphornia sorbet.  
 Quid plura his? oculos revocat pars altera, cujus  
 Regna prior tentat, qui nomina fecit utrique.  
 Tisnadæ Caribana præest: Paguana Maragno  
 Flumine concludit Chirmos, & Amazonas, ultra  
 Carnibus humanis Anthropophagis placet uti.  
 Argento refluis dimanat Acutia rivis.  
 Et procul hinc ignis terram, regione gigantum  
 Pressa Magellani Porthmi traductio findit.  
 Inde per ingentes opulenta Peruvia tractus  
 Pacifico fruitur pelago, cui mille vicissim  
 Insulæ adulantur. Guinæa recens Salomonis  
 Indiget lateri adscribit, Viridaria fronti.

Sic Via Navigiis Orbem patet undique circum;  
 Cælorum ut motum fesso temone sequuti  
 Comminuat, quam fecit Iter, momenta diei;  
 Quam simul, opposito si vela tumentia cursu  
 Pellit in Auroræ periclina Favonius, addunt.

### *Plantarum Productio, & Natura.*

HÆc igitur detecta locis tot machina primum  
 Jussa virescentem producere frondibus herbam,  
 Et semen præstare suum, quo germina lectis

Quæ-

Quæque perennarent vicibus, nec stirpe carerent:  
 Jussaque pomiferum Sylvis extendere lignum,  
 Et generi servare suo fomenta vigendi,  
 Ne reparata novâ sterile scat in Arbore virtus;  
 Paruit; & subito riserunt gramina campi,  
 Cespitibus Colles, Olerum diademate valles;  
 Virgultis Fruticeta nitent, & amæna Viretis  
 Prata; Nemus Plantis, pubescunt frugibus Agri,  
 Fructibus, & foliis saltus, & Floribus Horti:  
 Nec Calamus Ripæ, nec defuit ulva Paludi.  
 Quid Cereris cultum Frumenta Novale morantur?  
 Frigida Triticeâ fugit de Messe Siligo  
 Humidioris humi glebas, & Oryza paludem;  
 Far Uligo movet, fæcundant Hordea culmis  
 Aridioris humi Glebas, Tragos, Irion horrent  
 Et Zea; quid Miliun, quid Avena saginat edentes?  
 Dant lomenta Fabæ, redolent farragine Pultes,  
 Inque cibi speciem diversa legumina, Lentescens,  
 Sesama, Pîsa, Lobæ, Cicera, Cicera, Erva, Phaseli,  
 Astragali, Viciæ, Siliquisque Lupina sonoris.  
 Hortorumque dapes Raphani, Cæpæ, Allia, Porri,  
 Asparagi, Cynaræ, Rapæ, Siser, Appium, Anethum,  
 Intubus, Atriplex, Carium, Lactuca, Sinapi,  
 Peucedanū, Marathrū, Chirmum, Melocarpus, Anison,  
 Brassica, Beta, Rumex, Blitum, Cichoræa, Papaver,  
 Fraga, Pepo, Cucumis, Coriandra, Cucurbita, Napus;  
 Quid sparsum legis? haud omnis fert omnia Tellus.  
 Hic viridi nexu Topiaria textit Acanthus;  
 Hic Amaranthus olet, Tusses hic curat hibiscus;  
 Est ibi Carectum filici confine tenaci,  
 Est ibi Serpillum flagrans, ibi forte Pyrethrum;  
 Mandragoras alibi Cyrce, Medea Cicutas  
 Nutrit; Echidnæis Aconita infecta salivis.  
 Hinc Urtica riget, vilescit Corchorus illinc,  
 Inde Hederæ, Smilax, Staphys invidet Agria Viti;

Inde



Inde sacrum Verbenæ sonat, Saliunca Profanum.  
 Mittit Arabs Aloen: Absynthia Pontus; Amellum  
 Gallia, Cyrenæ Laser; Ida salubre Capellis  
 Dictamnus: Moly Cyllene, Russia Xyrin,  
 Anticyra Elleborum, Panacen Othrys, India Nardum,  
 Hybla Tymum; quid opus fuerit custode Priapo?  
 Millenas species servant Viridaria, quarum  
 Nomina vix habeas; quarum virtute potiri  
 Sudet Anaxagoras; pascet Grex undique fœnum;  
 Nec Salices hædis aberunt, agnisque Myricæ;  
 Nec Suibus Tuber, neque Bobus agreste Tryphillon.  
 Ocyma sponte legent Pecudes, Malvasque medentes,  
 Hyssopū, Rutamque & Menthā, & quæ fugat Angues  
 Salvia, Buglossum, Casiam, Roremque Marinum.  
 Quippe Voluptatis Paradisus in omnia pronus  
 Germina, quem Dominus plantaverat ante Diei  
 Tertia septa, vices Terræ totius olebat.  
 Areolis distincta nitent Violaria, Calthæ,  
 Lilia, Narcisi, Clythiæ, Vaccinia, Myrti,  
 Pæoniæ, sine sente Rosæ, sine cæde Hyacinthi:  
 Quæ non ostentent Florum decus Herba, vel Arbor?  
 Qui non ex ipsis latè spatientur odores?  
 Quæ non defumat morbis medicamina Pæon?  
 Quosve gulæ luxus ex his non condiat usus?

Explicuere comas etiam Pomaria summi  
 Numinis Imperio; lignisque virentibus esum  
 Carpet Adam fructus, Pyra, Mala, Cydonia, Ficus,  
 Mespila, Sorba, Noces, Hypomelidas, Arbuta, Pruna,  
 Zizipha, cum Cerasis, & Amygdala, cumque Volemis  
 Perfica; quid cupiat? tantum fatale scienti  
 Ne comedas Pomum. Quid enim si displicet umbris

Fra-

---

<sup>a</sup> Gen. cap. 2.8. Plantaverat autem Dominus Deus Paradisum voluptatis à Principio in quo posuit Hominem, quem formaverat &c.

Fraxinus, aut Fagus, non te delectet Oliva,  
 Aut Baccis Cedrus, aut Laurus formosa corymbis.  
 Aut nota Victorum comptæ fastigia Palmæ?  
 Si minor est Orno virtus, sit Populus, Alnus,  
 Ulmus, Acer, Quercus quæsitæ sedilia paci.  
 Robora quid spernas? caveas Viburna, Cupressos,  
 Juniperos, Pinos, Calamos: latet anguis in herbis.  
 Utiliùs Tiliam duro meditabere Buxo.  
 Et juvat attentos Abies in montibus altis.  
 Pulcra quidem rerum species, sed pulchrior omni  
 Cultus erat specie: Lignum Vitale perennem  
 Ætati spondebat opem, non imbre madebant  
 Compita, sed Fluvius passim fata cuncta rigabat,  
 Quem sub inaccessis terræ penetralibus actum  
 Phison, atque Gehon, Tygris, Euphratesque biberunt.  
 Defuerant Lolium, Tribuli, Lappæque, Rubique,  
 Et quicquid spuria culpæ propagine pollet,  
 Degeneres Segetum morbi, Vitesque labruscas  
 Horrebant, Platani Fungos, & Subera Viscum.  
 Undique Terra virescit, perfecta que Germina profert  
 Principio: perfecta Dei sunt munera: posthac  
 Edidicit vitare Genus, speciemque Nepotum.

Quin etiam minimè fuerit speculantibus abs re,  
 Sub pelago Segetes aliis, arbutaque formis  
 Vivere; nam ludunt undis Zoophyta, Phycos,  
 Alga, quibus similes subtus sylvescere plantas  
 Curalium explorat ramis, & spongia fibris;  
 An non par herbis imo sub fonte virescit  
 Muscus, & in puteis Polythrix, & Vimina flumen  
 Nutrit? ubique Dei Tellus promptissima nutu  
 Concepit, peperit, fætûs emittit, & auget,  
 Sementem repetit, nec non alimenta ministrat  
 Omnibus, ille Maris, vel humi sit, & Aëris hospes,  
 Quærit ali; sed Aquis non est vis ultima stirpes  
 Seminibus lactare suis, Plantisque favere.

*In Generationibus Mistorum nihil creatum specificè perire.*

QUin quoque concedas, ex his quæ condita primùm Narrantur nihil amitti, si quando latenter Semen alant: alias eadem cur inde resurgunt? Deperdi his nescit formas natura, nec istis Subjectum commune facit: commune putatur Quod ratione genus conceptum dicit eundem Pluribus apprehensum. Totum mutatur, & illud Gignitur, hoc aliud cum sit: corrumpitur illud; Non Partes, non Materies, non Forma, sed ipsum Mutatur Totum; tantum secreta creatis Contextura novum molitur rebus amictum, Donec ab hac unâ cessent consortia Formâ, Donec, & alterius fiat Manatio Formæ, Qua sibi constitui Mistum lætetur Origo.

*Modus loquendi non approbendus circa Formam Substantialem, quod annihiletur, quod sit per se mobilis & ea præstet, tanquam sit Causa Efficiens: & hujusmodi.*

QUandoquidem, quid tot Formas meditantur abire In nihilum? neque pro captu vulgaria dicant? Hæc aliquid veri dicunt, sed prava loquendi Conditio proprio Totum depauperat Actu. Forma dat esse rei. Genitor quid præstat eidem? Quid Quantum? quid Quale facit? quid cætera Toti Cau-

Causarum tribuunt? Primum deducit in Actum  
 Materiem, cujus latebris deducta, sinuque  
 Confurgit; differre facit, speciemque decoram  
 Constituit: cunctas passiva Potentia Formas  
 Appetit; ingluvie quadam scortatur, ut insit  
 Per se: da patiens informe; quid appetit? omnes  
 Formarum species. quid se determinet uni?  
 Sed quia quam recipit Formam nescitur, utrum ne  
 Tangat Agens, nexuque liget, nihil illa subegit  
 Sensibus: hæc unum, quod sit substantia per se  
 Mobilis. Adveniunt Toti, quæ Partis inhorret  
 Nobilitas. Formam solâ cape mente Stagirà.

*An implicet Elementa esse in Mistis perfectis, per suas Formas perfectibiles, & elevabiles à Formâ Misti.*

SI certè dabitur Rerum Corruptio quædam,  
 Qua commutetur substantia Corporis actu,  
 Protinus & Genitum subiecto fiat eodem;  
 Hoc ut tale sit ex non tali; nec varietur  
 Suppositum; Formæque novæ sit terminus idem,  
 Dum veterem Formam penitus Privatio delet;  
 Vicit Aristoteles. Hominis Generatio poscens  
 Immortalem Animam superâ virtute creari,  
 Taliter efficitur, quamquam præcesserit ipsi  
 Corporis Organici series, reparandaque duret  
 Per vegetas vires. Sed si Vegetatio primum,  
 Si quoque præcedit sensatio, quomodo dicant

Cor-

---

<sup>a</sup> Nulla Forma Substantialis est per se sensibilis, quia quod quid est, est Objectum Intellectus. 3. de An. Tex. 26.

Corrumpi quicquid remanet formaliter actu  
 Posteriore vicens? Ita sit, de nomine tantum  
 Quæstio ne fiat: latè corruptio si sit  
 Quicquid non retinet formaliter ipsâ prioris  
 Cuncta modi; per eam Generatio tota sequatur  
 In rem perfectam: sic materialiter insunt  
 In mistis Elementa suis. Si perficit, & non  
 Implicat assumi, quod Forma potentior ipsas  
 Tota subalternas pervadat ab ordine Formas,  
 Et similis similes investit, & elevat actu;  
 Quid nocet in Mistis simplum formaliter esse?  
 Quid nocet esse simul totum vegetabile, corpus,  
 Et ratione potens? Partes, totumque manenter  
 Esse quod hoc unum? reliquis Animalibus ortus  
 Persimilis suadet melius perpendere; nunc est  
 Hoc Animal, quod non fuerat prius immediatè.

Sed tamen, ut quidam Quantum dixerere coævum  
 Materiæ, & Formas per singula membra reponunt,  
 Atque alii propriis Elementa manentia formis  
 Infra Mistâ locant, dubium fecere, quod instans  
 Terminus est motûs, & sic generatio fiat,  
 Non contingenter, quia sic Natura requirit.

Pone creata mihi primo distincta tenore,  
 Mox uti ratione velis; ita differe, quantum  
 Sis alibi sensu dives. Quid, quomodo, longas  
 Plura per ambages Peripatus disputat; odit  
 Alma Fides, brevibus contenta flescere dictis.  
 Ipse Deus dixit: Fiat Cælum, Arida, Sudum,  
 Gurges Aquarum, Æther; & simplex Corpus in ipsâ  
 Materiâ Formam comitem, nexamque maritat.

H

Nec

---

a Si implicaret Forma Elementorum ne fieret Mistum  
 unum per se; eodem modo implicaret sententia illorum, qui pe-  
 nunt in Materia formam Corporeitatis, aut Formas Partiales  
 in Animalibus. Ut docet D. Thom. 1. par. quæst. 66. Art. 2.

Nec perit in tanto quicquam mutabile Mundo,  
 Sed variat, faciemque novat mistura priorum,  
 Primaque distinctum retinent Elementa leporem,  
 Ut nova mistura dimanet Forma per instans,  
 Ut nova perficiat Misterum Forma jugatum,  
 Perpetuâ virtute Dei; sic indidit Auëtor,  
 Ne pereat quicquam; non possumus addere quicquam  
 Aut auferre datis: abijt quod motibus, ipsum  
 Conditor instaurat. Species est integra rerum.

Nam si sint aliud postquam sint texta minutis  
 Particulis Misti, mistique superstitie Formâ  
 Perficiente novum, quid nam compage soluta  
 Sunt eadem? Vestam Chymicis vexate caminis  
 Empyrici vexate Thetin, vexate Cyclopas;  
 Simpliciumque necem nobis ostendite rerum.

### *Ordo Generationum.*

IN rerum serie speciosa gradatio summi  
 Verticis ex imo perfectum culmen adumbrat.  
 Ex imperfecto quantum Natura colorat,  
 Tantum paulatim perfectio vergit in altum,  
 Donec in eximii speciem pervenerit entis.  
 Non valet humanæ distinguere mentis acumen  
 Quæ confusa videt, sed Mens Divina per omnes  
 Esse Gradus gaudens, imitabilitate propinquat;  
 Seu potius magis, atque minus sibi cuncta propinquât.  
 Non aliter Generabilium processus, & ordo  
 Per motûs Elementorum fit; namque gradatim,

Sin-

<sup>a</sup> Eccl. 3. 14.

<sup>b</sup> Vestam pro Igne. Thetin pro Aqua, Cyclopas pro Metallis intellige.

Singula gignendis Mistis Elementa fluentes  
Contribuunt modulos. Lux à fulgentibus Astris,  
Inque diem, noctemque parit divisa nitores  
Dissimiles, ignemque suo fulgore calentem  
Ejaculans, aperit cunctos festina meatus,  
Temperat aërium frigus, mucoris aquosi  
Phlegmata despumat; Terræ pregnantis, & Undæ  
Viscera sæcundat, tanquam Mas, excoquit æstu  
Parturientis humi gremium; disseminat ignes  
Excæcata suos; quoniam radiantis Olympi  
Motûs obliquant Aër, Aqua, Terra recurso.  
Aëris algentis vis divisiva, nitentem  
Dum recipit lucem, gelidisque sub artubus ignem,  
Disgregat humentes unà simul igne liquores,  
Et flammæ morsûs rigida contundit edaces  
Temperie: medium reddit mixtura duorum:  
Frigore namque calor, frigusque calore tepescit.  
Mollis Aquæ virtus, quæ disgregat Ignis, & Aër,  
Congregat; hamato retinet miscenia visco,  
Et lutea lentas misturæ compede partes  
Firmat; inhæret enim mollita per oscula glebis,  
Concubituque locos arentis pulveris auget.  
Sic Elementorum massam ferruminat omnis  
Mistio; miscilium Matrix est Terra, receptis  
Cœli confluviis, igni dum Lympha rebullit,  
Aëre sarrit humum, liras fermentat agrestes,  
Compertumque rigat genituræ semen alendo.  
Denique Terra Dei jussu producere compos,  
Et generabilium subiectum, cætera sistit  
Principiis Elementa suis, nam viscere flammæ  
Obruit, & proprium refovet spiramine frigus,  
Ariditate Soli fluvios bibit, aëre turget,  
Astrorum vicibus paret, bene culta coloni  
Consiliis, nutrit pigro sua semina motu,  
Quæque cibus fuerant, herbas facit esse virentes.

*De Vegetatione Plantarum.*

**H**is ita Principiis vegetos Natura maniplos,  
 Et genus Arboreum, nimirum semine certo  
 Procreat; & spurios fingit quandoque Stolones,  
 Si confusa suis turbentur Spermata nodis.  
 Cætera: millenas (esto res integra) normas  
 Semina structuris servant, internaque totum  
 Viscera Prolis habent Idolum; quas nisi summi  
 Numinis imponat leges ab origine pactum;  
 Nesciat effectus Cybele concedere tales.  
 Ac velut Artifices, modulis, & cusa sigillo  
 Cælant vasa; refert bullas Emblema fabriles;  
 Quodque fuit vellus pexis in stamina floccis  
 Netur, & in varias distinguunt Licia telas;  
 Sic non incassum semen diversa requirit  
 Progenies, aliter primâ propagine cretum;  
 Folliculis illud, tenui vel cortice nympham  
 Protegit, utriculis aliud muscaria jactat,  
 Et glandem glumis, & frit convolvit aristis.  
 Spongiolasque striis, & venas nectit ocellis:  
 Hoc bulbos radice tegit, vel carnea pulpis  
 Grana foveat, foliis cæpas, lanugine pappos,  
 Lemniscis thallos, nucleosque putamine vestit.  
 Temperies, artus, facies non omnibus una est.  
 Hinc alimenta coquunt, egestaque partibus aptant  
 Ventriculi, quædam thecis induta foveantur,  
 Quædam membranis, rumpos sine semine quædam  
 Traducunt; pereant, nisi sint conformia, fætus.

Et quid abortivam Sobolem quædâ infita perdant,  
 Ni quia lacte carent, plantam quo nutriat arbor  
 Conveniente novam? Nutricis munia terræ  
 Cum gerat, haud plantis est omnis idonea tellus

Om-



Omnibus. Hæc habili semen suscepit alvo,  
 Terra per irriguam, lentoque calore movendam  
 Nubit Aquam: fugit semen, collecta papillis  
 Nutrimenta: tumet; caulem protendit, & alas;  
 Figit humi barbas, gemmâ turgente comatum  
 Culmen agit, calamum, folia, internodia, thyrsus,  
 Articulos, capitella, cutim, sub caudice ramos,  
 Termitibus calycem, fructum; nova semina tandem  
 Maturat, solidat mucoso glutine totum.  
 Sorbet enim singillatim quod proficit in se,  
 Ut quoscumque suis sufflaminet artubus artus;  
 Particulasque cibi, quas naturaliter esu  
 Discupit, in proprias mirâ locat indole sedes.  
 Vivum crescit opus lactentibus undique fibris,  
 Lacteolisque poris disponit in organa succos;  
 Et locat attractu quos appetit hic, vel ibi esse.  
 Quas alimentorum partes congeffit, easdem  
 Texuit, & nodis duras, mollesque medullis,  
 Excrementitias libro, truncoque vigentes,  
 Inferuit, mistim discreto tempore nexas,  
 Sumpsit in harmoniam, quam possis dicere Formam,  
 Si quod habet semen virtutis perficit actus.

*Stirpium Generationem non esse Instantaneam; sed mediis Alterationibus.*

Nec tibi subrepat fieri Genitura per istans:  
 Omnia Tempus habent, nascendi tempus aliud  
 Morte rei subito non est; hoc incipit, illud  
 Definit; extremis ambobus terminus unum  
 Momentum præbet: verum mutatio quanti

H 3

De

---

<sup>a</sup> Eccl. 3. Omnia Tempus habent, & suis spatiis transeunt  
 universa sub Cælo: Tempus nascendi, & Tempus moriendi &c.

118 JO. CHRYSOSTOMI A S. PAULO  
De spatio in spatium motum cognoscit, & isto  
Gignit, ubi aptarit minimas per semina partes,  
Frustraque simplicium tali molimine, quali  
Consensu moveat; velut ingeniosa per artem  
Tympana conveniunt; quamvis Natura minutis  
Nexibus excedit, quam non imitetur Arachne.  
Nam quod corporeum est, metitur tempore: tempus  
Vis finita petit. Solum instantanea factu,  
Qui creat, & convertit, habent virtute potentem  
Authorem immensa, cui planè Mundus obedit,  
Nec quicquam obluetur ei, cui summa potestas.

Nonne patet Lyppis paulatim crescere Plantas,  
Et jugi motu sensim sua membra moveri,  
Vel quoque deficient, & in arida ligna resulent?  
Ocyus, aut pigrius, quæ sic nascuntur, oportet  
Omnia sub motum Cœli mutanda resolveri  
In suamet puris exordia condita rebus.  
Quod fuit, est ipsum, quod diæ esse futurum, <sup>a</sup>  
Quod factum est, ipsum quod protinus est faciendum:  
Nil sub Sole novum; nec quisquam dicere possit;  
Ecce recens hoc est; fuerat prius hoc Elementum;  
De specie Genitura sua venit, atque subinde  
Præterit, & numero variabilis, atque figurâ  
Texit opus: nihil aufertur, nihil additur ex his,  
Quæ fecit Deus, & remanent Elementa vicissim.

Cum

---

<sup>a</sup> Eccl. 1. 10. Quid est quod fuit? ipsum quod futurum  
est. Quid est, quod factum est? ipsum, quod faciendum est:  
nihil sub Sole novum, nec valet quisquam dicere, ecce hoc re-  
cens est: jam enim præcessit in sæculis, quæ fuerunt ante nos.  
Generatio præterit, & Generatio advenit: Terra autem in-  
Eternum stat: & cap. 3. 14. Didici, quod omnia opera, quæ  
fecit Deus, perseverant in perpetuum. Non possumus ei quicquam  
addere, nec auferre.

Cum simplex igitur semper natura superstes  
 Prodeat, in commissuris cur esse putetur  
 Altera? quod sensus fugiat? sic dixeris esse  
 Pigmentis aliud minium, pictasque tabellas  
 Mixta coloratis mutata referre figuris  
 Dixeris, & lanas fullonis ab arte bibentes  
 Herbarum succos lanarum amittere nomen.  
 Quis putet? arridet Proteo: narretur anilis  
 Fabula. Quod nunc est, mox non erit: & quod non est,  
 Mox erit à Mixto simplex. O nobile dictu!  
 Nunc erat, & non est: portentaque tanta misellum  
 Efficit hoc instans: subjectum qualia pridem  
 Tempore disponunt. Dicas ò Pallade dignum!  
 An sine se quales spiret substantia flatus?  
 Quove Elementorum minimis in partibus angi  
 Simplicitas instrumento purissima possit,  
 Ut sese linquat? vel quodnam prævalet inter  
 Illa, potens aliud propriis invertere formis?  
 Ignis agens alio videatur acutior omni;  
 Et tamen in Mistis implexum monstrat abundè  
 Ustio: tu referas, quàmam conceperit illum  
 Sylva; quibus penitus mutatum digerat undis  
 Fossilium Carbo, Sulphur, Pinguedo, Bitumen?  
 Nam mihi compertum est Mixtis Elementa minutas  
 Particulas inferre, suis complexibus aptas,  
 Sementis virtute: solum lac exprimit udis  
 Uberibus: Cœli lucem conspissat in ipsis  
 Motus, & à variis Terræ, Maris, Aëris, Ignis  
 Simplicibus composta vigent; resolutaque rursum  
 Quicquid habent, reddunt alio spectabile visu.

H 4

Sicut

---

a Eccl.3. 20. *Qua fecit Deus, ut timeatur, quæ futura sunt, jam fuerunt; & Deus instaurat, quod abiit. Omnia pergunt ad unum locum. De Terra facta sunt, & in Terram pariter revertuntur.*

*Sicut Composita creari propriè, ita generari, & corrumpi, & alterari;  
non autem Partes ipsorum.*

**R**E verà totum corrumpitur & generatur Compositum, certè non à se, sicut idipsum Supremà dici debet virtute creatum. Nam Deus intendit Totum Finale suorum Facilium : Totum creat, effert, efficit, ornat, Convertit, conservat, agit sapienter, & omnes Exhibet una simul Divina Creatio partes. Non secus efficiens Primæ minor æmula Causæ Tendit in Effectum concursu adjuncta superno, Dumque ex parte movet, totum movet, alterat, urget, Unaque cum motu Totum mutatio tangit, Usque ad Materiæ resoluta ligamina primæ. Nam si vera procul dubio generatio Totum Transformat, jugi cæpit prius actio tractu; Qua nisi dividitur conceptus terminus à quo, Vel nisi dividitur conceptus terminus ad quem, Tota feret ratio motum, quem terminat instans. Tum quia subjectum quæ deficientia tundit, Cum nequeat vires obvertere semper Agentis, Languet in extremum, donec passiva novatum Momento recipit Geniti formaliter actum. Hæc virtus in Agente datur superante minores Subjecti vires, introducente minutos Influxus Elementorum, motuque ruentes Miscibiles formas; medias mistura reponit; Assimilat passum virtus activa Parenti, Nec mora, subjectum tantis conatibus impar, Corruptum moriens aliud manante fit actu.

Si Deus ex nihilo totum producit, & Artes  
Pluribus ex totis compacta fabrilis conſtant,  
Ex toto totum tentat Natura moveri,  
Sed minor ut totum de toto transferat, inſtat  
Uno corrupto per contingentia gigni  
Tempore; ſed Genitum corrupti terminat Inſtans.  
Sic Athomum capias, non immutabile totum  
Hoc erit; immenſis alioquin viribus illam  
Credideris, mentique parem, niſi poſſit ab actu  
Mutari, quâ parte tenus ſubſtantia fertur.  
Si Virtute Dei mutarier omnia poſſunt,  
Naturæ virtute nihil mutabile dices?  
Hanc Athomum Cæli Virtus, Elementa, Parentes,  
Semina non poterunt totis invertere nervis?  
Si Deus hoc voluit, taceant monumenta ſcholarum;  
Naturæque vices: taceant rationis agones,  
Sed mutabilitas rerum immutabile Numen  
Monſtrat, & hoc ipſum quod gignitur eſſe recenter:  
O ubi Tellurem lymphæ tenuere ſepultam  
Quid tibi deſignent ALBANI NOMINIS HEROS?  
Nulla virum virtus, quos non prius Arida fluxu  
Gurgitis obduret. Conſtans eſt inclyta Virtus,  
Inſtabiles inter fluctus immota ſupinam  
Motibus objectat faciem cæleſtibus; aret  
Difficili Vitæ curſu; verum aucta ſuperne  
Seminibus Charitos, quamvis latus omne per undas  
Vapulet, ac reſſuis agitetur in omnia curis;  
Non fugit imperium Domini, ſæcundior edit  
Perpetui ſegetes meriti, quo preſſius omnes  
Adverſæ patitur fortis decocta tumultus.  
Nunc age ſi nobis Mundi Lux Tertia monſtrat  
Terreſtres virtutis opes, Cæleſtia Quartam  
Dona Diem prodant: ingens iter otia ſpernit.

# O P U S

## Q U A R T Æ D I E I.

### Textus.

14 *Dixit autem Deus: Fiant luminaria in Firmamento Cæli, & dividant Diem, ac Noctem, & sint in signa, & Tempora, & Dies, & Annos. 15 Ut luceant in Firmamento Cæli, & illuminent Terram. Et factum est ita. 16 Fecitque Deus duo Luminaria magna; Luminare majus, ut præesset Diei; & Luminare minus, ut præesset Nocti; & Stellas. 17 Et posuit eas in Firmamento Cæli, ut lucerent super Terram. 18 Et præessent Diei, ac Nocti, & dividerent Lucem, ac Tenebras. Et vidit Deus, quod esset bonum. 19 Et factum est Vespere, & Mane Dies Quartus. Genes. cap. 1,*

### Stellarum Productio, & Locatio.



**V**iderat Omnipotens, quod fecerat, esse decorum:

Quarta Dies aderat. Celos ornare Planetis, Syderibusque parat: factum est ita; collocat Astra

In

In Firmamento Cœli ; post Astra Planetas.  
Tum quoque distribuit Stellis, quem fecerat Ignem,  
Sed dedit ut Lucis Princeps delator in Annos  
Sol gerat Imperium ; Noctis Regina nitentis  
Luna sit in menses, alternis tempora signent.  
Cætera Stellarum cessit splendescere terris  
Noctes, atque Dies ; & Noctibus, atque Diebus  
Ipsa præesse dedit ; lucem, tenebrasque potenti  
Dividere influxu, variisque insistere Formis.  
Ne sit inutiliter motus, Lux inclyta, moles  
Stellarum, variusque color, varique recessus,  
Ortus, Occasus, Aspectus, Culmen, & Imum ;  
Aligeris mandat opus, mentesque regentes  
Non fugit edictum primi Motoris ab Ævo.  
Motibus assistunt ; nec enim tam provida rerum  
Congeries, Ordo, Finis sine mente moveret  
Exanimes orbes ; neque cælica forma perennes  
Incustoditis ageret cursoribus Annos.  
Nam quamquam Formæ specialia munia præstent  
Sponte suâ ; tamen ut finem collimet in unum  
Ipsarum series, casu ne missa feratur,  
Mente regenda fuit : poterat Mens unica, per se  
Suffecisse vices, causis non usa secundis.  
Sed benè Cœlorum virtutes indidit Astris,  
Ut per corporeos immaterialia Cœlos  
Castra Viri penetrent, habeantque ad summa gradatim  
Accessum. Quænam verò sit dedita Stellis  
Materies ; non una quidem, quam Terra poposcit ;  
Aut Aër ; datur Ignis ibi, datur Unda procellis  
Æquoreis divisa, datur subtilior Aër  
Transiliens proprias metas, ubi libera motu  
Sit via ; sed sicut tellus non transit in undam,  
Ex unda nunquam fiunt incendia : servant  
Materias Elementa suas ; ita Stella profectò  
Differt à Stellâ, ut differt à Carne Volucrum

Et

124 JO. CHRYSOSTOMI A S. PAULO  
 Et Pecorum Caro nostra . Vides à Sole Planetas  
 Mercurium à Luna, quanto discrimine distent,  
 Ab Jove Saturnum, Veneremque à Marte: quid ergo  
 Non specie distent, si mutua lumina confers,  
 Et motum, quibus arguimus discrimina rerum?  
 Si bene perpendas, specie differre videbis,  
 Materiemque suam tribues cuicumque Planetæ.  
 At Firmamenti lucentia Sydera tanquam  
 In Tabulis nodos, motûs æquabilis ordo  
 Terrigenis infert eadem: Lux densius hujus  
 Partis opus, rarum magis illius esse probabit.  
 Sunt tamen omnino speciè diversa Planetis.

Sed dices, hoc Forma facit: Cœlestibus una est  
 Materies. Alia est Terrestribus una. Cachinnos  
 Democritus teneat, technis non ludat Ulysses.  
 Judicium risu, sententia fraude rebellet.  
 Namque negativè de se concepta perennis  
 Materies non una potest, non esse duobus  
 Altera Corporibus; quoniam sine Corpore non est;  
 Et differre facit formæ Genus: ergo suapte  
 Naturâ cum non sit, non est Una, sed Unum  
 Compositum dici debet; non altera; differt  
 Compositum Formâ. Sed cum quoque non sit in omni  
 Com-

---

a 1. Cor. 15. 39 Non omnis Caro, eadem Caro: sed alia  
 quidem Hominum, alia vero Pecorum, alia Volucrum, alia  
 autem Piscium. & Corpora Cœlestia, & Corpora Terrestria;  
 sed alia quidem Cœlestium Gloria, alia autem Terrestrium. Alia  
 Claritas Solis, alia Claritas Luna, & alia Claritas Stellarum.  
 Stella enim à Stella differt in claritate. Et S. Thom. 1. quæst 67.  
 art. 3. ait. Lux est qualitas activa consequens formam substan-  
 tialem Solis, vel cujuscumque alterius corporis à se lucentis, si  
 aliquod aliud tale est. Cujus signum est, quod radii diversarum  
 Stellarum habent diversos effectus secundum diversam Na-  
 turam Corporum.



Composito mensura eadem; signata creatæ  
Materiæ ratio differt totius ab ortu.

Cum sua Forma suæ sit condita materiei  
Simplicium nunquam primum scissura ligamen,  
Ut dictum est, quare varias exordia rerum  
Prima ferunt species? species quoque prima sequuntur  
Omnia diversas, quæ sunt in rebus, & ipsis  
Seminibus; si forma igitur diversa videtur,  
Materies quoque diversa est, diversaque moles,  
Diversum Quale est, diversa Relatio; quicquid  
Hoc habet, est Unum, reliquis desciscere natum.  
Quid tibi multiplicas Unum conceptibus aptum  
Distingui? Natura negat; capis hanc Elementi  
Partem? sume Soli frultrum, vel segmen Aquai,  
Hocce credideris mutari posse sub illud,  
Parque Soli frultrum, vel Aquai? transitus inter  
Hæc paria in facilem similis propensio Formam,  
Quò magis evadet? non vis concedere? quare  
Concedis fieri quod non est hoc Elementum,  
Ut possis ibi materiam dispescere primam?

Sic igitur Stellas Cœlis, ipsosque Planetas  
Materiâ, & Formâ varios concede creatos,  
Ne sit in hoc illud; distinguis ab Aëre Flammas,  
Terram ab Aqua specie? numero quid differat uno  
Sol, & Luna, Venus, Mars, & Saturnus & Hermes,  
Jupiter, & Fixæ? Cœli variatio tanta  
Si facit ad numerum, vanum est distinguere plures  
Inferiùs species, minor est ubi portio Mundi.

*Cœlos, & Stellas non esse Naturâ  
Insolubiles.*

AT quamvis rerum species ab origine primas  
Incorruptibiles habeat successibus ordo,

Natu-

Naturâ tamen, & numero mutabile corpus  
 Omne puta, quando sit agens, & motibus illud  
 Immutare queat; quoniam si tempore primo  
 Conditor octavam firmavit ab æthere sphæram,  
 Et Solem, & Lunam, & Stellæ, & protulit Undis  
 Squamigerum Pecus, & Volucrum, terrâque virentes  
 Plantarum Soboles, & Bruta, & Plasma Virorum;  
 Quid dubitas mundi finem? veterascet, & igni  
 Machina solvetur, Stellæ, Cœlique peribunt,  
 Tabescent Elementa focis, mutabitur Orbis,  
 Atque novos Cœlos, Terramque novâ expectamus.  
 Sed quia Divino consistunt omnia nutu  
 In fines producta suos; locus infimus omnes  
 Terra vices patitur; corrumpitur, & generatur  
 Hic unumquodque, hic fœces ex Orbe residunt  
 Quolibet, in mediâ sursum regione frequentat  
 Mistio confusas, imperfectasque figuras.  
 Et quo simplicior motus sublimè rotatur,  
 Perfectis locus ille minus paret genituris,  
 Quis putet in Stellis herbas, Animalia, mistum  
 Fossile? si fluido quicquam sit ab æthere, lumen  
 Reddat: in igne ferunt salamandras vivere; prunas  
 Læthifero potius dicas extinguere fœtu.  
 Cætera quò sursum subtilior aura sub Astris  
 Panditur, & spâtiis vicinior ora supernis  
 Eminent à motu purissima simplice, valdè  
 Præcipiti, sunt cuncta procul putredine; motus  
 Fervidus influxum concinnat, & impedit omnes

In

---

<sup>a</sup> Apost. ad Hebræ. 1. 11. ex Psal. 101. 27. *Ipsi (Cæli) peribunt, tu autem permanes, & omnes sicut vestimentum veterascunt, & sicut opertorium mutabis eos, & mutabuntur.*  
 Et Petrus 2. cap. 3., quod Cæli ardentes solventur, & Elementa Ignis ardore tabescent; novos vero Cælos, & novam Terram secundum promissâ ipsius expectamus.

In fluidis corruptelas. At Sydera firmo  
 Corpore denantur, diversa luce refulgent:  
 Et cum desit agens, quonam proscindet aratro  
 Rusticus, aut scalpro tentet cælator aheno?  
 Hæc mundi moles pro fine creata Virorum,  
 Exigit a Cælis activa negotia motûs  
 Lucis, & influxûs, in terris exigit ortus,  
 Interitusque; igitur quamvis natura sit omni  
 Parte solubilem; totis tamen integra formis,  
 Undique consistit; partes præ mole minutas  
 Actio commutat: totum delatio motûs,  
 Temporis, atque sitûs in mundi sæcula transfert.

### *Stellarum Natura, & Numerus.*

STELLAS esse globos ingenti mole creatos  
 Non secus ac terram, scabris, densisque figuris,  
 Et numero plures, quam quis comprehendere possit, <sup>a</sup>  
 Et specie varias, quam quis deducere possit,  
 Est exploratum: Phasibus nam Luna statutis  
 Diversos montes oculis objectat, & antra;  
 Et minus Eclipsi lucens, ostendit opacum  
 Corpus, & a maculis similes non nescere partes. ....  
 Cornua dum reparat, videas turgere globoso  
 Corpore, falcata vultûs ostendere ferram,  
 Libratis variare sinus aspectibus, orbem  
 Gibbosum, scrobibus, scopulis, nebulisq; refertum. <sup>b</sup>  
 Visa Telescopiis similes à Sole figuras  
 Fert Cytheræa Venus; sic & qui lumine Stilbon <sup>c</sup>  
 Dicitur.

<sup>a</sup> Genes. 15. 5. *Suspice Cælum, & numera Stellaras si poteris.*

<sup>b</sup> Vide Ricciolum in Almagesto lib. 4. tom. 1. cap. 7.

<sup>c</sup> Cic. 2. de Nat. Deorum, Mercurii Stella, quæ Stilbon appellatur à Græcis.

Dicitur à Græcis, bifidus, lunatus, hiulcus  
 Apparet; Sed Sole minus sua chasmata monstrat.  
 Mars quoque cum maculâ medium fuscante nitorem,  
 Jupiter & Zonas visus præcingere, motu  
 Dissociare, duos Saturnus habere Sodales,  
 Et circa proprium centrum submotâ rotundis  
 Corpora projectant gyris spectabile dorsum,  
 Ut possis scabras telluris imagine Stellâs  
 Dicere, sed varias, magna vertigine motas.

Da mihi Scipiadas vestros in Sydere, terram  
 Contemplaturos, qualem vidisse putabis.  
 Par ratio cunctis est molibus apparendi:  
 Una vices variat distantia: quodque videtur  
 Exiguum lumen; lymbo telluris, & umbrâ  
 Collatum, motusque mora, mentisque reflexu  
 Judicat Astronomus permagnum. Sydera lucent  
 Per se quæque parum; quamquam sint Æthere plena,  
 Quo nitidam faciem fucant, tepidumque calorem.

Sed Sol majorem Lucem communicat illis  
 Et terræ, veluti primus director, & actor  
 Luminis. Hinc animam radiis halare profundis  
 Quælibet Astra queunt, tenuemque vibrare citatis  
 Motibus influxum: liquidumque per Æthera miscent  
 Inferiora suo, quem per secreta vaporant  
 Flamina, suffitu: propter quod mixta fruuntur

Innu-

---

2 *Stellæ influunt, non solum effectivè per motum; sed etiam transmittendo lucem super Terram; ideo in Textu dicitur, ut lucent super Terram: nec desunt qui putent Aristotilem illud denotasse in 2. de Gen. Anil. cap. 3. cum dixit Spiritum seminis proportioni respondere Elemento Stellarum ut Proclus, Plutarchus, Lydus, Pletbon, & similes apud Piccol. lib. de Cælo cap. 5. . Hanc opinionem S. Thom. opusc. 10. art. 34. & 35. putat falsam propter Aristotelis principia ponentis Cælos incorruptibiles; non tamen periculosam, nec contra Fidem.*

Innumerabilium nexu custode modorum.  
Hoc nisi sit, totidem cur cessimus otia Stellis?  
O quæ Cœlorum videas spectacula passim  
Insigni Galilææ tubo? quibus Optica circis  
Ingenium docuit vitreas effingere lentes,  
Ut sua centuplicet distans objecta videndum?  
Tu mihi testis eris, quæ tutius assero Cœlis  
Esse; viam Lætis, duce te perspeximus Astris  
Exiguïs, crebrisque satam candescere; fulget  
Confusim radiis Stellarum nubila fractis  
Congeries; duce te plures errare Planetas,  
Hoc est Mediceis insignia didita sphaëris,  
Et caligantes maculas in Sole vagari  
Vidimus, ac igni mistos afflare caminos.

Nec plura his temerè molimur dicere; quanquam  
Plura latent: vetùm quia non ibi semina constant:  
Indita, texendis quæ sint moderantia mixtis,  
Quis Tripodas Phæbo præstet? quem fabula fallat?  
Forte Cometarum Corpus sublimia Terræ  
Transcendens Elementa, dabunt ex Æthere Stellæ,  
Quod via candidior peperit plerumque; sed infra  
Fusius hæc tracto. Reliquum præsentiat Augur.

### *Sphæræ Mundi Descriptio.*

SYdera fixa pari motu constanter in orbem  
Cardinibus Mundi binis innixa feruntur.  
Hinc loca Terrigenis varius decernit Horizon  
(Terminus est oculi terræ spectantis ab imâ)  
Quo variè Cœli Stellæ contingit oriri.  
Sed per utrumque Polum si vertice circulus æquas  
Linquat Horizonti partes, sit semidiei  
Meta, ferens capiti Zenith, contraria Nadir.  
At quæ Solis iter mortalibus efficit annum

Tendit in obliquos calles Ecliptica, latum  
 Zodiacum tribuens cunctis ambire Planetis.  
 Tres & viginti paulò plus orbita Solis  
 Æquatore gradus deflectit; & hic ubi limen  
 Æquè Aries, & Libra secat, nox æqua diei  
 Provenit: hic punctis uno quadrante remotis  
 (Nonaginta Gradus hinc, atque hinc illa recedunt  
 Culmina segmento) Cancer, Capri; æstus, & albor  
 Solstitium celebrant: Boreas Apogæon, & augem;  
 Auster in oppositis Perigæon ducit, & imum.  
 Hinc duo se rectâ cruciant, Sphæramque per omnem  
 Decussant Cyclos; & Circulus ille Polorum  
 Sector, & æquiparans noctem, velut alter inherens  
 Solstitiis, sunt quos Græci dixere Coluros.

Quos etiam Tropicos pleno curvamine signat  
 Et Capri, & Cancer, quos & dixere Polares,  
 Zodiaci Polus; & Mundi circumspicit axis,  
 Atque Parallelos Æquator; quinque notarunt  
 Terrarum Zonæ. Calidam concludit utrinque  
 Temperies; utrinque Polus concludit amænas.  
 Frigida Zona Polis, menses ubi nocte laborant,  
 Temperat à Tropicis; medio decernitur ardens.

Zodiaci bisseña quater tres schemata Menses  
 Efficiunt, sensim dum Sol prorepat in Ortum.  
 Ver Aries, Taurus, Gemini dant omine læto  
 Martius, Aprilis, Majus, cum terra virescit.  
 Æstatem Cancer, Leo, Virgo; Junius edunt;  
 Julius, Augustus, Segetes cum messis adornat.  
 Autumnus Libram fert, Scorpion, atque Sagittam;  
 Septembri, Octobri, pariens & poma Novembri.  
 Friget Hyems Capro, cogit cum bruma Decembrem;  
 Janus Aquas fundit; Pisces Februarius offert.

Solaris motûs phantastica signa putari  
 Comperit Hipparchus: quia nempe quibuslibet Annis  
 Centenis est ipsa gradu mutabilis uno

Fixarum moles : hinc utraque cardinis æqui  
 Puncta recesserunt antiquitus observatis  
 Stellarum sitibus : sed adhuc exacta minutis  
 Viginti notat hora gradum . Mirabere forsan  
 Aptius esse theses veras errore sepultas ,  
 Schemata cum longè varient, & tempora longo  
 Decursu monstrent, quicquid Ptolemæus aberrat  
 Alphonso censore : notat Prutenica Reges  
 Cura duos, quam Ticho Brahe, Kepplerus & ardens  
 Corrigit ; hos etiam studiosa litura Magini  
 Carpet ; Egent omnes limâ : Deus abdita pandat .

Prætereo si vere novo cunabula Mundi  
 Impulerint Stellas, quamvis ea mentio primi  
 Mensis ab Antiquis dubiam rem diluat Annis .

Cū tamē Æquator gradibus ter quinque progressus  
 Horam constituat, naturalemque diei  
 Cursum se toto viginti quatuor horas ;  
 Quoque quaterna minuta gradu sint : Mensis & Anni  
 Phæbæi mensura refert exactior ortum ,  
 Occasum, quantoque moras hæc tempore ducant .

Definit pariter longum, latumque locorum ,  
 Et declinantes Boreæ sub Clima, vel Austri  
 Stellas, ascensum, descensum quemque minutim  
 Obliquum, rectumque notat . Nam verna gradatim  
 Inchoat in longum per gyrum sectio : latum  
 Dat Quadrante Polos versus, quo Sydera noris  
 Declinare gradûs totidem, quot percipit arcus .

Hinc ad Horizontem Sphæralis portio tradet  
 Descendentis, & ascendentis limina Stellæ .  
 Cosmicus est ortus, cum Sol emergit, & Astrum :  
 Acronicus verò, cum Sole cadente recedit :  
 Heliacus, cum Stella cavet, ne Sole tegatur .

Signifer inde vices obliquis motibus omnes  
 Parturit, & motûs in signa sequentia signis  
 Indicat . In latum distantia Sydera monstrat .

*De Eclipsibus.*

**E**clipses celebrat vel cum conjunctio Stellæ  
 Inferioris iter Solis simul occupat ipsum;  
 Vel quia Sol umbram Terræ, vel corporis atri  
 Projicit in conos aversâ fronte; carentem  
 Lumine prospicimus Lunâ, vel quicquid in umbra est,  
 Aut interposito cum Sydere Sydus habemus.  
 Sed quia non omnes errantia corpora partes  
 Cœlorum subeunt, illis non plura teguntur  
 Quam ferat erronum trames. Sol amplior omni  
 Sydere non totus tegitur: vel Cynthia discum  
 Occupet, extremis lucem dispertit ab oris;  
 Quod si Mercurio coeat, Venerique benignæ,  
 Deficit à nævis facies; ita conica terræ  
 Umbra tegit Lunam radiis circumdata Solis;  
 Sed producta minus, quam sit distantia Martis,  
 Non tegit hunc etiam Perigæi sede propinquum,  
 Non Venerem, non Mercurium, qui semper inhærent  
 Phœbæo lateri, tenebrisque remotius errant.  
 Umbram projectant omnes à Sole Planetæ  
 Pyramidis specie: sed nemo hac luditur umbrâ,  
 Si magis arrident servata recentia, præter  
 Saturni Comites, nec non Jovis; umbra minores  
 Quam sint intervalla, comas à luce remittit,  
 Et fugit humanos oculos, nisi corpus inumbret  
 Inferius superas Stellæ, spatiumque coloret.  
 At Firmamentum solido constare metallo  
 Dixeri, & Stellæ inibi consistere fixas,  
 Quâ bene convexo frons non extuberet astro?  
 Quippe probabilius fuerit par omnibus esse  
 Syderibus spectrum; quia notis novimus omnes  
 Argumentari visus: errantia vultum

Non



Non æquè parilem monstrant: cur fixa rotundis  
Tuberibus Cælo non promineant operoso,  
Cum nitor, & facies videatur scrupæa lustris?  
Nonne cavernosus stellati fornicis Æther  
Apparet? solidâque Galæcticus orbis abyſſo  
Tesserulas, cruſtasque refert? ſed læve cavatum  
Ora representat tædæ fulgentis, ad inſtar  
Punctorum: medius mundi Sol ergo refulgens,  
Cum decuplo minus, ac Terram, colluſtret Olympum,  
Exhibeat totidem Soles fulgore minutos.  
Quæ cum non ita ſint, dicas luceſcere denſis,  
Et raris, ſcabrisque tholis ſublime lacunar:  
Fuſca neque umbrarum protendunt ſymmata Stellæ,  
Cum Firmamentum ſit opacum; deſuper ardens  
Ambiat Emphyreon, ſuperûm ſpectabile viſu.

*Aſtrorum Descriptio.*

Nunc ades: Aſtrorum facies, quas fabula pinxit  
In Cœlis, excurrere libens. O corde dolendum  
Divinæ portenta manûs fœdata profanis  
Nominibus; ne quis Græco ſermone Latinum  
Miſceat inſontem, cupiens depromere ſenſus,  
Quin ſubito mendax; non affaturus, & ulli  
Non intendendus, niſi talia dixerit audax.  
Parce vetuſtati, Pietas, ignoſce moderno  
Scriptori, cui non meliora vocabula ſupplent  
Notitiâ: variare nefas. En Arcticus Urfas  
Edomat; inque Polum caudâ Cynofura ſuperbit,  
Audet iners Helice plauſtrum geſtare ſupino  
Tergore, nec Cepheus magni timet ora Draconis.  
„ Artophylax, vulgo qui dicitur eſſe Bootes,  
Pone comam renuit; præfert Ariadna coronam.  
Engonaſis dextræ Clavâ, riſtuque Leonis

Fulgurat; ad Cytharam Vultur non sedat orexim.

Augetur nitidi candore Galaxia Cygni.

Cassiopeiæ sedens Cathedræ subsellia flammæ,

Nec dolet Andromedes lucentia vincula natæ:

Namque Medusæum Perfes caput ense retundit.

Gorgonidem Deltoton Apis dulcedine mulcet,

Ducit Eriætonius currûs auriga repertos,

Atque humero gaudens Hædos attollit, & Hircum.

Et Tropico Cancri conclusa hæc signa renident.

Mox Aries Cæto fretus Bovis impetit armum

Plejadibus madidum: patiens hic lutea pandit

Lumina, fronte gerens Hyadas, quas plangere iussit.

In Tauri vires umbone minatur Orion,

Cui Lepus est pedibus: femori cui Baltheus ardet;

Cui locat Eridanus fontem, quo vergit in austrum.

Lædæos Fratres cornu qui percutit uno

Cum Syrio Procyon latrant, & in arma laceffunt.

Sed male belligeros præsepi Cancer Afellos

Alligat, in pugnas Hydram vocat, atque Leonem.

Mitior at Virgo pacis cratera ministrat,

Et Corvum Spicâ quatiens Astræa Bilances

Porrigit Arcturo; quid nos Ophiuchus iniquo

Delectet Serpente furens? vel Scorpius albam

Corde venenato tentans offundere Zonam?

Audeat Arcitenens, Aquilam transfigere telo,

Quis ferat Antinoum? Delphin, an Pegafus Ales?

Sed leve pondus Equus, Capricornus, Aquarius ambit:

Et nodo junctos Pisces Æquatio librat.

His infra Tropicos Zonarum torrida paret.

Phoenix, Anser, Hydrus, Xiphias auratus, & Argo,

Clara Columba Noes, volucrum cum Pisce, Camæleon,

Centaurus, Crux, Musca, Lupus, Thus, Ara, Triquetrum,

Sertum australe, Noti Piscis, Grus, Passer, & Indus,

Et Pavo, & quædam Nubes, & rara Venustas

Cardinis alterius partem splendoribus ornant.

*Mundi figura, & locus Stellarum.*

**A**pparens motus Sphæris inserta quibusdam  
 Astra locet; Mundumque globi constare figurâ  
 Conjiciat, reliquisque Polos, & cognita Stellis  
 Centra probabiliter tribuat; præfagia quemquam  
 Cœlitus expertum non his meliora vocabunt.  
 Nam quoque si domibus circum, laquearia quadris  
 Versentur, tamen à motu compareat orbis.  
 Sphærica perfecta est, specieque capacior omni;  
 Sed quare Tellus perfectè Sphærica non est?  
 Quod potius credas, gyro vallantur Abyssi, <sup>a</sup>  
 Et gyrum Cœli Sapientia sola recurrit. <sup>b</sup>

Stellarum loca vera negat refraçtio lucis:  
 Nam crasso medio crescunt objecta videnti,  
 Ut submissus aquis baculus, sic vasis in imo  
 Stare super juglans immerfa crepidine major  
 Cernitur, & variis sublime vaporibus astrum  
 Augetur, scintillat, hiat, circumjacet Halo.  
 Ac veluti speculi convexa, aut concava reddit  
 Lamina mutatas species; ita nube jubatæ  
 Subsultare faces, simulare Pælia soles  
 Possint, & tremulam nimium distantia lucem  
 Corpora contracto dubitanter acumine vibrant.  
 Hinc astris varias decernit opinio leges,  
 Centra, situs, orbis, diametros, vera locorum  
 Limina, Cœlorum moles, quæ debile sensûs  
 Infirmitat studium: est major ratione voluntas.

Est etiam pensanda suo discrimine centri  
 Sedes vera; solo dum circumvolvitur Orbis.

I 4

Nos

<sup>a</sup> Prou.8.28. Quando certa lege, & gyro vallabat Abyssos.

<sup>b</sup> Eccl.24.8. Gyrum Cœli circuiui sola.

Nos etenim procul à centro super extima Terræ  
 Degimus; & quamvis id Sydera fixa remotis  
 Lata voluminibus sensum non ludere possint;  
 Quo tamen est vicina magis revolutio nobis,  
 Hoc magis ascensum variat, quo culmina vertex  
 Occupet, aut simili descensu fallat ocellos.  
 Dicta Parallaxis visûs fallacia docto  
 Corrigitur calamo; quæ detegit alta vagorum  
 Regna Planetarum, quo quilibet ordine currat.  
 Vel circa Terram, vel Solis in orbe feratur;  
 Aut Apogæa procul sint, aut Perigæa propinquent.

### *De Cometis.*

DEtegit & supra Phœben errare Cometas,  
 Atque novas Stellas: sunt observata supremis  
 Phœnomenis nullam quandoque ea lumina visûs  
 Ferre Parallaxim: quid sint, ediscere nondum  
 Possumus; ast ubi sint; verè didicisse fatemur.

Quippe cremabilium non esse incendia constans  
 Indicat aspectus: tamen inde Stagira quiescat?  
 Non utique: Et fluidis apponit ligna caminis,  
 Aërioque lari menses, annosque ministrat,  
 Ut sacra Vesta Choros per inania compita Mundi  
 Ducat inoffensò. Sed ne Perigæa Planetas  
 Ignotos nobis ostendant; vel glomerentur  
 Stellarum minimæ, vel ab Æthere Sphæra tenaci  
 Visibilis fiat, Solisque nitore coruscet,  
 Remur, opinamur; nescimus plenius ista.

Sed procul à Terra, quæ Machina circuit uno  
 Lata die, patiturque nihil, quod Luna minutis  
 Pluribus inclinât: quantæ sit molis Arator  
 Judicat; Astronomos ne dum mensura refellat.  
 Vera quidem sedes Cœlestibus altera detur,

Alte-

Altera, quos Lunæ pariunt Elementa sub Orbem;  
 His mora sit brevior, motus velocior; illis  
 Tardior à signis, tempus prolixius: omnes  
 Aspectu similes, Barbatos, sive Comatos,  
 Cauda facit Solis radiis extensa refractis.  
 Quin imo sub Solē novum, seu vespere Sydus  
 Comparet, seu manè, Rosæ quandoque figura,  
 Sæpius Ense minax, aliquando Cornua profert,  
 Aut cincinnatum cedes mortalibus ægris  
 Portendit; nunquam spectatum impune cometam  
 Turba pavens perhibet: ne te præfagia lædant,  
 Noveris à Cœli signis horrescere Gentes.<sup>a</sup>  
 Quo studio veterum potuisset in omnia verti  
 Tam rarum, variumque jubar? mirabere Numen  
 Velle magis Populos memores his esse futuri  
 Judicii, mentes in regna Beata vocari.  
 Historiis est danda fides, ratioque notatis;  
 Nam vapor inconstans, aut exhalatio præceps,  
 Aut nova fax lucis solaribus orta favillis;  
 Aut spumæ cœlestis opus, quo pergat, & unde  
 Venerit, atque ubi sit, vel quomodo cœperit esse,  
 Quo pacto incrementa ferat, decrescat, & ultrò  
 Definat, hoc unum cum sit, per singula debet  
 Inquiri, doctrina dari nequit omnibus una.

### *De Saturno primo Planeta.*

**L**Argius hæc dici pigeat: Saturnus ab Astris  
 Erronum primus mœsto livore duobus  
 Vincula Satellitibus præbet, seu contrahit ansas.  
 Qui lento duodena gradu per signa recurrens

Tres.

---

<sup>a</sup> Jerem. 10. 2. *A signis Cœli nolite metuerè, quæ siment Gentes.*

Tresdecies (demptis septem, sed mensibus) annos  
 In centro circa Solem, vestigia Solis  
 Asequitur medio motu; velocior illi  
 Conjunctus; statione piger quadrante remotus;  
 Retrogradus, Solem contra cum lumina torquet.  
 Quis ferat æquales motûs? Ellyptica centrum  
 Semita suspectum faciens, majora dierum  
 Experimenta rogat; quamvis eccentricitatis  
 Maxima cum minimâ mediam distantia Prosta-  
 -phæreseon ope concludat, motumque diurnum  
 Arguat in longum; fimilesque Theoria leges  
 Imponens superis Cœlorum motibus æquet.  
 In latum verò nodis deflectere possit  
 Sesquiduplo graduum, non nos hæc causa moretur.  
 Frigidus, & ficcus, quare dicatur & hostis,  
 Nescio; Sole procul si frigeat, Astra remotè  
 Fixa magis, magis algebunt: natura sagaces  
 Ingeniis homines genuit, cupidosque sciendi;  
 Quod latet hos causæ, vocat in semota loquentes,  
 Ut sibi distribuunt effectus, qualia quodam  
 Ordine; Saturnum forsân videre Tyrannum  
 Frigoribus, pluviis, & tempestate furentem?  
 Sic ajunt, quando Capricornum lustrat, & Urnam;  
 Cur alibi stantem jam non dixere benignum?  
 O male suada virûm notis inscitia rebus!  
 Saturno virus, bilem atram, phlegma, senectam,  
 Interitum, sordes, plumbum concede, ruinas,  
 Cœmentum, duros agri concede labores,  
 Unde probas? an non concurrit in omnia Cœlum?  
 Plumbeus est illi color; ergo frigidus: illi  
 Candidus est, igitur calidus, si luce refulget;  
 Est piger a motu proprio, festinus abortu  
 Raptus in occasum. Physicè loquar; unus & idem  
 Motus hic est oriens; alius defectio motûs  
 Qua nequit una dies reditum complere Cyclorum.

Sed

Sed juvat Astronomos simplex æquatio, simplex  
Circulus. Et sic de reliquis discurre Planetis.  
Hoc igitur teneas, quod præside Sole diei  
Lumina mota diem, lucem, motumque vigentem  
Harmonicè peragunt; & Lunâ præside noctis  
Terra immota vices, noctem, mortemque rigentem  
Harmonicè recipit: Nox est defectio quævis,  
Interitus rerum, tenebræ, resolutio, monstrum  
Naturæ, morbi, quicquid non regnat Olympo;  
Et quibus est Phœbe jussu præfecta Creantis.  
Sed quæ Sol, Stellæ, Cœlis, alique Planetæ  
Perpetuo pariunt, & Terras fœnore donant,  
Clara dies est, cui Titana præesse videmus.  
Propterea longè Soli Saturnus obedit,  
Et Comites adhibet circa se, luce serenam  
Ut juvet esse diem Cœlis, quam nocte repugnans  
Luna suâ turbat terris: ita pugna: deorsum  
Luna movet, sursum Sol, & commota sub astris  
Saturnus cohibet, dum centrum vortice Solem  
Lustrat, & in plano Zonæ cum Sole vagatur.

*De Jove, & Marte Planetis.*

Post hos, Saturni sublimia regna, recessus,  
Jupiter expectat læto pellucidus ore,  
Qui simul undecimo longè spatiatus in Anno  
Signiferum, mensi decimo superaddere noctes  
Tres denas conatur adhuc, ut compleat Orbem.  
Sed minus hunc gradibus binis Ecliptica suffert  
Diverti, potius nobis vicinus oberrat  
Oppositus Soli, patiens adversa tueri,  
Et librare moras mediis, & in apside promptos  
Accelerare gradûs, & in imâ parte reverti.  
Non secus ista suis patitur successibus audax

Bella

Bella ciere viris Mavors, qui dirigit Annis  
 Nempe duobus iter, Cyclis variabile sesqui-  
 Mense minus; rutila festinus in auge curulem  
 Laxat ad usque gradus septem, dñi flectit in Austrum;  
 In Boream neque quinque gradus accedere fidit.  
 At quos attentis comites mirere specillis,  
 Jupiter in numerum circa se ferre quaternos  
 Excubat, hi plaudunt choreas, & sæpe teguntur  
 Orbe Jovis, tenebras, qui lumine Solis obortas  
 Projicit in faciem: referunt conforme repertis  
 Mediceum nomen Galilæi sorte tributum.

Humidus, & calidus quare dicatur amicus  
 Jupiter, & clarus radiis portendere vitam,  
 Igneus, & siccus quare dicatur, & hostis  
 Mars, & sanguineus vultu portendere mortem,  
 Nescio. Vana ferunt, mundo communia; Conda est  
 Proprietas; oculis non observanda Sabæis.  
 Quicquid habes; Solem centri ratione sequuntur.  
 Et forsitan quædam vis attractiva Planetas  
 Dirigit ad Solem, proprio movet Axe, relatos,  
 Ut Lunæ Tellus, ut Nocti Luna, Diei  
 Per gyros servire jubet; sunt omnia Mundi  
 Membra quidem velut humano sunt corpore partes;  
 Uno principio motus quæ nexa cohærent,  
 Atque moventur: opus non est ex parte requiras  
 Saturni, Jovis, & Martis, Venerisque, vagique  
 Mercurii, Lunæque vices: nam mobile primum  
 Sicut agit Stellæ fixas, ita Sol movet istos;  
 Inde retardantur propriæ pro sorte vicissim  
 Naturæ, ne possit homo revoluta per omnes  
 Vestigare vias, seriem scrutatus ab ortu  
 Molis ad occasum, quâ naturaliter errant.  
 Propterea Soli accedunt, pariterque recedunt  
 Et Terræ; ut Terræ accedit Sol, atque recedit;  
 Et librant orbis infra se, Solis ad instar.



Et sicut Tellus stellati verticis axem  
 Immotum, binosque Polos custodit ab imo ;  
 Non secus unusquisque Planeta Polos super Axes  
 Diversos à Sole ferat, motoque moventur  
 Principe Cœlestes Proceres, & Turba Chorago.  
 Quod tibi Thema leges, cujus sit consona visæ  
 Machina Naturæ ? stabiles ut legibus essent  
 Astronomi Tabulæ, non sunt in tempora Stellæ :  
 Cum non visibili puncto determinet horas,  
 Stelliferum Cælum : non sunt in signa Planetæ,  
 Cum non designent aliquid monstrabile visu :  
 Inque dies non sunt, neque in Annos lumina Cœli,  
 Cum sit asydereæ collata potentia moli,  
 Signa, dies, annos metiri, tempus, & horas.  
 Quis ferat Astronomum, qui pro sectoribus æquis  
 Veris, & Autumnii firmo quadrante locandis,  
 Denegat officium Stellis, quas ipse creavit  
 Omnipotens in signa, dies, & tempora, & annos ?  
 Non Aries Aries ? Non Cancer Cancer ? at Æquum  
 Tempus ab his variat, potius Systhema repertum  
 Calculus inficiat : peccant problemata, quare  
 Sydera condemnant ? Æquantia puncta moveto,  
 Siste gradum Stellis : nam Circulus integer illas  
 In Cœli motu docuit momenta Diei.  
 Sol Annum statuit, reliqui variata Planetæ  
 Tempora, signa globus totus stellantis Olympi.

*De Venere, Mercurio, & Sole.*

Sic igitur Solem circumstant Jupiter, & Mars,  
 Scilicet obsequium referunt conforme Parenti  
 Lucis, & alma Venus, novies quæ quinque recedit  
 Et tribus à Disco gradibus, nunc Phosphorus ortum  
 Præripit ; occasum nunc Hesperus ipsa secundat.

Et

Et male conspicuus, qui non Titana relinquit,  
 Mercurius vafro verfâtilis omine; distans  
 Ipse quater septem gradibus finit amplior ægris  
 Spectari ciliis. Semper directus, & idem  
 Tercentis sexaginta Sol quinque diebus,  
 Et quasi sex horis proprium determinat Annum.  
 Harum incremento quartus quicumque Kalendas  
 Bis sexto civile jubet distinguere tempus.  
 Defectuque pares tria sæcula quæque notabunt,  
 Mensis Ephemeridas. Borealia signa per augem  
 Tardius exequitur; cum sit demissior arcus  
 Telluri, peragit gelidæ quem tempore brumæ.  
 Ipse Planetarum Princeps, & regula Mundum  
 Temperat, ejectis tenebris illuminat, æstu  
 Lucis ubique fovens, animat fervoribus, ut Cor.

Quid de Sole feram? nobis lux occulit ipsum \*  
 Hoc scio. Sol oritur, Sol occidit; inde renascens  
 In sua signa redit; gyrat lucentior Austrum,  
 Flectitur in Boream: non contranitur ergo  
 Mobilium raptu, nec iter, quod linea scribat,  
 In Tropicum repedit curvis incessibus Annum:  
 Sed semper graditur rectâ, spirisque diurnis  
 Exoritur, summum vestigat, & occidit, amplos  
 Circuitûs peragens; eadem vestigia nunquam  
 Calcat, ut Annorum cursûs discriminet omnes.  
 Ut fili glomus ex alabro girgillus in orbem  
 Colligit; exhibeat fimiles à Sole volutas  
 Zodiacus, si trita notas via signet aratas.  
 Non aliter circum defert Natura Planetas,  
 Ne sit idem tempus, diversa volumina complet,  
 Quæ sua non redigat studiis in Fædera Thales.

*De Luna.*

**I**Nfima Stellarum, nunquam retrograda propter  
Vicinum stationis iter, semperque retortis  
Motibus inconstans, mensisque ministra diebus  
Viginti septem vix horis octo regressum  
Impigra bis senis maturat Cynthia signis.  
Ut tamen aspectu Solis conjuncta fruatur,  
Perque Phases varias reparat sua cornua, binos  
Illa dies, & quinque horas prope desuper addit.  
Nec senos utrimque gradûs exorbitat unquam  
Fraterno de calle; maris dominatur in æstu;  
Sola Soli solitis à Sole filescit in umbris,  
Australis Boreale caput cum cauda Draconis  
(Sic Lunæ vocitant quos fert Ecliptica nodos)  
Tollit in alterutrum Lunæ, vel Solis honorem.  
Undeviginti defudat circulus Annis,  
Quo reditum Lunæ loca prima morentur ad unguem;  
Aureus & Numerus civilia festa perennes  
Æquet Epactarum Cyclos: nam Luna diebus  
Deficit undenis à Solis calle quotannis;  
Et præcisa tamen non est æquatio cursûs,  
Quapropter quater, & decimum differtur in Annum;  
Et magis exactè duo bis centena laborant  
Sæcula. Si nobis adeo vicina molestum  
Pandit iter: quidnam sejunctior orbita veri  
Prætulerit motus? labor est Atlanticus ipsas  
Eclipses fervare, suo non tempore falli.

Qui tamen his cupias rimari plura potitus  
Notitiis, attende diu; scrutare vetustas  
Observatorum tabulas; compone recentes;  
Corrige; correptis aptata recentius horis,  
Si studio valeas, adhibe Systhemata solers,

Uttere

144 JO. CHRYSOSTOMI A S. PAULO  
Uttere subsidii. Hos exanthlare labores  
Vel reges ipsos delectat, ut omnia tentent.

*Quomodo Stelle sint in Signa, & Tem-  
pora, & Dies, & Annos.*

**M**otibus his ergo lucentia Sydera Mundi  
Vilius, & rudius curant ditescere centrum,  
Cum vacuum, pigrumque finum Telluris inanis  
Quodlibet Astrorum certatim, & quisque Planetarum  
Influxu coeat, fodiat, ferat, irriget, occet.  
Non tamen à Cœlis tantum fœcunda putemus  
Viscera materni gremii, prius infita Plantis  
Novimus, & vegeto pollentia semine frugum,  
Quam nubant Soli, Lunæ, Stellisque maritis.

Inde autem Stellæ quia sunt in signa nitentes,  
Quisquis opinetur rerum speciebus amandis  
Unicuique datum jus, & propendere tractu  
Sympatico, veluti gaudet magnete Polaris;  
Quæque rei propriæ species ita Sydere certo  
Lætetur; causæ latet efficientia: quidnam  
Singula signa notent specialius, occulit Author:  
Signa notamus enim naturæ fœdere pandi,  
Si quoque significata latentia percipiamus:  
Sed quia percipimus tantum communia, tantum  
Pandimus ex Astris communia tempora Mundi.  
Namque Dies, & Nox, & Mensis, & Annus, & Anni  
Solstitium duplex, duplex æquatio noctium  
Unde Æstas & Hyems, Autumnus, Verque sequuntur,  
Et variatur opus Solis, Lunæque meatu  
Ex observatis fiunt notissima Stellis,  
Ut nunquam simili series ætate recurrat,  
Nunquam eadem referat momenta Platonicus Annus.  
Sunt æternorum pariter signacula Stellæ

Queis

Queis invisibilis clarescit gloria visis,  
 Miraque Cœlorum revocant spectacula mentem  
 In superum Lumen; proh quali luce coruscat  
 Alma TRIAS! quantis illic fulgoribus ardet  
 Lux indeficiens! ubi contemplaberis Orbem  
 Terrarum sine luce Poli, sine munere Cœli,  
 Quem reputes facie? caligant omnia, frigent  
 Omnia Syderibus demptis; decus omne Beatis,  
 ANNIBAL, omne bonum nobis transmittit Olympus.  
 Sordet humus, quoties Cœlum spectamus apertum:  
 Thesauros ibi conde tuos, quo nemo Latronum  
 Appropriat, nullo corrumpit tinea morfu.  
 Quid cupidos delectat opum custodia? quorsum  
 Elatos delectat honos, mollesque voluptas?  
 Huc age, Cœlestes Sapiencia sola recessus  
 Ambulat, & satius Centri fuligine regnum  
 Dives, honore nitens, & delectabile monstrat.

*Cavenda Astrologiæ Vanitas.*

SED tibi ne vacuus curis imponat Haruspex,  
 Et ventura velis Astris prædicere visis:  
 Nam licet Astra suâ Mundum virtute fatigent;  
 Cum tamen haud unquam simili se fronte revifant  
 Omnia, nec Terris lucem moderentur eandem;  
 Nec fatis exploret metas Babilonius Horos,  
 Non individuum poterunt portendere casum  
 Astrologi, cujus nunquam præcessit origo;  
 Cujus adhuc ignota via est, ignotus & ordo  
 Stellarum, moles, motus, distantia, robur.

K

Nun-

a Isa. cap. 47. 13. Stent, & salvent te Augures Cœli, qui  
 contemplabantur Sydera, & supputabant Menses, ut ex eis  
 annunciarent ventura Tibi. Ecce facti sunt, quasi stipula &c.

Nunquam sunt eadem numero, quæ sunt ab eisdem  
 Syderibus, Cœlique locis; namque alter, & alter  
 Motus, & aspectus, numero, statione, regressu  
 Labitur in tempus, novitate vetusta recudit.  
 Nunquam sunt eadem numero, quæ sunt in iisdem  
 Limitibus, Terræque situ: namque omnia fluxu  
 Subdita mutantur; generatio præterit horum,  
 Altera succedit. Novit per singula Numen  
 Has causas, hos effectus, nisi limen in ipsis  
 Imponat numeris, sonat alea clausa fritillo  
 Jactûs ancipites: libertas ipsa viritim  
 Nescia pro numero non se determinet illis,  
 Hisque rei metis; verum commune bonorum  
 Appetit indicium. Deus his definit acumen.

Si placet auspiciis similes edicere casus,  
 Ecce rubet Cœlum sub vespera signa, serenum <sup>a</sup>  
 Tempus erit. Mœstum rutilat sub mane, minatur  
 Tempestas hodie: certè venit æstus ab austro  
 Flante: parat nimbum nubes à vespere surgens <sup>b</sup>  
 Discolor, aut rubeus Sol est, vel Luna, vel Astrum,  
 Ventus erit: pallent? splendorem protinus abdunt?  
 Conduplicant discum? despumant æquora; murmur  
 Auditur? Pluvias, tempestatesque sonoras  
 Expecta; Nautas vexat nova Luna periclis;  
 Aucta die quinto, sextoque cavenda retardat;  
 Quinimò sylvas ne perdant insita, plantas  
 Semina ne fallant, caries ne ligna resolvat;  
 Fœmina ne fœtus abigat, ne vina putator

Def-

---

<sup>a</sup> Matth. 16. 2. *Facto vespere dicitis; serenum erit, rubicundum enim est Cœlum; & mane. Hodie tempestas erit, rutilas enim trisfe Cœlum.*

<sup>b</sup> Luc. 12. 54. *Cum videritis nubem orientem ab Occasu, statim dicitis, nimbus vent; & ita fit. Et cum Austrum flantem, dicitis quia æstus erit, & fit.*

Desperet, ne poma suo de stipite desint ;  
Ne messi frumenta, favet Lucina colonis.

Et servat Piscator aquas, & tempora Lunæ ;  
Quæ chelas reparant Cancris crescente, chelydri  
Pinguior est succus. Medicos non pœnitent ipsos  
Morborum, febriumque chrisas cognoscere Phœbes  
Lumine. Vim Stellis quis deneget ? anne peritum  
Astrologum fateare, tibi cum suppleat usum  
Proxima causa rei ? duplex quoque denotat Iris,  
Et mare nigrescens pluvias, & aquatilis ales,  
Ranaque, quas etiam auritus præsentit Afellus.

At Cœlis aptare domos, horoscopon illam  
Dicere, quæ Nati vitam præseferat, artem,  
Temperiem, mores ; aliam, quæ divite censu  
Lucra ferat : Fratres, & Amicos tertia monstret ;  
Quarta decus patrum, stabiles res ; quinta nepotes,  
Et natos ; sortemque bonam, sortemque malignam  
Sexta ; Maritales incendat septima tædas ;  
Morte minax octava ; potens pietate putetur  
Nona : genus vitæ decimam pro culmine Cœli  
Regalem faciat : Geniusque benignus amicis  
Undecimam. Postrema lues, & vincula tristi  
Digerat eventus : sunt hæc commenta cicutis  
Digna Lycambæis. Quid enim phantastica Circes  
Munia distribuat domibus sine luce repertis ;  
Cum neque divisi constet distantia Cœli ?  
Mox quanti conductæ domus noctuque, diuque  
Pro Domino fulgens habitatur ab Hospite ? quanti  
Fit mora, dum contra sua tecta Planeta sit exul ?  
Hinc elatus, & hinc dejectus, & hinc peregrinus ;  
Illinc carpento trahitur, comburitur illinc,  
Et quicquid curæ mortalia corda coegit,  
Ridiculum tribuisse Polo. Divinet id unum ;  
Prodigium celebras ; mendacia mille teguntur.  
Perlege, quæ studio venere diaria multo,

Tum confer quos forte sua movet urna lapillos  
 Casibus inscriptos: an non quoque prompserit inter  
 Falsa aliquid veri? casum fortuna secundat;  
 Effectus certos ars, & prudentia novit;  
 Causa latens, non caula rei est; nisi semper eundem  
 Parturit effectum, quem non aliunde creatum  
 Nemo notet. Ventî, pluvîæ, nix, grando, procellæ,  
 Fulgura, terrarum motûs, & frigus, & æstus  
 Undique non fiunt, & habent ubi causa propinquo  
 Suggestat influxu vires; hîc cæra liquefcit,  
 Hic aret limus sub eodem temporis æstu.  
 Effudit partu geminos horoscopus idem  
 Moribus oppositos; segetes ager edidit idem  
 Dissimiles. Eadem fructûs est disparis arbor.

Siccine cum pateant septem subiecta Planetis  
 Omnia, tam vario procedunt ordine? totis  
 Viribus indignor pro libertate tuenda:  
 Nam placitis Hominum fiunt quamplurima belli,  
 Rure, domi, pelago, per iter, per castra, per urbes,  
 Emporiis, aulis, templis, ubi curia lites  
 Excoquit: Artifices ubi trita negotia tractant,  
 Quâ Pueri ludos, Juvenesque Lycæa frequentant,  
 Quâ Prytanæa senes, leges Hymenæus amicas;  
 Quâ Pia septa foveat ægro languore cubantes,  
 Quid tibi cum Stellis? Terris hæc omnia liber  
 Utius habet. Pietas in utrumque parata vereri  
 Jure sacro Numen, naturæ lege Parentes,  
 Officiis Reges, fidei paritate Sodales,  
 Justitia cohibere reos, dare dona merenti,  
 Æqua laboranti, fraudes expellere, pactis  
 Stare, nefas odisse, frui virtute, potiri  
 Codice testato, Patrum succedere cæris  
 Fasque, piumque docet; dulces educere Natos,  
 Pro Patria pugnare, bonum commune tueri,  
 Exercere solum, victum conquirere cultu,



Merce, manu, ratibus, Populum quod deficit unum  
 Alterius reparent cōsortia provida Gentis.  
 His autem quid opus Cælum? quasi talia vellent,  
 Aut fabricare domos, aut has evertere, Cives  
 Expectaturi Cælorum motibus angi.  
 Unde scient igitur, ne dum quæ libera mentem  
 Arbitrio sponfore vovent, si messis aristas,  
 Si vindemiolæ cogat fors una racemos?  
 Ecce dies eadem Pisces, Volucresque creatos;  
 Altera novit Oves, Armenta, Ferasque, Virumque,  
 Nec tamen aptat idem cunētis Lybitina sepulcrum.  
 De Cælis satis in Terris mirabitur anceps  
 Spectator nescire Deum, qui tempore, motu,  
 Luce, calore frui concefferit, inde minoris  
 Noverit ingenii sese, quam possit in ipsis  
 Occultas vires, & ad unguem dicere formas.



# OPUS

## QUINTÆ DIEI.

### Textus.

20 *Dixit etiam Deus : Producant Aquæ reptile Animæ viventis , & Volatile super Terram , sub Firmamento Cæli .* 21 *Creavitque Deus Cete Grandia , & omnem Animam viventem , atque motabilem , quam produxerant Aquæ in species suas , & omne Volatile secundum Genus suum . Et vidit Deus , quod esset bonum .* 22 *Benedixitque eis dicens : Crescite , & multiplicamini , & replete Aquas Maris , Avesque multiplicentur super Terram .* 23 *Et factum est Vespere , & Mane Dies Quintus . Genes. I.*

### Piscium , Aviumque Creatio.



Aestas operum lapsis ostensa diebus  
 Protulit exanimes moles, sensuque caren-  
 tes:  
 Quinta Dies Animas vita potiore creatas  
 Gaudet Aquis reptare simul , motare per  
 auras.

Fit

Fit gradus ascensu : lux ostia prima reclusit ;  
Altera discrimen rerum firmavit ab undis :  
Tertia victuris ædes aptavit, & esum ;  
Quarta Vices posuit Stellarum motibus omnes ;  
Quid superest, nisi Quinta ferat, nisi Sexta reponat  
Aëris indigenas, & Aquæ, Terræque colonos ?  
Hinc Pater Omnipotens, producant Reptile, dixit,  
In species quodcumque suas ; Maria omnia circum  
Et lymphis submersa natant immania Cete,  
Prægrandes Orcæ Balænis acre flagellum,  
Pistrices, Phocæ, monstrum fatale Nearchi  
Classibus eructans nimbos, fluviosque Phrysether.  
Si neget Oceano Siren Acheloidas artes,  
Et ferat inter aquas Delphin Amphiona tutum,  
Quanta canat portenta maris, quot piscibus undas  
Concelebret gravidas ? Gades Athlantica Thynnīs  
Ora replet : glaucis Galeis Rhodos inclyta plaudit :  
Sed Maurītani Xyphīæ mucrone paveſcunt ;  
Non procul Herculeus Scombris Piſcator abundat,  
„ Purpureisque Salar ſtellatus tergora guttis  
Cum Salmone pares inhiat protendere pinnas.  
In ſcopulis Polypus, petris Echeneis inhæret ;  
Et Murena cicur pretio venalis avaro,  
Et Scarus alta tonans, ſolus qui ruminat herbas,  
Arduus arte capi, cui non minus æmula Flutis  
Invideat Muſtela ; juvet peregrina Lagois  
Pharmaca, ne pinguem vitiis, albumque venenet.  
Splendida menſa petit Mullos, Myxanas, Acarnes,  
Auratas, Rhombos, Acipenſes, Oſtrea, Percas,  
Pelamides, Mœnas, Congroſque, Lupoſque, Zeoſque ;  
Vilior Anguillas, Aphias, Coccyges, Aſelloſ,  
Haleces, Sardas, Lamias, Tincasque lacuſtres,  
Alburnoſ, Salpaſ, fracto de vaſe Siluroſ,  
„ Stridentefque focis obſonia plebis Aloſas.  
Aſtacus hinc ludit Carabiſ ; & Maja Paguriſ ;

Mytilus hinc Cochleis, Conchis & Cammarus illinc;  
Cancer Locustis, & Squilla Leonibus illinc.

Lucius inde nitet; Squatinæ cutis inde rigescit;  
Tructa rubet squamis, & in ardua nititur amnis;

Sepia nigrescit, qua sentit arundine falli,  
Rostrum acuit Scolophax, eludit retia Mugil,

Et caput abscondit latebris; Torpedine languet  
Piscator, Stellæ prædâ fervente calefcit:

At neque si centum pedibus Scolopendra laboret,  
Visceribus clausum, simul exta remittat, & hamum.

Quid non te memorem quæsitâ, Lutarie, coeno  
Pabula præbentem Sargo? te Sarge Capellæ

Tegmine deceptum, quam vincis amore vagantem?  
Teque flagellantem præsentia fata volatu,

Lucis Hirundo parens? Nautis te, Pompile, fidum  
Præsidium? gaudent Murex, & Purpura Reges

Ostriferâ sanie comptos incedere; gaudent  
Loligo, & Milvus pauidâ se lentre timeri.

Hoc Mare quam magnum, spatiosum manibus! illic  
Reptilium numerum non est qui censeat: ovis

Innumeris fœmella parit; Mas ubere lactes  
Protrahit, & rarâ fœtûs enicitur alvo:

Quandoquidem vegeto gliscunt humore natantum  
Semina sparsa freto, caveis vel fota marinis,

Et quia Sal, & Aquæ præbent alimenta, minuta  
Exiguum exquirunt Pisces, multisque diebus

Efuriem tolerant; vel tum quia sensibus ipsis  
Cum minus excellent, atque humiditate sit altrix

Frigida temperies, minor est quoque fomes edendi.  
Non tamen abstineant esu, vel dente vicissim

Ignoscant generi proprio: quò grandior ætas,  
Quò majus corpus; gurgēs magis appetit escas;

Et maris everrunt sordes, majorque minorem

Con-

Convenit insidiis. Est respiratio quædam  
Piscibus, at medio ne non sit congrua densio;  
Ne careant pulmone, datur vesica reservans  
Aëra, quo miscet latices, & spiritus halat.  
Ore trahunt alii fluctus, redduntque tumentes.  
Et cruor est illis minimus, gerit unda cruoris  
Munia; quorumdam sensum vix noveris esse,  
Ceu sunt Pulmones, præsentia certa procellæ,  
Quæve Salo projecta jacent Holothuria, duris  
Testa super coriis. Onychas, Solenas, & Aulos  
Ossa tegunt, Hippos Testæ, Crustæque Donacas  
Et similes formas: spinis desævit Echinos,  
Horret Equus setis, Vitulus, Fiber, inter aquosum  
Et terrestre genus, quæ sunt vocalia sicut  
Amphibia, ut Ranæ, Testudo, Porculus; Exos  
Est aliis natura; tamen squamosa videtur  
Muta, quia & linguæ complexis faucibus hærent,  
Et neque molle potest auras propellere guttur.  
Et quamvis alii vivant ex æquore ducti,  
Protinus occumbent, si deferat humor anhelos.  
Non omnes eadem teneat mora: Carpio Barbis  
Ocyus emoritur, Melanurus Hirudine, Postea  
Sphyrænâ, Leuciscus Aco, Rajâque Thymallus.

Est etiam fœcundus adeps, oleique liquamen  
Piscibus: unde natant motu leviori per undas:  
Hinc oleo placat sua Turfis viscera; molles  
Condit Elæogaro fluvialis Gobio cœnas.  
Non omnes fert omnis aquæ sinus: extera mittunt  
Littora compositos Muria, Cupisque Salitos.  
Cantharus ingratus succo saxosa recurrit  
In vada, ferratis oculos ubi pandit & Orphus  
Dentibus ingentes; Nidos deponit in alga  
Phycis, & Armenios pisces Arethusa propinquis  
Non Tigridis confundit aquis: Tegeæa Boacem  
Mercurii tellus, Lepidotum Ægyptus adorat.

Et

Et Leucum Berenice adolent, Citharum Colophone.  
 Latus amat Nilum: quid non imponere finem  
 Crescendi Crocodilus avet, lacrymisque nocendi?  
 Oceano, fluviis, lacubus, stagnisque, vadisque,  
 Crescit aquatiliū soboles, ut iussa paternos  
 Fœcundare sinus, impune diutius ævum  
 Ducere, quam Terræ proles delenda Fluentis.

Non alio deduxit Aves Deus ex Elemento,  
 Quamquam Natura varias à Piscibus: uni  
 Cuncta Potestati fieri licuere supremæ,  
 Quodlibet ex quocumque: nihil non paret eidem,  
 Qui creat ex nihilo; sic omnia vertere possit  
 Ex aliquo; velut in nihilum committere verti.  
 Ex aqua Aves igitur concessæ in nubila ferri,  
 Continuo volucres Animas, Animabus & artus,  
 Artubus & plumas, plumis extendere pennas,  
 Festinant pennis alas, alisque volatum.

### *De Avibus.*

Non quicquid volat, est Avis; omne Volatile summū  
 Est Volucrum Genus alatum; nam Vespa, Cicada,  
 Crabro, Fucus, Apis, Cynomyja, Nitedula, Muscæ,  
 Papilio, Grillus, pericaustica Cantharis, Oestrū  
 Quippe volant, & Aves non sunt. Quin dicitur ales  
 Et Vespertilio; Mus est alatus; & alas  
 Protendit membrana; volant quodammodo Pisces  
 Æquore: pennigeras species perfecta requirit  
 Forma; tegunt plumæ; rostro, pedibusque duobus  
 Ora, gradusque vigent: quadrupesq; Volatile vites;  
 Immundas inter volucres, minus apta comestū  
 Plurima dignoscēs. Aquilam prædare peritam,

Nidi-

Nidificare jugis, & saxa reponere nidis,  
Et Pullos reprobare nothos ad Solis acumen,  
Despice: Vexillis satiùs depicta Quirites  
Armigeros in bella movet; Jovis ales, & auspex  
Non formidandus rapti Ganimedis honore:  
Si quoties Labaris succedant signa salutis  
Cur Aquilis felix intentat fabula monstrum?

Utilior sit pugna feris cum Gryphibus, aurum  
Defendens Arimaspe tuum: simulata Leonum  
Membra, ferunt Aquilæ caput, alasque: acribus ipsi  
Congrediuntur equis. Halæctus, atque Pygargus  
Ex Aquilis sumplere notas. Quæ Milvius odit,  
Vultur amat raptæ sædata cadavera prædæ:  
Corvus utrimque rapax, quæ si stirps alba sequatur  
Abneget esse Patrem. Sit Corvo rarior albo  
Qui sequitur Corvos, neque crastina decipit hora.  
Struthio dura vorat, collo sublimis & anceps  
Intuitu, petit ima volans, ut currat eundo.  
Noctua triste canit; vigili movet Ægida nictu;  
Desipiat, si tale sapit, qui venit Athenis.  
A Lare mite Larum, Lario qui nomina fecit  
Et Lacubus Fulicæ titulum distendit, & unguem.  
Accipitres omnes damnat fuga prompta rapinæ;  
Nec placet ignavus Bubo, nec Mergus aquosus,  
Sed rostro procera nocet serpentibus Ibis.  
Candet Olor, per stagna sibi prænunciat omen  
Mortis, & argutis Epicædia cantibus ornat.  
At quid Onocrotalus, Cygnoque fimillimus artus  
Voce rudit? castas Matresque, Nurusque tuetur  
Porphyrion; mirum quod sudat Erodus atro  
Sanguine, ne spurium videat; fortassis & ipsa est,  
Quæ Pietatè senes suevit nutrire Parentes,

Atque

---

<sup>a</sup> Psal. 146. 9. *Qui dat Jumentis escam ipsorum, & Pul-  
lis Corvorum invocantibus eum.*

Atque fidem thalamo servare Ciconia puram  
 Et Colubris invisâ graves purgare paludes.  
 Gulgulus, aut aliter quæ dicta Chaladrius, ales  
 Icterus ingluvie pollens, prædatur in undis;  
 Inque fimo cristatæ Upupæ pascuntur olenti,  
 Quis ferat has epulas mensis, quas Capo, Palumbus,  
 Anser, Anas, Perdix, Turdus, Ficedula, Turtur,  
 Grus, Ortyx, Parus, Fringilla, Rubecula, Sturnus,  
 Gustu delectant, & Aves à flumine Phasi  
 Translatæ? Philomela canens, & Chloris, Acanthis,  
 Et Torquilla placent, & Alauda, Canaria, Pica,  
 Psittacus. Halcyone gaudet mare, Depode littus;  
 Passeribus valles, Alpesque Lagopode gaudent.  
 Ova cubat Cuculi Curruca, Monedula nummos  
 Furatur, Meropes Apibus vescuntur; Hirundo  
 Nuncia Veris amat tignis appendere nidos.

Insequar aucupio volucres? neque fallere cantu,  
 Nec didici laqueis, aut visco, aut retibus illas  
 Decipere, aut globulis subitas explodere cædes.  
 Ante leves ergo numerabimus æquore pisces,  
 Ante per Aërios pennata frequentia campos  
 Distingui, cogique sinet, quam compare venæ  
 Carmine quis species omnes enarret Aquarum;  
 Vel productivas Avium, vel Piscibus aptas.

### *De Generatione Animalium?*

ACCINUI dudum quintâ super æquora Numen  
 Intonuisse die, qua vivere jussit ab undis,  
 Squamigerumque genus, docuitque volare per undas;  
 Pennigerumque genus, docuitque natâre per auras,  
 Atque his cognatas species, affineque germen,  
 Et similem sobolem duplici de coniuge nasci.  
 Non aliter sextâ Terrestria luce poposcit

Sensu-



Senfilium miris Animalia surgere formis,  
Cum plantis vegetare artus, progignere stirpem,  
Insuper esurie pugni, dignoscere victum,  
Seque movere loco, dimota capeffere sensu,  
Appetere, irasci, proprias effingere voces.

Jam verò si mixta suum perfectæ requirunt  
Semen, & invideant sensu pollentia brutis  
Stirpibus in flores pulchrè sua semina nactis;  
Turpiter illustres Animas semente, vel ovo,  
Multiplicant gemino juncti Mas, Fœmina sexu.  
Ut quamquam ex putri natum, vel Patre feratur;  
Indita gignendi virtus, sit seminis instar,  
Sicque satum totum de semine semen, & edant  
Spermatice virtutis opus fermenta coactum.

Tu tamen attendas primæ genitalia fortis;  
Nam Deus, & Natura suis cōfinia rebus  
Imposuit, cessitque quibusdam principiis hæc  
Inniti, illa aliis; & non aliter fieri, quam  
Primævâ statuit mundi fieri genitura.  
Propterea de Patre suo sit Filius, illi  
Perfamilis, de Matre sua sit Filia compar  
In specie; sexu varii, sed utrique Parenti  
Sorte pares; monstrum fuerit quod discrepat illis.

Ergo licet thalamos naturæ sorte jugales  
Progenies specie similis, par fœtus honestet;  
Si tamen externo succus sementis in agro  
Bullit, & insolito naturæ fœdere fervet,  
Supposita de Matre Nothos, partusque Parenti  
Dissimiles, pullosque suâ matrice pudendos  
Procreat, & stupris monstrum malè mota nefandis  
Materies generat, nimium tenuata, vel aucta;  
Vel vitio quocumque sui jus osâ Mariti.  
Sic Equa Jumento producit adultera mulum;  
Hynrulus ex Asinâ generatur; moeca Luporum  
Semine concipiens pariet Canis ipsa Lyciscam.

Et

Et sic imparibus genitoribus hybrida surgit.  
Corruptis ita Bobus Apes, ita germen Afellis  
Vespærum prodire ferunt; non semine tantum,  
Sed citius quodam lætæ putredinis æstu  
Musca, Culex, Cimex, Pulex, Pes, Blatta, Teredo  
Usurpant insecta suas Animalcula cunas.

Sed locus est methodo; Lumen subtilius urget  
Ingenia, & causas rimatur in omnibus aptas,  
Nec movet assensum præceps, quod vulgus oberret.  
Nam sicut plantæ vegetæ virtute per omnes  
Seminum ramos servant, & traduce plantas  
Ferre novas possunt, & ab Arbore nascitur Arbor;  
Prorepunt rumpi glebis, & sæpe novantur  
In steriles fœtus, nec solum fructibus insunt  
Semina, cum virtus eadem sit corpore toto.  
Sic etiam asservant totis Animalia membris  
Fomentum proprii generis; neque semina tantum  
Spermaticeis excisa locis generatio promit;  
Sed non apta pares, veluti Natura requirit,  
Decretis fieri modulis, effundere fœtus.  
Aut igitur Mas est Animans, aut Fœmina, totum  
Semen erit, cum sit vegetum: Fermenta per artus  
Effundent totos, sed cum non omnia certos  
Membra toros habeant, vermes exinde reponit  
Pro simili genitura sato; quia semen abortit,  
Dum nutrimentis sibi convenientibus exit  
In loca non sua, nec propriâ crebrescit in alvo.

At quoniam perfectæ sinus genitura creatos,  
Quos statuit Deus, exquirat; nec fœmina solum,  
Nec mas parturiunt, quamvis hic, & illa latentem  
Progeniem totis habeant ex artubus in spe.  
Prolificum semen, quod utrique est, vivit ineptum  
Alterius vitæ, si non determinet illud  
Ex aliquo vivens actus, sed utrinque paratum  
Gignere, motricem virtutem expectat alendi,

Qua

Qua vegetet, sumatque suas ab origine leges.  
 Idcirco neque mas solus, neque fœmina semen  
 Effoetum pariunt; nequicquam intacta maritis  
 Ova fovet Gallina; carent virtute movendi;  
 Nequicquam Pisces, vel Aves, vel Bestia quævis,  
 Aut Ovum, aut Semen deponunt ventre pudico;  
 Vel satagant alere, & molli formare cubili,  
 Ni Maris effluvium castos aspergine succos  
 Fœcundet, referetque viam, qua crescere possit  
 Semen, erit sterilis genitrix, & prole carebit.

His igitur quibus est cessum, quamplurima partu  
 Germina conniti, ceu Piscibus, ingerit uno  
 Mas coitu virus tantum; quod pluribus effert  
 Principium vitæ; aut repetant consortia carnis.  
 Inde probat genii stimulos natura salaces,  
 Et lenes tentat crebrâ prurigne lumbos;  
 Appetit & similis similem caro; Fœmina sexum  
 Masculeum, Mas fœmineum, sed neuter eundem.  
 Cur autem similem specie, numeroque jugalem,  
 Et varium sexu cupiat Venus integra; dicam;  
 Prona diu servare suum genus, insita rebus  
 Vis est, & socios pariles sibi cernere carum,  
 Et reparare bonum, quod inest ita dulciter in se;  
 Sed cum nulla vagum constringat fine cupido,  
 Pellicit in numerum genio conformia; tempus  
 Et locus est ansæ. Paritas in amore triumphat.  
 Provida naturæ ratio suffecit amorem,  
 Ne modo progignat fœtum, sed nutriat ipsum,  
 Educet, erudiat; quare nisi sufficit alter,  
 Conjugiis interdicat divortia certis.  
 Adde quod in sexu sit norma cupidinis impar.  
 Hic petit; hæc petitur: vis attractiva maritæ  
 Sortis inest utero, lumbisque virilibus ardet

Con-

• Eccl. 14. 4. *Omne Animal diligit simile sibi. Omnis caro ad similem sibi conjungetur.*

Concubitûs fomes, sobolis motiva facultas.

Hæc ita conjugio decreta fideliter infunt:

Sed qui transgreditur metas, operatur iniquè,  
Vel nihil obtineat Prolis, vel siquid habebit,  
Fœdatum incerto consurget sanguine mixtum.  
Unicuique suus modus est, & cura suorum.

Nam præter Venerem plures semente relicta  
Frondebis, & foliis, cœno, vel puluere sparsim  
Committunt Solis, Lunæque labore movendam  
Progeniem; cœlum motu concurrit, & astris,  
Ut fœtûs animet natali luce; minutis

Seminibus resperfa juvant loca; cortice, pomis  
Inferitur vermis; quæ vellere tineæ manat,  
Lampyridum, similisque fuit concepta volantis  
Luxurie: Volvox segetes concrefcit in ipsas,

Gurgulio, Trox, & Lydas; infestile crebro  
Creditor ex putri factum, quod semine constat.  
Nonne vides medio Cariem consurgere ligno?

Lumbricos latitare cibo, quos educat alvus?

Formicas miscere solo sua pignora? Talpas  
Suffodere in terris, Anguillas repere limo?

Phœnicem speculari novum; natalia Bruchus,  
Eruca, & Bombyx efferre simillima possunt.

Bombylis est primo; fuerant prius hispida Campe;  
Inde fit erumpens sua claustra, Necyddulus ales,  
Postremò redit exploso de semine Bombyx.

Non minor est sobolis Pelecano industria, fuso  
Sanguine ploranti fatum, qui morte peremptas

Excitat ad vitam, si vera est fama, volucres.

Prolis amor vehemens in matribus acrius ignem  
Commovet, at Patribus sæpe est ignota propago,  
Curaque negligitur: sed Apes commune Platonis  
Connubium peragunt, quando concorditer omnes  
Fœmineam Regem observant, curantque gregatim  
Nascentes Populos, unâque examina ducunt.

*De Interitu, & Corruptione rerum.*

CUM semper verò unius corruptio raptim  
 Parta sit alterius generatio, restat agendum,  
 Anne sit unius paritur generatio fœtûs  
 Alterius corruptio; nam perfectio de se  
 Non corruptelam dicit, neque finis agentis  
 Intendit prævum naturæ deliquium; sed  
 Accidit in multis, & non attenditur esse  
 Perfectè genitis corruptio; sicuti contra  
 Cum quid destruitur, cum quid corrumpitur ultrò,  
 Intento pro fine rei, generatio non est.  
 Corrumpi non est gigni, gignique vicissim  
 Non est corrumpi formaliter; ergo sequatur  
 Hoc alternatim crebrò; quandoque tamen  
 Non sequitur, quid enim corrumpitur, ut generetur  
 Mentis conceptus, virtus, habitusque sciendi?  
 Quod si quale quid est istud, substantia Verbum  
 A Patre Divino genitum, rationis id infert,  
 Posse aliquid gigni, quamquam corruptio non sit.  
 Nonne etiam specie sensus mutantur, & aër  
 Lumine? cœlestis mutat quoque gratia mentem,  
 Gloria vel corpus divo quoque mutat amictu.  
 Non igitur sequitur semper corruptio, quando  
 Fit genitum quocumque modo; cape singula pensu  
 Naturæ; commune nimis nam regula fallit.  
 Principiis attende suis res quaslibet: artis  
 Est methodus natura; novum quid ab arte paratur  
 Ex aliquo, vel in hoc aliquo superadditur, & nunc,  
 Ut fabriceris opus, naturam destruis, & nunc  
 Perficis addendo, vel item disponis in actus  
 Ingenii, non est eadem rationis origo,  
 Ædificare domos, calcem torrere caminis

L

Ac

Ac lateres ; hos, deque illam submergere lymphis,  
 Cæmentis crustare lares, laquearia tignis,  
 Sculptere marmor, ebur, statuas conflare metallis,  
 Argillâ testas, coctâ vitreamen arenâ,  
 Pigmentis unguenta, herbis medicamina, prælo  
 Delibrare notas, glasto suffundere lanas,  
 Et cineres colare acres, & smegmata pingui  
 Despumare oleo ; quid tum si milite multo  
 Bella recrudescant ? classes dominantur in undis ?  
 Vel numero, vel mensura, vel pondere tractes  
 Astra, sonos, motûs, elementa, negotia, voces ?  
 Ingenuas, & mechanicas natura per artes  
 Est imitanda viris ; non sunt modus unicus artis,  
 Naturæque vices . Molito frumenta, farinam  
 Furfure commixtam secernito ; Pollen habetur ;  
 Si subigas udâ, massam congefferis, illinc  
 Azima condepses, laganum, cereale minutal,  
 Artocreas, libum, pastillum ; nomina desunt  
 Pistori, variis pinsenti crustula quadris .  
 Usque adeo quid habes primâ de seminis hec ?  
 Corruptum ? certè rerum divisio princeps  
 Est corruptelæ ; sed adhuc sapit omnia panis,  
 Quæ fuerant immixta sato : cucumâque rebullit,  
 Fitque cibus, venisque cibus fit sanguis, & inde  
 Pars hominis . Nescis quando substantia prorsus  
 Dispereat prior, & fiat nova . Transitus omnes  
 Percurrit vicos letho prius, interituque .

Non alio natura gradu procedit, ut arbor  
 Secta sit à plantis, non mortua protinus aret ;  
 Paulatim languet, vegetum quia sectile vivit,  
 Scinditur in tabulas ferrâ, discissa dolatur,  
 Artis opus varium patitur natura vocari,  
 Et quæ sunt usu facientis idonea nostro,  
 Deluevit corrupta gemit ; nisi forte putrescat  
 Truncus, & horrorem fœtor gravis ingerat atrum .

Sed

Sed subito violenta rapit mors igne cremando  
Res combustibiles; plures gignuntur & ignes  
Pluribus ex rebus, quisnam determinet unum  
Principiis adeo diversis? forsitan Astris  
Singula respondent incendia? fervet olivo  
Flamma, viget sevo, cerâ, trabe; millia rerum  
Corrumpit? numquid speciem venit ignis in unam?  
Difficilem visu faciem deformat edaci  
Mûlciber ingluvie; strages Bellona furenti  
Marte parit, numquid generare cadavera miles  
Dicitur? hæc alio se deformatio tractu  
Prodit in oppositum perfecti germinis, & sic  
Destruit interitus, perfecta quod actio ponit.

Ex omni motu quædam est generatio, quædam  
Est simul & citra mentis corruptio finem,  
Namque in re mota quod definit, incipit esse  
Hoc aliud; sed quanta simul discernere toto  
Corpore non liceat; quia jugis motus ad instans  
Non manet; instanti mens cogitat, unde moratur  
Terminus; inde igitur passiva potentia motûs  
Accipit hoc gigni minimum successibus ipsis,  
Quod non ex propriâ virtute resistit agenti.  
Sic Animal penitus moritur, cum vita superstes  
Nullibi servatur. Verùm disponit agonem  
Morbus, & incipiunt digiti livescere, & ungues,  
Et cutis, extremique artus mutantur, & humor  
Putridus exanimes paulatim reddit, & æstus  
Particulas vitæ: ratio viventis in uno  
Commate servari possit; sed jugiter omnes  
Emorimur, mutamur, in hoc dum vivimus ævo.  
Nunquam in eodem vita statu manet, & veluti flos  
Egreditur, mox conteritur, velut umbra fugatur <sup>b</sup>

L 2

Una

<sup>a</sup> S. Thom. contra Gentes lib. 3. cap. 27.<sup>b</sup> Job. 14.

Una potest Animæ fors immortale per omnes  
 Consolidare vices decus, æternosque triumphos,  
 ANNIBAL, hunc Veri profert sapientia finem;  
 Cætera differimus non invenienda sereno  
 Lumine; differimus qua possumus, atque valemus,  
 Verba damus: Fidei gestis attendimus Unum.

*Quod omnia Composita habent unum  
 Actum Substantialem, à quo re-  
 liqui actus accidentales  
 proveniunt.*

**H**Oc autem novisse juvat, quia quælibet actu  
 Suppositi primo substantia prævalet, unde  
 Dimanant quæ contingunt concorditer, atque  
 Desumunt speciem, quia plurima semper ab uno  
 Derivant; ideo nobis ignota frequenter  
 Esse videntur idem, quæ sensibus indita, menti  
 Perscrutanda sonant varium problema: fatigant  
 Aucupis ingenium volucres poppysmate multo;  
 Et Piscatores Neptunia turba sagaces  
 Decipit Harpocratis labiis, viridique colonos  
 Germine derident plantæ: latet unica rerum  
 Forma, patent actus tantum virtute secundi.  
 Hos autem subjecta movet substantia, motu  
 Paulatim variat, patiensque remittit, agensque  
 Mox alios refricat, motu deperdita, motu  
 Restaurat; partes succedunt partibus, usque  
 Dum primæ formæ ratio concepta senescat.  
 Scilicet interitu tantum res altera fiet,  
 Res eadem turbata manet, si duret eodem

Sup-



Supposito species, indivisumque ligamen.  
 Ex athomo genitum dijudico, vel corruptum,  
 Quando compositum nescit proferre sub uno  
 Conceptu formam indivisam; sic aqua foetens  
 Afferitur corrupta, gravi corruptus & aër  
 Peste; lues partes, non inficit omnia tabo.  
 Multiplices actus mediant ex ordine formam  
 Compositi, quos compositum per plura relatum  
 Pandit, ut instrumenta sui conjuncta valoris;  
 Et divisa solent crebro corrupta vocari,  
 Cum corruptibiles actus divisio promat,  
 Sicut conjugis generabile corpus habetur.  
 Esse quid immensum fateor sub quolibet actu,  
 Inque rei cujusque nota; nam dicere quid sit,  
 Quid valeat, quo fine, quibus virtutibus, in quo  
 Consistat natura, genus, species, numerusque,  
 Quid patiens, quid agens circa se possit, & in quæ  
 Mutari possit, nos definire nequimus.

### *De Materiali Forma Animalium.*

**H**Os habeat genitura modos, pluresque relatis;  
 Non etenim narrare potest breve singula carmen:  
 Sed vigor ipsius de semine natus, adhærens  
 Instinctus, genius, vis, passio, motus, & actus  
 In varias distincta vices, formæque sequelas  
 A Genitore fluunt; quoniam cum plurima præstet  
 Corpus idem, qua corpus idem, cui cuncta referri  
 Gesta necesse putes, ipsum conceperis unum  
 Suppositum, nunquam reliquis commune, sibi que  
 Subsistens individuum, quod Hyposthasis effert  
 Esse suum; si mente valet, Persona vocatur.  
 Hoc totum Genitor tribuit, divinitus ipso  
 Semine sic fieri natum sub origine tali,

Non aliter; formamque vocant, quæ cuncta reportat.  
 A Genitore fluit totum: sed cuncta vocentur  
 Hic Genitor, quæ concurrunt, ut fiat idipsum.

Sed quia qua corpus, partes habet ordine junctas,  
 Qua mixtum, variumque tonum, variamque figuram:  
 Endelechia subit diversis munia membris,  
 Quorum concentu concretas corpore formas  
 Harmonicè statuens, natis bene consona vires  
 Incolumes servat; si dissonet, ægra retundit.  
 Sed Genitoris opus pendens à pluribus unum  
 Causarum auxiliis, Cœli, Nutricis alentis,  
 Nutrimentorum, Regionis, Temporis: hinc est  
 Influxu patulum, propter quem sumit ab omni  
 Parte modum varium mixturæ, atque indolis, unâ  
 Servatâ specie, quæ seminis hujus, & ob quam  
 Attribuis Patri, quicquid reperitur in illo.  
 Semen ab hoc igitur præcisum Patre, paternum  
 Obtegit idolum; sed membra recondita nunquam,  
 Dilatet, nisi materies subtilis, & apta  
 Contextu subeat teneros pruriginis artus.  
 Embryon augetur succis, incongrua mittit,  
 Congrua disponit membris: hinc molliter humor  
 Confluit, hinc fibris aptatur musculus, illic  
 Articulis nervus, nervis os, & ossibus artus.  
 Hinc Animal quodvis, exotica præter, habebit  
 Excrementa, cutes, humores, ossa, medullas,  
 Impulsus, venas, nervos, sensoria, carnes,  
 Articulos, adipēs, sinuum loca, viscera, fibras.

### *De Excrementis.*

Non modo quæ ventrem fæces, urina cruorem,  
 Sudor, & halituum jugis spiratio sensus  
 Emungunt, & quæ vitale superflua sanis

Partibus excernunt corpus; pariterque capillos  
 Excrementa voces, ungues, villosque, pilosque,  
 Et pinnas aubus, squamas & piscibus addas,  
 Et pelli furfur, capitisque saliva palato.  
 Namque supervacuo compacta forinsecus esu  
 De cutis hæc porulis nasci, privataque sensu  
 Paulatim, ceu gramen humi, succrescere cernes,  
 Humoresque suis exire meatibus ætos,  
 Et lacrymas oculis prodire gementibus ipsas.

Imo vivificum per vasa superstitè semen  
 Emittere secreta cibo; quod sponte diremptum  
 Corporis integritas renuit; non præterit. Ergo  
 Par illis fuerit semen! sed majus in ipso  
 Formentum virtutis habes, quo Patris imago  
 Exprimitur, membris augenda, per intus alentem  
 Matris opem; quid lac? vegetam neque vivere vitam  
 Credideris; partes liquidas discerne carentes  
 Vitali tractu, tamen his sumus, atque movemur;  
 Quid porrò dicas? sunt excrementa ciborum?  
 Nequaquam. Spectant animal quæ singula totum,  
 Et divisa tamen non totius organa lædunt;  
 Cum veluti folia, & fructus ex arbore, crescant,  
 Si propulsa foras fuerint, & inepta putrescant,  
 Jam fuerint aliud, quod non animalia curant.

### *De Pelle, & Humoribus.*

Omnia membra cutis triplici circumdat amictu;  
 Protegit exterior viventem mortua pellem,  
 Ut velum subtile super, quæ ducta priores  
 Excipit attactus rerum, veramque tuetur;  
 Furfuribusque vetus spoliū demittit omiſſis.

Puncta foraminulis, & glandibus undique parvis,  
 Rete repræsentans, credatur idonea tactu

Altera. Qua corium latitat ſub pelle, reſertum  
Venis, & nervis, interna tenaciùs arctat,  
Crassiùs obſiſtit, foveſt omnia, veſtit, & ornat.

Nec ſine re pellis rugas, ſinuofaque criſpis  
Vacula texturis natura latenter aravit:  
Quippe papillari nervorum cuspide preſat  
Durum, & molle: fricans ductu titillat amico  
Scabrum, & læve: minus, vel plus ſuſpenſa gravandi  
Pondus habere notat, tendens ſurſum, atque deorſum.  
Frigore contrahitur, tumefacta calore rubefcit;  
Et nimià compreſſa rei vi læſa precatur  
Sive cicatricem ſciſſis obducere plagis;  
Sive fatigato confuſa reſiſtere callo.

Flemma, melancholiam veteres, cum bile cruorem  
Noverunt; ſed forte ſimul cum ſanguine venas,  
Et pulſûs animant hæc: & fluitare per omnes  
Ex nutrimento partes; quia cœna ciborum  
Ingluvie diverſa infert elementa: facultas  
Seminis attritas fluidis acoribus offas  
Digerit: humores ſinibus ſtagnare recuſat:  
Unicuique ſuam membro deliberat eſcam,  
Dum circum lato lymphæ rigat omnia motu.  
Eſt humor vitæ radix; ſine ſanguine rubro  
Oſtea, Limaces, vel talia vivere poſſint;  
Non tamen omnino lymphis arentia vivunt.

### *Sceleti Descriptio.*

PRæterea quia fulciri, rectumque videri  
Debeat, & plures Animans oſtendere formas,  
Oſſa baſim ſternunt, ſine qua quid inutile præſtant  
Brachia, Crura, Pedes, Torax, Caput, Ilia, Dorſum;  
Aſpice tercentum Sceleton (vel plura recenſes)  
Oſſibus inſtructum. Velant Perioſtia ſuſtem,

Pro-

Processus nudata tument, ut libera possint  
Ossa movere finum cavitate reciproca leni.  
Sunt quædam procera minus, quibus addere foccum  
Appendix videatur; apex ita nectitur illis.

Cui similis specie, sed flexilis undique carti-  
-lago magis molles partes sustentat, ut aures.  
Ossa ligamentis inter se vincta per artus,  
Plura sub unius tractabilis ore cadaver  
Symmetriæ distincta refert. Tres dicere ventres  
Assuescunt, caput, & pectus, ventremque sub ima  
Constructum regione. Vocant extrema relictum.

Nunc age, sit nudus vertex. Calvaria tectis  
Suturis cerebri cellas testudine format,  
Pelle pericranii tegitur, quæ duplici lamina  
Fornicat ingenii latebras; frons, occiput ambo  
Tempora Syncipiti jungit. Sensoria pendent  
Organa, principiis cerebri diducta latentis,  
In cunei morem scabrâ sphenoide clausi.  
Hinc jugulo fauces hærent, hinc ora palato,  
Dentes mandibulis, quorum vegetatio sensum  
Arguit: osse cubat vocalis Joide lingua,  
Cui subnexa larinx epiglottide tuta trachæam  
Inchoat, & sonitum pulmonis ab aëre fundit.

Truncus habet spinam, collum quæ mobile septem  
Vertebri, dorsum duodenis, quinque coerces  
Lumbos; os sacrum totidem; Coccyge quiescit.  
Tergo procedunt costæ; quibus arcus utrinque  
Integer in sterno septem complectitur orbes,  
Quinque finum spuris stomachi defendit apertum.  
Hinc pectus vitæ motus, hinc regia cordis  
Extâ fovet, pleurâ cingit, præcordia tendit.  
Claviculæ sterno scapulas, humerisque lacertos  
Annectunt. Gremio coxendicis ischion, ile,  
Et pubes obscæna regunt, abdomen, & alvum.

Bellua quoque pari non est compagine corpus

Nata;

Nata; carent manibus plures; pedibusque quaternis  
 Incedunt: aliæ reptant sine cruribus; illis  
 Est natura bipes, aliis est annulus excors  
 Multiplici spinthere movens: hæc halitat exos,  
 Altera non uno variat symplegmate partes.  
 Omnibus est parilis vitæ sensatio; sensûs  
 Conveniens medium; medii structura cohærens;  
 Structuræ methodus; methodi non unica pars est;  
 Partis simplicitas, pars unius est elementi.  
 At juvat indagare genus perfectius, ut res  
 Imperfecta magis facili ratione probetur.

*Extremorum Anathome.*

**P**ropterea quibus est manuum percommodus usus,  
 Ex scapulis humeri pendent, qui brachia longo  
 Constituunt ossis ductu, cubitumque duobus  
 Ossibus apponunt: radio protenditur ulna  
 Flexilis ad carpum: carpo vola iuncta tenacem  
 Complexum digitis effert: manus integra nervis  
 Viginti sex ossa ligat: micat ordine pollex,  
 Index, famosus, medicus, minor auricularis.  
 Dissimili non arte femur processibus ingens  
 Pendet ad usque genu; duplici crus ambulat osse:  
 Tibia sustentat, subnectit fibula gressum:  
 Inde pedis tarsus: talo calcanea; calci  
 Tessera; naviculæ cunei; mox planta jugatur;  
 Et plantæ digiti; digitis aptantur & ungues:  
 Sessameisque riget pes, & manus aucta minutis.  
 Hoc igitur natura suam fundamine prolem  
 Ædificat, dum semen alit, dum lacte meatus  
 Circumlustrat; ubi est ingressus durior, urget  
 Nectaris appulsu, cujus pars crassior hæret;

Sicut

Sicut arenosis tophus concrefcit aquarum  
Fluxibus, & ficcis ex partibus arida cudit  
Offa; prius molli gummi, gyplata subinde  
Defectu humoris, motûs crescente calore.

Illa poroso ergo coalescunt pumice, ficcis  
Texta minutiolis, & pinguibus uncta ciborum  
Particulis, molles sugunt sinuosa medullas,  
Atque viis aliis reddunt, ne vita putrescat,  
Præ reliquis immota manent dum partibus ossa.

### *Varia Animalium Partes.*

Sanguinis, & quicquid cum sanguine mixtio gestat  
Pulsûs, & venæ per corpus ubique canales  
Esse velint: nervique toros, & robora, sensus,  
Et motûs animo; sensoria sensibus actum  
Suppeditent; propiusque vices, & munia carnem  
Sufficiant; simul articulis distincta fovendo  
Profit adeps per membra: sinus aptabile cunctis  
Visceribus spatium laxent; & viscera plenis  
Sint intestinis, alimentorumque vorago:  
Visceris extremum fibræ cujuslibet aptent:  
Quid bene chirurgum deceat? subtilius omnes  
Explorare facultates, quas alma vetustas  
In naturales, vitales, atque animales  
Distinxit: venas jecori concessit, & omnem  
Vim naturalem: cordi vitalia propter  
Impulsus; cerebro nervos, sensataque vitæ  
Munera, differuitque illis excurrere succum  
Spirituum proprium, per quos animalia sese  
Sponte movent nervis; pulsu vitaliter halant;  
Natura subeunte modum nutricis aluntur.

Forte sed hæc oleant veteres Ellychnia fungos,  
Nam

Namque fibrosa caro, quæ musculus appellatur,  
Pulsibus organicè, venis, nervisque ligatur  
Ossa penes: tunicas, adipēs, similesque moventi  
Cognatas Animæ partes gestire laceffit.

Principii stabili spontanea veſte potestas  
Contrahit, aut laxat medias, ut mantica, fibras,  
Tendiculis finem claudit, majoraque tentat  
Robora: virtutem tonico diſſeminat actu;  
Fessâ remittit onus: numero super ossa potitus  
Majore, hærentis gaudet cognomine partis  
Musculus, ut capitis, manuum, pedis, oris, & auris.

Ecce tibi frontem gemino moderamine sulcat;  
Prima superciliis dependet palpebra; malis  
Altera: quisque suis per singula membra movendi  
Principiis pollet sensus: cerebroſa fovetur  
Ventriculis, dorſique ſinu ſubſtantia: florem  
Ex alimentorum ſucco dum nervea forte  
Interiora trahunt, ut dein ſenſoria vivant  
Exteriora ſuo vitæ fungentia motu.

Alveolis etiam ſtagnans corrumpitur humor,  
Et cerebrum potius lymphatur ſanguine, cuius  
Motus ad organicæ ſtructuram partis alendam  
Dirigitur parvis venis, ne copia lædat;  
Interea ſubtile ſuis lac glandibus hauſtum  
Ebibitur, quod poſſit in hunc albescere fluxum  
Humorem cerebri, nervis ſugentibus aptum  
Diſtribui paſſim. Quin emuſtoria fæces  
Auribus, & naſo, atque alio purgantia tractu  
Hunc cerebri ſuccum quadam convolvier arte  
Naturæ ſatis oſtendunt; aliundè fibroſis  
Aſſumens alimenta viis, aliundè reponens  
Ipſa ſtrues cerebri, movet indagare latentem  
Circuitum, nervos quo ſpiritus impetit omnes.

De



*De Sensibus.*

**I**NSPICIS, ut paribus jungatur vertebra nervis  
Quælibet; huc illuc duplici de recte recurrunt  
Funiculi, serpunt, veluti radicitus arbor,  
Linamenta plagas membrorum adiguntur in omnes.

Sed tamen in cerebro sedes primaria nervis;  
Unde vides oculis, & naribus olfacis, audis  
Auribus, & gustas tonsillis, fauce, palato;  
Et cutis attingis communi singula tactu.

Stant oculi senis clausi motoribus infra  
Frontis utrumque cavum; longo, teretique recessu  
Nervus inire biceps visorius, atque repleri  
Pingui sine, tegi membranis: induit ipsum  
Cornea pars crassæ tunicæ, quam utrinque coronat  
Adnata, & posthac est uvea, quæ ciliares  
Processus diducit, ubi pupilla foramen  
Efficit; externos media ne luce colores  
Reticulum pictâ renuat sub imagine latos.  
Mox aqueo vitreus, vitreo crystallinus humor  
Cum propriis tunicis oculum disponit; ut ora  
Rerum forma ferens, inverso pyramis actu  
Restituat rectum fundo tenus insita vultum,  
Dum decussatis radiis tenuata reportat  
Funditus id, quod erat mediâ super iride pictum.

Spongiolæ lacrymas hircus abstergere possint,  
Si quando premat insolitis angustia causis  
Delicias capitis. Cum triste quid accidit, intrat  
Per sensus, mentem turbat, movet intima, stringit  
Cor, sinus inflatur, venæ turgent, oculi flent,  
Et dolor exprimitur. Visus vorat omnia præceps.  
Luce coloriferâ miniata; carentia luce  
Fusca videre putat, quia non videt: ipsa videnti

Dum.

174. JO. CHRYSOSTOMI A S. PAULO  
Dummodo ne nimium minuat, vitioque labore  
Angulus occurrens oculo; vel ruga seniles  
Emungat tunicas, & opus sit lumine lædi.

Pungit odoratum, tenui spiramine tactum  
Exhalans fumus, cribrosum perque penetrat  
Officulum, replens pituitæ cola fluentis,  
Serpit odor nares, nasum nidore supinat,  
Vellicat olfactum: costo si provocet Indo,  
Castoreisque fibris, Arabum vel pulvere quovis  
Ventriculos cranii naris suffita priores  
Stertit, & inflato de pectore sternuit udum.  
An verò simplex elementum reddat odorem,  
Difficile ed dictu; quia non percepimus illum  
Sensibus: halat, olet, corpus, quod fumat, & urget  
Spiritus nares; quid non aqua, flamma, vel aër,  
Terrave cotactu redolent? non passio fiat  
Assuetis, minus afficiant immixta; sed halant  
Omnia, discerni possint ut corpora sensu.  
Percipimus visu, gustu, tactuque, quid ergo  
Non quoque percipimus naso? non auribus ipsas  
Simplicium formas? omnes nam mobile sensus  
Excitat, & toto sese manifestat hiatu.

Concha per anfractum tremulo collisa susurro  
Perficit auditum, cum timpana pulsat, & incus  
Stapede malleolum cruciat, nervoque repostas  
Pervadit cerebri caveas tuba, ducta per auras  
In numerum, toties motu repetita sub aures.  
Vox animi signum, deprompta videlicet usu  
Gutturis, & linguæ, vel qua modulatur avenâ  
Fistula pulmonis, variis animalia nosci  
Cantibus edocuit: rugit Leo, Bos boat, Anguis  
Sibilat, hinnit Equus, grunnit Sus, ludit Aëdon,  
Balat Ovis, mugit Taurus, Canis allatrat, Urfus  
Oncat: gannitu Vulpes, gemituque Columbæ,  
Vagitu Lepores, Aquilæ clangoribus audent.

Exu-

Exululantque Lupi, Pullis pipientibus ovum  
Gallinæ glocitant, foetusque dolore gracillant:  
Cucurrit Gallus, musit Capra, Rana coaxat,  
Grus gruit, Accipitres pippant, Asinumque rudentem,  
Stridentem Merulam, crocitantem dicito Corvum,  
Pavo pupillat fastu, rotat invidus alas,  
Trinsat Hirundo, lipit Miluus, Mus mintrit, & Hircus  
Mutit, barritus Elephas, plaususque Palumbus  
Et simili simulare sono si Psittacus omnes  
Ediscat voces, muto simul ore stupefiant  
Pisces, an logicæ propriis exinde satisfit?  
Quid sonus est? moti cum corpore corporis ictus,  
Et liquidas duri collisio lata per auras;  
Nam dum percutitur corpus, totâque resistit  
Mole, fragor resilit, tanquam vibicis imago:  
Et circumductos medii spatatur in orbes,  
Donec in aërios elangueat unda recessus;  
Quapropter sonus ex motu graviore resultat,  
Quo læsum corpus servari cura reclamationat:  
Fit strepitus, partes si tum violentia frangat.

Denique ne jugi vitæ molimine totum  
Deficiat, partesque aliti reparentur omiffæ,  
Sollicitat satiare famem, quam siccior acri  
Rodentem morfu venter tolerare pavescit;  
Sollicitat satiare sitim, quam densior esus  
Et calor arentem refici petit alma voluptas,  
Distribuitque cibum potus, potumque liquentem  
Vitalis motus contusis temperat escis.  
Manditur ore cibus, jugulo transmittitur infra  
Ventriculi vacuos limbos: Oesophagus escam  
Excoquit in chylum, ptisanæ subigentis oryzam,  
Perfimilem: Diaphragma juvat, dum follis ad instar  
Spirat, respirat transversum pectore sectum.  
Esca subit longo duodenum tramite, nunquam  
Jejunum exaturat, tenues ingressa recessus

176 JO. CHRYSOSTOMI A S. PAULO  
 Colon, & à cæco tortis ingurgitat antris,  
 Ut rectum fædo residem detrudat ab ano.  
 Interea toto dapifer dum ventre pererrat  
 Fluctus, & instituunt primas hypochondria sedes;  
 Illa quas medias pupus nutritur in alvo;  
 Inguina postremas: membranæ omenta tegenti  
 Subduntur; sparsim venæ lac mobile sugunt.

### *De Nutritione.*

**C**hyllferis igitur venis alimenta ministrat  
 Conveniens cibus, & stomacho concoctus, & acri  
 Succo perfusus; sed enim subtilior æther  
 Protinus inuadit vitæ spiracula, vires  
 Excitat, & reficit languentia membra vapore.  
 Quod quia non satis est, Arteria quæque cruorem,  
 Cum per anastomasin quacumque profundior insit,  
 Venis irrorat, quæ tum cor versus eundo  
 Sanguineum repetunt fluxum, valvisque reportant  
 Nutrimenta mesenterio, quæ venula quævis  
 Sorbeat humorem, veluti si spongia villis  
 Gausapis guttas pleno de vase reducat.  
 In truncos portæ, atque cavæ transmissus ad hepæ  
 Venarum fontem sanguis, fit in hepate fervens  
 Irarum illicium; castigatumque liene  
 Fundit in aurículas cordis pulmonica potum,  
 Et cava vena, sinus dum corde diastola laxat;  
 Systola mox illum constringens corde repulsat,  
 Omnibus & pulsûs ingens arteria membris,  
 Et pariter tribuit miro pulmonica gyro;  
 Sed conjecturis loquimur, quod acutiùs ipsos  
 Artifices nequeat penitus componere iudex.

Hæc

Hæc vitæ series, hic circulus esto cruoris; <sup>a</sup>  
 Undique diffluimus, reparamus & undique fluxum,  
 Sed non est eadem methodus pro munere vitæ;  
 Dum reparamus enim vitalia sumimus haustu,  
 Naribus, ore, cibum, potum, æra, quicquid in ipsis  
 Provida Cælorum clementia miscet abundè;  
 Perque suos ductûs in nobis exta volutant.  
 At cum diffluimus, fæces natura repellit,  
 Et numerosa poris quod transpiratio defert  
 Paulatim, ubertim demittit id halitus oris.  
 Hac operâ passim lymphatica vasa laborant,  
 Et laticem potant, potant pericardia purum,  
 Glandula maxillæ suffundit in ore salivam,  
 Et quæcumque suos despumat pelle liquores,  
 Urethres, renesque luit vesica madentes,  
 Nec procul inde suam norint cunabula prolem.

Mutuus est vivis consensus partibus, ut si  
 Vel minimus lædatur apex, impertiat omnem  
 Ærumnam; satagunt læsis vicina mederi  
 Membra; minus possint; languent, & febre frequenter  
 Deficiunt animi vires, & morte premuntur,  
 Cum male symphoniam partes à corpore talem  
 Observent, motum ne cor diffundere possit.

M

De

<sup>a</sup> S. Thom. de Motu Cordis Opusc. 35. ait, *Quod Cordis motus est similis motui Cæli; & ideo ab Anima motum quemdam habet, non circularem, sed similem circulari; quia est principium, & finis omnium motuum, qui sunt in Animali; & ejus motus est continuus durante vita Animalis; nisi in quantum necesse est intercedere morulam mediam inter pulsus, & tractum, eo quod deficiat à motu circulari. Et ideo quia imitatur motum circularem, in quantum est ab eodem in idem; sic non est inconveniens, si quodammodo sit ad diversas partes; quia & motus circularis aliquando sic est. Hanc auctoritatem perpendant, qui putant recens esse inventum, dari circulationem sanguinis.*

*De Arte Medica.*

**D**iximus hæc ruditèr, sed distinguendus in omnes  
 Motus erit partes, vel quem natura requirit,  
 Vel quem sponte suâ desiderat indita virtus,  
 Vel quem sæcundâ collimat mente voluntas,  
 Vel quem sæpe pati cogit violentia corpus.  
 Hæc etenim partes morbis vis impetit omnes  
 Corporis, & titulo donat, quo membra laborant;  
 Quid tibi cum podagra? ne sit chiragra tenaces  
 Articulos crucians; nervos ne spasmata vexent,  
 Ne cephalæa caput, stomachum ne nausea lædat,  
 Ne stupor invadat cerebrum, deliria mentem,  
 Lethargus somni loculos, phantasma phrenesis;  
 Ne gravet Herculeas spumis epilepsia vires,  
 Reddat & attonitos præceps apoplexia sensus,  
 Aut fauces angina petat, pleuritis acuta  
 Corripiat tussi costas, aut colica ventrem  
 Sollicitent, hydrops aqueo languore tumescat.  
 O quot, & ò quantis opus est obsistere morbis!  
 Vulneribus, plagis, febribus, nephritidi, pesti!  
 Militat omne malum contra nos; flegmate, bili,  
 Sanguine corrupto; mortem potamus in escis.  
 Et nimio fervore cibus dum viscera rumpit,  
 Irruit, opplet, edit (rarò defecit inanes  
 Ventriculos) medicina dosi vehemente reduci  
 Temperiem studet in medium: mox duplici motûs  
 Ægra valetudo languet vi: morbus iniquo  
 Pondere naturam laxat, medicinaque morbum  
 Trudere contendens, perimit persæpe dolentem.  
 Nam brevis est vitæ series, ars longa, periculum  
 Præceps, causa latens est, experientia fallax,  
 Sensus difficilis, virtus male nota medelæ,

Judi-

Judicium incertum, medicorum turba bilinguis,  
 Impatiens Æger. Si quem premit anxia morbi  
 Sollicitudo, magis gravat irrequieta salutis  
 Cura. Diæta juvat; Medicum furtiva cupido  
 Fallit, & infirmi vocat indulgentia mortem.  
 Est igitur curanda prius vitiosa voluntas,  
 Quæ movet adversum vegeti moderamina motus,  
 Et medicam confundit opem, consueta nocenti  
 More placere sibi, Tum leniter adjuvet ipsum  
 Naturæ motum prudens Podalirius, & quem  
 Sponte sua novit revirescere, nutriat artis  
 Deliciis, cautè foveat, ne debile vitæ  
 Supprimat auspicium; pretio quid pharmaca magno  
 Porrigit Ægrotis Chymicus labor, Indus Hydæpes?  
 Infirmitas manducet olus; perpauca salutem<sup>a</sup>  
 Utilius fomenta parant, & regula vitæ  
 Præservat, tenor assuetus sufferre labores  
 Plurima devitat totis incommoda nervis;  
 Expedit exiguo sumptu, curæque tuimet  
 Conservare quod es, quod habes; quam velle reponi  
 Per medicos, quod perdideris: nunquam redit idem  
 Motus ad amissæ vestigia pristina formæ;  
 Tendimus in pejus semper, votisque valendi  
 Solliciti nimium, vitio dum quærimus annos,  
 Temporis obruimus positas à Numine metas.  
 Quid divexamur fato? semel est obeundum.  
 Si cuiquam breviare dies non displicet, usus  
 Immodicos rerum vitæ fastidia captent.  
 Sed satius vixisse nihil, qui vivere brutis  
 Deterius statuit: multos victurus in annos  
 Utitur ingenio: non est diuturna senectus<sup>b</sup>  
 Futilibus traducta modis; vis sospes in ævum

M 2

Vi-

<sup>a</sup> Rom. 14. 2.<sup>b</sup> Sap. 4. 9. *Ætas senectutis, vita immaculata &c.*

180 JO. CHRYSOSTOMI A S. PAULO  
Vivere? principiis obsta, mediisque malorum,  
Exerce pietatis opus, finemque sub unum  
Omnia collima, vigila, moderare profanis  
Motibus ex animo: post hæc attende medelam.

Est in Vineola Panaces, quam semine divo  
Virginæ telluris alit bene cultus agellus;  
Nectaris irriguam pluviis, & rore serenæ  
Noctis; & ambrosiam cortex diffundit olentem;  
Fronde viret tenui, neque ramus in aëra fructus  
Ostentat: flores ipsos umbrosus opacat  
Cespes, & occulta totum virtute calefcit.  
Insequitur Lunam radix, Solemque cacumen,  
Sydereasque faces tenebris delibat anhelis.  
Ipsa peregrinos fructicis juvat umbra; beatum  
Reddit Herum vitæ lignum, pretiosaque fruges,  
Hisque saginatus dapibus, vel millia morbi  
Spicula sustineat, facili depellere noxas  
Prævalet antidoto. Qui quærit & invenit, infra  
Se tenet. O felix taceas, nanciscere, totum  
Mitte, nihil cupias. Super omnia sufficit Unum.





# O P U S

## S E X T Æ D I E I.

### *Textus.*

24 *Dixit quoque Deus: Producat terra animam viventem in genere suo, jumenta, & reptilia, & bestias terræ, secundum species suas, factumque est ita. 25 Et fecit Deus bestias terræ, juxta species suas, & jumenta, & omne reptile terræ in genere suo. Et vidit Deus quod esset bonum.*

26 *Et ait, faciamus Hominem ad imaginem, & similitudinem nostram; & præsit piscibus maris, & volatilibus cæli, & bestiis, universæque terræ, omnique reptili, quod movetur in terra. 27 Et creavit Deus Hominem ad imaginem suam: ad imaginem Dei creavit illum: Masculum, & Fæminam creavit eos. 28 Benedixitque illis Deus, & ait: crescite, & multiplicamini, & replete terram, & subjicite eam, & dominamini piscibus maris, & volatilibus cæli, & universis animantibus, quæ moventur*

M 3 *super*

*super terram. 29 Dixitque Deus: ecce dedi vobis omnem herbam afferentem semen super terram, & universa ligna, quæ habent in semetipsis sementem generis sui, ut sint vobis in escam. 30 Et cunctis animantibus terræ, omnique volucris cæli, & universis, quæ moventur in terra, & in quibus est anima vivens, ut habeant ad vescendum. Et factum est ita: 31 Viditque Deus cuncta, quæ fecerat, & erant valde bona. Et factum est vespere, & mane Dies sextus. Genes. cap. i.*

### *Terrestrium Animalium Creatio.*



**V**ltima lux operis circumspèctura creatos Terrigenas, sextum properabat ab Æthere cursum;  
Cum Deus edixit luteo de pulvere sensus Aptari Brutis. Primò genus omne ferarū Surgit humo; Pratis armenta, gregesque vagantur Quadrupedum species, intonsaque gramina carpunt, Bos, Ovis, Urus, Aper, Cervus, Caper, Ictis, & Alce, Rhinoceros, Elephas, Drōmedarius, atque Camelus. Atque petunt sylvas audax Leo, Tigris anhelans, Pardus inhumanus, Lupus, Urfus, Hyena voraces; Antra petunt Angues, Cenchris, Basiliscus, & Aspis, Reptilium species, Natrix, Seps, Dispas, Orhites, Ammodites, Scythale, Præster, Salamandra, Paræas, Amphyfibena, Ceraſta, Draco. Licet omnia raptim Commemorem; datis hanc veniam tyronibus; alter

Me

Me vocet in pugnam. Dicat num prima duobus  
Bruta suam speciem tulerint, an plura Creator  
Protinùs explicuit mundo? Mas, Fœmina proli  
Sufficiunt: non est opus exemplaria primo  
Multiplices generi, species cum possit ab uno  
Pandi principio, quod sit conformius ipsi  
Naturæ humanæ. Lateant mysteria primæ  
Sortis, & in Brutis quoniam genitura tacetur;  
Ex Hominis thalamo satis innotescere debet.  
Nonne parem tribuit cunâctis Animalibus escam,  
Herbarum segetes, olerumque virentia campis  
Semina, lignorum fructus, & germina frugum?

Quin etiam nulli prædam concordia cessit;  
Innocuum pratis, sylvis pecus omne cubabat;  
Non canis infensus lepori, damæque fugaci;  
Non avibus panther; martes non muribus obstant;  
Non lupo insidias Onagro molitur, & Agnis,  
Et sua jura tenet brutorum quodlibet, illis  
Prædominante Viro, pacemque jubente vicissim.  
At postquam sine lege Viri, sine principe regnant,  
Incessit feritas animos, & dira cupido;  
Terribiles rictûs acuit furor, ira frementes  
Faucibus inspirat sonitûs, & funera morsu.  
Cornibus hæc acris, petit unguibus illa rapinam  
Bellua, quemque semel delibavere cruorem,  
Fundere festinant, & jam didicere ferinam  
Esuriem, primamque Deus quam tradidit escam  
Contempnere. Solum tribulis sterilescere jussum  
Impulit in rabiem vacui jeiunia ventris,  
Ut nunquam expertos delectent pascua dentes:  
Si Diomedis Equos humana carne sagines,  
Abstineant ab Hero? fert hinc Anthropophagis mos  
Barbariem: primo nisi comprobet ore saporem,  
Nesciat Ichneumon pasci serpentibus; odit  
Lynx herbis assuetus oves depellere septis.

Pax erat, & saturos pacabat copia sensus,  
 Nullum irritabant necis infortunia monstrum;  
 Ignorabatur dolor, ultio, læsio, cædes.  
 Nulla voluptati parebant jura: voluptas  
 Jus erat. Humano parebant omnia juri,  
 Cum stetit integritas Hominis, subjecta Tonanti.  
 Sed tamen impariles genios natura creavit  
 Pro quibus impariles esuris condidit herbas;  
 Nunc autem violata Dei lex, fœdus amoris  
 Confusum lites, inimicitiasque reliquit,  
 Quas ingens labor, & virtus, & sæva tyrannis  
 Non valet ingenii studio compescere multo.  
 Vertitur in vitium crimen, vitiumque senescit  
 In quasi naturam: vitiatus origine sanguis  
 Spargitur in prolem: quid enim versutia vulpes  
 Erudit in cortem? meditatur aranea muscas?  
 Muribus illudit fells? Viverra cuniclis?  
 „Torva Leæna lupum sequitur, lupus ipse capellam?  
 Naturalis amor, quo quilibet esse, sui que  
 Sorte, bonoque frui lætatur, & appetit, & se  
 Munit ab oppositis, brutis animalibus omnem  
 Suggestit instinctum: ratione carentibus æger  
 Est amor, & proprio sese conformat alumno.  
 Da mihi vel simplex, vel mixtum corpus, & expers  
 Mentis, id esse, quod est; vivens ita vivere vitam,  
 Quam vivit, sentire cupit quod sentit & ipsum  
 Hoc animal; petit esse, quod est per tempora quodvis.  
 Hoc ita principio, quod natum est esse, tuendi,  
 Non curant aliena feræ, contraria vitant,  
 Congrua naturæ quærunt alimenta regendæ:  
 Prima sui cura est, quam mulcet amica voluptas,  
 Cura voluptatis motu stimolata quietem  
 Efficit expletis desideriis animorum;  
 Subsequiturque dolor. Non esse potest diuturnum  
 Corporeum oblectamentum; quia robora carnis

Motu

Motu deficiunt, reficique levamine poscunt.

Ergo suum metitur amor brutalis amantem:

Quale sit hoc brutum, se non excedat oportet,

Utque sit impatiens à se non posse potiri

Munere vitali, circum quæ comperit, optat

In se converti, modo se conservet amatum.

Sed tamen exta, quibus fuerint compacta turundis,

Sympathicas inhiant epulas, & consona fibris

Pascua: mansuetis subolent viridaria, sævis

Præda placet, quia non explet levis esca voracem

Ingluviem, calidosque sinus; mollisque palatum

Non movet herba ferum; quid tū lupo Oesypa sentit,

Et terit insipidum naso fumante viretum?

Quid rutam mustela legit, lac Vipera fugit?

Talpa fugit lucem, vocat ore Galanthida bufo?

Lis elementa tenet: Lis corpora mista gubernat:

Quicquid ab his oritur, simili si semine natum,

Lite carere potest; si dispare, dissidet actu.

Derivata patrum naturam monstra sequuntur:

Simia quid catulos doceat? quem presserit ulcis

Enecat affectu: norint præsepe jugales,

Norit equus Martem, norint armenta bubulcum;

Non modus est liber, ratio non suppetit illis.

Qualia naturâ Divinus condidit Author,

Talia sunt; usu sed deteriora maligno.

### *Hominis Creatio.*

Slc igitur venerata Dei mirabile munus

Feria sexta operum jam complementa suorum

Exultat spectare, quibus quem propter adortus

Visibiles mundi species, cœlestis in uno

Figmento Plastes carnem, mentemque jugaret:

Vivificans Hominem, cui sit communiter esse;

Vivere cum plantis, cum brutis pangere sensûs;  
Et cum spiritibus puris intendere finem.

„ Cumque gerant pronos Animalia cætera rictûs,

„ Os Homini sublime dedit, Cælumque tueri

„ Jussit, & erectos ad Sydera tollere vultûs.

Hoc Opus ex operum cumulo producere primum

Conditor intendit, cui cum compendia rerum

Prætulerit verbo; studio majore videri

Detentus voluit; formans exordia gentis

Ex limo terræ tribuit spiracula vitæ; <sup>a</sup>

Ut quod humus fuerat, sit Homo ratione decorus.

Ecce autem Deus imperio congeffit agrestem

Corporis effigiem, qualem vigilata Myronis

Obstupet ars, membris aptantur membra, supersunt

Ossibus ossa, ligat nervis junctura lacertos;

Articulis digitos, ventres & viscera complent.

Stare pedes plantis, pedibus consistere talos,

Talis crura dari, suras & cruribus addi,

Poplitibus, genibusque femur coxendice jungi,

Produci dorsum, costis assurgere pectus,

Brachia connecti scapulis, cervice supremum

Distendi caput, & capiti pendere capillos.

Nullus apex deerat simulacro, linea nulli

Consummata pilo deerat. Pulcherrima visu

Norma Damascenis animalia cætera glebis

Exprimit, afflatu TRIADIS spirata movetur,

Et superos imitata duces Homo mente refulsit.

Quicquid enim est & fine sui constringitur uno,

Ex uno cæptum credas, & ab ordine primo

Multiplicem ponas numerum; sine fine repugnat

Motus in æternum, quia quod satis est, sine motu

Cun-

---

<sup>a</sup> Gen.2. 9. Formavit igitur Dominus Deus hominem de limo Terræ, & inspiravit in faciem ejus spiraculum vitæ, & factus est Homo in Animam viventem.

Cuncta movet, sed mota simul capere moventis  
Principium definitum, motumque creatum ;  
Tale quod est igitur, per se non esse necesse est.  
Rursus ab ingenito genitum procedere primo  
Comperies, ne sit processus in infinitum ,  
Dum genitus genitum generat ; fuit ergo necesse  
Quod Deus ex nihilo produceret omnia, certo  
Tempore, quod rerum serie discriminat ordo.  
Verum invisibili mundo quid opus fuit Orbis  
Visibilis ? quia quod satis uni sufficit omni  
Contemplativæ menti, quæ pendet ab Uno .  
Ergo alium propter finem fateare creatum  
Visibilem mundum : veluti si mobile simplex  
Propter compositum, vegetum si mobile propter  
Sensibiles species : Animalia bruta super se  
Cognoscunt Homine, propter quæ mundus hic extat .  
Inter enim res visibiles non est aliud quid  
Nobilius, non est aliud præstantius illo .  
Propterea Deus hæc Homini super omnia cessit  
Imperium, donisque animum potioribus auxit ,  
Ut sciret quæcumque videt, propriisque vocaret  
Nominibus, scitisque Dei secreta notaret .  
Nec satis hoc ; Hominem resperfit gratia magnis  
Muneribus, sine mente foret cum condita mundi  
Machina, mens Hominis mundum complevit apertum,  
Ne mens materiæ desit vicina propinquæ :  
Nam mentes assistentes sunt mole remotæ  
Et mens juncta Viri compagibus, incola compos  
Corporis, hunc æquat mundum ; transcendit eundem  
Divinis donis, in se gratisque receptis .  
Sed Deus arcano meditatus consilio res  
Visibiles, invisibiles sociare sub uno  
Principe, naturam quoniam provexit Adami  
Cum Verbum cæleste dedit conjungere carnem  
Cum Deitate sui ? tunc est impleta potestas ,

Vir

Vir Deus ut mundo Christus regnavit utrique. <sup>a</sup>

Ergo Vir imperio mundi, rerumque potitus,  
 Participem Deitatis opem, & munimen adeptus  
 Ducitur in terræ fœlicia culta beatæ,  
 Quos colat, & vigili studio custodiat hortos.  
 Hic erit alma quies; hic fortunata voluptas  
 Delicias nemorum, Floræ flagrantis odores,  
 Irrigui fluvii fontes, suavissima vernæ  
 Pignora Pomonæ, patulas ex frondibus umbras,  
 Ex zephyris auras mites, ex luce dierum,  
 Perpetuas, alacresque moras donabit abundè. <sup>b</sup>  
 Hic avium cantus, cicurum submissa ferarum  
 Blandimenta, gregis muti vivaria, lactis  
 Dona, favos mellis sensu gustabit amæno.  
 Vir sapiens, & mente Dei consortia felix  
 Excipiet: quid plura? Parem, similemque sibimet  
 Ne cupiat sociam: placidum dormire soporem  
 Cogitur, & costâ mulier deducitur Heva.  
 O utinam steterint! ò terque, quaterque beata  
 Posteritas! Lethale nefas jam livor Avernii  
 Evomuit, mortisque notas in origine pressas  
 Humano generi serpens versutus inussit.  
 Inde autem, vitiata velut radicitus arbor  
 Progeniem infectam ramis crescentibus edit,  
 Sic Homo devovit morbis, lethoque nepotes,  
 Et mox indicto rerum certamine, quaquà-  
 -versus succumbit sceleri, pœnisque malorum.

Ani-

---

<sup>a</sup> Matth. 28. 18. *Data est mihi omnis potestas in Cœlo, & in Terra.*

<sup>b</sup> Sapient. 2. 23. *Deus creavit Hominem inextiminabi-*



*Anima Hominis immortalis.*

AT tamen hoc Hominis luteum, quod corpus adegit,  
Haud Animam tetigit, quamvis spoliaverit omni  
Munditie; natura stetit, quam mole solutâ  
Carnis ab interitu præservat origo superstes.  
Bruta quidem pereunt, fuerant peritura priusquam  
Justitiam violasset homo: sed morte dolenti  
Non mortale sonat quod inest, carnalia præter  
Organa; nam latè mens, ac in utrumque voluntas  
Libera consilium faciendi, non faciendi,  
Cum non materiæ mutabile plasma sequatur,  
Corporeos autem promptè dominetur in artus;  
Spirituum sortem capiat, nec morte peremptum  
Corpus, & hoc animus busto conclamet inanis.

O Deus, ô miris, hominum Pater optime, vinclis  
Summa ligans imis, immortalemque caducis  
Nexibus associans Animam, quam terrea nescit  
Compages formare suo de semine, quam Tu  
De nihilo spiras (neque enim valet embryon altum  
Concipere ingenium, nisi Te Duce Spiritus adsit)  
Quas ego persolvam grates? quas impare laudes  
Ore feram? quibus ipse modis ergastula rumpam  
Carnis, & officio fungar meliore canendi?

Artifici compacta manu si clepsydra motum  
Exhibeat, variisque rotis, dum guttula furtim  
Lapsa per amfractus laterum præponderat axes,  
Pendulus hinc index vibret momenta diei,  
Indicet hinc horas, & tintinnabula pulsent,  
Et mentita suos perlustret Cynthia menses,  
Et stimolata suo per signa feratur in anno  
Phœbus, & in parvo Cœlos globus orbe volutet,  
Quale Syracusii specimen Senis arte refulsit.

Sic

Sic Animal vitæ motûs habuisse Creantis  
 Arbitrio, formamque parem : sed plurima prolem  
 Insuper humanam decorant, ubi spiritus ipsum  
 Organicum corpus penetrat, velut incolit ædem,  
 Quæ sibi debetur, naturæ jure locatam.  
 Inde migraturus, paries cum carneus urget  
 Excidio molis formam, quò non suus ultra  
 Lar maneat, divisus herus sua tecta relinquit.

Quippe vides Animas brutorum mole solutas  
 In tenues fumare auras, privataque vitæ  
 Corpora, cum primùm motus vitalis in ipsis  
 Obruitur : sensûs omnes sua munia perdunt  
 Seditione situs, cordis quæ præpedit actum.  
 Et quia materiæ positas hoc ordine partes  
 Vivificus formæ nexus, numerusque regebat,  
 Si semel amissas nequeat reparare, peribit  
 Hoc opus à tali dependens conditione  
 Materiæ : sed Homo sensus deperdet, ab ipsa  
 Quos regit : at mentem nunquam deperdere possit,  
 Quam non materies indit. Supereminet omnes  
 Brutorum species Hominum lectissima proles ?  
 Unde probas ? habet in sensu communia brutis ;  
 Ingenium speciale, capax, sublime, decorum,  
 Quod, nisi sponte velit, nulli se subdit ; in altis  
 Erigitur curas, spatiat in omnia rerum  
 Tempora, transcendit species, genera ultima, summas  
 Notitias entis, tum spiritualia captu  
 Percipit, & Numen naturæ lumine novit :  
 Quid simile est illi ? quæ bellua talia profert,  
 Arte, scientifica methodo, rationis & usu ?  
 Mens igitur solers hominum supereminet omnes  
 Brutorum species : quod si mortalibus annis  
 Interit, unde sui vita meliore fruatur ?

Ergo

Ergo mens hominum defuncto corpore vivit.

Insuper attendas immaterialia dici,  
Quæ sine materiâ possunt operari; & si  
Sic operantur, habent ita spiritualiter esse,  
Quod sine materiâ possit subsistere semper;  
Namque suum sequitur quæcumque potentia robur.  
Materiale igitur cum sit mortale solutu,  
Immortalia sunt immaterialia nexu.

Sed sine materiâ plures intelligit actus  
Mens hominum, sine materiâ vult, cogitat intus,  
Organicis abstracta modis, & concipit almas  
Spirituum vires, horrens phantasmata molis.  
Ergo mentis opus, cum non sit materiale,  
Spirituale voces: ergo immortale sequatur  
Esse potestatis, qua corpore vivit in ipso  
Nobilius certè, quam bruta Animalia vivant:  
Ergo mens Hominum defuncto corpore vivit.

Præterea desiderium quodcumque petenti  
Non est incassum: natura quod appetit, infert  
Esse, quod appetitur: si vota frequentia nullus  
Consequeretur amor: vel desinat esse, vel illa,  
Quod fieri nequeat, nunquam natura movebit:  
Cum verò à brutis nihil immortale petatur,  
Mortales animos sensus manifestat in illis:  
Atqui mens hominum per sæcula cuncta fatigat  
Immortale decus: nomen sua vota laceffunt  
Æternum, celebrem sudant suspiria famam:  
Quam si pertinet latè proferre caducis  
Rebus, adhuc majus rebus desiderat istis;  
Non satis expletur, quem gloria tangit in ævum;  
Et mundo major vitam quoque spiritus ardet  
Majorem; immenso satiabile Numine votum.  
Ergo mens Hominum defuncto corpore vivit.

Cernis ad hæc brutis nullum pro Numine cultum  
Esse; Viros omnes pro religione labores

Infi-

Instituiffe graves; & quamvis turpiter erret  
 Vana superstitio; tamen inter falsa relucet  
 Omnibus, esse Deum summâ pietate colendum.  
 Si Deus est, casus non est, ut diximus ante,  
 Providus ille videt plures decedere vitâ  
 Mortali, multâ dignos, aliosque merentes  
 Præmia: justitiam quisnam morientibus æquâ  
 Lance putet, si mens tenues vanescat in umbras?  
 Cur animos adeo veri quæsitâ momordit  
 Anxietas? morum probitas, cultura sacrorum?  
 Sancta fides docuit post hæc mortalia summam  
 Esse voluptatem justis, & fontibus ignes.  
 Quod fuit à primis clarum, rationis abusus  
 Reddidit obscurum: Deus est pietate colendus:  
 Ergo mens Hominum defuncto corpore vivit.

Nonne Deus justus, summæ bonitatis amator,  
 Et transfert sua vota piis, & cædit iniquis?  
 Eveniunt æquè cunctis, & sæpe laborat  
 Justus ab iniustis, merces ut recta futuro  
 Judicio detur, meritis & vita perennis.  
 Spiritus ipse Hominis TRIADIS cælestis imago est,  
 Cumque sit una rei natura, potentia triplex  
 Est, memorat rerum species, intelligit, & vult.  
 Quanta capit memori cerebro? non clauditur ullo  
 Fine; senescentem comit sapientia major  
 Canitiem; longâ crescit probitate voluntas,  
 Cum jam decrescunt vires, & deficit ætas:  
 Non Animæ requies, non terminus est, nisi summâ  
 Pace frui possit: verax Deus est sibi solus  
 Terminus, & requies: Deus omnia solus adæquat.

Ergo

---

<sup>a</sup> Eccl.9.2. Omnia in futurum servantur incerta, eo quod  
 universa æquè eveniant justo, & impio, bono, & malo, muni-  
 do, & immundo, immolanti victimas, & sacrificia contem-  
 nenti &c.

Ergo mens Hominum defuncto corpore vivit.

Quin etiam quandoque Animæ de corpore lapsæ  
Vivere demonstrant sese mortalibus ægris,  
Aut Lemures simulant, turbantque timore Penates,  
Aut supero splendore hilares cælestia pandunt.  
Sensibus amissis, non perditur intellectus.

### *Cognitionis humane Principia.*

AT quamvis primævus Adam de pulvere sumptus,  
Heva parens ex osse Viri desumpta virago,  
Cælitus infusis fuerint virtutibus aucti;  
Cum tamen exciderint culpâ, per originis haustum  
Saucia posteritas biberit lethale venenum;  
Prodit homo nullo pictus phantasmate Veri.  
Quid sciat ex utero? vagitibus indolet infans,  
Sensibilesque vices tactu prius excipit, inde  
Auditu, gustu, olfactu, tum denique visu.  
Atque Hominum, rerumque docent consortia primum  
Notitiam, quam paulatim corroborat ætas;  
Sensibus externis internos icona sensus  
Afficiens, mentemque replens collatio rerum  
Erudit, & longo patientem tempore fingi  
Intellectus agens sese manifestat in actus.  
(Nam solum intuitum spoliatus corpore profert,  
Qualiter ens nudum si mens abstracta tuetur)  
Apprehendit, confert, distinguit, iudicat, infert,  
Enumerat, narrat, quod habet sub simplice visu  
Corporis, in plures ostendere cogitur actus.  
Quippe movet sensus ante omnia prima cupido  
Vivendi, cujus stimulis objecta capeffit,  
Capta recordatur, magis hinc Homo vota recudit,  
Ex votis vires, ex viribus aucta voluptas.

Non aliam teneat methodum Doctrina; volentem

N

Exci-

Excitat eventus; mentem movet intus, & extra  
 Quodlibet. O felix quem pulchra, decora, probata,  
 Lecta foris formant teneris ex unguibus! illi  
 Præceptor bonus usus erit, ratioque loquendi;  
 Rhetorices, logices, & femina prima bonarum  
 Disciplinarum spargit bene copia fandi,  
 Quam legit auditu pubes; mos rectus agendi,  
 Quem capit intuitu: vitæ moderatio, praxis,  
 Quas tactu, gustu consueta frequentia fingit.  
 Mox in gymnasiis operam navare Minervæ  
 Pervigilet studiosa juvenus: ordine certo,  
 Carpat iter docti credens in verba magistri,  
 Quam velit ante suis scrutari viribus artes  
 Ingenuas; juvat hoc humilem, docilemque scientis  
 Nolle supercilio faciles confundere normas.  
 Ille autem confusa prius, generalia captu  
 Digerat, insinuet notis ignota, relinquat  
 Ardua decisu, nil tradat inutile scitu;  
 Ter Magis Esse Velit, Siquis Velit Esse Magis Ter.  
 Maturo vestigantur fastigia sensu.  
 Crescit amor studii, quantum ipsa scientia crescit.

Ex his principiis jubeo conferre vicissim  
 Res apprehensas, collatas distinguere; nam rem  
 Definire, quid est, tenet ultima summa sciendi.  
 Quandoquidem ratio demonstrativa quiescit  
 Re definita, quam mentis visio totam  
 Pervadit, penitus notis ignota penetrans.  
 Sed distinguendi, res quomodo differat à re,  
 Principium fuerit rerum discrimen, & actus.  
 Mens etenim dirimens re, vel ratione recenset  
 Singula: si reperit divisa, realiter esse  
 Distincta affirmat; vel si quoque scindere possit,  
 Et maneant extrema, ut pars a parte secatur.  
 Sic etiam oppositis similis distinctio veris  
 Detur, & hac major, si sit privatio formæ,

Sive negantis idem contradictoria verbi;  
Ut lux & tenebræ, leo non leo; sive relata,  
Et quæ dicuntur contraria, scilicet illa,  
Quæ nequefit simul esse; quibus quoq; nō eadē est fors.  
Ut causa, effectus; frigus, calor; ignis, & unda;  
Filius, atque Pater. Sed enim tamen unica totam  
Vim distinguendi contradictoria præbent.  
Et cognoscendi modus addidit entia rebus.

### *De Categoriis.*

**H**Inc bene Pythagoras deno discrimine rerum  
Jura, Categoricos fontes invenit; & omne ens  
Transcendens, res, unum, aliquid, verumq; bonumq;  
In per se substans, & quod super accidit esse,  
Distribuit; quod nempe quid est substantia, per se  
Subjectum hoc, in quo sit quantum, quale, relatum,  
Actio, passio, ubi, quando, situs, & quid habere.

At licet hæc nobis rationis acumen adeptis  
Occurrant distincta, suis ut postulet artem  
Classibus assumptum tractari thema capacem:  
Non tamen id semper natura fidelis in unguem  
Exigit, ut tales prætextas induat in se;  
Consequitur se sorte suâ. Quod sensibus hausit,  
Hoc eructat Homo; divinaque legibus istis  
Non subjecta suo tractat sermone togatus,  
Et remove studet, quod concipit esse remotum  
Mentis ab humanis conceptibus, & tamen hæret  
Dicere, quod didicit: multis ambagibus unum  
Judicat, inculans idioma, modumque sciendi.  
Consequitur se sorte suâ. Quin simplice gaudens  
Integritate, rogat mentem sterilefcere sensu,  
Quæ se multiplicat; sic mens abstracta per omnes  
Dum sensus attingit idem, diversa vocari

Jussit, & ut substans, quod non est, credidit esse.  
 Fiat id exemplis clarum. Substantia corpus,  
 Est quoque non corpus, veluti sine corpore mentes.  
 Si corpus, quantum; si quantum, quale; quid ergo  
 Linea, vel numerus? color, & sapor? ecce suapte  
 Naturâ concreta, velut substare feruntur:  
 Namque ea subsistunt, quorum collimat in unum  
 Suppositum species, juxta exemplaria prima,  
 Quæ Deus expressit: quantum sine corpore non est,  
 Si naturales nexûs intelligis: immo  
 Est ipsum corpus quantum; sed quatenus ipsum  
 Ordine confertur, numerabile: quatenus ipsum  
 Mensuris capitur, fit mensurabile; totum,  
 Cum partes simul expendes: ita quatenus ipsum  
 Esse figuratum dices, hoc limes obumbrat.  
 Transgrederis tua jura: Deus cum dicitur ingens,  
 Magnus, & excelsus, qui non est quantus; & inde  
 Corriperis, virtute Deus cum dicitur ingens,  
 Magnus, & excelsus, non mole: magisque sapis, cum  
 Dicitur immensus, finique silentia ponis.  
 Non aliter mentes, quas nullâ molle creavit  
 Implicitas, magnæ dicuntur, & integra virtus  
 Dicitur ipsarum; neque partilis esse probatur.

Omnia corpus id est, formaliter omnia non est  
 Unum suppositum, quod mens ratione capeffit  
 Diversâ, quæ cum sit carcere clausa, fenestris  
 Respicit ex variis subjectum, ut pictor eandem  
 Pingit imaginibus variis, variante figuram  
 Respectu: sed idem est quantum, quod quale vocatur  
 Lene, coloratum, sapidum, resonabile, odorum;  
 Scilicet illud idem, de quo dicuntur & actus,  
 Est eadem radix, est unum suppositum, sed  
 Multiplices corpus profert formaliter actus.  
 Et quodvis aliud similes de corpore formas  
 Sensibus obiiciens, quas mens attingere raptim

Non



Non nisi cancellis sensûs assueta, vocavit  
Sensibiles species abstracto nomine, tanquam  
Quid per se substans, & inhærens mole receptum.  
Hinc ratio diversa rei distinguit in uno  
Subiecto plures actus, quos copulat ipsi  
Judicium concretivè; formaliter autem  
Non ita; nam plures actûs oriuntur ab uno.  
Non aliter concretivè sua qualia mentes  
Excipiunt actu, si sint finita creatis  
Jura; sed abstractè non sic; quia nomina formam  
Immensam dicunt abstracta, Deoque ferendam,  
Si nihil implicitum sensu, nexuque reportent.  
Ergo color corpus non est; cur dicitur ergo  
Quantus? id abstractè nota substantiva recudît,  
Corporeumque facit, quod inhæret corpore, tanquam  
Suppositum, de quo dici sibi congrua possint;  
Et sic de reliquis, ut odore, sapore, calore.  
Sed Deus hæc refugit dici, dum suavis, amœnus,  
Dicitur & dulcis, speciosus, & omnia: præstans  
Per superexcedens hæc omnia robur honoris.

Sic age, si referas aliquid, quod nam esse relatum  
Dixeris? Ens ipsum quod in altera mente reportas  
Entia, dumquæ notas aliquid sic esse, fuisse;  
Aut factum, aut fecisse, nihil demis, nihil addis  
Supposito: momenta rei superaddita manant,  
Integra res est; sed tum mente relatio surgit,  
Cum capis hoc ipsum, quod præterit illa relatum;  
Nempe relativis est mutuus ordo vicissim,  
Qui simul est; illum si mens abstraxerit, ipsi  
Tertia res fuerit, quam dissociasse relatis  
Est inconveniens: miseræ sed parcito menti.

Quod magis obscurû dictu, cape; quomodo nobis  
Adveniant rerum species, sensusque sub omnes  
Illatæ cellis latitent, memorique recurrant  
Judicio, subeantque rei simulacra remotæ. .

Utque canam citius, patiens quem suscipit actum,  
Hunc dat agens, & idem sunt actio, passio, binis  
Mutua subjectis, & sunt hæc corpore motus:

Et motus labens distinguitur, ut modus à re,  
Qui perit, usque loco maneat res, atque locetur

Hinc UBI respectum profert: ita tempore signat  
QUANDO vices rerum: Situs est modus ipse locatis  
Partibus impressus, motuque relictus in ipsis.

Imprimit ergo suam motu sistente figuram

Mobile, quam recipit patiens, ut cera figillum.

Sensibus has species vestigia pressa relinquunt;

Specetraque perceptis delata simillima rebus

Vestibulum proprium pulsant, aditusque repostos

Pervadunt, oculos lucentia signa sigillant;

Excipiunt aures motum, motusque tremorem,

Et sonus est illis, nares rimantur odorem;

Contrectant epulas fauces, vinumque pitissant,

Et sapor est illis; & in abdita scrinia tactu

Truditur exemplar, veluti percussa bacillo

Æra tremunt, referunt longos confinia bombos.

### *Modus intelligendi:*

NON secus appulso sensûs animale cerebrum  
Evigilat, nervis recipit trepidantibus ictum,  
Icona membranis pingit: mens integra pleno  
Percipit intuitu quicquid movet, atque movetur  
Indolis auspiciis; quia nata videre sub illo,  
Et contemplari latas velamine formas,  
Est oculus vivax, simplex, & lumine fulgens.  
Materiale nihil tamen in se passa locari,  
Non eget his formis per se, quia luce videndi  
Prædita in objectum si se convertat apertum,  
Jam videt; impediunt ipsam sed corpore vittæ.

Prop-

Propterea species subeunt spectacula rerum,  
 Et depuratæ vestigia pressa relinquunt  
 Vestibulum ante ipsum mentis, quæ tangit easdem  
 Innatâ visûs acie, proprioque nitore.  
 Si careat sensu, rerum præsentia mentem  
 Occupat arbitrio, quo se movet æqua potestas.  
 At per transfennas capiti patet unica mentis  
 Rimula, qua videat, qua se movet arbitra sursum,  
 Et jubet inferius corpus; nec mole ligatur,  
 Quando se vult, atque intelligit: extera verò  
 Quomodo percipiat, nisi per spiracula sensus  
 Ingerat, & simili reddat præsentia vultû?  
 Scilicet objectum suppleant signacula distans,  
 Ad quæ converti perhibent phantasmata mentem,  
 Res intellectas fieri, dum mutat in omnes  
 Se rerum formas intentio mota volentis.

Hæc itaque ingenii mutatio, propria mentis  
 Actio nil aliud, quam se fortasse requirit;  
 Namque secis species numero tot, mole fruentes,  
 Indivisibili quò sese mente reponant?  
 Hærentesque simul latitent, simul ordine prodeant,  
 Continuoque simul non mens intelligit actu?  
 Intellectus agens, patiensque quid esse putetur?  
 Mens eadem, quæ spectra movet conformia rebus,  
 Mens eadem, proprio quæ se conformat in actu,

*Accidentia posse à suo Subiecto separari  
 per Divinam Potentiam.*

SEd contra objicies. Siquod simul accidit enti,  
 Separet Omnipotens, & sit sine corpore quantum,  
 Et sine subiecto conjuncto quale; quid inquis?  
 An fuerint unum res, quantum, & quale putabis?  
 Unum suppositum, de quo dicantur eodem

Quantum & quale modo, iam non erit ; ergo fit alter  
 Dicendi modus, & ratio venit altera rerum.  
 Esto Deus rerum naturam tollat, ut Author,  
 Quid sequitur? species sublato corpore servet;  
 Præstet ut agnoscant aliena veste togatum;  
 Quod non est, sensus capiant: quid fecerit? aufert  
 Per se subsistens, & cognita quæque relinquit  
 Sensibus opponi; vel in his quoque cognita condat,  
 Vel nihil; agnosci rebus sic accidit, ipsis  
 Accidit amotis servari spectra, figuram,  
 Quicquid in effigie poterat consistere motâ.  
 Non eadem res est, quia jam divisa, nec uni  
 Subjecto conjuncta potest contermina dici.  
 Sume tibi speciem: rutilans intelligis astrum?  
 Quod sentis species est astri, non tamen astrum.  
 Nam sensus capiunt tantum, quod rebus inhæret.  
 Amoveat Deus hoc astrum, speciesque reservet,  
 Cernis idem specie, sed non intelligis astrum.  
 Non intellectu sensus conjungitur; ergo  
 Dices, cognitio res est? non assero, cum sit  
 Diversum mens, & sensus; stat sensibus ergo  
 Cognitio virtute Dei servantis eosdem  
 Naturæ modulos sine re, vicibusque tegentis

Ad

---

a Eodem modo video speciem Panis, & non Panem in Sanctissimo Eucharistiæ Sacramento; neque Oculi immutatur consecratione Panis in Corpus Christi; ita ut ante ipsam, & post ipsam idem objectum appareat vi sui; quia videlicet visus immediate attingit species, & accidentia rerum, & non res ipsas; & ita sunt alii sensus, & Plato in Phædone ait, non esse quæ videamus syderum corpora, sed radiorum quasdam reflexiones in aere, similem syderi speciem referentes, sicut in profundo agentes Pisces, videant in aquæ suprema facie, non sydera, sed imagines syderum, (& ut sic dicam) radiosas umbras. Ex Cælio Rhodig. lib. 1. cap. 15.

Ad libitum sensûs latis; substantia quanta  
Dum perit, & qualis, vel in altera vertitur ora.  
Nonne modis aliis eadem cognoscere posses,  
Si referet sensûs alios Deus? indene crescent  
Entia supposito? fiet nova notio tantum,  
Sic etiam angusto partes penetrantur acervo  
Credideris, corpus subsistere partibus expers?  
Non ita. Concludas igitur divinitus isthuc,  
Quod sine re possit servari notio sensûs:  
Res quoque mente capi propriis exuta figuris.  
Sed natura rei sit, concepisse sub uno  
Quicquid inest visu, quia res est una: perinde  
Multiplicat sensus, quam mens intelligit unam.

Cernis, ut à motu circumducente favillam  
Igneus efficitur circus, quem credere possis  
Undique spirantem flammis; & id accidit ignem  
Apparere oculis, ubi non est ignis; at ultra  
Quam fieri possit naturæ viribus, Author  
Naturæ faciat, quidnam mirabere facto?  
Spiritus has etiam species cælatus adornat,  
Quas neque se circa dicas hæere, neque ipsum  
Aëra; sed nostro potius clarescere sensu.  
Quod contingit ibi, quod non est, posse videri  
Sic esse, & propriè nulli constanter inhæret  
Subiecto, abstracta nosti ratione remotum,  
Sensibus addictum, secus esse fatebere mecum:  
Nam licet haud inest; ratio tamen arbitra sensûs  
Dicit inesse rei, quam mens intelligit esse.  
Multiplici medio sentimus & intus, & extra,  
Sic intelligimus: res intellecta priusquam  
Attigerit mentem, vicos traducta per omnes  
Multiplici variat vestigia pressa notatu.  
Ipsa per aspectus varios res mentibus infert  
Multiplicem speciem: petit intervalla, suoque  
Corpore dividos depingit in aëre fucos.

Cum

Cum quod adest & abest non fit substantia, corpus  
Dispercat quantum, quid non quoque quale peribit !  
Et tamen ecce tibi præsentia spectra vagantur ,  
Atque vides ignem, qui non est amplius ignis ,  
Vocem audis hominis, qui jam filet, atque saporem  
Delibas vini, quod non est amplius illud .  
Quid de naturæ his vicibus meditare ? causas  
Cuncta suas habeant, vel sint miracula, vel sint  
Ordo rei, Deus est concors discriminis Author ,  
Prodigiisque suis naturæ fœdera servat .  
Quicquid erunt igitur fidei portenta, coaptas  
Legibus ingenii, tanquam certissima veris  
Commutable libus, cui fiat opinio normæ  
Certior . Ens Entis, cujus totum esse sit in re ,  
Suppositoque carens, non Ens quoque mobile per se ,  
Sicut Aristoteles vult contingentia dici ,  
Non probo ; si quantum quod sic cognoscitur, est in  
Re tantum quantâ ; contactu quomodo sentis ?  
Quomodo subtractâ re quantum restat eodem  
Sensibile à tactu ? commensuratur eisdem  
Limitibus ? lances & eodem pondere laxat ?  
Insuper est aliud quantum mirabile ; quod non  
Extendat partes, quod non gravitate fatiget  
Tangentem : quid nam super his doctrina sophorum  
Distinguat ? quod adest, & abest, à sensibus hoc est ,  
Non à re quanta : maneat res integra ; sensus  
Mutari constat ; si res mutetur , eodem  
Consilio quantum mutabitur . Accipe, quid sit ,  
Accidere in rebus ; methodo qua novimus esse  
Quantas, & quales, & ab his secrevimus illas .

*Accidentia esse Energiam rerum ab ipsis  
rebus separabilem . Energia est quæ-  
dam quasi actio, & operatio interior,  
quæ est veluti via, ac dux ad exte-  
riorem corporis actum . Ita definit  
Jo: Passer.*

**P**ROdit Energix nobis res quælibet actum,  
Qui manifestatur motu sensoria tractim  
Per medias tangente vias : & sæpe fluentis  
Re pereunte potest actus remanere potestas :  
Corpus Energiâ quantum discernitur : illâ  
Sensibile est : illâ tactu discernitur : illâ  
Quale petit visum, mediâ cum luce refulget :  
Illâ fit sapidum, fit odorum, fitque sonorum,  
Cum petit organicos sensus, seseque propinquis.  
Miscet corporibus, motuque remittit, & auget  
Vim propriam, sensusque ferunt hoc quale vicissim .  
Si pereant sensus, ubi sit color, & sapor, & vox ?  
Primus Energiæ valor est quantum esse ; remansit  
Hoc quantum sine corporeâ re ? protinus illud  
Ipse locus metitur ; habet sine sensibus esse  
Posse ; suum certâ spatii statione reliquit  
Corpus Energiam ; quam si contraxerit, & non  
Servet agens aliquod, neque quantum stare putabis,  
Cum careat propriâ sese virtute locandi,  
Quamquam res maneat sibimet collecta silenti ;  
Qualia quæque regit quantum ; sed qualia sensu  
Multiplicata vigent, & quædam qualia sensu  
Talia sunt ; aperi sensus virtute recentes,  
Invenies etiam nova qualia, numquid in ipsa

Re

Re novitas, tanquam res additur? auspiciis idem  
 Actus Energix diversis ingerit unum  
 Sensibus objectum, noscendum à mente togatum.  
 Quippe superficies rerum sensatio, non res  
 Percipit, & quicquid motus promanat ab ipsis.

Ecce per externos res mensurabilis actus  
 Quanta tibi fuerit: numquid sub membra virorum  
 Est animus quantus? nequaquam. Est ergo necesse  
 Corpus Energix vi quantum dicier; unde  
 Sentitur longum, latum, grave, molle, profundum,  
 Lene, scabrum, durum; quod si fugit undique tactum,  
 Corpus habere potest in se, non tale probari.  
 Aspicias impulsu lapides ascendere sursum,  
 Æra diu resonare semel percussa bacillo;  
 Unde ne collecto motum disseminat actu,  
 Sive sagitta volans arcu displosa retorto,  
 Sive semel quassum murmur vocale metalli?  
 Motus ab impulsu paulatim diffluit extra,  
 Qui fit Energiâ, quam cum superaddat Agentis  
 Actio, divisam rebus cognoscis ab illis.

Hinc motu crescunt rerum momenta; gravescit  
 Hoc magis à motu, magis hoc lucefcit, & illud  
 Auditur magis à motu, magis illud odorat,  
 Et sapit; à motu virtus est altera rerum.  
 Motus ita in varium naturæ pondus adauctus  
 Auget Energiam, quam si genitore perempto  
 Sensibilem servet, subiecto separat illam.  
 Quantum nonne vides, ubi non res quanta moratur?  
 In speculis exempla capis: te fallit imago?  
 Non te naturæ fallunt spectacula: non te  
 Fallit opus sublime Dei sapientis ab uno  
 Portento rerum methodum monstrare nitentem.

Quanta fide doceor? penetratio mutua quanti  
 Non intelligitur naturæ lumine, verum  
 Intellecta fide non est contraria moli,



Quæ per Energiam vires exercet amicas,  
Namque potest quantum, cum quanto stare vicissim  
Absque loco, si tollitur efficientia, summi  
Numinis imperio: quod si natura creatos,  
Ut par est propriæ legi, prorumpit in actus;  
Stare loco quærit, sentiri gestit, haberi  
Contingens patitur, motuque probatur id esse,  
Quod per diversos novit mens unica sensus.

Ergo quid est quantum, quod sit substantia? partes  
Esse sibi partes, ut in ordine totius ad se  
Tota sibi constet res: quod si prodeat actu  
Tota loco, partesque suo ferat ordine tangi,  
Contiguisque simul perstringi partibus: hoc est  
Accidere in rebus, dirimique potest id ab illa.  
Hoc est esse rei nobis non posse videri,  
Vel non esse rei, nobis & posse videri.

Non secus apparent extenso qualia quanto:  
Ignis habens ab Energiâ lucere, cremare,  
Sic cremat, & lucet; quod si suspenditur illa;  
Non cremat, aut lucet, vel si deperditur ille,  
Servato motu lucendi, sive cremandi  
Et cremat, & lucet quantum, procul igne remoto.  
Mortuus est ignis quidam, velut ille repertus <sup>a</sup>  
Sicut aquæ crassæ species: ita crede latentem  
Esse cremabilibus: qui fit sic esse peremptum,  
Ni quia suspensum se non profundit in actum?  
Sic non combussit pueros Babylonius ignis. <sup>b</sup>  
Sic Phlegetontææ flammæ lucere vetantur.  
Sic immortales homines non mole gravantur.  
Tantus Energiæ vigor est in agentibus extra!

*De*

<sup>a</sup> 2. Macab. I. 20.

<sup>b</sup> Daniel. 3. 50.

*De multiplici rei præsentia.*

**SI** verò corpus divinis viribus omnem  
 Perdiderit molem certâ statione localem,  
 Intra se fuerit totum cum partibus, & pars  
 Quæque situ careat, non ordine, quæque carebit  
 Et motu, proprièque loco non stabit ubique.  
 Nullibi sit propriè, quasi spiritus; attamen ejus  
 Vera locis poterit præsentia multiplicari  
 Alterius ratione rei: quia nullibi distat.  
 Omnis Energiâ subtractâ cessat agentis  
 Functio naturæ; quamvis divinitus ipsum  
 Suppositum maneat, vel sit natura, vel esse.

Sic igitur corpus quanta statione solutum,  
 Non hic, non alibi propriè manet; anne sine ullo  
 Suppleri ejusdem possit præsentia nexu,  
 Difficile est dictu; quia res sine Energiâ ullâ  
 Non datur aut propriâ, aut alienâ; sed neque forsan  
 Entis Energia est, aliquo sine supplemento.  
 Propterea supplente aliquo, motumque, locumque,  
 Corpus inextensum poterit ratione tenentis  
 Pluribus esse locis, quod per sua munia suevit  
 Uno stare loco; non ultra extendere vires.  
 Arbiter ostendit Deus hæc, ut congrua veris  
 Dicere possimus. Sed adhuc hæerere necesse est,  
 Atque revelatis minùs explicuisse fatendum.  
 Sicut enim pictor simulare coloribus artis  
 Nititur archetypum; miscet pigmenta, lituris  
 Lene retractat opus, similem collimat ocellis  
 Effigiem, Zeuxis volucres illuserit uvis,  
 Zeuxida Parrhasius lino; discrimine noto  
 Res adeo pictâ distant ab imagine, quantum  
 Distant à verbis oracula vera repertis.

Spiritui, mentique locus fortasse videtur  
Esse? locum capiat, si spiritus applicet actum;  
Sed si mensurâ careat mirabile corpus,  
Nonne loco, motuque carebit? mox ubi non est  
Hic locus, haud etiam distantia certa locorum  
Astruitur; circumscriptivè quanta locantur:  
Definitivè non quanta; sed utraque quanto  
Defit inextenso ratio. Modus alter in ipsis  
Prodigiis alio gaudet sermone notari.

Si quid enim manet absque loco, reperitur idipsum  
Hunc extra mundum: sua si natura reposcit,  
Taliter esse; quid est, bene definire licebit;  
Sin autem quantum spatio privetur, ab ipso  
Non habet hoc ortu, neque definire licebit  
Hoc non esse suum, sed prodigiosa manendi  
Conditio poterit, per quod simul accidit, edi.

### *De Somno, & Vigilia.*

IPsa rei vacuas inducunt somnia formas,  
Quando soporiferis sanguis phantasmata venis  
Excitat, & partim vigiles non obruit artus.  
Somnus enim densa vincit fuligine sensus,  
Ut reparet vires cerebrum, quas coctio lento  
Dissipat igne: statim redit ad sua munia somno  
Libera mens; visu se simplice nuda tuetur  
In nihilo; surgens sine imagine Numen adorat;  
Simpliciter capit ad certas conversâ figuras,  
Concipit apprehendens, incomplexasque relatis  
Multiplicat, paribus partibus enixa secundis:  
Dividit, & componit idem, fingensque Chimæras  
Impossibiles attingit identica formas.  
Inscia miratur, causas & quæritat omnes  
Materiam, formam, finales, efficiences.

Info-

Iniolitis correpta modis diaphragmate risum  
 Excitat; obscurum quicquid videt, explicat, infert,  
 Notificans ignota, sua ratione triumphans  
 Sensibus hæc mediis faciat, quia pura laborem  
 Mens nescit, motumque manens exercet, & instans;  
 Sæpeque discursum somno deliria miscent,  
 Corporeis igitur constricta potentia nodis  
 Non vigilat semper: clausis intrare fenestris  
 Lux nequit alma domum, noctisque repagula pulsat.  
 Sin autem nimium vigiles, nimiumque sopori  
 Detineas animos vinctos, torpore facultas  
 Hinc hebes efficitur, nimio fervore fit amens,  
 Paret enim menti corpus, qua corpus obedit  
 Materiæ, sensusque pigro mucore madentes  
 Obruit humiditas, æstu movet ocyor ignis,  
 Cogit eo ferri, quo mens invita recusat;  
 Loripedem stimulet rectâ procedere, cæcum  
 Cernere, contractum palmas extendere, nunquam  
 Impetret: imperium renuunt affecta molestis  
 Morbi ponderibus, tabo resolutaque membra.  
 Imo materies species confundit, & annis  
 Decrepitis similem morbum parit ipsa senectus,  
 Ut puerum sapiat tremulo de ponte remotum.

*De Accidentibus superadditis.*

ATque iterum dices: an non superadditus æstus  
 Frigenti lapidi, nec non frigentibus undis?  
 Et juvat infontem cælestis Gratia mentem;  
 Et beat infuso cælestis Gloria dono.

Quos Ego substanti contingere maximè opinor,  
 Sunt habitus, locus, & tempus, sunt quicquid ab extra  
 Advenit, & removetur; adest, & abest sine damno  
 Subjecti proprio; quid enim si corpus amictum

Exuat,

Exuat, atque locum amittat, numerumque dierum?

Quid quoque, si ferro flammæ, si mixta liquori

Fex, oleum lanis, & sepia fusa papyro

Si secernatur? quicquid superaddis, habebit

Res, aut explodens à se, minus illud habebit.

„ Pondus uti saxi, calor ignibus, humor aquai,

„ Tactus corporibus cunctis, intactus inani:

Et conjuncta suis sunt quantum, quale, relatum

Adjunctis, quæ sejungi natura negat it;

„ Servitium contra, libertas, divitiæque,

„ Paupertas, bellum, concordia, cætera quorum

„ Adventu manet incolumis natura, abituque,

„ Hæc soliti sumus, ut par est, eventa vocare.

Hic autem volo te totis intendere nervis.

Nam plures nihil attentos consueta loquendi

Regula, vel segnes dicentis barba fefellit.

Ne credas igitur subjectis edita migrent

Qualia tactilium propria sine mole suorum;

Unda calet? fumat tenui calor igne per undam;

Tela coloratur? color est a sandyce mixtus:

Vestis olet? sparso reptans odor unguine suffit:

Et quæ mutari sensus dijudicat, illis

Intromissa recens est, aut demissa subinde,

Quæ gerat id, quod adest, vel abest substantia pactum.

Nonne superficie paries est albus? & albus

Dicitur omnino, qui non est intus; & atrum

Æthiopem cutis ulla facit, quem plurima mutant

Interiora, caro, nervi, cruor, ossa, medullæ,

Sic modico sale conspersum, quacumque salitum

Dicis aprum, secerne salis fragmenta, repones

Inspidum, sicut fuerat prius; omnia possunt

Adjectiva dari subjecto taliter uni,

Si quoque subjecto, quicquid denominat, insit.

Sed modus hærendi conceptu mentis obedit,

Ut verum dicas: aliter lac dicitur album,

O

Atque

Atque aliter paries : aliter nix, atque ligustrum .  
 Substantiva trahunt adjecti nominis in se <sup>a</sup>  
 Significata, modo, sua quo natura requirit;  
 Adjectiva sonant, subjecti nominis inttar .

Qui verò superant naturæ fœdera casus ,  
 Immediata Dei, placid pro jure, Potestas  
 Mutat, & ex nihilo qui condidit omne, creato  
 Supposito tribuat; quicquid placet indere, possit .  
 Gratia præsertim, virtus, & gloria menti ,  
 Seu fuerint habitus, seu qualia, sive relatum, <sup>f</sup>  
 Quà superadveniant, cum naturalia præstent,  
 Nescit Homo : forsan quâ Spiritus ipse superno  
 Ordine dirigitur, vel agit, Deus addit amanti  
 Dulce decus, vires; quibus elevat : anne vicissim  
 Respectum tribuit, quò nos amat, ut trahat ad se;  
 Diligit ipse prius, nos ut convertat; & ante,  
 Nos ut amemus, amat; meriti virtute potenti  
 Nos ut agamus, agit; non ducit in otia secum  
 Esse, & velle; facit tenebras splendescere lumen,  
 Aura, ubi vult spirat; nescis quâ venerit, aut quo <sup>b</sup>  
 Vadat; eà veniat, maneat . Conversio gratis  
 Tradita, principium meriti sit gratia; virtus  
 Sit medium; merces in lumine gloria finis .

Hæc ita sint : homini quicquid superaddit agenti  
 Religio, confide tuis, ALBANE, reponi  
 Montibus : Ars, Natura, Deus studet omnia cogi  
 Sub pretium virtutis; habes confortia Summi  
 PATRIS? habes cœli quanti CLEMENTIA vœnit .  
 Accipias gratis, gratis evaseris HÆROS .

De

---

<sup>a</sup> Adjectiva significant per modum accidentis, substantiva  
 verò per modum substantiæ . S. Thom. 1. quæst. 39. art. 3.

<sup>b</sup> Jo. 3. 8. Spiritus ubi vult spirat; & vocem ejus audis,  
 sed nescis unde veniat, aut quò vadat .

*De principiis Morum.*

**H**Oc utique affatus dicam, quo fonte voluntas  
 In mores humana suos ex fine peractos  
 Intento prorumpat Agens. Natura quibusdam  
 Principiis propter fines in Numine notos  
 Omnia direxit. Quædam cognoscere finem  
 Non possunt: quædam instinctu, vel sponte feruntur;  
 Et quædam facili se consuetudine certis  
 Artibus inclinant: sed Homo ratione movetur;  
 Et propter notos fines humanitatis actum  
 Exhibet, & multis habitum producit agendi  
 Delectabiliter, disponens carnis habenas,  
 Ut facili obsequio mentis mandata sequatur.

At quia peccato mens debilitata rebellem  
 Fomitis incendi sentit per membra tumultum,  
 Turbatur ratio, vitiis illecta tyrannos  
 Affectus patitur, quales animalia brutis  
 Motibus impellunt, nullo dictamine mentis.

Nec mora; multiplici concurritur hoste, fatigat  
 Spiritus adversus carnem, caro sordida contra. <sup>a</sup>  
 lætat utrimque bonum vexilla, malumque procaci  
 Conflictu: rectos confundunt classica motus.  
 Lætitiâ celebrat de re præsentē voluptas;  
 Fervet amor, cæcâ sensûs prurigine deplet:  
 Et timor instanti pulsât præcordia damno;  
 Et fuga præcipiti declinat agone ruinam;  
 Ira cavet remove bonis obstacula captis;  
 Difficiles aggressa vias audacia frendet;

O 2

Livet

---

<sup>a</sup> Glat. 5. 17. *Caro enim concupiscit adversus Spiritum; Spiritus autem adversus Carnem: hæc enim sibi invicem adversantur.*

Livet edax odium, quod noxia quæque perhorret,  
 Tristitiamque capit refricans mœrore dolorem,  
 Cum nequeat vitare malum : postrema malorum  
 Linea dementem se desperatio lædit.  
 Ergo Principium morum, bene cognita finis  
 Est Bonitas : mala cuncta boni velamine fallunt.  
 Decipimur specie recti, quæ recta videntur  
 Sensibus, & menti, sunt apparentia tantum,  
 Illiciunt stupidos animos ; speculamur amandum  
 Esse Bonum summum, quod noscitur ultimus esse  
 Finis ; & interea vehemens magis avia suadet  
 Carnis amor : cæcâ ratione Philautia turbat  
 Judicium, motûsque animi phalerata laceffit :  
 Id placet, id fiat ; stat pro ratione voluptas ;  
 Iraque pro libito speciosa sophismata cudit.

### *De Vitiis, & Virtutibus.*

ET quamquã sint hæc hominum parapherna benignè  
 Cessa, quibus virtus æqualiter usa lucretur ;  
 Prava tamen genii visis corruptio ludis  
 Illicit, & vitiis animas irretit inertes.  
 Ambit honorari, fastuque superbia turget :  
 Quærit opes, inhiatque dolis ditescere avarus ;  
 Luxuries tabo molles enervat afotos,  
 Sæviter indignas cædes vindicta minatur ;  
 Ingluvies ventrem ganeis devota faginat ;  
 Invidus alterius fortem livore trucidat :  
 Segniter ignavos tædet callere laborem.  
 His vitiis quid fiet Homo ? quo pejor atroci  
 Bestiâ eat ? Dominâ faveat virtute voluntas ?  
 Sic opus ; at quoties sacro syndere sis æstro  
 Fasque, piumque minus menti suggererit, aut vis <sup>a</sup>

Aut

---

a Aut vis, idest vehementia passionum.



Aut ignara mali libertas turpiter erret,  
 Quis ferat auxilium? Phlegethon demittit ab Orco  
 Dæmonas, humanam ducant ut Tartara stirpem.  
 Infidiis mundus, volup̃i caro decipit hamo.

Sed Deus ærumnas Hominum miseratus, Olympo  
 Expedi Aligeros vigiles, quos gloria circum  
 Excubiis intenta micat: penetralia cordis  
 Sollicitant, ignara docent, torpentia curant,  
 Laxa juvant, infirma regunt, erecta gubernant.  
 Inde per infusos habitûs animabus inhærent  
 Dona superna, quibus supra se lapsus, & orbes  
 Erigitur mortalis Homo, reparatque parentum  
 Præcipitem casum, fatalia damna colubri.  
 Erudit alma Fides, mysteria celsa revelans,  
 Queis intellectus supra se doctus ab Alto  
 Spem Divinorum recipit, conflagrat amore  
 Cælesti, finemque suum sapientiùs optat.  
 Hinc omnis virtus, hinc omne charisma supernè  
 Traditur, hinc rectâ sensus ratione movetur:

Utque frequentatis habitûs ex actibus extent  
 Novit agendorum veros prudentia fines,  
 Justitia unicuique suum concessit habendum;  
 Fortiter extendit generosa potentia vires:  
 Temperat extremis, mediumque modestia monstrat.  
 Imperiique tenax animus, dum subdita frangit  
 Membra, magis subdit; minùs actibus illa probatis  
 Sueta reluctantur, donec victoria sanctis  
 Consuetudinibus corpus servire libenter,  
 Et facili mentem doceat regnare palæstrâ.

### *De Legè Naturæ.*

HÆc via pro reditu; quam ne malus obstruat error,  
 Lege Deus vallat, quæ mentibus ante cohæsit,

O 3

Quam

Quam Tabulis aptis . Dominum iubet ergo fidei  
 Religione coli, quem præter amabile nullum  
 Numen ; & incassum ne se vocet impia stulto  
 Corde superstitio ; ne Dæmonis arte profanet  
 Nomen honorificum ; potius prece mentis, & oris  
 Sanctificent Homines summum stata tempora Patrem ;  
 Quem decet, ut nosci super omnia, sic & amari .  
 Proximus est itidem sic observandus, ut unquam  
 Non lædas vitâ, famâ, re, semper honores  
 Jura magistratûs ; & junctis sanguine profis .  
 Quod tibi vis fieri, facias ; & quod tibi non vis,  
 Ne facias alii : Deus inspicit intûs, & extra,  
 Illapsusque, aliis impervia corda ; reatum  
 Et vetat arcanum . Pœnas decernit iniquis  
 Pro merito cujusque pares, & præmia justis .  
 Lex est prima Deus, Legum clarissima Lux est,  
 Lux Intellectus, Lex est Divina Voluntas ,  
 Luce sui lumen vultûs, & lege paternæ  
 Jura potestatis primis in rebus inussit .  
 Quid sine lege Dei ? Cœli mandata capeffunt ;  
 Terra stetit nutu, dictisque facillima fœtus  
 Protulit : Unda tremit, spatio supereminet aër,  
 Flamma nitet, fidei parent elementa priori ,  
 Mixta, quibus vita est, vel non est vita ; Voluntas  
 Prava, Dei legi quæ restitit, omnia turbat .

### *De Anima separata .*

Post hæc absolvi subitas mirabere membris  
 Defunctis Animas . Cur immortalis amicum <sup>a</sup>

Spi-

---

<sup>a</sup> *Anima corpus malè affectum naturaliter odit, sanum desiderans, quare dictum est . Corpus, quod corrumpitur, aggravat Animam . Sap.9. 15.*

Spiritus odit opus, valido neque robore servat  
 Hospitium? Cur forma suo non prævalet actu?  
 Truditur immo foras ab inerte cadavere, motu  
 Materiæ, quæ longè animâ est ignavior omni.  
 Quod reor, hoc ipsum partes mortale ligamen  
 Separat interitu, quoniam contraria tentant  
 Robora, cum sint perpetuæ virtutis & ambæ:  
 Materies etenim corruptibiles habet actus,  
 Incorruptibiles anima; & quos libera prorsus  
 Exercet, non est membris immersa caducis;  
 Quos autem exercet, non libera corpore vivens,  
 ( Non est libertatis opus mors ) inde necesse  
 Subditur occasu, postquam contagio culpæ  
 Concessum gratis à corpore munus ademit.  
 Hoc igitur patitur, quoniam compage solutâ  
 Stare nequit formæ ratio, sed cogitur in se  
 Contrungi, viresque suas contracta fugacem  
 Colligere in mentem; vitiis quas turpia fœdant  
 Crimina, flammæ fluviiis absorbet Avernus;  
 Quas verò scelerum levior jactura momordit,  
 Expiat igne locus, sed non locus igne perenni.  
 Quas autem non ulla lues patrata volentis  
 Arbitrio, sed Patris Adæ maculavit origo,  
 Et nece sublatis cælestis gratia nullo  
 Deterfit splendore, quod est ab origine, Limbus  
 Detinet aspectu dumtaxat Numinis orbas.  
 Quas tandem meritis Domini clementia legit  
 In desideriiis Abrahæ sinus usque moretur,  
 Dum veniant promissa Dei: tum Christus opimas  
 Efferet exuvias Cœlo; tum plena trophæis

O 4

Dex.

a Idest formæ organicæ ratio, sine qua homo non vivit,  
 & Anima immortalis separatur à corpore.

b Intellige ante Christi adventum; moramur enim in sexta  
 Die Mundi explicanda.

Dextera fundet. At at, quo me divina videntem  
 Fata ferant? Animæ cum sint sine corpore, migrant  
 Protinus, ut proprias æger destruxerit ædes.  
 Sed quia respectum dicunt ad corpora, rursus  
 Illa Dei placitis demum rediviva resument.

Interea si flamma vorat, si blanda voluptas  
 Sensibus exortes mulcet, mens angitur illis,  
 Quatenus acta tenet, quod nollet habere dolendum,  
 Vel fruitur, quod vult. Quoniam conformia nobis  
 Cuncta voluntatem spectant, bona, vera, Volenti  
 Si conformentur primo. Mala dissona nobis;  
 At mala vera, Deo summè discordia, tantum  
 Crimina sunt: Istis igitur implexa voluntas  
 Summè aversa Deo, summè crucietur oportet.

Sed verum videt intellectus, & arbiter æquus  
 Pulcrum, & turpe notat; pulcrum, si consonet aptè  
 Principiis conforme suis, & turpe recedat.  
 Hinc quoque sensibilis quærit Bona quæque cupido,  
 Visus, & auditus verum, pulcrumque receptant;  
 ( Ut cognoscendi potius, quam discupendi  
 Instrumenta voces ) igitur cum vera penetret  
 Intellectus, & ista suæ disformia noscat  
 Naturæ, nequeatque datis desistere cœptis,  
 Angitur, exhorret, quatitur, furit, estur, hebescit.  
 Spiritus Elysiis contra lætatus in oris  
 Quod sibi debetur, cupiat: satiabitur olim  
 Quando apparuerit tua Gloria, Christe Redemptor.  
 Sejunctas animas nullo phantasmate molis  
 Dixeris attingi? species appone creatas:  
 At quicquid didicit, quicquid sub mente recepit,  
 Et depurgatum molis phantasmate, quid ni,  
 Si retinet, statuique suo si spiritus aptum  
 Digerit? ad larvæ non se convertat opacas  
 Intellecturus, quia corpore liber; at illi  
 Vita sit hoc ipsum, quod res intelligit, & se.

Nonne velit sese, cum sit? quid velle negabis  
Nosse? ubi sit quærat? cum sit quoque lumen, id ipsum  
Discupiat? mens est; igitur non luminis impos.  
Hoc sibi naturâ cessit, cum cætera lumen  
Ferre queat, mutare locum queat ipsa voluntas  
Libera, ni decreta vêtent pro funere sortis.  
Quandoquidem mutare locum prohibentur Avernî,  
Sulphureasque faces animæ, quas iusta perenni  
Morte premit, simul & manes sententia damnat.  
Si nihil expertos contentio dura fatigat:  
Parce modis, animosa Fides. Me septima prisco  
More Dies urget, ne Sabbata prima quieti  
Dedita traducam. Jam per compendia quicquid  
Et Deus, & Natura, Dei sancita Voluntas  
Condiderit, cecini. Teneant meliora silentem.



## S E P T I M Æ D I E I

## F E R I Æ.

## S A B B A T I R E Q U I E S.

*Textus.*

- 1 *Igitur perfecti sunt Cæli, & Terra, & omnis ornatus eorum. 2 Complevitque Deus die septimo opus suum, quod fecerat; & requievit die septimo ab universo opere, quod patrarat. 3 Et benedixit diei septimo; & sanctificavit illum: quia in illo cessaverat ab omni opere suo, quod creavit Deus, ut faceret. Genes. cap.2.*

*Otium Negotiosum.*

**A**LMA QUIES OPERUM cunctis opero-  
fior actis

Me vocat in carmen festis solemne diebus:

**ANNIBAL** hanc etiam studii nostri accipe  
partem.

Si quid enim sanctum non otia pigra retardant,

Ut sit, ut immoto pelluceat ordine rerum,

Quem piget amissi, culpa grassante, laborem

Fœderis? Omnipotens Author, qui cuncta creavit,

Ut

Ut faceret, mundo latè majora creato  
 Perficit usque modo; sed cum priùs extima visu <sup>a</sup>  
 Cuderit, arcanâ posthæc virtute beatâ  
 Pacis agit requiem, requiem, quam mente supremâ  
 Spiritus intus agit, plenam molimine laudum.

Has imitata virûm felicia germina formas  
 Pervigili poterant ævum traducere cultu,  
 Si custoditis blandæ dulcedinis hortis  
 Staret honos patrius; sed postquam decidit heros  
 Terrigenum vetito fatalis originis esu,  
 Quam paucis remeare gradûs ad gaudia cessum!  
 Hoc opus, hic labor est: pravas avertite curas,  
 Illustres animæ, curas removete profanas;  
 Sacra dies agitur; vili consistere circo,  
 Mechanicûm servire, nefas; quid curia lites  
 Evomit, & strepitu repetit decocta forensi  
 Nomina? quid ludos aperit, quid alipta palæstras,  
 Et plaudit mimos populi clamore theatrum?  
 Quid mensas onerat mutati Collybus æris:  
 Et rotat emporiis nummos mercator apertis?  
 „Luce sacrâ requiescat humus, requiescat arator:  
 Nullus in urbe labor, nullæ per compita turbæ;  
 Mente laborandum; Fabrilis claudite, Cives,  
 Ostia; sollicitos animi prohibete tumultus.  
 Huc operæ pretium; non per spatiosa viarum  
 Ducimur: Arcta via est, qua vita perennis, amænæ <sup>b</sup>  
 Vita voluptatis despondet in otia sanctum  
 Numinis officium; sapientia prima putetur  
 Nosse Deum, quem nosse Fides plus profit amanti,  
 Quam contemplanti ratio; ratione movetur  
 In sua mens Hominum: Fidei caligine supra

Se

<sup>a</sup> Jo. 5. 17. *Pater meus usque modo operatur, & Ego operor.*

<sup>b</sup> Matt. 7. 13. *Lata porta, & spatiosa via est; quæ ducit ad perditionem. num. 14. Arcta via est, quæ ducit ad vitam.*

Se fertur, non in sua ; motu deficiens est  
 Principium natura sui ; sed luce supernâ  
 Mota fit efficiens ; quæ nam sua dixeris esse,  
 Cum nihil ex propriis habeat ? mendacia, fraudes,  
 Pauperies, errata suum duxere tributum.

Innixa ratione Sophi novere Tonantem ; <sup>a</sup>  
 Qualibus ah tenebris hos ignorantia vinxit !  
 Qualibus ah vitiis distraxit opinio sensûs !  
 Caligant in sole, suo se quilibet ausu  
 Dejecit ; ex utero errantes sunt falsa locuti . <sup>b</sup>  
 Tutius ergo Deum Fidei devotio monstrat :  
 Obsequiumque gerens ratio conceptibus altis  
 Muneris Ætherii ; quod non excogitat in se  
 Nec capit extra se ; reperit divinitus indi,  
 Cælitus infundi . Ratione silente voluntas  
 A Deo habet, quod habet ; gratisq ; quod accipit, intus  
 Cur tenet ingratis ? quare piger opprimit error ?  
 In desideriis animæ divina refulgent  
 Lumina ; notitiam summæ Deitatis adaugent  
 Vota, preces, humili suspiria corde, fidelis  
 Religio, Fideique frequens meditatio puræ .  
 Quippe quiescendi supremus terminus est pax  
 Exuperans omnes sensus ; acquirere pacem,  
 Sabbata quam signant, sex est illustre dierum  
 Hoc facinus ; primo cælum, terramque creavit  
 Omnipotens ? animæ corpus terrestre subegit .  
 Luce diem compsit ? Fidei te lumine donat,  
 Et Lux in tenebris lucet ; divisit aquarum  
 Congeriem, firmasque Dies tenet alter Abyssos ?  
 Divide confusum culpâ chaos, erige mentem ,  
 Carnis onus submitte ; spei te robore firma :  
 Spes non confundit, menti cum dia superfit

Gra-

<sup>a</sup> Rom. I. 21.<sup>b</sup> Psal. 57. 4.



Gratia, nec desint imæ sua femina parti.  
 Tertia collectis undis lux æquora pandit?  
 Collige tu vires, fluidosque cupidinis æstus  
 Uno coge loco; fœdus coalescit in unum  
 Castus amor, virides ut germinet arida plantas,  
 Et caro fœcundis animæ virtutibus halet.  
 Alta diem cœlis ornarunt sydera quartum?  
 Evigila, ut mentem meliora charismata lustrent.  
 Quinta dies ab aquis pisces deduxit, avesque?  
 Piscibus ecce fides, avibus spes emicat ipsis,  
 Et sociale genus sextæ conferre Diei  
 Symbola, concordis fructum lætatur amoris;  
 Usque adeo labor in requiem, qua septimus instat  
 Posse frui, festumque diem celebrare perennem!

Nunc age, si cupias, requiem virtutis adeptus,  
 Solemnem celebrare diem, non Orgia Bacchi,  
 Non Cybeles insana feres crepitacula Matris  
 Non Hecatombæo libata piacula saltu.  
 Non te Circenses ludi, non atra Cotytto  
 Delectent, neque Olympiaco te pulvere fœdes.  
 Sperne voluptates carnis, mundique nefastos  
 Oderis esse dies, tranquillâ pace carentes.  
 Festa dies mundi, mundæ est infesta quieti.

Nam Deus est animæ centrum, Deus orbita mentis;  
 Hic, & ubique manens, & nullibi, ubique moratur,  
 Hic ubi non fueris; transcendere per omnia sensus,  
 Est Fidei gradus, hæc oculis vidisse creatis,  
 Percepisse quod est à Numine, quod nihil à se  
 Constitit: En cœlum, terramque creavit, & undas,  
 Et tenebris obducta suis, nisi luce revelet  
 Spiritus almus, adhuc nobis ignota jacerent.  
 Lux autem per se nobis manifesta revelat  
 Omnia. Quanta Deus Lux est, qui luce creatâ  
 Monstrat opus tantum? Lux est super omnia lucens;  
 Luce vide rerum divinæ lucis abyssum.

Quid

Quid cœli, quid terra, quid est mare, totaque mundi  
 Machina, quid mentes? magnum quid: sed tamen ipsis  
 Majus mente capit, plures qui cogitat orbes,  
 Qui magis insignes cœlos, terrasque creatis  
 Cogitat & mentes; at si procefferit ultra,  
 Attigeritque Deum; Deus, ah Deus omnia; circum  
 Sunt nihil hæc, & plura, nihil sunt omnia præ Te;  
 Nulli plus ultra datur attentare supremo  
 Limite; Meta quies est ultima; cætera præcep-  
 Transitus expungit; mediis mora nulla cohæret.  
 Indignum, statione capi, ceu corpora, mentem;  
 Amentem mentem, primâ quæ mente resistit  
 Esse velut centro, cum nullibi sistere possit,  
 Cum non in te sit, quæ a se non est, neque per se.

Propterea sapientis erit, pro lumine summæ  
 Majestatis & hoc de se penetrare secundum,  
 Notitiamque sui studio limare frequenti.  
 Cerne quid es; fueras aliquid fortasse priusquam  
 Te tua conciperet Mater, Deus ipse crearet  
 Ex nihilo mentem? pariter nisi te regat, ut sis,  
 Continuata Dei miseratio; subtrahat instans,  
 Quæ suffragatur miseris præsentia rebus,  
 Numinis auxilium, quò protinus impos abibis?  
 Quicquid es, alterius cum sis, certè tibi non es;  
 Ex nihilo cum sis, ex te quoque tu nihil hoc es. <sup>a</sup>  
 In nihilum de se, cum possit abire, necesse est  
 Esse nihil; nihiloque minùs natura retraxit  
 Crimine; nam crimen cum sit defectio vergens  
 A summâ bonitate per immensam Catacrefim  
 In barathrum, puteumq; mali, limumq; profundum; <sup>b</sup>  
 Ille

---

<sup>a</sup> Galat. 6. 3. Si quis existimat se aliquid esse, cum nihil sit, ipse se seducit.

<sup>b</sup> Psal. 68. 3. Infixus sum in limo profundi; & non est substantia.

Ille per Antithesin sensûs, mentisque recessus  
Terminat in nihilum; non est substantia; quanto  
Debilior casus, tanto semotiùs a re  
Præcipitas, & te reperis ex te nihil esse;  
Nec datur à nihilo pro libertate regressus.

Hæc meditare diu, praxi scrutare virili,  
Collecto sentire sinu connitere, vires  
Concessas impende: datum tibi desuper hoc est,  
Posse tuum sentire nihil sine sensibus, ipsum  
Velle tenere morâ; conatu mentis inire:  
Visceribus totis ipsos compellere sensûs,  
Ut se conforment menti, quæ talia novit;  
Nidus avi proprius; Pullos ubi parturit, illic  
Et tranquilla fovet. Sed adhuc tibi longa supersit  
Semita; nam positis (fas est ita dicere) binis  
Extremis, medium distantibus infinitum,  
Cognitione Dei, qua sursum niteris usque,  
Cognitione tui, qua niteris usque deorsum,  
Nonne gigantæo properes excurrere passu  
Hoc intervallum, quò fessâ mente quiescas?  
Et tamen ò felix mentis labor! abstrahe mentem,  
Mente Deum summum signa; te mente resigna,  
Et quod habes ab eo, cohibe, ne limitis usum  
Transiliat; Deus ipse docet, dum non tibi juris  
Divini usurpas, tanquam tua, pignora; donat,  
Et tua nempe facit, quæ non tua sunt, Deus ipse,  
Quæque jubet, dat velle, & posse, & perficere, ut sint. <sup>a</sup>  
Est Deus in nobis, & in ipso vita movetur, <sup>b</sup>  
Et fumus: hoc medium posuit quid, & inter abyssum  
Præcellæ Deitatis, & è regione tuæmet

De-

---

<sup>a</sup> Philip. 2. 13. *Deus est enim qui operatur in vobis, & velle, & perficere pro bona voluntate.*

<sup>b</sup> Act. 17. 28. *In ipso enim vivimus, & movemur, & sumus.*

## 224 JO. CHRYSOSTOMI A S. PAULO

Debilitatis, qua in nihilum natura dehiscit .

Cum verò sceleris casu dilapsa referri  
Principio nequeat, cui debebatur, honorem  
Dedignata suum : medium Deus ipse potenti  
Robore concessit Christum, qui dissita longo  
Culpæ dissidio conjungeret ima supremis .  
Quippe lues culpæ de se lethaliter ut cum  
Destruat omne bonum, quisnam reparare profundum  
Criminis exitium poterat ? nisi dextera summæ  
Virtutis<sup>a</sup> plus est operis, quam condere mundum ,  
Tollere peccatum : quia plus à Numine distat  
Hoc nihilum sceleris, quo pugnat iniqua voluntas,  
Quam nihilum rerum, quo non vis ægra resistit.  
Si Deus offensus culpâ non destitit esse  
Nequitia peccantis, idest, quia maxima virtus  
Est illi, cui non intentio prava propinquat ;  
Sed scelus intentat petulantia pessima summum .  
Si Deus offensus culpâ ; Deus ipse reponat  
Dedecori decus, assumpta qui carne labantem  
Naturam relevet . Prodest hæc tertia lapsis  
Notio, qua vitæ Medicum, verique Magistrum  
Tramitis ad requiem pietas immensâ revelat .

Huc ades o Animæ deformis imago, Redemptor  
Te petit, ut repetant in te sua munera formam ;  
Huc ades, hoc unum scitu memorabile Verbum  
Christus Homo, Christus Deus, exemplaria rerum  
Protulit, & retulit : videas humana ferentem  
Stigmata peccati quanto se pondere lasset ;  
Fert humeris onus immensum puerilibus insons ,  
Quaque Deus virtute latet servilia monstrat  
Munia ; pura caro cælestis Hypostasis uno<sup>a</sup>  
Supposito suffulta, gerit simulacra reorum ;  
Quid reus immenso Christi patientis amori

Gra-

---

<sup>a</sup> Pura, idest innocens, & sine peccato.

Gratiùs appendat? capiti consentiat aptum  
 Corpus, & apprimè velit ejus morte renasci.  
 Quicquid ab ipsius promanat amore, vicissim  
 Noveris ex ipso totum, sed protinus usu,  
 Quem dedit esse tuum, fidei constantia vertat  
 In censum probitatis. Agas velut omnia dono  
 Cessa tibi faveant, sed non tua noveris esse;  
 Notitiam veræ discernat originis actus,  
 Ut cum, quæ fieri debent, perfeceris omni  
 Conatu, dicas, sum servus inutilis, & quæ <sup>a</sup>  
 Juris oportebant fieri, non sunt mea, non sum,  
 Non feci; nihil est in me; Deus omnia fecit,  
 Omnia Christus; honor sit, & ipsi gloria soli.  
 Quandoquidem natura Dei est, & gratia Christi.  
 Ut sis & facias, sine quo nil possumus omnes,  
 Nil sumus ex nobis, & possumus omnia secum.  
 Ergo quid elato, mendax homo, corde superbis?  
 Respice Prototypon summo de vertice missum,  
 Majestate latens humilem spirare figuram,  
 Et tibi dum profert specimen conforme trahendo;  
 Ne renuas aptare sibi te; subdere mentem,  
 Subdere corporeos artus, clavoque trabali  
 Figere; supplicium culpæ, quod cernis in ipso  
 Desævire, tibi deberi cædito; sed non  
 Est satis ad meritum, minor es, quam ferre valeres.  
 Quapropter complere potes pro Corpore Christi <sup>b</sup>  
 Quæ desunt in carne tua, nectique redemptis,  
 Et fieri similis toti pars. Indue Christum <sup>c</sup>

P

In-

<sup>a</sup> Luc. 17. 10. Cum feceritis omnia, quæ præcepta sunt vobis, dicite; servi inutiles sumus, quod debuimus facere, fecimus.

<sup>b</sup> Colof. 1. 24. Adimpleo ea, quæ desunt passionum Christi in carne mea, pro corpore ejus, quod est Ecclesia.

<sup>c</sup> Rom. 13. 14. Induimini Dominum Jesum Christum.  
 Eph. 4. 24. & 6. 11. 14., Colof. 3. 10. 12.

Indue virtutes, ut sis in corpore tanto  
 Consona pars Capiti; Corpus nam dedecet esse  
 Juncturis disforme, quod est Ecclesia Christi.  
 Idcirco membrum toti parere paratum  
 Dira pati, gaudere probris, sufferre libenter  
 Omnia perdiscat, consperisque sanguine Jesu  
 Vestimenta gerens rigidæ Crucis hostia fiat.  
 O fortunatæ mortis vitale sepulcrum!  
 Quo requiescit amor, quo vita resurgit amantis,  
 Et trahit electos in festa perennia, quonam  
 Te celebrem studio? Tu me Sapientia comes  
 Oro, Timore Dei, Pietate, Scientia, & alto  
 Robore, Consiliis, Intellectuque profundo,  
 Justitia, donoque Spei, Fideique; nitescat  
 Simplicitas animi, vitæ frugalis honestas,  
 Mundities operum, mentis constantia, morum  
 Religio, rerum dimissa licentia, linguæ  
 Cultus inoffensus, mundi contemptus, honoris  
 Nulla sitis, perfecta mei victoria; sanctum  
 Corde meo Christus TRIADIS transcribat Amorem.  
 Hic Amor unus, Amor divinus in omnia compos  
 Igne sacro mentem pervadat, viscera flammæ,  
 Irradiet sensûs, atque ossa medullitûs urat.

Si Bonitas est summa Deus, quò tendimus omnes,  
 Si medium Christus, per quem contendimus illò;  
 Nos autem divina trahit Clementia sursum;  
 Nos sumus in motu superæ virtutis ab imo  
 Naturæ lapsæ ad supremum culmen amoris,  
 Quem summæ Bonitatis opes fulgoribus augment.  
 Sed via longa nimis, nunquam statione perenni,  
 Donec iter nostræ definiat ultima vitæ  
 Meta, moram ducit; requies brevis ilicet ægris  
 Hospitibus graviora parat certamina; bellum  
 Majus inire docet, partisque quiescere palmis.  
 Vix etenim quis constituit bene vivere Christo,

Cum

Cum malus irrumpit Dæmon, & mille nocendi  
Comparat insidias, mundum rutilantibus armis  
Instruit; illecebris carnem desletere tentat.

O quid agis Christi miles? quid fabula vulgi  
Ferris, & assuetum vitæ novitate relinquis  
Ingenium? misereere tui, misereere tuorum;  
Certius est uti specie præsentis, & usu  
Liberiore frui, dubio quam fine futuri  
Spem differre bonis. Quanti stetit exitus anceps  
Devotis in fata malæ crucis? ecce beatos  
Et brevis hora facit; nam de Cruce Latro, memento  
Christe mei, clamat: nec tædia longa salutem  
Protelant: hodie tibi vive; perendinus ortus  
Solis erit patiens, ut crastina pœna remittat  
Menda juventutis: nunc æmula gloria fastis  
Majorum invidet; nec contemnendus avorum  
More tenor vitæ, parium quam turba frequentat.  
Nunc est ludendum; nunc est pede libera tellus  
Concutienda levi; curas eliminet ætas,  
Cum licet irasci, cum non vindicta furorem  
Dedecoris culpat; lautè bibe, vescere, dormi,  
Pars animæ viventis id est, neque paupere censu  
Mendicare Dies: tanti sis, quantus honori  
Splendor erit famæ: tua sunt hæc; vita, voluptas,  
Gloria, commoditas: reliquum concede senectæ;  
Nam feretro. Cujus voces hæc? murmura Læræ,  
Sibila serpentis. Fuge, mi dilecte, venenum,  
Spirat hydrus: mellita nihil te verba morentur:  
Sancta fides operi vivo vacat, obserat aures  
Eloquiis, oculos fucis, sensusque vapor  
Tartareo, mentemque movet meliore silentem  
Discurfu: meditare Deum, quo fine crearit  
Immortalem animam; quod præterit, usus, in unum  
Dirige principium; nec te fastidia pugna  
Discrucient; præclara tui certaminis est spes,

Posse impugnari, vinci non posse; volentem  
 Turpe nimis vinci. Patientia longa triumphum  
 Consequitur; quid mente cadis, quid corde fatiscis?  
 „ Tu ne cede malis, sed contra ardentior ito,  
 Quæ tua te divina juvat præsentia; pro te  
 Militat ipse Deus: non es tibi solus in hostes,  
 Quos debellatos Christi victoria monstrat  
 Calce triumphandos. Ora: Pater abditus adstat,  
 Filius attendit, sanctus quoque Spiritus ungit  
 Chrismate virtutum mentem; bonus Angelus instat,  
 Et superos conferre manus tibi crede vocatos.

Omnia vincit amor, quo vincit & omnia Christus,  
 Christus amor noster; nostri via Christus amoris,  
 Quæ rectâ gradimur, cum sabbata culta quiescunt.  
 Nam dolor ex odio culpæ conceptus, ut infra  
 Viscera se condit, læsumque recogitat ultrò  
 Numen inaccessum, Majestatemque supremam;  
 Conterit, eduræ mentis præcordia, nisu  
 Dimovet opposito, tetrumque cupidinis ignem  
 Extinguit lacrymis; odium immortale malorum  
 Inchoat omne bonum, primamque dolore favillam  
 Elicit, & tenero lumen succedit amanti.  
 Inde autem succrescit amor sacer, inde profanus  
 Solvitur & quanto ferventiùs ille calefcit,  
 Tanto debiliùs mundi, carnisque libido  
 Præpedit ascensum, donec quasi mortua mentem  
 Corpore divisam linquat super Æthera ferri.

Huc ut pervenias, nullis terreberè pœnis;  
 Nulla tibi mortis species invisâ putetur.  
 Nonne necesse pati, quos vita doloribus angit;  
 Nonne necesse mori, quos nex abrodit ab ortu?  
 Invitum te fata trahunt: quid velle recusâs  
 Cum merito, quod nolle nocet & nolisque, velisque,  
 Te sequitur dolor, & lethum: post fata sequatur  
 Certa quies operum, merces indicta laborum.



Bajulus ergo Crucis, patiens imitare Magistrum  
 Cœlo dilapsus, Pietas quem summa redegit  
 Pauperie, probris, plagis, cruce, morte, sepulcro,  
 Divitias, decus, illecebras, & gaudia vitæ  
 Consummare brevis; quo te non cogat amati  
 Cura beata boni, si sæpe quieveris ipsâ?

Sic facer annus eat, dum septima vertitur ætas,  
 Dum labor in requie, requiesque labore cohæret.  
 Dñi movet hebdomadas vaga Cynthia mēse quaternas,  
 Nec dum perfectō solis consortia cursu  
 Consequitur; majoris adhuc solemnia pacis  
 Sunt celebranda viris, donec lux auferat umbras;  
 Donec in octavam divina silentia lucem  
 Evacuent ex parte quod est, totumque serenent. <sup>a</sup>

Quippe nihil certi victoria nostra triumphat;  
 At quamquam ratio vincendi tota supernè  
 Diffuat; omne tamen nobis onus ingruit, ut si  
 Tota foret ratio vincendi nostra; quod est in  
 Munera concessum, hoc in præmia proficit usu.

Sunt interruptis hæc exercenda periculis,  
 Quò non pœniteat, vitæ dum pœnitet actæ;  
 Ac valido mœrore mali suspiria plangant  
 Pectus: Ohe nunquam satis est, vel læseris unâ  
 Perminimâ culpâ Numen: jejunia festis,  
 Et vigiles noctes præeunt; majoraque luctu  
 Gaudia proveniunt: quod si semel unxeris Agni  
 Sanguine Niliacos postes, & limina; surge,  
 Transitus est Domini; fiat tibi Pascha salutis <sup>b</sup>  
 Mensa viatorum: duplici velamine Christus  
 Ipse latet; specie panis, velut hostia fuso  
 Sanguine cæsa latet, Corpus non Sanguinis expers;

P 3

Et

<sup>a</sup> 1. Cor. 13. 10. Cum autem veneris, quod perfectum est,  
 evacuabitur, quod ex parte est.

<sup>b</sup> Exod. 12. Est enim Phase, idest Transitus Domini &c.

Et specie vini Sanguis, velut hostia secto  
 Corpore fusa latet, qui non est corporis expers;  
 Vivit enim Christus specie sub utrâque, sed Agnum  
 Ostentant velut occisum mysteria, totum  
 In toto, partes in partibus; integra res est  
 Sub quavis specie; speciei fractio nunquam  
 Integritate caret; nunquam locus alter & alter  
 Multiplicat Corpus; divina potentia quo se  
 Non ferat in magnis rebus, minimisque figuris,  
 Transitus ut Domini magnum manifestet amorem?

O amor, ò vitæ requies, & meta beatæ,  
 Cor petit ecce meum, caro te mea jugiter ardet;  
 Esurit, atque sitit; nullo me nectare major  
 Esca trahit, major nullo me potus opimo;  
 Potus & Esca simul, qui non corrumpitur esu;  
 Viva Caro, Sanguis vivus, Caro Sanguine, Sanguis  
 Carne viget, Daps in Potu viget, in Dape Potus;  
 Sed tamen hac specie bibitur, non manditur, illâ  
 Manditur haud bibitur; Cyathus sunt, atque paropis  
 Potus, & Esca, sed hoc non sunt, quod Corpus Jesu,  
 Corporis exuvia, latæ sacra symbola mortis.  
 Namque quod apparet, designat imagine Christum  
 Esse Cibum, Potumque animæ, qui nutrit abundè  
 Corpore vivificans, & Sanguine; seque latenter  
 Sub speciebus habet Panis, Vinique relictis  
 Dividuis, Corpusque suum mortale figurat,  
 Ut refricet nobis quales assumpta dolores  
 Pertulerit natura Viri; sed quod latet, olim  
 Subjectum pœnis, nunc immortale, potestas  
 Notificat Deitatis inenarrabile donum,  
 Quò genus humanum fruitur, si quando feratur  
 In Christum, nihilumque sui permanferit in se.

Sic igitur Divina foris, intusque reformet  
 Gratia me, refecet prava ex pectore motus,  
 Corporeamque animæ subdat pax aurea molem,

Atque

Atque animam fidel. Tunc ah desiderat unum  
 Te bone Christe, Dei Fili, Deus, atque Redemptor  
 Humani generis, mea te desiderat Aura.  
 Quid moror ? accedam ; Bonitas velata morantem  
 Non patitur ; suadent animo delicta recessum :  
 Et tamen hùc urget duris in rebus egestas.  
 Accessi miser, & patulo timor ore vocantem  
 Excipit, ac tremulo dilatat corde latebras.  
 Obticui ; nec enim pro Majestate loquentis  
 Fas erat effari . Nunc ò Deus abdite, Verbum  
 Carne salutari vinctum ; Caro Sanguine pollens  
 Laberis in mentem, divino Numine replet  
 Viscera te toto, transfers figmenta creati  
 Stipitis, & renovas in te translata : fit unum  
 Corpus amicitia ; fit Spiritus unus in ipso,  
 Quo requiescat amans in idipsum, & pace fruatur .

Usque adeo Paschale decus dabit Azima raptim,  
 Donec ab Ægypto tristes exterminet hostes  
 Angelus, & tuto sacras pertranseat ædes .  
 At novus expectat secreta per invia cultus,  
 Et labor indigetes : fruges offerre novellas •  
 Expedit : Ætheriâ demissus ab arce pia vit  
 Spiritus Hebdomadas septem, donisque repletas  
 Sollicitat mentes ; Terras properavit in omnes  
 Spiritus alta tonans, sonituque calente reducit  
 Messis Apostolicæ speciosa novalia : tantum  
 Terra ferat, patiens humili Divina culullo !  
 Nempe quies, & motus agunt ut cuncta sub astris,  
 Irrequieta quies ut sit, motusque quietus ;  
 Non secus illapsu Numen scrutatur amantem,  
 Quem neque pax hebetat, neque motus agone fatigat ;  
 Et sapiens mentem custodit in omnibus æquam .

P 4

Juge

Juge tamen festum solemnia nostra frequenter  
 Aspirare velint, non impetrare litatum;  
 Nam nobis septena per intervalla recurrunt  
 Mensium, & annorum, veterem signantia normam,  
 In Testamentum Legis novitate reclusum.  
 Ut verò semel obducet censura lituram  
 Chirographo mortis, maneat in Numine, vivas <sup>a</sup>  
 In Domino, reliquis defunctus rebus; Amoris  
 Hoc opus, & Fidei summum: cum senseris in te  
 Jugiter esse Deum, sensusque occluseris omnes,  
 Ut Deus, & tu sis unum, spiresque vicissim  
 Divinæ Bonitatis opes ex fonte receptas.  
 Tunc oculo, tunc aure Deum, tunc ore sapis, cum  
 Mente trahis sursum sensus; circumspicis, audis,  
 Delibas, quod mente tenes; sonat omnia Numen,  
 Numen agit, Numen supereminet omnia circum.  
 Simplicitate subes, veluti si candeat igni  
 Ferrea massa; nihil ferri videatur, & omnem  
 Virtutem attribuas flammæ: Deus omnia circum  
 Est, operatur, in ipso animæ natura filescens  
 Effertur latè supra se: vividus ignis  
 Omnia consumens Deus innovat omnia; cælum  
 Ecce novum, terramque novam, rerumque novarum  
 Principium, finemque beatum. Absorta modorum  
 Nescia mens, primæ rapitur caligine Mentis,  
 Et secus infusis intelligit omnia formis.  
 Protinus his autem mendacia nostra videmus,  
 Qualiter abstractis contemplabamur amictum  
 Lumen imaginibus, quod jam velamine moto

Pu-

<sup>a</sup> Joan. 16. & 15. Idem 17.

<sup>b</sup> 1. Cor 2. 9. *Oculus non vidit, nec auris audivit, nec in cor Hominis ascendit, quæ præparavit Deus iis, qui diligunt illum.*

Purius excipitur. Lumen de lumine pandit  
 Gloria: non oculus vidit, non audiit auris  
 Non Hominis concepit iners penetrabile paratos  
 Æternæ pacis thesauros. Abstrahē sensūs,  
 Abstrahē conceptūs, dedisce vocabula rerum;  
 Intuitu potloſe Deus tibi ſuggerit in ſe  
 Cuncta; quid impediunt ergaſtula carnis amantem?  
 Amentem me reddat amor, me barbara tellus  
 Rideat extorrem, quia non intelligar ulli.

Quem Deus aſſumpſit, quem circumſepſit, & infra  
 Se penitus vertit, ſecum quodammodo ceſſit  
 Divinum fieri; divinâ ſorte potiri;  
 Secum intelligere, & ſecum ſe velle; beatè  
 Vivere, pace frui. Non eſt Deus alter in uno  
 Numine: ſit gratis illi commune, quod uni  
 Debetur; Fari liceat: notat omnia Verbum  
 Univocum ſine voce, quod inſecti neque poſſit.  
 Quod ſemel ut loquitur Deus, hoc ipſi loquitur mens  
 Juncta Deo, ſemperque ſemel dixiſſe ſatiſcit,  
 Inque uno gratis intelligit omnia Verbo.

Ipfum intelligere eſt vitæ puriſſimus actus,  
 Ipſaque Vita Deus, qui vult Animæ ſibi junctæ  
 Hæc eadem, quæ ſunt unum, verumque neceſſum eſt  
 Sic intelligi, ut eſt; & conformata potenti  
 Luminis attractu ratio vitale receptat  
 Incorrumpibilis fontis ſpiramen in ævum.  
 Hic immobilitas ſummâ virtute capeſſit  
 Mobilium vultus, mutabilemque medullas;  
 Immenſumque Dei ſcintilla reciprocatur ignem,  
 Et quos inverſo perceperat ordine, recto  
 Transformata capit radios, & capta remittit.  
 Hic novitas æterna nihil novitatis in ipſo  
 Fonte refert, in vaſe refert nova cantica laudum;  
 Nec piget antiquæ lucis, quæ continet omnes

Rerum

Rerum notitias, vitæ præstantis origo. <sup>a</sup>  
 Aut sint, aut fuerint, aut sint virtute futuræ  
 Aut fieri possint, radio lux omnia monstrat,  
 Illa voluntatis libito sic esse, velut sunt;  
 Illa potestatis metâ sic posse cieri.

Huc aciem veritas; hîc est sapientia, finem  
 Pertingens à fine: genus mendacia nullo  
 Fingit adulterio; neque enim confusa sub uno  
 Plurima conceptu fiunt abstracta; videndi  
 Singula designant propriæ discrimen abollæ,  
 Quâ sibi convenient, quâ se distinguere possint,  
 Quâ sint hoc unum: fert omnia visio menti.  
 Non individuûm species ignara suorum,  
 Indefinitâ fallit sub imagine sensum,  
 Conceptumve rei; cunctos, quos prima Voluntas  
 Decreuit fieri, foetus discernit, in ipsis  
 Ultima dividuæ fortis discrimina, plenum  
 Suppositum vicibus, quodcumque relatio, motus,  
 Et locus, & tempus circumstant, paret amissim.

Hîc mensura notat, quid differat istud ab illo,  
 Quid proprii referant, & quid commune, quid in re  
 Mens humana novum, quod non est, esse laboret;  
 Et quibus ingenii transcendat viribus, ut plus,  
 Quam sit opus, sapiat. Mundi sapientia latè  
 Stultitiam redolet, fatuum sonat: Hæccine fumus,  
 Et strepitus peperit buccis instantibus Euros?  
 Futiliter scimus quicquid cognoscimus extra  
 Numen, & appetimus, quod non amat ipse Creator,  
 Diligimus figmenta boni, bona spernimus ipsa,  
 Dumque laboramus mentis conamine Verum  
 Discere, desipimus, quoties nolumus amori  
 Divino navare operam, Veroque manenti

Sta-

---

<sup>a</sup> JOAN. I. *Quod factum est, in ipso Vita erat.*

Stare voluntatem . Requies operosa coerces  
 Instabiles motûs, & mente perennia lustrat ,  
 Donec inoffenso divina charismata tractu  
 Spiritus eructans, quo se Deus afflat, agatur . \*

### *Prædictorum Compendium :*

SI compendiolo totum petis, ANNIBAL, orbem,  
 Hic habeas . Deus ante Dies est Unus, & in se  
 Trinus, & Omnipotens : quicquid vult esse, creavit  
 Ex nihilo ; qualem, & quantum vult, Mundus ab ipso  
 Cœpit, & hunc unum, qui continet omnia, servat .  
 Condidit in mundo Mentem, & Corpora : Mentem  
 Mole carent ; præsumt rebus, vitæque fruuntur  
 Intellectivâ ; Stygias proclive malorum  
 In chaos obdurat rabies insensa catervas .  
 Corpora continuis constant ex partibus, omnes  
 Mensa locos mundi, quamquam sint cædua quædam,  
 Difficili quædam tractu stringentia partes ,  
 Hæc Elementa voces, speciem quæ cædua servant,  
 Et non ex alia miscent farragine corpus,  
 Æthera Stellarum fluidum, flammamque nitentem ,  
 Aëra, cœlestes Latices, Pelagusque profundum ,  
 Virgineumque solum : speciem, quæ cædua mutant,  
 Mista voces, perfecta quidem, si protinus omnem  
 Commutant speciem ; dant imperfecta regressum  
 In sua principia, & facili se sœnore mutant ,  
 Ut vapor in pluvias, exhalans fumus in ignes ,  
 Et glacies in aquam . Monstrat mutabile corpus  
 Materiam primam, & Formam ; quia motus agentis

Est

---

\* Quicumque enim Spiritu Dei aguntur, ii sunt Filii  
 Dei . Rom.8. 14.

Est in subiecto motum patiente . Resistens  
 Materies actu formata, fit altera primum  
 Contingenter, eo dum qualia cuncta recedunt,  
 Et nova consurgunt motu, quæ format ab una  
 Compositum specie . Virtus activa movendæ,  
 Mutandæque rei, quæ sit mutabilis actu;  
 A Generante venit: Generans instructus ab omni  
 Concurso causæ primæ, causæque secundæ,  
 Instrumentali naturæ, aut artis amictu  
 Præditus, unus erit, totumque vocabis habentem  
 Singula, supposito quæ sunt tribuenda creato.  
 Sic Deus instituit totum totaliter à se  
 Dependere quod est, quod non sine se valet esse  
 Causa vel effectus; Causas juvat insuper omnes,  
 Harumque effectus fieri; neque præpedit actus,  
 Influxusque suum juxta genus . Omnia Cælum,  
 Omnia Stellarum motus movet, omnia virtus  
 Assistens; Elementorum concursus agenti  
 Proderit univoco, tribuens sementibus escam.  
 Est sua seminio virtus, depascere quicquid  
 Appetit, & pastum propriis invertere formis,  
 Unde fit à simili per congrua pabula trunco  
 Perfectæ genitura rei, totumque minutis  
 Particulis constat, vinctisque ligamine formæ  
 Per se subsistit: nam radicaliter omnes  
 Una vices, ut origo, suas substantia primò  
 Substinet, atque suos latè dimanat in actus;  
 Quà finita manet, quà materialis, & impos,  
 Deficit, & patitur, recipit conamina motûs,  
 Dividitur sufferre minor, corrumpitur, ultrò,  
 Deformata caret spoliis potioribus, & quod  
 Restat, habet proclive novam deducere formam,  
 Si tali virtute movens communicet illam;  
 Sin minus; ad simplex redeat natura elementum .

Qua



Quà verò formata viget, quà nobilis illam  
Endelechia movet, cunctos propendet in actûs  
Non sibi luctantes. Ad perfectissima corpus  
Aspirat formæ consortia; sensibus omnem  
Pandit Energiam; quam si divinitus abdat,  
Æternæ specimen de se rationis habebit,  
Atque loco, motuque carens, & tempore, nobis  
Posset Energix solas ostendere vires.  
Namque volente Deo, rerum processus ad extra  
Hoc sapit æternum, quod semper in intellectu  
Divino fuerit ratio quandoque manendi  
Taliter, & possint imitari facta Creantem  
Multiplici ductu, parere creanda volenti.  
Hoc igitur quod sunt, contingit habere, quod effert  
Naturæ propriæ limes, defectio, rerum  
Singula conditio, tum providus ordo volentis'.  
Hoc autem quid sunt, à prima Mente necesse est  
Invariabiliter totum manare, Deique  
Perpetuis imitabilitatibus exæquari,  
Principiisque suis mentaliter omnia cogi.  
Nam Mens divina est radix, qua vera sequuntur  
Omnia: ne desint, Causa est divina Voluntas.  
Hinc igitur finem naturæ circulus illum,  
Qui sua principio referat, vestigat haberi;  
Cumque Deus sit tale movens immobile, finem  
Omnia suspirant illum, quo denique, quantum  
Congruit, & fieri possunt perfecta, quiescant.  
Et quia mobilium, mentem in suprema trahendam  
Solutus Homo gerit, & reliquum famulatur eidem,  
Cum fuerit perfectus Homo potiore superni  
Numinis intuitu, donisque refertus amœnis  
Corporis, ecce novum cœlum, nova terra patefcet.  
Ac virtute Dei fient hæc consona Sanctis,  
Qualia demonstrent, mundi quid præterit, & quid  
Lege

238      **JO. CHRYSOSTOMI A S. PAULO.**  
 Lege Dei plenâ possit subsistere semper.  
 Lux erit immotis cœlis, & ubique refulgens;  
 Ignis ubique patens, innoxius; Astra decoris  
 Firma locis; Æther immobilis; Aëra sudum  
 Nullus Aquæ motus quatiet: sine germine tellus  
 Clara velut Sydus stabit: tellure sub imâ  
 Desperata lues tenebris cogetur, & igni.  
 Quicquid ab extremis nascis clarescere metis,  
 Quanta sit in rebus divina Potentia, pandit.

*F I N I S.*







